華八嚴土

唐于闐國三藏沙門實叉難陀譯

佛陀教育基金會 印贈

奉 管 存 必 自 佛 避 勸 見 誠 可 須 性 切 凶 世 親 生 佛 , 0 0 , 得 妄 如 感 出 經 改 生 恩 生 過 面 , 0 , 當 毁 若 佛 ジ 死 遷 及 遠 謗 肆 之 善 闡 天 , 罪 作 苦 無 揚 , , 0 求 忌 則 難 佛 如 海 明 益 罪 憚 臨 遭 法 Ξ , 過 師 , 想 生 諸 世 , 離 彌 任 保 書 極 之 0 苦 意 天 淨 樂 因 0 , 得 褻 則 手 之 果 無 , 樂 瀆 苦 蓮 潔 無 不 也 令 報 邊 案 識 邦 0 0 利 及 本 無 , 0 盡 固 讀 具 趨 益 主 之 執 敬 者 0 ,

恭

錄

自

 \wedge

印

光大

師

文

鈔三

編

卷

四

:

靈

巖

山

寺

念

誦

儀

規

題

辭

唐于闐國三藏沙門實叉難陀譯

一十迴向品第二十五之五

頭 餘業捨離世間志求寂靜究竟淸淨精勤質直向一切智便執利刀割其 所行發大歡喜增上志樂於諸法中意善開解不取於苦了知苦受無相 佛 頂警可就我取我此頂髻閻浮提中最為第一作是語時心無動亂不念 無量諸菩薩等菩薩是時見乞者來心生歡喜而語之言汝今若須連膚 生諸受互起無有常住是故我應同去來今一切菩薩修行大捨發深 上連膚頂髻右膝著地合十指掌一心施與正念三世一切諸佛菩薩 子菩薩摩訶薩布施乞者連膚頂髻如寶髻王菩薩勝妙身菩薩及餘

信樂求一切智無有退轉不由他敎善知識力菩薩摩訶薩作是施時以

切 諸 衆 善 生 根 如是迴 得 紺 青 髮· 间。 金剛 所 謂 髮細 願 輭 髪 能 切衆 生得 滅衆 無 生 見頂成就 ____ 切煩 腦。 菩薩 願 如塔之髻願 切衆 生 得 潤

薩 如 結 切 澤 施 願 如 習。 衆 髮· 連膚 來 願 生 密 切 髮 得 緻 如 衆 切衆 髮不 髻 淨 生皆得. Ĥ 時 妙 一侵鬢額 無雜。 善 生得 字髮螺 根 光明 願 迴 如 向。 來無染著髮永離 文 髮. (右旋髮) 髮· 切 爲 願 令衆 衆 其光普照十方世 切衆 生 得 生 願 其 成 生 應供 切 得 心 寂 衆 柔 切暗 靜 頂 生 輭 、塔之髮 髪 盡 皆 界。 得 得圓滿 佛 願 **翳塵垢是爲菩薩** 於鬢 相髮· 令 切 其見者. 衆 諸 額 永 陀 生 離 而 得 羅 生 尼。 髮。 如 無 切 究 摩 見 亂 煩 願 佛 訶

行 如 菩 來 薩 月光 切 種 智 菩 十種 薩。 及餘 力故佛子菩薩 無 量 諸 菩 產等 摩 訶 薩· 所 以眼 行 惠 施。 布 菩 施諸來乞 薩 摩 訶 薩 耆。 布 如 施 歡

起清

淨

施眼心

起清

淨智眼

心起依

止

法

光明心

起

現

觀

無

佛

道

菩薩 諸 大菩 信心於 鑒 足。 間 示 發 愛見 願 徹 導 而常 境界無所障礙願 淨 迴 無能 向 法 摩 提 切。願 切 眼能隨順入如來境界願 隨 放 心 其乞者起歡喜攝受心爲究竟 訶 廣 順無二 衆 蔽者願 故爲修習大慈悲故爲制伏六根 逸除斷欲縛修習菩提隨彼所求心安不 薩布施眼時於其乞者心生愛樂爲設施會增長法力捨離 大智 生具 切衆生得無礙眼開廣智藏願一 慧 心發與三 足佛 一捨行以此善根 切衆生得淨天眼悉見衆生生 切 眼悉能覺悟 衆生成就清淨離癡翳眼了衆生界空無所 世菩薩平等捨施 如是迴向所謂願 切衆生得智慧眼捨離 切諸 一切神 故於如是法 法。 願 通故爲生佛眼 心發於無礙眼起不壞淨 切衆生得淨肉眼· 切衆 死業 動不違其意皆令滿 切衆生得最 法 果願 生成 而生其 就普眼 故爲 切 心佛 分別 切衆 勝眼 增廣 光 取 明

入三七)

M

聲。 功德。 得見諸 之時 固 如 施行常勤發起諸佛菩提淸淨諸根功德智慧觀察三有無一 以 布 願 身佛 無礙 是 耳鼻施諸乞者如勝行王菩薩無怨勝菩薩及餘無量諸菩薩等布施 施 切衆 施 親附乞者專心修習諸菩薩行具佛種 入大施海了達法義具修諸道依智慧行得法自在 眼 時善根 耳普聞一 佛菩薩隨順憶念一 切衆生得 子。 耳鼻時心常寂靜調伏諸根勉濟衆生險惡諸難生長 菩薩摩訶 生具 足清 迴向爲令衆生得 如來耳 切說法之音願一 薩布施耳時以諸善根如是迴向所謂願 淨 無障礙眼皆得究竟如來十力是爲菩薩 切聰達無所壅滯願 切佛法知身虛妄空無所有無所貪惜 切衆 切智淸淨眼故佛子菩薩摩 生得無障耳· 性 生如來家念諸菩薩 切衆 悉能 生得淸淨耳不 以不堅身易堅 解了一 堅固願常 切衆 切 訶 摩 切音 智慧 菩 薩能 所 訶 生 修

鼻願 訶薩 薩布施鼻時如是迴向所謂願 聞耳廣大淸淨爲諸耳王願一切衆生具足天耳及以佛耳是爲菩薩摩 無障 是爲菩薩 因耳 **令衆生究竟攝受諸佛法故爲令衆生究竟了知諸佛法故爲令衆生究** 面得清淨面得離過失面得如來圓滿面得偏一 可愛樂鼻得淨妙鼻得隨順鼻得高顯鼻得伏怨鼻得善見鼻得如來 生得偏法界耳悉知一切諸佛法音願一切衆生得無礙耳開悟一 一礙法願一 布施耳時善根迴向爲令衆生皆悉獲得淸淨耳故佛子菩薩摩訶 處生分別 切衆生得離恚怒面得一 摩訶薩布施鼻時善根迴向爲令衆生究竟得入諸佛法故爲 心願一 切衆生得無壞耳善知諸論無能壞者願一 一切衆生得無聾聵耳令蒙昧識畢竟不生願 切衆生得隆直鼻得隨好鼻得善相鼻 切法面得無障礙面得善見面得隨 切處面得無量美好 切 衆 生得普 切 切

(人三九)

大

最 恨 諸 츒 爲 故。 竟 心施。 勝 心施· 菩 能 菩 切 爲 智 得調 塔受 薩 以 薩 持 故爲令衆生究竟成就 令 菩薩 大 等。 牙 摩 衆 願 諸 佛法故 齒施 伏心善趣菩薩波羅蜜行願 心施。 信心施步步成 菩 生普 訶 人供。 薩施 薩 爾 **...諸衆生猶.** 安樂 摩 時以諸善根 悉嚴淨諸 願 耳 爲 訶 鼻時 令衆 衆 薩 切 生 施 如往昔 衆 就 牙齒時 善根迴向佛 佛 心施大施 生究竟常見諸 如是迴 無能壊 生 國 無量捨心施· 得 土故。 其心清淨 齊 華 向。 平 齒 爲 極 心故爲合衆 子菩薩摩訶 牙 所 施· 令衆 王菩薩六牙象王菩薩 調伏諸 齒。 謂 切 勝 如 火生皆得. 來故爲 衆 願一 如 希 施最勝施 佛 生 有難得如 根心施· /生皆能 相 切衆生得銛 口善清淨 訶 薩安住 令衆 好 如 輟身 無 來 大威 優曇 有 照了諸 生皆悉證 牙齒鮮 疎 切 堅 要用無 。 力身故是 白 缺。 悉捨 及餘 華。 固 佛 牙齒。 自 願 所 白 謂 得 無 所 心 在 施· 切 成 量 地 佛

無量 鮮潔 端 薩 施 願 生 明 趣 牙齒 顛 在 中 摩 牙 IE 切衆 現願一 如白蓮華文理迴旋卍字成就願一 齒 光 而 所住心常不 面 訶 師 子座以 王菩薩 ·薩若有人來從乞舌時於乞者所以慈悲心輕語愛語猶如往 時善 受 周 成就具滿四十常 (偏照耀) 生於 生時有無量百千億 切衆 根迴 無 不 牙齒間常放光明授諸菩薩第 [©]向爲令 願 濁 退轉菩薩及餘無量諸菩薩等佛子菩薩摩 患心無害心無恨心大威德心從佛種性所生 生得可憶念莊嚴牙齒 亂 切衆 心住大勢力心於身無著心於語無著 衆生具一 出種種希有妙香 生牙齒 那 由他衆生而 切智於諸法 堅利食無完粒 切衆 其 願 口清淨無 來乞舌菩薩 生 記莂是爲菩薩摩 切衆 中智慧淸淨故佛子 口 無所味著為 **層鮮淨牙齒** 可惡相。 生意善調伏牙 爾 心兩 河薩 時安置其 願 心住 潔白: 上福 膝 於諸 切衆 訶 晋 齒

(入四一)

舌隨意所用令汝所願皆得滿足菩薩爾時以諸善根如是迴向所謂 地 開 口出舌以示乞者慈心輭語而告之言我今此身普皆屬汝可 取

決定舌辯說諸法無有窮盡願一切衆生得普調伏舌善能開示一 切 皆悉眞實願一 切 世 切 間 生得 疑 生得 網願 周普舌悉能宣示諸語言法願一 輕薄舌恒受美妙清淨上 一切衆生得光明舌能放無數萬億光明願 切衆生得普覆一切佛國土舌示現諸佛自在 一味願一 切衆生得辯才舌能斷 切衆生得覆面舌所言 切 一神通願 衆 切 生得

要所有 布 切衆 施 舌 1時善根 生得善說一 言說皆令信受願 迴 向爲 切諸法門舌於言語智悉到彼岸是爲菩薩摩 令衆生皆得圓滿無礙智故佛子 切衆生得普通達舌善入一 菩薩 切語言 摩 大 訶 薩 海。 訶 以

頭 布施諸來乞者如最勝智菩薩及大丈夫迦尸國王等諸大菩薩所行

行廣 菩薩 為清淨首爲坐道場圓滿智首是爲菩薩摩訶薩布施頭時善根迴向 得 解照明佛法發菩提意安住捨心諸根悅豫功德增長生善樂欲常好修 所 具足見 證 示 布 字嚴飾 **冯第** 無見頂於一切處無能暎蔽於諸佛刹最爲上首其髮右旋光淨潤澤 生清淨信增長善根令諸乞者皆得喜足其心清淨慶悅無量 現普到十方智慧王首爲欲滿足一切諸法無能破壞自在之首佛子 施爲欲成就入一切法最勝智首爲欲成就證大菩提救衆生首。 摩 大施行菩薩 訶薩安住是法精勤修習則爲已入諸佛種性學佛行施於諸佛 世所希有具足佛首成就智首 地首為求世間最勝智首欲成三界無能見頂淨智慧首爲得 切法最第一首爲得正見淸淨智首爲欲成就無障礙首爲欲 爾時以諸善根如是迴向所謂 切世間最第一首 願 一切衆生 得 爲具足首 如來頭· 心淨信 爲

0

妙寶 邊廣 衆 施 識 道。 力 施。 處 令 所行不 布施 手 堅固 住於究竟 具精進行除滅 生· 足時。 如常 雲 大之心開淨法門 生得最勝法成於無 各相 偏諸佛 其 手 精進菩薩 以諸善根如是迴向所謂願一 心同諸菩薩修行施度佛子菩薩 容 足以信爲手起饒益行往反周旋 離垢之心法身智身無斷無壞一 具菩薩道常舒其手擬將廣惠安步遊行勇猛無怯 尊 敬 土令諸衆生互起慈心不相惱害遊諸佛刹安住 生 惡道成就菩提佛子菩薩摩訶薩 福 無憂王菩薩。 田想以種種寶 入諸佛海成就施 上大智慧故佛子菩薩 及餘無量諸菩薩等於諸趣中種種 更相供養又以衆寶供養諸 切衆 手 摩 勤修正法願得寶手以手 周給十方願力任 切魔業不能傾動依善知 生具神通力皆得寶 訶 摩訶薩以其 薩爲諸衆 如是 施時以無量 生求 手 持 無畏。 以淨 足施 佛。 切智 手。 切 諸 智 無 生

息

心無戀己心以諸善根如是迴向所謂願一切衆生皆得成就法身

切菩薩捨心起增廣菩薩善施心起不退轉心不休

薩道

心起守護

修菩薩行心起不取苦受心起樂見乞者心起不嫌來乞心起趣向

切

以一 諸菩薩等於諸趣中施身血時起成就一 歡喜無厭入佛法海同佛善根是爲菩薩摩訶薩施手足時善根迴向佛 子菩薩摩訶薩壞身出血布施衆生如法業菩薩善意王菩薩及餘無量 覆衆生願一切衆生志常樂求無上菩提出生一切功德大海見來乞者 以一手偏摩一切諸佛世界以自在手持諸衆生得妙相手放無量光能 嚴具手無邊手無量手普手得是手已以神通力常勤往詣一切佛上能 然具足究竟神通又令皆得寶手華手香手衣手蓋手華鬘手末香手莊 一手普覆衆生成於如來手指網縵赤銅爪相菩薩爾時以大願手普 切智心起欣仰大菩提心起樂

以 身· 心廣 虚 得 身· 如 其 薆 空 而 如 淨 願 願 得自 髓 饒 摩 身 大心欣悅心慶幸心歡喜心增上心安樂心無濁心善根 妙寶 妙 温 菩 薩 肉 世 堅固。 訶 切 切 施乞者 間 在。 光 衆 衆 薩 頗一 几明之身 惱 見有乞求 願 生得 生得如變化身普現世間 患 切施 無能 時歡喜廣 切衆生得寶海身見皆獲益無空過者願一 切衆生得法界生身同於如 無勞倦身猶 一切世 王菩薩及餘無量諸菩薩等於諸 其 染著是爲菩 身 大施 髓 人無能暎蔽願 內歡喜輕 如金剛願 心增長同諸菩薩 薩 無有盡 摩 語謂乞者言 訶 藝 切 切衆 極願 施 來 衆 《無所依止》 身血 生得不可壞身無能 修習善根· 生得 1我身髓 切衆 時。 以大 趣 智藏身於不 中種種 願 生得可愛樂 切 迎向佛 離 肉隨意 乘 心清 世 衆 切衆 塵 生 生得 取 生

樂以身普施

心無有盡具足無量廣大善根攝受

切

妙

功

德

如 (菩薩法) 受行無厭心常愛樂布施功德一 切周給心無有悔審觀諸法

是施時一 令安住淸淨法故 從綠無體不貪施業及業果報隨所會遇平等施與佛子菩薩摩訶薩如 切諸佛皆悉現前想之如父得護念故一切衆生皆悉現前普 切世 界皆悉現前嚴淨一 切佛國土故一 切衆 生皆

作最 來現在一 悉現前發廣 悉現前以大悲心普救護故一切佛道皆悉現前樂觀如來十種力故去 上師子吼故一切三世皆悉現前得平等智普觀察故一 切菩薩皆悉現前同共圓滿諸善根故 大願盡未來劫修菩提故一切菩薩無疲厭行皆悉現前發 切無畏皆悉現前能 切世間皆

切 願 無數量廣大心故佛子菩薩摩訶薩施髓肉時以此善根如是迴向所謂 一切衆 生得意生身猶如佛身莊嚴淸淨願 生得金剛身不可沮壞願一 切衆生得堅密身恒無缺 切衆生得百福相身三十二 減願

入四人

究竟清 前 悉 薩· 間。 無 怨 相 無礙 是為菩薩 切 所 切 而 捨 礙身以淨 切諸 自莊 供 衆 施 無 不 心習行 能 養 盡 淨 生 王 菩薩· 衆生 嚴願 得 心。 無量 壞。 法身 切 摩 如 願 諸 切 身 來身究竟淸淨不可限量願 故爲得十力菩提處故爲依大願 檀 及餘無量 訶 7編虚空 切衆生 薩求一 波羅 故佛子菩薩 來乞者 切衆生得 悉施慣習 蜜 諸 切 界願一切衆生得菩提藏身普能容納 得 無 110 心荷气 智施髓 八十二 斷 成 大 相身 絕 就 摩 菩薩以其自 種好 心。 負 檀 訶 波羅蜜 與三 菩薩 肉時善 薩 以心布 切菩 妙 注嚴身具足十力不 摩 世 佛同 心施乞 薩 1.0 根 訶 施行 施 切衆生得堅固身一 薩 學 迴 心諸來乞者 而修行故命 向爲 如 切菩 者 身 是 Loo 令 相。 施 時。 正 念一 學自 衆 願 時。 薩 生皆 爲欲安住 其 布 如 切 可斷 切 施 在 無 心 衆 清 諸 得 心。 施 悔 壞。 淨。 切 切 佛 厭 如 生 切 修 得 菩 世

施

時見乞者來其心歡喜以愛眼觀爲求菩提隨其所須

肝

肺

悉皆施

與。

如善施菩

薩。

降魔自在

王

菩薩

及

餘

所無量 諸·

大

菩

薩

行

惑成 令衆 得常 得 謂 1. o 虀 得成就 得 道 那 相 願 精進 故爲 羅 莊 大勇猛幢智慧藏 延藏 切 嚴 切 染世間具足如 心得大勇猛心 金 衆 智心得成就· 佛法菩提光明心得菩提樹 欲成就 剛界 無能壞心得滅諸魔業魔軍 生 得 小心得了 金剛藏心一 切智故爲不捨離本誓願故以諸善根 心得 無能 得 來十力心故佛 力心是爲菩 如那羅 不驚懼心得被 動搖心得不 切 金 延堅固幢 剛圍山等所不能壞願 下坐安住 薩 子菩薩 摩 衆心得無所畏心得大威德心 可 恐 訶 金 心得 薢 怖 剛 心得利 摩訶薩岩有乞求腸腎 布 甲 切諸 胄 施 如 ەر]، 衆 心 佛正 時 得諸菩薩最 生海 益世 善 如 法。 切衆 根 間 是 不 離 迴向。 迴 可 常 问。 諸 盡 無盡 生得 **心。** 迷

、悉皆施

與心

生 中 厭。 悔。 觀 狐 察 狼 餓狗 此身 **薩作是觀時** 之所噉食。 無有 堅固. 知身無常穢汙之極於 此身無常會當棄捨爲他所食 我應施彼取堅固 身復念此身尋 無所覺知佛 卽 喜。 敗 壤· 心 見者

菩

薩

摩

訶

法

解悟

生大数

敬

身· 身。 視 妙 內 佛 彼 身内蘊 外清 子菩 來 乞者。 淨。 薩 妙香 **加善知** 願 摩 訶 外發光明願一 切 薩如是施時所有善根· 衆 識 生得福藏身能普任持 而 來護想隨所乞求 切衆生得腹不現身 悉以迴 無不 向願 惠施。 切 智願。 以不 上下端直 願 切衆生得 堅身 切 支 衆 易堅固 智藏 節 生得 相

願 安住 切 · 甚深法性 。 衆 生 得清 願 淨身若身若 切 衆 生得陀羅尼清淨藏身以妙辯才顯示 心 內 外 倶淨。 願 切 衆 生得 如 來 智 深

稱。

願

切

衆

生得智慧身以

佛

法

味

次充悅滋長節

願

切 衆

生

得

無

杰

行

身

智慧充滿

雨

法

雨願

切衆生得內寂身外爲衆

生

作

智幢

者。 願 一 化 得 皆施與心菩薩摩訶薩施身骨時以諸善根如是迴向所謂願一切衆 生得堅固相續不斷絕身永離一 得 藏菩薩光明王菩薩及餘無量諸大菩薩施其身分支節骨時見乞者來 調 願 智 如 伏一 力身諸根圓滿不斷不壞願 化身不復更受骨肉血身願 |樂心歡喜心淨信心安樂心勇猛心慈心無礙心淸淨心隨所乞求 姜 切衆生得堅固身其身真實常無散壞願一 切衆生得一 切衆生願 嚴 經 参二十七 切智圓滿法身於無縛無著無繫界生願一切衆 切衆生得智熏身具那羅延支節大力願一 切疲極勞倦願一 切衆 切衆生得金剛身不可破壞無能勝 生得法力身智力自在 切衆 切衆生得大力安住 t 生得隨應身教 到 (入五1) 切衆 於彼 生 生

外淸淨皆得安住無礙智故佛子菩薩摩訶薩布施乞者支節諸骨如法

切是爲菩薩摩訶薩施腸腎肝肺善根迴向爲令衆

生内

光

明普照

入五二

智處願 得 行。 願 處 身· 現身普能 佛 如 身皆得具足無依著 悉能 死。 願 子菩薩摩訶 是爲 有 固行身成就大乘一切智業願一 切 遇。 切衆 衆 具足精進 照現一 斯欲滿我 菩 切衆 惠以重 生得普饒益諸 薩摩 生得離我慢貢高清 訶 生得福 一思逢迎引 大力願 切佛法願一 薩見有人來 訶 薩施身骨 智願一 切智願故來求索饒益於我歡喜和顏而語之言 德力身見者蒙益遠離衆惡願 衆 納 切衆 生身悉能偏入一 敷 切衆生得具足精進身專念勤修大 手 切衆生得佛攝 時善根迴 座令 執利刀乞其身皮心生歡喜諸根 淨身智常 生得編世間 坐曲 切衆 向爲 躬恭 安住 生得佛家身永離世間 切諸道。 令衆 受 平等法身住 無所動 身常為 敬而作是念此來乞者 生得 願 一切衆 亂。 於無量 切 願 切 切 衆 諸 生得 智永清 切衆 生 佛 最 悅 乘 得 加 無 切 智 普

清 淨 清 謂 如 爲 幢 王落 不 ·壊皮猶 放不可 淨色 妙色 菩 今此 切 淨明潔願一 願 薩 衆 薩及餘無量諸大菩薩等無有異菩薩 大功德故佛子菩薩摩訶薩以手足指施諸乞者如堅精進菩薩 身 相無比願一 摩 皮具足沙門善輭清淨如來色相願 切衆生得微細皮猶如如來色相淸淨見者無厭願一 生得妙色皮放大光明普照一 說 如 訶 切皆捨所須皮者隨意取用猶 薩施身皮時善根迴向為 圓滿光明願 金剛無能壞者願一切衆生得金色皮如閻浮檀上妙眞 切衆生得無量色皮隨其心樂現淸淨色願一 切衆生成就如來清淨色皮以諸相好而自莊 切衆 生得潤澤色皮一切色相悉皆清淨是 切。願 令衆生皆得一 如往昔淸淨藏菩薩 爾時以諸善根 切衆生得明網 切衆生得第一 切嚴淨佛刹· 如是迴向日 色皮自 皮如 切衆 切 衆 金 嚴。 具足 世高 生得 生 脅 得 閻 金 所 鹿 願 性

入五四)

具足是為 放 切 丈 願 生 切 有 浮 迴 得 夫指悉能 衆 问。 大光明照 顚 提 切衆 生得 大人指纖脯齊等願 願 垢。 倒· 自 菩薩摩 專向 在 **乘於大乘不求美欲不尙名聞** 菩薩摩 生得赤 切衆 如蓮華卍字 攝持 菩薩。 不可說諸佛世界願 如 來 訶 生得纖長指與佛無 薩請 無上 訶 銅 及餘 薩布施 甲指· 切諸 求法 旋指 一妙法佛子菩薩摩 無量諸大菩薩 其 法。 话時若有· 十方業 指 願 切衆生得輪相指指節圓滿文相右旋 甲隆起清 時善根 切衆 切衆 報 異願 生得隨 淨鑒徹 相 菩薩 迴 但發菩薩廣大之意遠離慳 向 好莊 汝能施我 生得善安布指善巧 訶 爲 切衆 薩 爾時顏貌和 令衆生 嚴。 願 好指具足 如是施時攝諸善根 願 生 切衆 |得鵬圓指 纫 十九。 切皆得 衆 生得 悅其 甲當 生 分 得 上下 願 心安善無 光藏 切智勝 布 心清 與 汝法。 切衆 相 網 願 悉 嫉 淨 縵

連肉爪

爲 力故佛子菩薩摩訶薩求佛法藏恭敬尊重生難得想有能說者來語之 願 便相 生得 切世間願一切衆生得不壞爪淸淨無缺願一 衆 得滿足故捨連肉爪甲與諸乞者菩薩爾時以此善根如是迴向所謂 及餘無量諸大菩薩爲求法故欲以正法開示演說饒益衆生一切皆令 菩薩答言但與我法連肉爪甲隨意取用如求法自在王菩薩無盡菩薩 求法 生得光淨爪鑒徹第一願一 切衆生皆得諸佛赤銅相爪願一切衆生得潤澤爪隨好莊嚴願一 一切衆生得一切智大導師爪放無量色妙光明藏是爲菩薩摩訶薩 爪廣大智慧皆悉淸淨 無比爪於諸世間無所染著願一 放施連肉爪甲時善根迴向爲令衆生具足諸佛一 願 切衆生得一 切衆生得善生爪菩薩業果無不淨妙 切衆生得妙莊嚴爪光明普照 一切智爪具大人相願一 切衆生得入一切佛法方 切智爪無礙 切衆 切

切 趣· 普見諸 轉 爾 說 法。 故。 言若能投身七仞火坑當施汝法菩薩聞已歡喜踊躍作是思惟我 滅 我入火坑。 生具足菩薩神通妙樂究竟安住一 恐 時 尙 無 怖願一 除 上菩提 應 以 哉 生得菩薩 佛 此 正法甚爲易得不受地獄無量楚毒但入火坑卽便得聞 久住阿鼻獄等 切三 善 心 大歡喜 願 切衆生常 如求善法王菩薩金 根如是迴向所謂願一 心永離 毒 切衆 熾 火願一 願 樂求法具足喜樂衆法莊嚴願一 生離諸險難受佛安樂願 切惡趣受無量苦何況纔入人間火坑卽得聞 切貪恚癡火願 切衆生善說正 切衆 剛思惟菩薩爲求法故入火坑 生常得安樂具足如 切衆生住佛所住一 切種智是爲菩薩摩訶薩爲求正 一法於法究竟常無忘失願一 切衆生悉得菩薩諸二 切衆生得 來勝妙樂事 切衆 切智法永不 :無畏心離 生離 中菩薩 但 一 味 樂。 爲 爲 諸 願 切

華 嚴 經 卷二十七

(入五七)

苦得 諸 出 薩。 提 廣 薩 法 佛 切衆 彼 爲 永 時· 摩 投 一獄成就智 以身具 樂離 所應受 斷 求法故受無量苦乃至 訶 火 衆 坑 切 生 切 薩爲求正 生死 一永離 苦。 樂。 智 時善根迴向爲令衆生離障礙業 願 願 受無量苦惱如求善法菩薩勇猛 一切苦惱以求法故悉皆爲受以此善根 心獲無礙智法令衆生清淨住菩薩境 苦願 行。 願 切衆 一法分別演說開菩薩道示菩提路 切衆生 切苦惱逼迫成就安樂自在神通 切衆生成就淸淨無比安樂一 切衆生見安隱道離諸 生 永 永拔衆苦互相慈愛無損害 滅苦蘊 攝取誹謗正法惡業所覆魔業所持極 得照 現身恒受安樂願 皆得具足 惡 王菩薩及餘無量諸 趣願 願 界勤修大智護佛菩 趣無上智勤修十力。 心。 切苦惱無能 智慧火故佛 如是迴向所謂 願 切衆 切 衆 生永離 生得 切衆 切 衆 損害。 生得 法喜 生 願

無所著以 不貪著名聞利養捨諸世間自在王位求佛自在法王之位於世間 求 究竟清淨一切智道如大勢德菩薩勝德王菩薩及餘無量諸大菩薩 悉能捨之於不堅中求堅固法爲欲利益一切衆生勤求諸佛無礙解脫 園 礙解脫處故佛子菩薩摩訶薩處於王位求正法時乃至但爲一文一 故受衆苦時善根向向爲欲救護一切衆生令離險難住一切智無所障· 願 池屋宅樹林華果乃至一切珍奇妙物宮殿樓閣妻子眷屬及以王 句 法乃至極少爲於一字 切衆生得一 義生難得想能悉罄捨海內所有若近若遠國土城邑人民庫藏· 出世法長養其心永離世間 切勝樂究竟具足佛無礙樂是爲菩薩摩訶薩爲求 五體投地正念三世一 切戲論住於諸佛無戲論 切佛法愛樂修習永 樂 勤 心

薩

爾

以諸善根如是迴向所謂願一切衆生常樂惠施一

切悉捨願

畏無欺奪心廣修

切衆 願 切衆生悉得法利能斷一切衆生疑惑願一 生能捨所有心無中悔願 切衆生常求正法不惜身命資生之具 切衆生得善法欲心常

佛 喜樂諸佛正法願一切衆生爲求佛法能捨身命及以王位大心修習無 上菩提願一切衆生尊重正法常深愛樂不惜身命願一切衆生護持諸 甚 「難得法常勤修習願一 切衆生皆得諸佛菩提光明成菩提行不由

道 他 內城邑聚落一切屠殺皆令禁斷無足二足四足多足種種生類普施 訶薩爲求正法捨國城時善根迴向爲令衆生知見圓滿常得住於安隱 悟願 放佛子菩薩摩訶薩作大國王於法自在普行教命令除殺業閻浮提 切衆生常能觀察一 切佛法拔除疑箭心得安隱是爲菩薩摩

生於諸佛所立深智樂常自安住三種淨戒亦令衆生如是安住菩薩摩。

切菩薩諸行仁慈莅物不行侵惱發妙寶心安隱衆

(入五九)

令衆生得佛十力圓滿智故佛子菩薩摩訶薩見有衆生心懷殘 人畜所有男形令身缺減受諸楚毒見是事已起大慈悲而哀救之令閻 猛精進入佛智慧是爲菩薩摩訶薩住三聚淨戒永斷殺業善根迴向爲 害其命願 切佛恭敬勤修更增壽命願一切衆生具足修行離老死法一切災毒不 處善學所學得聖法喜無盡壽命願一 命門十力善根於中增長願 生得無盡命窮未來劫住菩薩行敎化調伏一切衆生願一切衆生爲壽 詗 切衆生悉見諸佛供養承事住無盡壽修習善根願一 |發菩薩心具足智慧永保壽命無有終盡願一切衆生住無量劫供 薩令諸衆生住於五 一切衆生具足成就無病惱身壽命自在能隨意住願 戒永斷殺業以此善根如是迴向所謂願 切衆生善根具足得無盡命成滿大願願 切衆生得不老不病常住命 切衆生於如來 忍損 :根**勇** 切衆 切衆

華 嚴 經 卷二十七

陰藏相願 所有一 **令其信受滅除不善修行淨業互起慈心不相損害彼人聞已永捨罪惡** 浮 欲心無有染著願一 力恒爲主導住無礙智永不退轉願一切衆生皆得具足大丈夫身永離 菩薩爾時以此善根如是迴向所謂願一 **益己終無是處如此惡行諸不善法一切如來所不稱歎作是語已卽以** 庫藏百千萬億一切樂具悉皆充滿隨汝所須盡當相給汝之所作衆罪 由生我今勸汝莫作是事汝所作業不如道理設有所獲於何可用損他 提一 切衆生普得具於大人之力常能修習十力善根願一切衆生永不失 切樂具盡皆施與復以喜語爲說妙法令其歡悅所謂示寂靜法 切人民皆捨此業菩薩爾時語其人言汝何所爲作是惡業我有 切衆生具男子形發勇猛心修諸梵行願一 切衆生悉得成就善男子法智慧增長諸佛所歎願 切衆生具丈夫形成就如來馬 切衆生具勇猛

摩訶薩禁絕一切毀敗男形善根迴向爲令衆生具丈夫形皆能守護諸 從其化願一切衆生具足菩薩丈夫智慧不久當成無上大雄是爲菩薩 解脫厭離三有住菩薩行願一切衆生成就第一智慧丈夫一切宗信伏 壞男子之形常修福智未曾有法願一切衆生於五欲中無著無縛心得

善丈夫生賢聖家智慧具足常勤修習丈夫勝行有丈夫用巧能顯示七 丈夫道具足諸佛善丈夫種丈夫正教丈夫勇猛丈夫精進丈夫智慧丈

夫清淨普令衆生究竟皆得·

大方廣佛華嚴經卷第二十七

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝 多折折捺彌唵雞彌雞彌怛塔葛塔喃

香

華嚴字母衆藝 說宣善財童子得眞傳秘密義幽立功德無邊唱誦利

天

頗娑 吞 00 滂思 湖思 **俸蘇** 秿甦 胞思 嶏思 披西 砏西 潘思 〇西 〇思 捊思 頗娑 唱 頗娑 字時普願法界衆生る

若波羅蜜門

迦娑 吞 0© 岡思 **拒思** 公蘇 孤蘇 高思 該思 雞西 斤西 干思 今西 甘思 勾思 迦娑 唱迦娑 字時普願法界衆生る

苦波羅蜜門

容◎ 桑亦 僧亦 蝼亦 甦亦 臊亦 腮亦 西亦 辛亦 珊亦 心亦 三亦 轇亦 娑也 唱 字時普願法界衆生る

若波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

難三塗共入毘盧性海

校 東第一 東第一 志本藏行 引 云戮憍堪甲音也疑也智 紫智作北 索 殘也薩爲也沼形上 額

本行朱第

本藏 皆本

> 示示 字字

五

乃國 切尺 卍 障上 是多 八 前音 也聲

所無 流廣 大竹 暫才 詳來 淹音 有 通下 國 故 也 僅 也 胸 也 治

之立 莅 狐 外疑 一斯 臨音 獸音 也也

無有 數名也想也胡 膭

也其 迦 媚聾音 國尸纖聵債

心國細音輟 懷者迦也仙止音 殘 西尸 微也拙

大方廣佛華嚴經卷第二十八

迴向品第二十五之六

唐于闐國三藏沙門實叉難陀譯

來出世如來出世令諸衆生得聞佛名捨離一 佛 子菩薩摩訶薩若見如來出興於世開演正法以大音聲普告一切如 切我慢戲論復更勸導令

難值遇千萬億劫時乃一出衆生由此得見於佛生淸淨信踊躍歡喜尊 速見佛令憶念佛令歸向佛令攀緣佛令觀察佛令讚歎佛復爲廣說佛 重供養復於佛所聞諸佛名轉更值遇無數諸佛植諸善本修習增長爾

普於世間施作佛事佛子菩薩摩訶薩開示衆生令見佛時以諸善根如 於菩薩所皆生最上善知識想因菩薩故成就佛法以無數劫所種善根· 時無數百千萬億那由他衆生因見佛故皆得淸淨究竟調伏彼諸衆生

諸佛法 切衆 别 精舍或施菩薩 承 佛法於諸如來得不壞信願一切衆生悉能稱歎諸佛出與令其見者普 衆 生 修十力願一切衆生於一切處常見諸佛了達如來徧虛空界願一 是迴向所謂願 生安住 人聲聞獨覺種種福田乃至一 皆 事於無上法究竟淸淨故佛子菩薩摩訶薩捨於大地或施諸佛造立 得 淨是爲菩薩摩 生常樂見佛心無廢捨願一切衆生常勤修習廣大智慧受持 藏願 具足佛自在身普於 正念恆以智眼見佛出興願一切衆生不念異業常憶見佛勤 切衆 及善知識隨意所用 切衆生不待勸誘自往見佛承事供養皆令歡喜願 訶薩 生隨所聞聲皆悟佛法於無量劫修菩薩行願一 歎佛出世善根 十方成道說法願一 切貧窮孤露及餘四衆隨意悉與令無 或施衆僧以爲住處或施父 迴向為 令衆生 切衆生遇善知識常聞 見 切佛供養 7母或施 切衆 切 切

意用無所恐懼菩薩摩訶薩隨何方所布施地時以諸善根 所乏或施造立如來塔廟於如是等諸處之中悉爲辦具資生什 如是迴向 物 令 隨

總持地正念受持一切佛法願 謂 願 切衆生具足清 淨一 切智地悉到普賢衆行彼岸 切衆生得住持力常能守護 願一 一切佛教· 切衆 生得

願 佛種成就菩薩諸 切衆生 伏住淸淨道願一切衆生同諸如來利益世間普使勤修安住佛力。 |得如地心於諸衆生意常清淨無有惡念願| 地次第無有斷絕願 切 衆 、生普為 切作安隱處悉 切衆 、生持諸

願 方便住佛諸力無畏法中願 切 衆 生普 爲 世間之所愛樂悉令安住無上佛樂願 切衆生得如地智自在修行一 切衆 切佛法是 生獲善

今調

故佛子 薩 摩 菩薩摩訶薩布施僮僕供養 訶 薩施 大地時善根迴向為 令衆生皆得究竟 切諸佛菩薩眞善知識或施 切 如 來清 淨

爲菩

地

囚

才能 遊 勤 隨 如 勤 法 讎 與貧窮孤露及餘 供養 更 順 是 敵 精 以百千億 或奉父母尊勝 供養 技藝 無 心能隨受者方俗所宜於彼彼中作諸利益又皆從菩薩淨業所 迴向所謂願 進 %餘 念 願 一 畏願 無有懈惰具質直 切諸佛無空過 工 **一巧算數靡不通達善能供侍悅可其心菩薩** 切諸佛於佛所說悉能聽受願 那 切衆 由他僕使隨時給施 切衆生不壞佛種勤修 福田或復給施病苦衆生令無闕乏以存其命或復 一切無瞻侍者或爲守護 生常 切衆生得調順心一切佛所修習善根願 時。 樂見佛心 心安樂心利益心仁慈心恭恪心 願一 切衆 無厭足於諸佛所不惜身命願 其諸僕使皆 、生攝持 切順佛善根願 如來塔廟或爲書持諸佛 切衆生得佛攝受常 切諸佛 「聰慧**善**巧性自 妙義言 爾時 無 切衆 怨恨 以諸善根 詞清淨 切衆 調 小心 生常 觀 順。 切 如

僕使時善根迴向爲令衆生遠離塵垢淨治佛地能現如來自在身故佛 歸 依處願一切衆生隨順佛道心常樂觀無上佛法是爲菩薩摩訶薩施 生 |得見諸佛心無染著離世所依願一切衆生但歸於佛永離 切邪

給 善悉迴與心生於諸愚險極惡衆生種種侵陵皆寬宥心安住善根精勤 受衆苦無變動心生給侍衆生不疲厭心生於諸衆生猶如慈母所有衆 子菩薩摩訶薩以身布施諸來乞者布施之時生謙下心生如地心生忍 事菩薩 爾時悉以善根如是迴向所謂願一 切衆生隨其所須常 無闕

法深心信恕 乏修菩薩 智又以此善根令一 薩 平等法性得在如來種族之數住眞實語持菩薩行令諸世間得淨佛 行恆不間斷不捨 解證法究竟令諸衆 切衆生常得供養一 切菩薩義利善住菩薩所行之道了達菩 生出生清淨增上善根住大功德具 切諸佛解一切法受持讀誦 切

大

總持具持 他 信解 智身故佛子菩薩摩訶薩聞法喜悅生淨信心能以其身供養諸佛欣樂 礙 得 忘不失不壞不散心善調伏不調令調以寂靜法而調習之令彼衆生於 者普能饒益 諸佛所住如是事又以此善根令一 切衆 出 道是為 離命 大智慧寶諸善根門心常憶念無量諸佛入佛境界深遠義理能 無 上法寶於諸佛所生父母想讀誦受持無礙道法普入 切衆 生成第一 菩薩 切諸佛正法令一切衆生證得無量第一法界具足虛空無 切衆 生成最 切衆生令一切衆生成最上福利能使具足一切善根令 摩 好施處能使獲得無量福報令一切衆生於三界中皆 生作第 訶 上福田得佛智慧開悟一切令一 薩施自己身善根 導師能爲世間示如實道令一 切衆生作第一塔應受世間種種供 迎向為 令衆生皆得應供無量 切衆生 切衆生得 無數 一作最 那 妙

t

入七二

所得 受。 願 淨 如是 偏 成 心 薩 之地具足成就薩婆若乘以無量百千億 如 十方利 切 不壞之身具足 摩 金 恆 來微密梵音興佛法雲 究竟梵行願一 衆 迴 剛 怡 訶 生常 切 向所謂願一 藏。 暢功德成滿善根具足意恆相續利益衆 薩於諸佛所聞如是法歡喜無量 衆生從佛身生處在如來無上身家願 親 **猶如影現而** 近 近諸佛淨諸佛刹常勤供養一切如來菩薩爾時以證 語佛依諸佛住恆得覲仰未曾遠離願一 切衆 切衆 切 無來 功德智慧願 生得無我身離我我所願 生皆得圓滿最勝之身一切諸佛之所攝受願 雨佛法雨勇猛自在能分別說 往。 願一 切衆 切衆生常 生得 安住正法自斷 那由他大法成滿諸根佛子菩 自在 勤 生心常不匱獲最勝智 切衆 供養 身普往十方 切衆生悉能 生得法力身忍 切衆生皆得清 疑惑亦令他斷 切諸佛行 切 智 無 我無 善根 分身 無

普能 衆 爲 善 切 辱 生常處佛會意善調伏願 切 爲 坦 善 切 成 根 大力無能壞者願 衆 明淨日普作世間平等利益菩薩爾時以諸善根如是迴向所爲 道· 根 照 就 生 迴向爲令衆 令 耀一 爲 因緣普令衆生常得值遇爲眞善知識令一 生爲淨光明普能開曉 生 出世功德之身生無所得淸淨法界是爲菩薩摩 常 欲普令成就善根憶念善根菩薩 切衆 切衆 親近 佛 生皆得履踐爲無有上具足安樂令 生爲衆樂具普能攝受一切衆 生永住三世諸佛家故佛子菩薩摩訶薩 入佛智地 切衆 生得無比身成就如來清淨法身願 願 切衆生所行有則具佛威儀願 切衆生爲世 切衆 生得隨順智住 摩 光影普令衆 訶 生爲妙法藏普能 薩自願其身爲 切衆生 無 切衆 訶薩以身供佛 一悉蒙教 上覺願 生常 以身 生 :得覩見。 切衆· 大明燈 離 布 誘爲 苦清 任 切衆 施 切

諸佛 諸佛 善調 深信樂以清淨心護佛菩提住諸佛法離世間想生如來家隨順諸佛 摩 是 魔境界了達一 離 明 悉得 切 怨害 迴 訶 欲住佛志樂願 向。 伏遠離 |薩自以其身給侍諸佛於諸佛所念報重恩如父母想於諸 衆 之所攝受永離 涅槃深解法義願 所謂願 法願 心願 生善根迴向為欲利益 切諸佛所行成就一 切諸不善業願 切衆生具足護持一 切衆生爲佛弟子到於菩薩灌頂之地願一 切衆生得淸淨心一 一切衆生生勝善根坐菩提樹願一切衆生殺煩惱賊 切不善之法願 切衆生具知足行生如來家願 一切衆生得不可壞堅固眷屬普能 一切衆生令得無上安隱處故佛子菩薩 切諸佛法器菩薩爾時以此善根 切佛法是爲菩薩摩訶薩以身布 切智寶而自莊 切衆生隨順諸佛修行菩薩 嚴願 切衆 切衆生常 切衆 如來 生捨 攝受 生住 施 無 如

九

勝之法願 修行 法 佛 成 衆 爲 來皆悉平等一切佛法無不自在願一切衆生悉爲諸佛之所攝受常能 心得自在 苦薩 故。 就 心無依住常不忘失諸菩薩行未曾遠離諸善知識持諸菩薩廣大行 法為欲成就與三世佛平等善根為欲圓滿無悔恨心證得一 生爲欲出離一切三界爲欲成就無損惱心爲得無量廣大菩提爲欲 不復貪 佛子菩薩摩訶薩 無取 照佛法智爲欲常蒙諸佛攝受爲得諸佛之所護持爲欲信解 摩 **V著業願一** 。染諸有生處雖住世間非此處生 ,訶薩給侍諸佛善根迴向爲欲證得諸佛菩提爲欲救護 一切衆 [無緊無縛無所戀著遠離惡業饒益衆生不著業果不樂世 生入佛境界悉皆得授 切衆生常爲諸佛第一侍者一切佛所修智慧行是 布施國土 一切諸物乃至王位悉亦能捨於諸 切智記願 心不執著蘊 界處法 切衆生與諸 於內外 切諸佛 切 切 世 如

華 嚴 烃 卷二十人

導羣生 作法施 法界 以關防所有輸稅盡皆施與心無恡惜專向菩提發大誓願住於大慈行 究竟住於安隱處故佛子菩薩摩訶薩見有人來乞王京都嚴麗大城及 佛善根齊等是爲菩薩摩訶薩布施王位善根迴向爲欲令彼 願 轉 賊。 爲大法王於法自在到於彼岸願一 願常 無 願 切衆 爲 上自在法輪願一 承事 無時暫捨願一 大法王現佛出與相繼不斷願 主使其咸得住於 切衆生住佛王位得 生開示無量法王正法成就無邊諸大菩薩願一 切善友菩薩爾時以此善根如是迴向所謂願 切衆生生如來家於法自在護持佛種永使不絕 切衆生普爲法界虛空界等諸世界中一 大乘願 如來智開演佛法願 切衆生成佛法王 切衆生得成具足衆善之王與 切衆生於諸世界作智慧王化 切衆 |推滅一切煩惱 生住佛境界能 切衆生住 切衆生 切衆 切衆生 生

究竟 怖 願 中 著 刹 功 於 心 覺 德 悔。 切 大 爲 故。 切 衆 奉 切 悲志意歡悅 願 故。 悟 求 世 衆 住於堅固 施 而 大 生 間 諸 切 生得 切 行 智法故安住菩提 切智故於自在 永 於世 衆 布施。 不依止王 佛 以爲住 生嚴淨十方 生得 不 話言 以此善 著 廣大智故廣集 利益衆生以廣大智解了深法安住諸 心. 出 常 離 離 處。 都聚落心樂寂 心捨諸 樂遠 居 願 根 法 家 如是 心 起深樂故於自在 法。 離。 切衆 切世界奉施諸佛是爲菩薩摩 無退故修習一 家業。 願 願 迴 向所謂願 生常 切諸善根故修行 切衆 切衆 願 靜 京永得究竟 樂居 切衆 生得離 生得離貪 正阿 智求證得故淨修 切菩薩行願。 生得無恡心常行 切 衆 願 闌 衆 心 、苦除 若處寂靜 生. 施 切衆 切佛 悉能 佛 滅 諸 平 河薩 切種 生永不 嚴 等 所 法 切 有 願 法 不 淨 切諸 性。 災 惠 無量 故。 布 心 動。 智 横 願

因。 諸 提 衣服. 金 生 别 其 他 切 咸 佛 出 心 剛 心無隨逐心無取相 中無 內宮 都善根 數皆由菩薩善業所生隨意自在 得出離 生 極種華 家 智 故 ※愛樂心無 派 最 故 迴 不 眷屬妓侍衆女皆顏貌端正才能具足談笑歌舞悉皆巧妙種種 向能 可壞 勝 迴 迴 向。 故 香而以嚴身見者歡喜情無厭足 向爲 佛 切智道深 心 以智慧了達諸法故 迴向得佛法喜故迴向於 故 子。 顧戀心無躭著心無繋縛心無執取心無貪染 令衆生悉能嚴淨諸佛刹 菩薩 迴向入佛道場 心無樂欲心菩薩 摩 入菩薩廣 訶 薩住 如是法生. 迴向。 故 敬順無失盡以布施諸來乞者 大智業滅除 迴 出 向到於彼岸故迴 不堅固中而得堅固故迴向 爾 生 時觀諸善根爲欲令 故佛子菩薩摩 如 如是寶女百千萬 來家增長諸佛淸淨 切善根故迴向入三世 切 世間垢惱常能 向。 訶薩所 得 無 心. 億 切衆 無分 而 那 有 供 菩 得 於 由

四

爲 心 願 善巧悉能攝取諸三昧相願一 願 昧。 取 如實定得不壞心願一切衆 施 欲令 恆正 一昧眷屬菩薩勝定相續不斷願一 願 功徳福 切 切 切善根菩薩爾時以諸善根如是迴向所謂願一切衆生常得無量 受不取二法是爲菩薩摩 衆 衆 切衆 切衆生皆得不壞清 生得無礙三昧入深禪定終不退失願 生得解脫心成 田爲諸衆生宣說妙法善巧安立令其修習諸淸淨行常 生成就菩薩 就 不思議定自在遊戲無量神通願一切衆 生盡獲菩薩甚 淨眷屬故爲欲令 切衆生得勝智二昧普能學習諸二昧 切三 訶薩布施一 一昧眷屬願 切衆生常樂見佛悉入諸佛莊 深 切內宮眷屬時善根 一昧於諸禪定而得自 切衆生種種二昧皆得 切 切衆生得無著三 衆 生皆得菩薩 嚴三 迴 生入 勤攝 味。

屬

故爲欲令

切衆生悉得滿足佛法故爲欲令

切衆生滿足一

切智

華晟經卷二十八

心清 無量諸菩薩等菩薩爾時乘薩婆若心行一切施淨修菩薩布施之道 摩 故爲欲令一切衆生一切佛法皆悉現前以法光明普嚴淨故佛子菩薩 根・ 第如理辯才善說諸佛無盡法藏故爲欲令一切衆生永捨一 屬故爲欲令 福 屬故爲欲令一 力故爲欲令一 「訶薩能 同修出世清淨善根故爲欲令一切衆生淨業圓滿成就一 智故爲欲令一 淨 念佛菩提住佛種性菩薩摩訶薩成辦如是布施心已決定志求 無有中悔罄捨所珍求一 以所愛妻子布施猶如往昔須達拏太子現莊嚴王菩薩及 一切衆生成就如來清淨法身故爲欲令一切衆生成就次 切衆生得同志行人共居故爲欲令一 切衆生證於無上智慧故爲欲令一 切衆生成就清淨善根故爲欲令 切智令諸衆生淨深志樂成菩提行觀 切衆生得於隨順 切衆生具足一 切衆生得善和 切清淨法 切世俗善 切 眷

入入〇八

普使 無著 給施 謂 切衆生常爲佛子從法化生願 自 如來之身自觀己身繫屬一 高諸佛子 グ誓莊 子菩薩 身 願 切安樂欲爲衆生作大施主智慧自在了知菩薩所行之行而能 身願力周行一 利 治嚴趣 益。 切 切未滿足者令其滿足菩薩如是護念衆生欲令自身作第 切皆生歡喜欲於 衆生住 一智慧光明普照於世常勤憶念菩薩施心恆樂觀察 摩訶薩以無縛無著解脫心布施妻子所集善根如是迴向所 · 隨佛所行。 一切智願成無上智慧福田普念衆 |佛菩提起變化身周徧法界轉不退輪| 切佛刹願一切衆生捨愛憎心斷貪恚結願一 願 世間 切 切不得自在又以其身普攝衆生猶如寳 衆 一切衆生得究竟處成就如來自在智慧 生平等 生於諸佛所生自己心不可 心欲爲衆生作淸涼池欲與衆生 生常隨守護而能 願 一切衆 沮 如來境界 壞。 切衆 願 如是 生 成 洲。

悉捨 戀著見有乞求心生喜慶菩薩 厭 施妻子善根迴向爲令衆生皆悉證得無礙解脫無著智故佛子菩薩摩 生 訶薩莊嚴舍宅 願 坐菩提樹成最正覺開示無量從法化生諸善男女是爲菩薩摩 |捨離妻子成就出家第一之樂願一切衆生解脫家縛入於非家諸佛 捨都於其中無所愛樂但欲出家修菩薩行以諸佛法而自莊 中修行梵行願 切居家覺觀厭惡家業資生之具不貪不味 心 無上法施願一 切衆生證佛菩提永離煩惱願一 無中悔常爲諸佛之所讚歎舍宅財物隨處所有悉以惠施心無 及諸資具隨有乞求一切施與行布施法於家無著遠離 切衆生捨離慳垢樂一切施心無退轉願 切衆生得正定心不爲一 爾時以此善根如是迴向所謂願一 切衆生能具演說佛菩提道常 切諸緣所壞願一 心無緊著知家易壞 切衆 切衆 嚴。 河薩布 切衆 心恆 切 生 樂

入人こ

λ

現法 菩 樂莊嚴之處作是念言我當爲一切衆生作好園林我當爲一切衆生示 菩薩種種行願神通智故佛子菩薩摩訶薩布施種種園林臺榭遊 切衆生智慧觀察我當施一 無所著願一切衆生善能化誘不離家法說佛智慧願 衆生得無礙法滅除一切障礙之道願一切衆生離家屬愛雖現居家心 永 切衆 生發歡喜心是爲菩薩摩 心常隨順佛智而住願一切衆生在居家地住於佛地普令無量無邊 離家法少欲知足無所藏積願一切衆生出世俗家住如來家願 我當 樂我當施 生開 令 淨法門我當令一切衆生發歡喜心我當令一 切衆 切衆生歡喜之意我當示一 生成滿大願我當於一 切衆生資生之具我當於一切衆生猶 訶薩布施舍宅時善根迴向爲令衆生成就 切衆 切衆生無邊喜樂我當為 生猾如慈父我當 切衆生身現在 切衆生得佛 一戲快 令 切

如慈

華 嚴 經 卷二十八

滅 願 衆生見一 刹 佛戲樂常善遊戲智慧境界願一 無所染著普觀諸法眞實之相發大誓願滅衆生苦永不厭捨大 不生疲厭亦不誤起棄捨之心設滿世間一切衆生悉不知恩菩薩於彼 悉以迴向所謂願一 初 母。 切衆生得不動法見一切佛皆令歡喜願一切衆生樂法園苑得諸佛 生長 園苑妙樂願 無嫌恨不生一念求反報心但欲滅其無量苦惱於諸世間 切見修諸菩薩平等行願佛子菩薩摩訶薩如是觀察已攝諸善根 切衆生成就菩薩解脫遊戲盡未來劫行菩薩行心無疲倦願 切善根大願佛子菩薩摩訶薩如是修行諸善根時於惡衆 切佛充滿法界發廣大心住佛園林願一 一切衆生得淨妙心常見如來神足園林願一 切衆生念念滋生無量善法成就無上園林之心願 切衆生得遊戲樂普詣佛刹 切衆生悉能偏往 道場衆會 心如虚 切衆 乘志願 生得 切

λ

λ

戲 切 是為菩薩 佛 刹 切 佛園 摩訶 刹 林 故佛 薩 中 供養諸佛家 布 子。 施 菩薩 切園林臺榭善根迴向爲令衆生 願 摩 訶 堇 切衆生得善欲 作百 千億 那 心清淨莊 由他 無量 一無數廣 見 嚴 切佛· 切 佛 施 遊 刹。

億 道 清 會。 成 淨 那 切清 就 道。 由 智慧開置 他 初 中後善 淨諸 阳 僧祇 佛印 資 無量 生淨信解隨百千億無量衆生 मा_॰ 生 終不 一妙物發甚難得菩提 百 千億 損惱 那 曲 於 他 衆 阿 **生普令**衆 僧 之心行 祇清 淨境界積 心之所樂悉令歡喜 無限 生遠離衆惡淨 施。 集無量 令諸 衆 生 百 業 以 住

大 無 慈 中 悔。 悲 救護 增長信 切承 根成滿勝行念念 事供養 一世諸佛命 增進檀波羅蜜菩薩 爲欲 成 就 切 佛種修行 爾 時 以諸善 布 根 施 如 心

謂 會施盡施善施最勝施 願 切衆 生發 大乘心 無 悉得成 上施最無 就 上施· 摩 訶 衍 無等等施超諸 施。 願 切 衆 世 生

悉能

大

是

迴

向。

所

華 嚴 經 卷二十八

(入人五)

等攝衆 安住 施· 興 施 浆 德具足充滿法界偏照十方施無上樂願一 生無有休息究竟無上一切種智願一 莊 無量功德彼岸願一 令得入無礙智道修平等願 **被岸願** 大供養願 生 嚴佛法到於彼岸永不退轉願一 爲 寂 切諸佛所稱歎施。 應時施永離非時大施究竟願 生到於彼岸願一 靜諸禪定智入不死道究竟一 切衆生究竟常行大莊嚴施盡以一 切衆生住淸淨施集等法界無量福德到於彼岸願 切衆生常蒙諸佛之所稱歎普爲世間作大施主功 願 切衆生成最勝施普令衆生住第一 如實善根得無差別證自境智願 切衆生作第 切衆生設大施會終不疲厭給濟衆 切衆生恆勤種植一 切神通智慧勇猛精進具足諸 一切衆生成就善施到佛丈夫大 施主於諸惡趣勉濟衆 切衆生設大施會廣集善根 切諸佛為師悉皆親近 切善根到於 乘願 一切衆生 生皆 切 切 地

衆生審 切衆 貪 會善 無量 施 薩 施· 願。 時增 功德 無悪 生於 惜 摩 資 生滅除煩惱嚴淨 不 初未曾有求反報心所有善根等三世佛悉以圓滿 |根迴向爲令衆生行無上施究竟佛施成就善施不可壞施供諸佛 志樂力獲大功德成就心寶常能守護 觀 求果報於世富樂無所希望離妄想心善思惟法爲欲利益 諸佛智慧廣大施故佛子菩薩摩 訶薩以此布施所有善根迴向衆生願一 生之具所有嚴飾 恨施救衆生施成一 諸 世間爲 切諸法實性隨諸衆生種種 大施主誓度羣品在如來地是爲菩薩摩訶薩設大 切諸佛刹土願 悉皆妙好行無邊施行一切施盡內外施行此 切智施常見諸佛施善精進施成就一 不 訶薩布施一 切衆生以清淨 同所用所求各各差別成 切衆生清淨 切衆生皆令發 切資 心於一念中 切種 生之物心 調伏願 智佛 生 一殊勝 切菩 切 施 無

與 行於佛 衆 中修菩薩行靡不周徧願一切衆生於念念中常作三世一 量 於十方世界常說正法曾無休息令諸衆生普得聞知願 能示現神通方便饒益衆生願一 周徧法界願 二世調伏衆生於一切時常轉清淨不退法輪願一 生向一 而 m 矗若細若覆若仰或一 劫修菩薩行悉得圓滿願一 無患厭。 爲 教誨 華 給施爲令佛法相續不斷大悲普救一 切智佛子菩薩摩 筬 終無違犯以巧方便修行衆善不斷一 經 切悉捨未曾中悔常勤迴向 切衆生智慧充滿虛空法界願 卷二十人 莊嚴或種種莊嚴所可演說在世 訶薩隨諸衆生一 切衆生於一切世界若染若淨若小若 切衆生悉能悟入諸佛菩提盡未來劫 切智道時十方國 切衆生安住大慈修菩薩 切所須以如是等阿僧祇 切衆生得 切諸佛種性隨求 切衆生具一切智善 切衆 界數諸 切佛事教化 一切智普入 (入入七) 土種種 生於 世

樂無等 爲令一 成滿乃至增進諸佛菩提佛子菩薩摩訶薩以此善根爲欲利益一切衆 訶 其德美聲遐布悉來歸往菩薩見已歡喜無量假使百千億那由他劫受 疲 攝受心生歡喜如見善友大悲哀愍思滿其願捨心增長無有休息亦不 形 帝釋樂無數劫受夜摩天樂無量劫受兜率陀天樂無邊劫受善變化天 三千樂不可思劫受徧淨天樂不可說劫受淨居天樂悉不能及菩薩摩 故迴向爲欲安樂一 薩見乞者來歡喜愛樂欣慶踊躍信心增長志樂淸淨諸根調順信解 厭隨其所求悉令滿足離貧窮苦時諸乞者心大欣慶轉更稱傳讚揚 類種種趣生種種福田皆來集會至菩薩所種種求索菩薩見已普皆 切衆生悉得清淨故迴向爲令一切衆生悉求菩提故迴向爲令 劫受他化自在天樂不可數劫受梵王樂不可稱劫受轉輪王王 切衆生故迴向爲令一切衆生得大義利 故 迴向

華 嚴 拯 卷二十入

迴 有 無 訶 切 命者想無補 迴向佛 向。 無 想。 薩 切 衆生悉入摩訶衍故迴向爲令一 切 著因不著果不著法 衆 非 無無想無今世後世想無死此生彼 以諸善根如是迴向時身 有 生悉 分 生悉得平等故迴 子菩薩 别 想非想非非想如是非縛迴向非縛解迴向非業迴向非 不著受想行識不著受想行識生不著受想行識滅佛 迴向。 伽 具普賢菩薩 羅 摩訶 非無 想無人想無童子想無生者想無作者想無受者想無 薩如是迴向時不著內不著外不著能緣不 分別迴向非思 向爲令 不著非法不著思不著非思不著色不著 行願滿十力乘現成 口意業皆悉解脫無著無緊無衆生想 切衆生悉得賢善智慧故 切衆生悉得賢善心故迴向爲 迴向非思已 想無常想無無常想無 正覺故迴 迴 向。 向佛 非 心 迴 子。 迴向爲令 向。 三有 菩 著所 非 業 薩 令 無 無

(入九0)

聲 處 非 如響衆 非 切法 不斷諸業道不捨菩薩行求一切智終無退轉了知一 法 不縛受想行識生不縛受想行識滅若能於此諸法不縛則亦於 非非有 何以故。 向永度世間至於彼岸故名迴向永出諸蘊至於彼岸故名迴 處 廣· 自 薩若能於此諸法不著則不縛色不縛色**生不縛色滅** 普当 皆無所作行無作道未嘗暫廢佛子此菩薩摩訶 宗非深非淺非寂靜非戲論非處非非處非法非非法非體非非體 相 生 如 菩薩 迴向 如 是 無有少法若現生若已生若當生無 影諸法如 無有自 如是觀察諸法則爲非法於 切智性於一 性自性相離非一 幻。 而亦不壞 切處皆悉迴向無有退轉 因緣業力了知諸業 非二非多非 言 法可 語 中隨世 取無法 無量非小非大 **薩住一切智** 切業緣如夢音 其用廣 建立 以何義故 不縛受想行 可 非 著。 法 諸 非 切

住。 養。 名迴 此 法 達 隨 言語道 息佛子是爲菩薩摩 出 於彼岸故名迴向永離依處至於彼岸故名迴向永絕所作至於彼岸故 無 順行住隨順眞實住隨順淸淨住佛子菩薩摩 隨 迴向時常爲諸佛之所護念堅固不退入深法性修 而 世 切諸 间。 有 順 法 可厭離不見內外一切諸法有少滅壞違因緣道法力具足無有休 法住隨順智住隨順菩提住隨順義住隨順迴向住隨順境界住 永出諸有至於彼岸故名迴向永捨諸取至於彼岸故名迴向永 至於彼岸故名迴向佛子菩薩摩訶薩 至於彼岸故名迴向離種種想至於彼岸故名迴向永斷身見至 法 法則爲承事一切諸佛無有一 mi 可滅壞無有 訶薩第六隨順堅固 法而 可乖 違無有一 佛而不承事無有一 切善根 如是迴向時則爲隨 訶 物 薩 迴向菩薩摩 如是迴 而可貪著無有 切智隨順法義 近向則爲了 法而不供 訶 順佛 薩

普覆世間長去來今佛種性心入於一 察衆會觀察法界已入於字句甚深之義修習無量廣大之心以大悲心 隨順法性隨順一 切金 剛所不能壞於諸法中而得自在爾時金剛幢菩薩觀察十方觀 切堅固善根隨順 切諸佛功德成就諸佛自在力身 切圓滿大願具足隨順堅固之法。

而 説頌言

觀

諸衆

生心之所樂隨其善根所可成熟依法性身爲現色身承佛神

菩薩現身作國 於

其心清淨

稟性仁慈無毒

常依正教轉法輪

智慧分別常明

Ī

弘宣正法以訓

普爲羣萌與

利

色相 才能皆具足 臨

馭率土靡不從

世位中最無等

福德威光勝一

切

無染著

於

世自在咸遵敬

普使衆生獲安隱

現生貴族升王位

方敬仰皆從化

或施其身作僮僕

普願藉此勝因緣

其心歡喜無憂戀

菩薩身居大王位

或施於手或施足

推伏魔軍悉令盡 堅持淨戒無違犯 決志堪忍不動搖

永願蠲除忿恚心

常樂修行諸佛法

菩薩悉以給濟

菩薩 切皆周 給

內外所有悉能

捨

令其開發廣大心

意皆清淨生歡

喜

爲利益故而行施

車

騎

牀褥座與燈

必使其心永清

淨

不應暫爾生狹 劣

皮肉骨髓及餘物

種族豪貴人中尊 以彼施舌諸功德

迴向

切諸衆生

其 悉得如來廣長 心清淨常歡喜 舌

於尊勝處及所餘 并及所餘無量 飲食香鬘及衣服

種

或施於頭或施 切皆捨心無恡 眼

口 出舌施羣 生

開

或施妻子及王位

如是一 切無憂悔

二九

(人九三)

復爲衆 悉以迴向諸含識 如是之心無暫捨 普皆救護無有餘 此諸眷屬甚希有 色相端嚴能辯 聽受如來深法 彼見世尊大導 自捨其身充給侍 諸來求者普滿足 隨所樂求咸施與 化生捨一 味 師 慧 切 菩 菩薩 而 華鬘衣服及塗香 浆無· 永使解脫常安樂 能以慈心廣饒益 菩薩所有諸善 爲欲普救諸羣 爲聞法故施其身 應時給濟無疲厭 薩 不生於取著心 如是諦思惟 上智不退 切皆能 施 根 生 轉 菩薩捨彼大王位 悉以迴 備行種種廣大 專求正覺度羣 種 菩薩所有諸眷 是時踊躍生歡喜 發生無量歡喜心 修諸苦行求菩提 以於佛所聞正法 種莊嚴皆具 切所有皆能散 向諸衆 生 足 屬 生

及以國土諸城邑 宮殿樓閣與園林 **僮僕侍衞皆無恪**

處處周行而施

與

因以教導諸羣

生

彼於無量百千劫

悉使超升無上岸

菩薩見已心欣慶

菩薩亦修如是業 菩薩觀察 切法

不於身中而有業

亦不依止於

心住

智慧了知無業性

入深法界無違逆

心不分別一切業

亦不染著於業果

菩薩迴向眞實義

於其法中無所著

知菩提性從緣起

菩薩迴向善巧智

菩薩迴向方便法

云何爲入何所入

誰爲能入此法者

調御人尊之所行

悉皆隨學到彼岸

如三世佛所迴向

十方世界來萃止

隨其所乏令滿足

無量品類各差別

如是布施心無住

以因緣故業不失

心不妄取過去法

亦不貪著未來事

(入九五)

開示解說諸業跡 菩薩所行亦不 若能如是觀諸 諸法無生亦無滅 受想行識亦如是 不見衆生及菩提 法 體性畢竟不可得 不於現在有所住 諦觀五蘊十八界 切如來之所說 性非有亦非無 虚 法 隨順思惟入正義 欲使衆生悉清 亦復無來無有去 菩薩了法從緣有 則如諸佛之所解 業理次第終無盡 十方國土三世中 十二種處及己身 不取諸法常住相 超出世間生死流 了達三世悉空寂 淨 於此一一 自然覺悟成菩提 不違 不於此死而生彼 是爲智者所行道 雖求其性不可得 畢竟求之無可得 不於諸法有所住 於斷滅相亦不著 其心謙下常清淨 菩薩已到色彼岸 切所行道 一求菩提

率陀天上慧日舒光十迴向義廣宣揚苦海作津梁化日舒長華雨散天 末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃 大方廣佛華嚴經卷第二十八 如是等法悉非有 誦 如是迴向諸衆生 知法無性無分別 是人悟解諸佛法 切諸佛所覺了 切衆生及國土 ¥ 補闕眞言 嚴 煙 卷二十人 常於世間無退轉 悉皆攝取無有餘 此人善入諸佛智 如諸法性偏一切 了達諸法眞實性 二世悉在無有餘 菩薩迴向亦復然 雖說三世一切法 亦無形相而可得 法性偏在一切處 而於法性無分別 111111 (入九七)

香

華嚴字母衆藝親宣善財童子得眞傳秘密義幽玄功德無邊唱誦利人

チ

左室 **吞** ○◎ 滅室 增室 宗束 租束 遭室 災室 賚室 津室 錢瑟 浸室 **替**瑟 **顺室** 左室 唱 左室 字時普願法界衆生入般

若波羅蜜門

侘◎莴僜蹱攄超搋絺獬脠琛覘抽侘唱侘字時普願法界衆生入般若

波羅蜜門

陀●唐滕彤圖韜駘醍田驒 量骰陀唱陀字時普願法界衆生入般若

波羅蜜門

波

四十二字纱陀羅字字包含義理多阿展梵韻滿娑婆功德大法界沐恩

四生九有同登華藏玄門八難 一塗共入毘盧性海

南無華嚴海會佛菩薩 三

稱

音釋

存 也聲 乏 存者 平 不音 也辱 輸 供伐 增 輸音 也少 苯 也書 也 委 什 馨 物音 也聲 盡音 也十 什 集 也慶 衍 悋 切音 敬腔 摩演 也入 訶以 聲 行淺 宥 虐 寛音 酷音 也佑 虐箬 怡 也殘 也音 也 悅移 馭 也和 馬音 匱 也御 竭音 使 也跪 蠲 乏盡 也音 也也

流行 第 通藏 四 作本 頁 不不 流第 分應 通一 第三二頁第一本作給侍施 本 惧 作 不 於 不 行 藏 本 不 見 字五 通補 本下 有藏 特本 字無 第

校異同 (依各卷分碼索引) 也隨 聚去 流行 潔涓 坦 也除 上灘

華 嚴 經 卷二十入

三大

(九00)

唐于闐國三藏沙門實叉難陀譯

十迴向品第二十五之七

善觀察善根知一切衆生心行差別善根集無邊功德善根勤修習菩薩 助道法境界善根勤修一切捨善根立勝志究竟持淨戒善根一切捨無 方便善巧境界善根修諸善心境界善根內境界善根外境界善根無邊 界善根法境界善根僧境界善根善知識境界善根一切衆生境界善根 所積集一切善根所謂小善根大善根廣善根多善根無量善根種種善 佛子云何爲菩薩摩訶薩等隨順一切衆生迴向佛子此菩薩摩訶薩隨 不受堪忍善根常精進心無退善根以大方便入無量三昧善根以智慧 根微塵數善根阿僧祇善根無邊際善根不可思善根不可量善根佛境

業行善根普覆育 趣 入攝受積集辦具悟解心淨開示發起時得堪忍心閉惡趣門善攝諸 切世間善根佛子菩薩摩 訶薩於此善根修行安住

根 場入如來力具佛色相超諸世間不樂生天不貪富樂不著諸行一 田。 根· | 威儀 悉 爲 以迴 佛所念長佛善根住諸佛願行諸佛業心得自在等三世佛趣 具足遠離顚倒正行圓滿堪爲一 向爲諸衆生功德之藏住究竟道普覆 切諸佛法器能作衆 切於虛妄道 生福 中拔 佛道 切善 德

衆生令其安住一 幢 嚴淨 大道普能示 切善法偏諸境界無斷無盡開 現一 切世間令除垢染心善調 切智菩提之門建立 伏生 如來家! 淨 佛

種 根 性 佛子菩薩摩 功 德具足作大福田爲世所依安立衆生咸令淸淨常勤修 訶薩以淨志願菩提心力修諸善根時 作是念言此諸 習 切

是菩提心之所積集是菩提心之所思惟是菩提心之所發起是菩

界 薩 薩 之未曾厭倦而有休息如於一人於一 界種種莊嚴寶冠 祇 生。 種 提 悉 世界財貨充滿。 衣 復作是念願我以此善根果報盡未來劫修菩薩行悉以惠施 無量摩尼寶充滿 智皆爲成就如來十力作是念時善根增進永不退轉佛子菩薩摩 如 心之所志樂是菩提心之所增益皆爲憐愍一 (服充滿) 切智道 以迴向 是 施時 心。 一 無虚偽 阿僧祇世界妙香充滿阿僧 一切衆生普偏無餘願令阿僧祇世界珍寶充滿 充滿假使 阿僧祇世界牀座充滿蓋以寶帳敷以妙衣阿僧祇 切悉捨心哀愍衆生心敎化成熟心皆令安住 心無 阿僧祇 希望 世界妙華充滿。 Ţ, o 人盡未來劫常 無名譽心 切衆 **祇世界莊嚴具充滿** 無 生 阿僧祇世界上味 一悉亦如是佛子菩薩摩 中 來求索以此等物 悔心。 切衆生皆爲趣求 無熱惱心但發專 阿僧祇 充 阿僧 滿。 而 切智 切衆 惠 祇 阿 施 世 僧 世 世 切

九

0

象充 智智心佛子菩薩摩 心佛 滿七支具足性極調順上立 子菩薩摩訶薩以諸善根如是迴向盡 訶薩復作是念我爲 金幢金網彌 一衆 生故欲令阿僧祇世界寶 覆種種妙寶而 未來劫常行惠施住 爲莊嚴以 切

菩 施。 飾 用 提 之持用布 願 布 令阿僧祇世 施。 心 而 願令阿僧祇 用布施願令阿僧祇世界已頭充滿起不放逸心而用布施 施願令阿僧祇 界男女充滿持用布施願令阿僧祇世界已身充滿 世界寶馬充滿 世界妓女充滿 如龍馬王種種衆寶莊嚴之具而 悉能 敷奏種種妙音持 崩 願 嚴

髓 令 阿僧 充滿 : 其中心無顧戀持用布施願令阿僧祇世界自在王 施。 祇 世 界已 眼 充滿· 而用布施願令阿僧祇世界己 身血 位 充滿其· 肉 及 以骨 中

如是等種種諸物盡未來劫安住廣大一 願 今阿僧 切施 中持用布 心施 衆生如 施。 菩薩 摩 訶

以

持

用

布

四

切衆

生成

\\ 就無盡·

大功德藏

願

切衆生具足一

切安隱快樂願一

切衆

增

長菩薩摩訶薩業願

切衆生成滿無量第一

勝法願

切衆生得

ച 菩薩行以是等物施一 衆 生 界 切衆生皆如是施佛子菩薩摩訶薩於 衆生如是給施一 切衆生皆令滿足如於一世 世 界盡未來劫

隨其 衆 佛 於 集善根於念念中如是迴向所謂願 種 心。 子菩薩 盡虚空 甚 生 **寶性心不求** 所須 深 心善攝心無執 無 三偏法界一 摩訶 `供給供養不令施行遇緣而息乃至不於一 上智 果報心了達 心生大法光明心入一 薩如是施時生於此心所謂無著心無縛心解脫心大 切世界中悉亦如是大悲普覆終無間息普加哀愍 心無壽者心善調伏心不散亂心不妄計 切法心住大迴向心善決諸義心令一 切衆生 切智智心佛子菩薩摩 財寶豐足無所乏少願 彈指頃生疲倦 訶 心具種 薩 以所 切

大

爲 順 間 心 切衆生住一 安 無 永 〈樂故爲令 令一 故爲 離貧 諸惑塵 切智佛子菩薩摩訶薩如是迴向時發歡喜心爲令一切衆生得利益 施 生 數財寶施心故爲令一切衆生住普施無量施 心故爲令 住盡 切衆生住捨無量莊嚴具供養施心故爲令一 令一切衆生住悉捨一切資生之物施心故爲令 窮施心故爲令 垢願 切智乘願一 未來劫無斷施心故爲令 切施心故爲令一切衆生住歡喜施心故爲令一 ___ 切衆生得平等心故爲令一切衆生住能捨心故爲令 切衆生皆得清淨平等之心願一切衆生離諸難處得 切衆生住攝取施心故爲令一切衆生住廣 切衆生普見十方一 切衆生住一 切衆生住 切財寶施 切諸佛願 心故爲令一 切施心故爲令一 切悉捨無悔無惱施 切衆生住無著 切衆生永離 切衆生住隨 大施心故。 切衆 切衆生住 生住 切 世

生住 心故爲令 淸 爲 前 所作業障道法故爲令 德圓滿無能壞者故爲令一切衆生具足清淨不動三昧故爲令一切衆 淨善根故爲令一 心 心 故爲令一 故爲令 令一 故爲 切諸疑惑故爲令一切衆生得平等智慧淨功德故爲令一 淨故爲令一切衆生出生淸淨勝善根故爲令一 不可壞 切衆生修集無著善根故爲令一 令 切衆生得不可壞淨心圓滿故爲令一切衆生成就最勝淸 切衆生善根眷屬具足故爲令一切衆生善根智慧常現在 切衆生住如日光明施心故爲令一切衆生住攝如來智施 切衆生住平等施心故爲令一切衆生住如金剛極大力施 切智智故爲令一切衆生成滿菩薩無量淸淨 切衆生於煩惱睡眠中得覺悟故爲令一 一切衆生具足無礙清淨平等功德法故爲令、 切衆生念去來今一切諸佛心 切衆生滅除 切衆生滅除 神通行故。 切衆生功 切魔

(九〇七)

令 淸 量 波 爲 蜜 生 切 故爲 定能 淨 羅蜜 令 無 爲 衆 善 切 切衆生了達實義普淸淨故爲 量 令 生 故爲令一 根故為 衆 令 切衆 可) 廣 起 心廣大心最勝心悉清淨故爲令一 切諸佛境界悉周徧故爲 生善業果報普清 一切衆 種種神通 切 衆 大 生奉持諸佛尸 令 生廣 心 切衆生住精進波羅蜜常無懈故爲令一 常念諸佛無懈廢故爲令 生圓滿無邊淨 智故爲令 開 切 衆 生住 切諸善根門普能圓滿白淨法故爲 淨 波羅蜜等清淨故爲 平 故。 切衆 爲 等行積集善法悉圓滿故爲**今** 法界故爲令一 令 令 令 生得 切衆 切衆 切 切衆 衆生修諸勝行普淸淨故 知 生了達諸 生身 切衆生常近諸佛勤 令 切衆 切法無體性般若波 生成就清淨 口意業普淸淨故 生成滿 切衆生得大 法普清 切衆 等施 令 生生 淨 切 故。 切衆 供養 心故。 切衆 神 堪 通 忍

華 嚴 經 卷二十九

令 一 以 轉 令 生見 礙 圓 德智慧普清淨故爲令一 令 上法寶等淸淨故爲令 乘普圓滿故爲令一 平等 莊 滿 不退轉無盡法輪故爲令一 政爲令一 切衆 切 嚴· 切衆生成就 衆 切佛而無所著普圓滿故爲令 心故爲令一 如 生以時修習清淨善法普圓滿故爲令一 生得無上無畏人中之雄師子吼故爲 來無礙功德妙音悉圓滿故爲令一 切衆生得六十種音聲發言誠諦皆可信受百千種法 切衆生得一 切衆生嚴淨 切菩薩大願普淸淨故爲令一 切衆生成就 切衆生於 切衆生了一切法開示演說普圓滿故爲 切佛無盡法明一 切諸佛國 莊嚴無量莊嚴大莊嚴諸佛莊 一切同體善根迴向 切衆生具諸相好功德莊嚴普 切衆生成就十力莊 一土普圓滿故爲令 令 切衆 切衆 切辯才普圓滿故 切衆 生成就導師 生證得 生得 出 生 切衆 切 嚴 切 切 智 功 爲 無 而

(九〇九)

0

淨故爲令 令一切衆生了達正法爲世最 智悉平等故爲令一 切菩薩自在神通悉明達故爲令一切衆生得一 能 衆 所宗與佛等故爲令一切衆生以一切智知一 普 悉能往詣 切衆生見必蒙益無能摧伏故爲令一 大悲爲諸施者大力田故爲令一切衆生堅固第 知 生行不動業得無礙果普圓滿故爲令一切衆生所有諸根咸得神通· 圓滿故爲令一 切衆生根故爲令一切衆生得無差別平等智慧於一相 一切衆生與理無違 一切佛刹聽受正法無不偏故爲令一切衆生智慧利益爲世 切衆生等入三世所有境界悉周徧故爲令一 切衆生發菩提 上福德田故爲令一切衆生成就平等清 一切善根悉具足故爲令一 心解一 切衆生成滿最勝平等心故爲 切法平等一相無遺缺故爲 切法普圓滿故爲令一 切佛無盡功德若福若 一無能沮壞故爲令 切衆 生於 法普清 切衆 切

衆 令 一 爲令一切衆生能以一心知一切心以一切善根等迴向故爲令一切衆 普使聞者皆得解故爲令一切衆生悉能具足一切菩薩淸淨心故爲令 爲令一 神通智於 故爲令一切衆生得 德智慧清淨身故爲令一切衆生善知一切衆生善根觀察迴向普成就 生常樂積集一 普照十方一切世界故爲令一切衆生普修一切菩薩精進行無懈退故 切衆 生不休息故爲令一 切衆生善能 切衆生以一行願普滿一切諸行願故爲令一切衆生以一妙音 生普得值遇諸善知識咸承事故爲令一切衆生修菩薩行調伏 處出與一 切善根安立衆生於淨智故爲令一切衆生得一 了達一切諸法得大無畏故爲令一切衆生放一 切衆生以妙辯才具一切音隨機廣演無斷盡故。 切諸處皆出與故爲令一切衆生得普莊嚴智嚴 切智成等正覺普圓滿故爲令一切衆生得具足 切智福 光明

善 莊 淨 淨 國 直 最 了甚深義故爲令一 不善業修行苦行 根普 嚴具莊嚴 法 **尊勝故佛子菩薩摩訶薩如是悲愍利益安樂一** 土故爲令一 生得非一非異一 衆會一 力具足成就無惱無失善巧迴向常修正行調伏衆生滅除 輕無有諂曲迷惑愚癡行出離行堅固不壞平等之心永無退轉白 嫉受勝妙樂具大威德生大信解永離瞋恚及諸翳濁其心淸淨質 爲 《諸佛灌其頂故爲令一切衆生悉得成滿淸淨智身於諸有 切衆會皆嚴淨故爲令 切衆生以一切莊嚴具不可說莊嚴具無量莊嚴具無盡 切諸佛國土普周徧故爲令一切衆生於一 切功德自在神通故爲令一切衆生具足一切平等 切善根又勸衆生令其修集普爲含識具受衆苦以 切衆生得諸如來最 切衆生於一 上第一 自在神通故爲令 切衆生咸令清淨遠 佛國土普見一 切法悉能決 切諸 切佛 切 中

華 嚴 經 卷二十九

願 切衆生究竟淸淨願一切衆生究竟安樂願一切衆生究竟解脫願一 迴 諸 福 大智眼觀諸善根知其悉以智慧爲性方便迴向一切衆生爲令一 生悉得安住一切清淨功德處故爲令一 向而相應故又以諸善根如是迴向所謂願 皆令趣一 生究竟平等願一 田境界中種諸善法心無悔故爲令一 衆生佛子菩薩摩訶薩如是迴向時不著業不著報不著身不著物不 功德性及義故爲令一切衆生普淨 一切衆生得無礙眼願一切衆生善調其心願一切衆生具足十力調 不著方不著衆生不著無衆生不著一 切智故爲令一切衆生普攝一切所有善根一一 切衆生究竟了達願一 切衆生普能攝受一 切衆生悉能攝受一 切諸善根故爲令 切法不著無 切衆生究竟安住諸白淨法 切衆生究竟安隱願 切法佛子 切衆生一 皆與平等 切善根· 切衆 生於 切衆 切

九 回

波 國 義。 礙。 可 薩 淨 薩 億 得陀 來所轉法輪聽聞受持精勤修習不生一念捨離之心住無所得無依 修行 說世界猶如影像普現其身供養諸佛念念嚴淨不可說不可說諸佛 又能普見一 亦不可盡普修 心智慧明了內心寂靜外緣不動增長成就三世佛種佛子菩薩摩訶 那 悉令周徧修行嚴淨佛刹 訶薩如是迴 攝 羅尼演說妙法盡未來劫無有斷絕爲衆生故念念於 由他衆生清淨成就 如是迴向之時超出 取 衆 切世界菩薩所行以善方便爲諸衆生分別諸法甚深句 生成就淨業得無礙耳於不可說不可 向時以此善根普施世間願 切菩薩諸行悉能往詣 平等滿足於彼 智慧而 切無能過者一 無厭足念念令不可說不 切諸國土中勤修 切佛土普見諸佛無所障 切世間所有言詞悉共稱 切衆生成滿佛智得淸 說諸佛 世界一 不 二切諸 可說 可說

如

切佛刹 相 不違思心業不違報報不違業業不違業道業道不違業法性不違相法 淨。 境界平等淸淨佛子菩薩摩訶薩如是迴向時得一切功德淸淨歡喜法 量不可說不可說淸淨功德憶念稱讚所不能盡況復得成無上菩提 無量 衆生不違業業不違刹衆生思不違心心不違思思心不違境界境界 不違性法生不違性法性不違生利平等不違衆生平等衆生平等不 切法方便智平等清淨一切如來諸願迴向平等淸淨一 一切業果平等清淨一切衆會道場平等清淨一切圓滿行平等淸淨 |功德圓滿莊嚴如是迴向時衆生不違一切刹刹不違一 平等清淨一切衆生平等清淨一切身平等清淨一切根平等清 卷二十九 切諸佛神 切衆生。

與諸菩薩等同一見佛子菩薩摩訶薩如是修習菩薩行時尙能成滿

止

一無作無著菩薩神通於

刹那一

彈指頃分身普詣不可說諸佛世界

成 切菩薩。 切行 得 欲際 違 摩訶薩成就此迴向則能摧滅一切魔怨拔諸欲刺得出離樂住無二性 過去未來世平等不違佛平等佛平等不違世平等菩薩行不違一切智 平等離欲際平等不違一切衆生安住平等一切衆生安住平等不違離 滿一 切智不違菩薩行佛子菩薩摩訶薩如是迴向時得業平等得報平等 身平等得方便平等得願平等得一切衆生平等得一切刹 利平等一切衆生平等不違一切法平等 平等得一 事供養 平等過去不違未來未來不違過去過去未來不違現在現在不違 得種 切白法佛子是爲菩薩摩訶薩第 切善知識得入一切淸淨衆會道場得通達一切正 切智平等得三世諸佛平等得承事一切諸佛得供養 切善根得滿一 切大願得教化一切衆生得了知一切業 七等隨順 切法平等不違一 切衆 生迴向菩薩 平等得 切衆生

華 晟 經 巻 十九

隨順 得無礙耳聞一切刹所有音聲得淨慧眼見一 成菩薩行於諸行願心得自在分別了知一切諸法悉能偏生一切佛刹。 具大威德救護衆生爲功德王神足無礙往一 界成就善根心無高下於一 切衆生如是迴向爾時金剛幢菩薩承佛神力普觀十方而說頌 切法得無所得菩薩摩訶薩以一切善根等 切利入寂滅處具一 切佛未嘗暫捨於一 切境 切身

言

悉能 菩薩所作諸功德 或持身肉及骨髓 香象寶馬以駕車 無量劫中所修習 迴向無邊際 微妙廣大甚深遠 悉編十方無量 菩薩所有資生具 衣服珍財悉殊妙 切功德盡迴向 刹 普施一 乃至一 或以頭目幷手足 為欲救度諸羣生 種種豐盈無限億 切令充偏 念而修行

於二不二並皆離 普開清淨妙法門 未曾暫起分別 菩薩願力無限礙 普令三界得安樂 精進修行不懈 隨其所集淸淨業 菩薩言詞已通 其心畢竟不退轉 莫非心語 而於其中心不著 切業 心 廢 常於諸法不作二 普願衆生智明了 衆生幻化無有質 智慧同於兩足拿 菩薩爲度衆生故 種種智慧亦如是 如是大誓無休息 悉以迴施諸羣 悉使當成無上果 知其悉是語言道 切世間咸攝受 生 菩薩 常修最勝迴向業 亦復不作於不二 說法如理無障礙 分別實義得究竟 如是迴向諸羣生 如是大誓終無捨 菩薩普與平等願 所有果報從茲起 知諸世間悉平等 布施持戒悉清淨 迴向到彼岸

一九

(九一九)

能 菩薩 衆生業報亦不失 菩薩了知諸法空 諸佛清淨無倫 得成勇猛大力身 普令衆生色清淨 知諸分別是世見 亦令衆生住平等 若滅於業彼皆盡 知諸佛最勝法 切世間之所有 利益諸羣 生 匹 諸法寂滅非寂滅 以衆善業等迴向 入於正位分別盡 衆生淸淨亦如是 功德大海盡迴向 凡所修習諸功德 **猶如無等大聖尊** 菩薩觀察諸世間 福德方便皆具足 種種果報各不同 切世間無所有 遠離此二分別心 願令庶品同如來 如是眞實諸佛子 菩薩於義得善巧 無有造作及作者 願使世間普清淨 願使威光特超世 菩薩善業悉迴向 身口意業悉平等 同於無上調御 莫不皆由業力成

從於如來法化生 彼能如是善迴向 世間疑惑悉除滅

大方廣佛華嚴經卷第二十九

南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

末瓦山矴鉢囉帝烏怛摩怛摩怛塔葛塔喃末瓦吽婺莎訶

率陀天上慧日舒光十迴向義廣宣揚苦海作津梁化日舒長華兩散天

香

華嚴字母衆藝親宣善財童子得眞傳秘密義幽玄功德無邊唱誦利

阿〇侠鞥翁烏爊哀醫因安音諳謳阿唱阿字時普願法界衆生入般者

波羅蜜門

多○當登東都刀驢低顚單○耽兜多唱多字時普願法界衆生入般若

波羅蜜門

波○幫崩○

)逋褒碩卑賓般〇〇〇波唱波字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

南無華嚴海會佛菩薩 三 四生九有同登華藏玄門八難三塗共入毗盧性海 稱

音釋

憐 二也 也音 也合 愛連 也衿 髓 中雖 脂上 也擊 骨 彈 指音 也談 彈 沮 也音 抑咀 也止 志 恨音 也胃 怒 刺 刺音 也次 針

匹产

也配

校異同 (依各卷分碼索引)

(九二)

敲行

第四 通本 本無 有清 頁 清字 住第 字流 一 第一二頁第切智智心六 行八 字少 ^{北行} 第 璇北 五 修藏 集生 流第 南南 通七 巌巌 本行 作作 作藏 修樂 質本 智第 性寶 十 性 第七頁第 下六

大方廣佛華嚴經卷第三十

唐于闐國三藏沙門實叉難陀譯

佛子何者是菩薩摩訶薩眞如相迴向佛子此菩薩摩訶薩正念明了其

迴向品第二十五之八

寶成就常念諸佛護持正法於菩薩道信樂堅固成就無量淨妙善根勤 求大乘勇猛無畏植諸德本普安世間生勝善根修白淨法大悲增長心 心堅住遠離迷惑專意修行深心不動成不壞業趣一切智終不退轉志

切功德智慧為調御師生衆善法以智方便而爲迴向菩薩爾時慧

眼普觀所有善根無量無邊其諸善根修習之時若求緣若辦具若治淨 若趣入若專勵若起行若明達若精審若開示如是一切有種種門種種

境種種相種種事種種分種種行種種名字種種分別種種出生種種修

諸 得清 離 照 於 願 障 法自 切 起 世 世 諸 礙 唯 心淨修 間。 界 切 世 無 法 淨 中所有 心得自 諸魔怨敵願得安住佛十力智普攝衆生無有休息願得三 願常 性見 間。 量 而 無二 無 於世間 願得自在 思慧方便成就菩薩 礙 以諸善根 正念三世諸佛諦想如 口 切世 在演大法 切諸菩薩行願起無量廣大施心周給無邊一。 業 切善根悉是趣向十力乘心之所建立皆悉迴向 無所染著願住諸世 修菩薩行願得成就 i神通智· 間悉皆淸淨願得生起無差別智於 如是迴向所謂願得圓滿 明無能障蔽願得明達一 力於一 不 思議 念 來 界 中 道。 常現在前願住圓 無礙意業 願得諸方不 悉能嚴淨 無有疲厭敎化 安住大乘願得 無礙身業 切智處發菩 迷惑 切 國 衆 滿 2智悉能 《修菩薩行》 刹 增上 生 願 恆 中入一 切 得普入 志 提 衆 圓 分別 昧 樂遠 休 生° 心 滿 切 切 願 遊 普 願

華嚴經卷三十

能善入菩提心藏自護持故爲令一 清涼雲窪法雨故爲令一切衆生常値福田勝境界故爲令一 顯示安隱住處佛子菩薩摩訶薩恆以善心如是迴向爲令一 安樂智慧淸淨願一。切衆生智慧圓滿淨光普照願一切衆生思慧成滿 願 切 願 土佛子菩薩摩 刹。 了眞實義願 衆 無邊法界一切佛刹悉亦如是願得自在大神通智普能往詣 得成就智慧觀察如爲己身如是迴向如是而爲一切衆生所謂願 願 切 生永離 以一 衆 切刹莊嚴之事顯示一 生得周普心平等智慧願一 切地獄畜生閻 切衆生以淨志樂趣求菩提獲無量智願 訶薩以諸善根願得莊嚴一 羅王趣願一 切教化無量無邊衆生願於 切衆生離諸蓋纏善安住故爲令 切衆生於怨於親等心攝受皆令 一切衆生除滅一 切佛國願得周偏一切世界 切衆 切障礙之業 切衆 切衆生遇 佛刹 、生普能 切佛 生皆

(九二五)

(九二大

菩薩 品品 切衆 勤 離諸諠雜見是事已以方便智精勤修習出生無量勝妙功德爲諸衆 珍寶財物諸莊嚴具或見可樂村邑聚落或見帝王威德自在或見住處 切 所依之處以諸善根方便迴向而無分別開示無量種種善根 求善法心無放逸廣集衆善猶如大海以無盡善普覆一 令 切衆生心恆憶念善根境界以等真如平等善根迴向衆生無有休息 衆生成 無障礙故佛子菩薩摩訶薩見可愛樂國土園林草木華果名香上服 爾 凊 生皆獲無礙神通智故爲令一 時以諸善根如是迴向所謂願一 淨故爲令一 成就最勝 切種智普興利益無空過故爲令一 切衆生皆能究竟一 切衆生得自在身普示現故爲令一 切衆生得諸如來可愛樂見見 切智故爲令一 切衆生普攝羣 切衆生心 切爲衆善法 智常觀察 不動

法眞性

平等平等無所取著圓滿清淨願

切衆生見諸如來甚可愛樂

通。願一 以方便開示演說甚可愛樂差別之句願一切衆生常能發起甚可愛樂 愛樂甚深三昧願一 願 平等大悲願 得諸菩薩甚可愛樂善觀察智願一 物無有違逆願一切衆生證得一 衆生得見諸佛可愛樂法願一 切佛可樂法中得淨光明願一 切衆生得善知識可愛樂眼見無所礙願一切衆生常見一 切衆 華 切衆生能於諸佛大衆會中說可愛樂甚深妙法願一切衆生能 生得無所畏能說一切可愛樂法願一 一切衆生念念發起甚可愛樂大菩提心常令諸根歡喜悅 挳 卷三十 切衆生得諸菩薩甚可愛樂陀羅尼門願一切衆生 切衆生常樂護持一切菩薩可愛樂行願 切衆生修諸菩薩一切能捨可愛樂心 切可愛樂法而勤護持願一 切衆生能現菩薩甚可愛樂自在神 切衆生得諸菩薩極可 Ħ 切衆生於 切可愛樂

圓滿供養願一切衆生往生

切無諸煩惱甚可愛樂淸淨佛刹願

切

大

戲論 欲 智門普於 演 爲善知識之所攝受如來慧日 具可愛樂無礙善根摧伏一切煩惱怨敵願一 際。 離 切 說 伏行 心 知一 諸法願一 法願 貪 衆 無 欲際知 切衆 調 生得可愛樂無礙方便知一 厭倦願 切法平等眞實願一切衆生具足成滿一 世間現成 伏衆生無有休息願一切衆 切衆 生能入一切甚可愛樂諸如來家願一 切衆生於不可說不可說劫住於一切可樂世界教化衆 切法畢竟無一 生 切衆生以無量方便普能悟入甚 Ē 得 一覺佛子菩薩摩 金剛藏精進之心成可愛樂一 斷 明照其心永滅癡冥勤修正法入諸智 切法無有根本願一 切障願一 訶 生得諸菩薩 薩修習如是諸善根 切衆 切衆生得可愛樂一 切菩薩 甚可愛樂無盡辯 切衆生得可愛樂能 可 切智道。 生得 愛樂諸佛法門願 切衆生得可 甚可愛樂 可愛樂離貪 時· 願 得 智慧 切衆 切

向

染著勤修 爲性。 眞 之處譬如眞如離境界相而爲境界善根迴向亦復如是離境界相而爲 退 爲 切處無有邊際譬如眞如眞實爲性善根迴向亦復如是了一切法眞實 妄見了眞實法譬如眞如徧一切處無有邊際善根迴向亦復如是徧 一改譬如眞)轉譬. 如若有得者終無退轉善根迴向亦復如是若有得者於諸佛法永不 性譬如眞如恆守本性無有改變善根迴向亦復如是守其本性始終 譬如眞 如真 切衆生譬如眞如性常隨順善根迴向亦復如是盡未來劫隨順 切諸佛圓滿境界譬如眞 一切出世間法於諸世間無取無依於深妙道正見牢固離諸 如以一 如 如無相爲相善根迴向亦復如是了一切法無相爲相譬如 切諸佛之所行處善根迴向亦復如是一 切法無性爲性善根迴向亦復如是了一 如能有安立善根迴向亦復 切 如 切法無性 如是悉能 來所行

眞 迴 無 切 眞 如 迴 迴 迴向亦復如是普能圓滿一 是以普 處悉 向 礙。 如 向 问 如 亦復 善根 亦復 常 性常清淨善根 亦 無不 蕃 復如是一 住無盡善根 照 如是能爲 迴 如是體性堅固非諸惑惱之所能沮譬如眞如 麗 向 在。譬 明而 亦復 娅 爲其性譬 如真 切衆生不能損壞譬如眞 卷三十 如是周行一 迴向亦復如是住於世 迴向亦復如是究竟無盡 切衆 如 徧 加眞 生作眼譬如眞如性無勞倦善根 切佛法無有比對譬如眞 切時善 切 如無所不在善根 而 無所礙。 根 迴向亦復如是徧 間而體淸淨譬 如照明為體善根 譬 譬如眞如 如真 迴向亦復如是於 如 如 九 爲 無有比 體 不可破壞善根 衆 如真 性堅固善根 迴 法 切 迴向亦復 眼善 對善根 向亦 如 時。 (九三二) 於 譬

復

根

如

測

譬

如真

如充滿一

切善根

迴向亦復如是一

刹

那中普周法

界譬如

一心無能

量。

不

斷。

如眞

如無能

測量善根

迴向亦復如是等虛空界盡衆生

0

遠 與 眞 寂 如 如 眞 障 如 迴 淫 修 行 (等善根) 是其性 (静善根) 向亦 物 是 如 如 礙。 離 體 淨 雛 醫 諸衆 復如是能入一切無根本法譬如眞 衆垢翳善根 如真 性 如 切 **無住善根** 甚深譬如眞 眞 諸著譬如眞 迴向亦復如是善能隨順寂靜之法譬如眞 迴 切菩 向亦 如 如 生其數無邊。 非 性 非出 復 薩諸行 世所行善根 迴 如是成就一 迴向亦復如是慧眼淸淨離諸癡翳譬如眞 [現善根] 向 如無有一 如 **恆無勞倦譬** 譬如眞 亦復 無有障礙善根迴向亦復如是除滅 如是 迴向亦 迴向亦復如 物善根 切諸 如體 性無 I 菩薩行 如眞 復如是其體微妙難 切 生 迴向亦復如是了知 是非諸 落善根河 如體性甚深善根 死 如體性無邊善根 最 皆非所住譬如眞 一無等譬如 世間 迴 向 如 無有根 之所能 亦 復 미 迴向亦 得 其 迴向 如 眞 見譬如 是 切 如體 如 行。 本。 如 性 畢竟 善根 譬如 世 無有 亦 性 性 復 復 性 無

暎蔽譬 如是與諸英 迴向 世 如 如 迴 所 如是於諸衆 作善根 向亦復 切世出 切衆 是不違三世一 是盡未來際不捨世間譬如眞 佛 亦復 同 、 生善根譬 如 世法 眞 體性譬如眞 如是於諸世間修平等行譬如眞如不離諸法善根迴向亦復 菩薩聽聞修習而共相應譬如眞如一 如是安住眞實譬如眞如與一 迴向亦復如是一 如不 生迴向 譬如 切佛法譬如眞 如真 可動搖善根迴向亦復如是一 真 無盡譬如眞 如 如 如 與一 與 無能暎蔽善根 切所作悉皆捨離譬如眞如體性安住善根 切法不 切法同其體性善根 如一 如與一 如普攝諸法善根迴向亦復如是盡 相捨離善根迴向亦復如 切法中畢竟無盡善根 切法 切法無有相違善根 迴向亦復如是一 而共相應善根迴向亦復 切法中性常 切魔業 迴向亦復如 無能動搖譬 切世 平等善根 迴 迴向亦復 是攝持 向亦復 是與三 間 無能 攝

眞

如

性

易善根迴向亦復如是愍念衆生心無變易譬如眞如不 無垢濁善根迴向亦復如是修菩薩行 無有垢濁譬如眞 可窮盡善根 如 無 有

眞 智 可 如 迴向亦復如是非諸 法善根温 說譬如眞. 如 生 是普能覺悟 隨 照 起 世言說善根 諸 勝志願永不失壞譬如眞 迴向亦復如是徧於十方一 世間譬如眞 如持諸世間善根迴向亦復如是能持一 切諸法譬如眞 世法所能窮盡譬如眞 迴向亦復如是隨順一 如不 可言說善根 如能大照明善根 如不可失壞善根迴向亦復 切佛刹現大神通成等正 迴向亦復如是 切智慧言 如 性常覺悟善根 迴向亦復如是以大 説 譬 切菩薩諸行譬如 切言 如 眞 如是於諸 迴向亦 **漫譬如** 如 語 徧 所

切身善根迴向亦復如是徧十方刹

無量身中譬如眞

如體性無生善根

眞

如

無

有

分別善根迴向亦復如是於諸

世間

無

派所分別譬

如真

如

偏

切

如是十方三世諸佛土中普現神通而無不在譬如眞如徧在於夜善根如是十方三世諸佛土中普現神通而無不在譬如眞如徧在於夜善根 迴向亦復如是方便示生而無所生譬如眞如無所不在善根迴向亦復

迴 迴向亦復如是悉令一 向亦復如是於一 切夜 切在晝衆生見佛神變演不退輪離垢淸淨無空 放大光明施作佛事譬如眞如徧 在於晝善根

如是住無量劫明了成熟一切諸根皆令圓滿譬如眞 時節得善方便於 念中知一 切時譬如眞 如偏在年歲善根 如偏成壞劫善根 迴向亦復

如偏在半月及以一月善根迴向亦復如是於諸世間

次第

過

2者譬如眞.

亦復 如是住一 切劫清淨無染教化衆生咸令清淨譬如眞 如 杰 未

迴

向

來際善根迴向亦復如是盡未來際修諸菩薩淸淨妙行成滿 退轉譬如眞 如偏住三世善根迴向亦復如是令諸衆 生於一 刹 大願無有 那見三

世佛未曾 念而 有捨離譬如眞 如 徧 切處善根 迴向亦復 如是超出

諸 方便集助道法淨治一 生 根 如 如是令諸菩薩悉得三昧明潔之心譬如眞如體性無垢善根迴向亦復 徧 如是以無我我所淸淨之心充滿十方諸佛國上譬如眞 I 數量善根 日 界周偏一 是遠離諸 切有無之法畢竟淸淨譬如眞如體性淸淨善根迴向亦復如是能以 十方一切世界廣大法雲譬如眞如平等安住善根迴向亦復如是發 迴向亦復如是滿足無礙一 迴向亦復如是獲得平等一切智智照了諸法離諸癡翳譬如眞 切諸 菩 切悉得自在的 **活滿足一切諸淸淨意譬如眞如無我我所善根迴向亦復** 薩 迴向亦復如是與超數量 行。 平等住於 切諸菩薩行譬如眞如體性明潔善根迴向亦復 譬如眞如住有無法善根迴向亦復如是了達 切智道。 切種智於衆生界悉現在前譬如眞 譬如眞如徧住 切智乘大力法藏 切諸 如體性平等善 而同止住與 衆 生 如如 如 超

華嚴經卷三十

使衆 根 根 攝 有 類之智修諸菩薩眞實妙行 根 來 有分别普住 切法皆無所取除滅一 間 迴 今世廣大佛法恆不忘失勤修 迴向亦復如是令諸衆生滿足一切大智境界滅煩惱境悉令淸淨 迴 向亦復如是安住普賢圓滿行願畢竟不動譬如眞如是佛境界善 息譬如眞如體性寬廣偏一 切寬廣法門譬如眞如偏攝羣品善根迴向亦復如是證得無量品 向亦復如是爲欲安處一 生永出世間譬如眞 現種種言音開示衆生譬如眞 切音聲智中善根迴向亦復如是具足一 切世間取著普令淸淨譬如眞如體性不動善 ,如體性廣大善根迴向亦復如是悉能受持去 譬如眞如無所取著善根迴向亦復如是於 切衆生於大智地於一切劫修菩薩行無 切法善根迴向亦復如是淨念無礙普 一切菩薩諸行譬如眞如無有間息善 如永離世間善根迴向亦復如是普 切諸言音智能

大

譬如 得 如眞 見諸 根 想 所 如 出離於一 圓滿 根 切 取 制 迴向亦復如是能得一切差別言音神通智 伏譬如眞 如於 眞 衆 著於修不修無所分別譬如眞 迴向亦復如是於一切法得無所畏隨其類音處處演說無有斷 佛發菩提 如無能制伏善根 如 菩提無漏功德譬如眞 生 捨 捨離諸漏。 世間 切法無所貪求譬如眞如住一 切法無所希求善根迴向亦復如 心大誓莊嚴永無退捨譬如眞 如非是可修非不可修善根迴向亦復如是捨離一 地住智慧地· 善根迴向亦復如 迴向亦復如是不爲 以普賢行而自莊嚴譬如眞 如無有少法而能壞亂令其少分非是覺 如無有退捨善根迴 是令一 切地善根迴向亦復如是令 是令諸衆 切衆 一慧普發 如普攝 切衆魔事業 生成就 向亦 生 切世間言音善 切種種言 一乘普賢 法 如 外道邪論 智了 無有斷 復 如 達 是常 切妄 乘 詞。 而

華 嚴 經 卷三十

切佛刹 解 得 智慧譬如眞如究竟淸淨不與一切諸煩惱俱善根迴向亦復如是能 如過 迴向亦復如是現在念念心常覺悟過去未來皆悉清淨譬如眞如成就 恆起菩提心願普使淸淨永離生死譬如眞如於三世中無所分別善根 悟善根迴向亦復如是·普令開悟 切衆 切諸佛菩薩善根迴向亦復如是發起一切大願方便成就諸佛廣 切菩薩平等普出生一切智願故得一切諸佛平等觀察諸佛體無 切語言道故得 去非始未來非末現在非異善根迴向亦復如是爲一 平等普嚴淨一 生煩惱圓滿一 切法平等普知諸法性無易故得一切世間平等以方便智善 切清淨智慧佛子菩薩摩訶薩如是迴向時得 切菩薩行平等隨種種善根盡 切世界故得一 切諸法其心無量徧周法界譬如眞 切衆生平等普爲轉 · 迎向故得 切衆生新 無礙法輪故。 切時 滅

(九三九)

於 於 圓 子是爲 覺佛子是爲菩薩摩訶薩以一 淸 根· 平 ·普能 切國 悉 滿 淨 皆無染著咸究竟故得一 等勤修佛事於 一切時未曾休息得佛無 除 衆 音 法 門能爲 菩 生身示現 示現一切三昧得佛無量圓滿辯才說一 **- 得佛無量圓滿神通置諸衆生於一塵** 切衆 薩 一音開悟 摩 如來 生疑 訶薩第八眞 惑得佛無量 切諸佛境 大師子吼自在無畏以善方便敎化成就無量菩薩 切時無斷絕故得 切衆 生得佛無量 量 切佛自在神通平等隨順世間現佛事故 如 切善根順眞 界成等正 相 圓滿之身一身充徧 圓滿 迴向菩薩摩訶 衆 生 覺得佛無量 圓滿之力一 切業果平等於世出世所 具 如相迴向爾時金剛幢菩薩 佛十力盡衆 **学中得佛無** 薩住 句 法窮未來際而 圓滿 切世界得佛無量 此迴向證得 毛孔中普能 生界示 量 味· 圓滿解 無量 成 不 容 有 佛 昧 脫·

菩薩志樂常安住 正念堅固離癡惑

積集無邊功德行

菩薩謙順無違逆

其心善輭恆清涼

所有志願悉清淨

種種差別甚希有

諸業差別無量種

菩薩

切動修習

普令心淨生歡喜

已升調御人尊地

於法於義悉善知

爲利

羣

生轉勤

習

菩薩所修衆善行

無量無數種種

别

於彼一

切分別

知

善能照了

決意修行無退轉

已得智慧大光明

菩薩思惟業廣大

切業

以此饒益諸羣 生

隨順衆生不違意

離諸熱惱心無礙

爲利羣 生故迴向

斷諸有處悉無餘 如是普攝諸世間

推 嚴 紐 卷二十

如彼眞如善迴向

譬如眞如徧

切

以妙

智慧恆觀察

究竟廣大眞實

理

一九

(九四二)

業亦如是無有邊 菩薩. 如是聰慧眞佛子 如真如性本真實 以如是業而 譬如眞如本自性 眞 悉住其中無所住 夜中隨住畫亦 譬如眞如無不 菩薩以此 如 如是發大心 如是行亦然 心迴向 迴 向 住 在 業亦如是同眞如 如真 半月一 志願堅固不動搖 其中未曾有一 眞 以如是行而迴向 而於其中無縛著 若見不見念悉周 所有三世及刹 悉令衆生無所著 如所在無不 如相業亦 月亦隨住 法 爾 在 以其智力善通達 譬如眞如無邊際 是故此業得清淨 如真如性業亦爾 不得自性是真性 以如是行 譬如眞如本自性 若年若劫悉住 悉以功德而迴向 菩薩願 切衆生與諸法 力編 而迴 中 向 切

(九四三)

無有 菩薩住是不思議 悉與眞如性相等 我法皆離永寂滅 菩薩觀心不 悉為無盡智所印 所有我執皆除滅 思與非思皆寂滅 如是自在心無礙 入於諸佛方便藏 切世間 法能造作 如彼相 在外 彼諸佛子如是知 同於諸佛悟無我 說諸法相皆無相 見是不可思議相 亦復不得在於內 如是無盡自性 住於功德無能 如是思惟諸法性 於中思議不可 未曾見有一 覺悟法王眞實法 法 盡 盡 動 起 是則能 了知一 菩薩 知其心 了達 是故無盡方便滅 入此不可思議處 知如是相是知法 如來法身所作 於中無著亦無縛 切法性常空寂 切諸世紀 知無相法 切業差別 性無所有 切業果報 間

而不壞於諸法性 了知衆生種種異 大誓莊嚴無退轉 若能住是甚深法 哀愍一切諸衆生 了達其心如幻化 切皆從業緣得 智者了知諸佛法 常樂修行菩薩行 令於實法正思惟 悉是想行所分別 為欲敦度修諸行 勤修衆行度羣 是則超過於世間 生 以如是行而迴向 普攝三界無遺者 於此觀察悉明了 菩薩正念觀世間 為欲利益諸羣生 不起生死妄分別

大方廣佛華嚴經卷第三十

末瓦山矴鉢囉帝烏怛摩怛摩怛塔葛塔喃末瓦吽癹莎 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

訶

率陀天上慧日舒光十迴向義廣宣揚苦海作津梁化日舒長華雨散天

華嚴字母衆藝親宣善財童子得眞傳秘密義幽玄功德無邊唱誦利人

天

左〇臧增宗租遭災賫津籛浸簪陬左唱左字時普願法界衆生入般若

那〇囊能濃奴猱症泥年難誑南兔那唱那字時普願法界衆生入般若

波羅蜜門

波羅蜜門

邏一郎楞籠盧勞來黎嫾闎林藍婁邏唱邏字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

華 戲 涇 考二十

波

(九四五)

四 生九有同登華藏玄門 |塗共入毘盧 性 海

南無華嚴海會佛菩薩 切三 我稱 等願 與以 衆此 生功 皆德 共普 成及 佛於 道一

音 釋

勵 勉音 也利 勸 霔 霪音 也注 霖 喧 語音 也誼 大 豫 也音 預樂 也悅 翳 也音 障意 也隱 謙 也音

敬牽

也讓

校異同(依各卷分碼索引 第二頁 周藏 行作 第 法第 自十 性十 根第 流一 流十 通行 通一 本藏 本行 作本 作藏 願宋 隨本 得元

種隨 諸本 善種 法俱 根種 普願 善 入得 自普 性入 諸 第 四頁 疲第 周一 福行

南北

·迴向品第二十五之九

佛子云何爲菩薩摩訶薩無著無縛解脫迴向佛子是菩薩摩訶薩於 唐于闐國三藏沙門實叉難陀譯

切善根心生尊重所謂於出生死心生尊重於攝取一切善根心生尊重

於希求一切善根心生尊重於悔諸過業心生尊重於隨喜善根心生尊

於勸佛說法心生尊重於如是等種種善根皆生尊重隨順忍可佛子菩 薩摩訶薩於彼善根皆生尊重隨順忍可時究竟欣樂堅固信解自得安 重於禮敬諸佛心生尊重於合掌恭敬心生尊重於頂禮塔廟心生尊重

住令他安住勤修無著自在積集成勝志樂住如來境勢力增長悉得知

見以諸善根如是迴向所謂以無著無縛解脫心成就普賢身業以無著

無著 於 衆 於 住 聲 佛 聲 無 無 縛解 生 陀 陀 縛 陀 門中 衆 身 羅 無 現 羅 解 羅 悉亦 尼門· 脫 縛解脫心成就普賢佛自在力於種種 尼 尼門· 脫心發起普賢廣 生 尼門其聲廣 切諸 |身中示修 示 門普於十方修菩薩 心清淨普賢語業以無著無縛解脫 如是 現經 同 恆見十方一 佛前修菩薩行以無著 以無著 不 切音說無量法以無著 大普福· 可說不 切菩薩 無縛 切諸佛以無著 大精進以無著 可 十方以無著無縛解脫心具足普賢見一 院 行 以 無 著 に 說劫無有窮盡令 解 行盡未來劫常無間斷 脫心成就普賢 無縛解脫 無縛解 無 無縛解 無縛解脫心具足普賢無礙音 純解脫 心心圓 門中示現經不可說不可 自 心成就普賢佛 脫 脫 心 切衆生皆得 在 |滿普賢意業以無著 心成就普賢自 心成就普賢 力普入 成 如 心就解了 衆 火生身 一 切衆 悟 自 入以 在 切音 在 切 劫 切 切

以無著 成就 普偏 華 於 自 疲倦。 世 解 說 一身令皆自謂成就佛身以無著無縛解脫心成就普賢自在力能 在 莊 脫 劫 界以佛 切衆 神通命 以無著無縛解脫心成就普賢自在力於一切衆 無 普賢自 法界周聞 嚴 心成就普賢自在力念念中令不可說不 無縛解脫 有窮盡令一 神 切十方世 生語言中作一切衆 力隨念莊 在力盡未來際 切衆 切諸佛國土攝受調伏 心成就普賢自在力於一 ^上界以無著 切衆 生住普賢行以無著 魔以無著無縛解脫心成就普賢自在力盡未 生皆得悟入其身普現 不可說不可說劫 無縛解脫 生語言令一 心心成の 無縛解脫心成就普賢自 切衆生以無著無 切衆生一 就普賢自在 衆生身 於念念中悉能 可說衆生住十力智 切佛前以無著 中普容 生身中現一 皆住一 力 海解 脱心 · 編入一 納 出 切智 一大音聲 切 切衆 在力 心無 以 無 切 地。 佛 縛

Ξ

四

際 心 成普賢行。 所住之 力常能包 一光普照盡虛空界一 編入一 切世界示 切世 現成 界以無著無縛解脫心成普賢 佛出與於世以無著 無縛解 脫

杰 無 於 行。 著 法 如 得 界 來 無 無量 恭 諸 縛解脫心 智慧 如 切劫不 來所以佛 具 成普賢行不違於義不壞於法言 切神通說種種法 円 神 測量神 力修 習 通智慧以無著 切諸 以無著無縛解 菩薩 行。 無縛解脫心成普賢行住 身 詞清淨樂說 口意業曾 脫 心 成普賢行 無懈 無盡。 倦以 教

普賢 化 調 伏 行。 切衆生令其當得 法 門時放無量 光照 切諸 不 思 佛 議 無 菩 切 法門 提 以無著 如 法 無縛 門 解 切 脫 法 心 修

切 於 法 智亦不窮盡。 如 自 在 是。 通 到 達 於 以無著無縛解脫心始從此生盡未來際住普賢行常不 普賢莊 無礙究竟當得一 嚴彼 岸於 切智 境界皆 地。 以無 以 著 無 縛解 切 智 觀察 脫心住菩薩 悟 而

華嚴經卷三十

大莊嚴 品品 生 了 便· 以 無縛解 息得 便。 解脫心修 便・ 無 切 切 以 謗發菩提心永不 不可 思議方便菩薩方便 著 廣 衆 無 無縛解脫 大 脫 著 說時方便說種種法方便無邊際無 切智悟 生 語 藏以無著無縛解脫心成滿普賢迴向行願得 世間廣大 心住普賢 普賢 無縛解脫 言清淨 業方 心修普賢行得 不 可說 國 智。 退轉究竟淸淨以無著無縛解脫心修普賢 心住普賢行成 便自在得法 立殊勝志具淸淨心得廣大神通廣大 廣 切 切智方便· 可 大 說眞實 言 衆 詞 、生所說 具足 光 切方便智知一 《就身業令 明於諸菩薩所行之行 法於法究竟無有迷惑 莊 切菩薩調伏方便轉無量 嚴。 切 普應 畏藏方便說一 如 來不 衆 切衆生 切方便所謂 生皆 可 說廣 令歡喜 一見者歡喜不 切 ·以無著· 切 照了無 大法。 个智慧普 佛 法 無量 清 無餘 輪 礙。

戲 入一切 身清淨 미 神 礙 根 根。 無 根。 普攝 神 自 縛解 根。 勤 T 世 無 在 知 修 以無著無縛解脫心修普賢行得一 無所作 界偏遊法界諸佛道場示諸衆生皆令得入大智慧門神力以無 心清淨解 量 根。 差 脫 百在 安立 切佛法 切善根根。 切 心勤修普賢諸根行願得聰 別句義示諸佛菩薩廣大自在爲一切衆 佛刹 一無量 智神力不 金剛 置 念自在 攝佛功德住佛境界智印普照 於 衆 切佛 生於 界根一 神力住無性無依神 動其身普現一 神力一身徧 境界平等根受 切 切 智 如 根無邊廣大 來智慧光 利 根調順 滿 切 切菩薩 佛 力 切 刹 照 切菩薩不 佛 根。 金 根。 神力所謂 神力無礙 示現菩薩淸淨之業善 一剛燄根分別一 毛孔中次第安立 刹 生現成正覺以無著 切法 切圓 神力無礙解 退轉記 滿 自在 不 無量廣大 根清淨 斷自 大精 根。 無盡 脫 在 切 力 神 無 進

念

心如是乃至現一

叫

行

方便地於一

身中悉能包納盡法界不可說不可說身而衆生界

切衆生爾許劫念心以無著無縛解脫心入普賢

迴

增减。

身·乃

至

周編法界

切身悉亦如是以無著無縛解脫

國 土一身容受無量佛刹獲能嚴淨佛國土智恆以智慧觀見無邊諸佛 無縛解脫心入普賢門生菩薩行以自在智於 一念頃普入無量諸 佛

明見如 縛 願未曾休息了知三世一切法界以無著無縛解脫心成就普賢淸淨 國 土永不 於 解 生如來家住菩薩道具足不可說不可說無量不思議殊勝心行無 脫 心成就普賢深心方便於一念心中現一 毛端量處悉包容盡虛空偏法界不可說不可 ·發起二乘之心以無著無縛解脫心修普賢方便行入智慧境 毛端量處偏法界虛空界一一 毛端量處悉亦如是以無著 衆生不可說 說一 切國 不 土皆使 可說 量 劫 法

t

(九五三)

所安立 所 而 種 說 斷。 佛 就 行。 佛 亦不 十方網 普賢 種 住菩薩地於 令其聞 虚空界等清 衆 灌 世 界入一 頂於一念中入方便地成滿安住. 無量世界入一世界以一切虛空界所安立 想清淨想成熟想見佛想轉法輪想聞法解了 壞安立之相。 生 大願方 想法想 者 切處廣大世 如說受持於如來身了 便捨。 世 淨法身相好 一念中入一切世界所謂 利想方想佛想世想業 界以不可說 悉令明見以無著無縛解脫 離 界以因陀 切想倒· 好莊嚴神力自在常以妙音開示演說無礙 不可 心倒見倒普入一 說 羅 無所得以無著無縛解脫心 網分別方便普分別一 無量世界入一 想行想界想解 衆行智寶悉能了知 入仰世 心修習普賢菩薩 界覆世界不 無量世界入一 切諸佛境 世 想調伏 泉 以 一 想。 根 切法 想無量 想。 可 界常 時 切 切 說 修 世 界以 普賢 想。 諸 法 不 見諸 可

能了知而離一切想無所分別斷一切障 切處悉亦如是以無著無縛解脫心修習普賢行業智地於一 脫 所作隨其業用隨其相狀隨其思覺種種不同靡不明見以無著無縛解 行。 在 三昧起想菩薩成想菩薩壞想菩薩歿想菩薩生想菩薩解脫想菩薩自 生大智寶於一一 切佛法皆隨修學到於彼岸以無著無縛解脫心爲一切衆生修普賢 時 恩菩薩住持想菩薩境界想劫成壞想明想暗想畫想夜想半月一 心成就普賢大願智寶於一 切佛法長其善 歲變異想去想來想住想坐想睡想覺想如是等想於一念中悉 胀 捶 |根與諸如來等同一身一切諸佛之所攝取離垢淸淨 卷三十 心 中知無量心隨其依止隨其分別隨其種性隨 處中知於無量不可說處如於一 無所執著一切佛智充滿其心 九 業 處於 中能

出

離想種種地想無量地想菩薩了知想菩薩修習想菩薩三昧想菩薩

月

知

0

所無量 言音 說 業 而 方 無 地隨所說法於念念中悉能證 無量不可說 爲說 可說 法 著。 便 悉亦如是以無著無縛解脫心修習普賢知諸法智於 不可說法於一 中演說 以無 相 悉亦如是以無著 法以一妙音令不可 菩 應。 不可 於無量: 薩 著無縛解脫心住菩薩行得具普賢無礙耳根於一 說言音無量無邊種種差別 充滿法 不可說不 不可說業其業各以種種緣造明了知見如於一 詩於一 切 界立殊勝志生廣大見究竟了知一 法 無縛解 中而 可說法其法廣大種種差別敎化攝受不可思議 切 時隨諸衆 說 知一 道場衆會無量衆生皆 脫 法如是諸法各各差別無有障礙無 心修普賢 刹 那頃· 生所有欲解。 而 增長無量不可說不可 無所著如於一言音於一 智起普賢行住普賢 隨 悉歡喜。 根隨時以佛 切 浴行住 法 言音音 中知 業 切 地。 於 一普貿 音聲 如 於 不可 中 切 知 違 切

智慧聚盡力 無著 微 無量 解 亂 細 行 甚 微 不散· 智。 細 大 脫 如是等 智。 諸 境 迴 無縛解脫心修習普賢諸根行門成大行王於一 切甚微細於 細。 心 方基微量 向 衆生 界 住菩薩 根· 不濁不劣其心一 無量 心得色甚微細智身甚微 未來劫如是演說於 甚 一生甚 微細 切 細 心樂不思議境界所生妙行以無 智修普賢行 微細。 智時 甚 衆 微 念中悉能了知以無著無縛解脫心立 生行甚 衆生住 細。 甚 緣心善寂定心善分別心善安住以無著無縛 微 於 微 無有 細 智數基微 甚微 念中悉能了知 細 解倦能 衆 切刹修習廣 細。 生 細 智刹 衆生處甚微細衆 取甚微 細 知 基微細 智 業報 細。 切 而 大虚空等行成 心 衆 衆 著 智劫甚 無縛解脫心住 甚微 生 生 不 攀緣 恐怖 趣 甚微細。 細 根 生 心心で 深志 品類 智清淨 微細 甚 中 就圓滿。 悉能 微 不 迷惑不 樂修普 智。世 細 甚 衆 普 了知 如是 微 甚 生 微 賢 甚

(九五七)

修供養品 賢行能 智甚 微 昧 薩甚深 演 細。 場 甚 三昧智甚微細 · 智甚微細 · 衆 說甚微細菩薩無量三昧相甚微細菩薩見一切佛三昧智甚微細 細菩薩大自在神通三昧智甚微細菩薩盡未來際廣大行住持三昧 菩薩淸淨 微細菩薩神通甚微細菩薩遊行無量佛刹甚微細菩薩法光明甚微 微 會 恆不捨離三昧智甚微細菩薩修行 細菩薩出生無量差別三昧智甚微細菩薩出生一 三昧智甚微細菩薩大莊嚴三 甚微細菩薩陀羅尼門智甚微細菩薩 知 菩薩究竟 眼甚微細菩薩成就殊勝 切菩薩從初發 如是等 切甚微細悉能 切智地住持行智地大神通地決定義地離 心為 切衆生修菩薩行甚微細菩薩 |昧智甚微細菩薩法界||昧 心甚微細菩薩往詣 知。 無量 以無著 切甚深廣博無障無礙 無畏地 無縛解脫心修普 切諸佛前 切如如 切辯才藏 智甚 來道 住

賢行悉知 菩薩在 薩 生甚微 微 菩薩 師子遊行七步智甚微細菩薩示處王宮巧方便智甚微細 甚 印 虁 住母 伏行甚微細菩薩菩提樹下坐道場甚微細菩薩破魔軍衆成阿耨 微 甚 神通 細菩薩種族殊勝甚微細菩薩道場衆會甚微細菩薩 微 出生迴向甚微細菩薩得一 細菩薩嚴淨佛國甚微細菩薩觀察人中甚微細菩薩放大光明甚 細菩薩一 一母胎中示現一切佛神力甚微細菩薩示現誕生事甚微細菩薩 胎甚微細菩薩在母胎中自在示現一)願力甚微細菩薩演說三昧甚微細菩薩自在方便甚微細菩薩 細菩薩於一身示現一 切菩薩安立智甚微細菩薩地甚微細菩薩無量行甚微細 生補處甚微細菩薩生兜率天甚微細菩薩住止天宮 切身命終甚微細菩薩入母胎甚微細菩 切佛藏甚微細菩薩觀察智甚微細菩 切法界道場衆會 偏 心菩薩出· 切世界受 甚 家修 微

(九大0)

成就清 念 修 於 界普現成佛調伏衆生甚微 羅三藐三菩提甚微細 休息甚微 而 修菩薩行成就菩薩大威德地得諸菩薩心之樂欲獲 菩薩所行 示現無量神變甚微細如來師子吼大涅槃甚微細如來調 |菩薩行無有休息成就普賢迴向之地具足一 去來今三世中皆處道場自在智甚微細如是等一切微細悉能了 無所礙甚微細 切 世間 淨普能 細如來無礙神力周徧法界甚微細如來於盡虛空界一 出生菩薩現前境 境界甚微細如來普於一 示現一切世間於念念中增長智慧圓滿不退善巧方便 如來不思議自在 如來坐菩提座放大光明照十方界甚微細 界無量方便皆悉淸淨普欲安隱一 細。 如來於一 力如 切世界施作佛事盡未來劫而. 金 佛身現無量佛身甚微細 一 剛菩提 切如來功德永不 心甚微 伏一 細。 如 切衆 來普護 切衆生 切 厭 如 如 世 無 知 生

金剛幢迴向之門

妄想言說之所建立神通願力悉能示現以無著無縛解脫心修普賢行 心非 所行之行以自在力示成佛道盡未來際常無休息一切世間衆生劫數· 眞實之義於法善巧無所違失起大誓願不捨衆生於一念中盡知 出 生法界諸功德藏常爲諸佛之所護念入諸菩薩深妙法門演說 心地境界之藏於非心處示生於心遠離語言安住智慧同諸菩薩 切 切

得一 細 智衆生界無量趣甚微細智衆生界不思議種種分別所作甚微細 智衆生界執著甚微細智衆生界異類甚微細智衆生界同類甚微 切衆生界甚微細智所謂衆生界分別甚微細智衆生界言說甚微 智衆

界境界甚微細於一念中能以智慧皆如實知廣攝衆生而爲說法開示 種種清淨法門令修菩薩廣大智慧化身無量見者歡喜以智日 生界無量雜染甚微細智衆生界無量清淨甚微細智如是等一切衆 光照菩

薩

普賢行得盡虛空界法界一切世 令 其開悟智慧自在 以無著無縛解脫心爲 界甚微細智所謂小世界甚微細 切衆生於一 切世

微 微 嚴 世 細 細 世 界甚 智。 智。 界甚微細 種種世 徧 微細 切世 智雜染世 智。 界甚微細智廣世界甚微細智狹世界甚微細智無礙莊 福一 界普現身甚微細智偏 切世 界甚微細智淸淨 界佛出現甚微細智 切世 世界甚微細智無比 徧 界放大光明甚微細 切世 界說正 世 法 界 智。

切 葢 甚 切世界示現諸佛自在神 微細智入一 切世 界 切佛刹· 通 甚 微 道場衆會甚微細 細 智。盡 切 世界以一 智以一 音聲示 切法

世 佛 界 刹· 如 作 夢 佛 甚微 利甚 細 智知 一微細智以一 一切菩薩之道入普賢行智慧神通具普賢 切 世 佛刹作 界 如 像基微細智 切法界佛 知 刹 切世 甚 微 界 細 如 智。 幻 知 甚 微 切

細

如是了

知出生

華 嚴 經 卷三十

無所得 微 智皆 切智 細 脫 取 薩 廣 出 細 智。 心入普賢菩薩行門得無量法界甚微細智演說 著心之所行悉無所得於一 行 空隨順世間 生 智於 如實知於法自在示普賢行令諸衆生皆悉滿足不捨於義不著於 大法界甚微 無取 常無休息得 念徧 甚微 平 等無礙之智知無礙本 著想以諸三昧而自莊嚴智慧隨順 切法 細 智觀一 切法界甚微細智普入一 起於言 界現神變甚微細 細智分別不思議法 切佛自在神變具無礙身住無依智於諸善法 切法界無所礙甚微細智知 說開眞實義示寂滅性於 切處起遠離想於菩薩行起淨修想於 不住一 智如是等一 界甚微細智分別一 切法界甚微細智知 切法不壞諸法性 切法界甚微細 切法界以無著無縛 切法 切境無依無住 切法界甚微細 界無有生 切法界甚 如實無染猶 以廣 切法 無 微 所

忘心能 無著 滿 非 甚微 以 甚 有 細。 微 心於 劫 切 以 劫入 基微 别 如 細智入有佛劫 細 無 分 於一 縛 明見法 諸 别 來智於 智以一念爲 異道 解脫心修普賢行生諸劫甚 佛善根諸菩薩行能 細 阿僧祇劫甚微 切劫現佛出 智。 戲論 界廣大安立了諸世間及一 一念中皆如實知得諸菩薩 一念中見三 心發 無佛劫甚微 不 可說劫 大願 細智以長劫入短劫甚微細 世 心於一一 世 甚微 聞持心於安慰一 無 細智知一 懈息 切劫甚微細智如是等 細 智以阿僧 微 世界盡未來際行不 心普見無量 細 《心以無著》 切法· 切劫數甚微細 智所謂以不可說劫爲一 圓滿行王心入普賢行心 切衆 祇劫入一 平等無一 世界網 智以短 生廣 智知一 離 動行 無量 劫 切 大行聞已不 进入長: 甚 諸 切著。 微 無 諸 劫 佛 切劫 休息 細 甚 念 微 劫 以

切世

界

中以

如

來身業

充滿菩

薩身

1無縛解

脫

心修普

佛 切 賢 無 礙。 細 無 法 細 智如是等 入一 智種種 縛 諸 充 皆 法 切 神 中安立 力所 加實 解 滿 成 如 法 來身現諸菩薩 不 脫 諸根入諸佛智正念方便成就諸佛廣大功德徧滿法界普入 法甚微 -退轉得 知得 甚微細 心修普賢行。 加智慧意業出生無量善巧方便分別諸法薩婆若智以無著 甚微細智一 入無邊法界心於一一 切世界一切言說所安立 切法而不相違甚微細智入一 智知 細智莊嚴法甚微細智一 切法甚微細智所謂甚深法甚微細智廣大法 法入一切法甚微細智一 出生 所有身業隨順 切法果報甚微細智知 切甚微細智所謂知一 法界深心堅住成無礙行以一 法諸微細智與彼同等其智無 切世界言詞演說於法得 切法 切佛法方便無有餘甚微 切法入非法甚微 無有量甚微細智 切衆生 切刹 心甚微 甚 微 細 甚微 智知 細 切 切 切

ō

無 別 修菩 世行 生 知 Ē 若 迴 世 切 如 微 覺 向。 佛 間 佛 響 薩 甚 切 細 縛解脫身無著 不分 不分別 法。 智。 若 法 行住普賢道若文若義皆如實 微 智。 說 不分別若 智佛子菩薩 生 法時 細 知 松智乃下 切佛法不 别 如 若法若 治若自若: 甚微細 化 切語言道甚 智。 至 菩提若 生如 知 他。 智佛 分 無縛解脫。 摩 智知 別若調 訶薩 空 不分別若施物若受施者不分別 切 智生 子。 菩提薩埵不分別若菩薩行 微 如 菩薩 以無著. 來道· 細 切法界甚微 寂 伏衆生若 智。 無著無縛解脫業 摩 滅 知 智生 訶 切菩薩 無 知。 薩以彼 縛解 生如影 切 不調 世 細 脫 切 道· 間 智。 心迴向 善根 伏衆 法 智。 行 知 界智 切衆 生 甚 工如夢智· 無著無縛解 生不 微 如 切盡 是 若 生 不 生 細 若 分別 迴 出 分 無 道· 智。 虚空界三 菩薩行 離道。 向。 別 所 生 甚 知 若善 所 若 依 微 如 謂 不分 世 智。 幻 切 細 心 根 間 星 世 出

切金 世 爲菩薩摩訶薩第 佛境界住未來諸佛境界等現在諸佛境界得三世一切諸佛善根具三 滿 現在諸佛迴向道勤修過去諸佛敎成就未來諸佛敎了知現在諸佛敎 间。 世 解 無著 **た脱法無著** 足過 魔邪業普現十方一 住現在諸佛迴向安住過去諸佛迴向道不捨未來諸佛迴向道隨順 |諸佛爲菩薩時所修迴向而行迴向學過去諸佛迴向成未來諸佛| 剛 切諸佛種性住三世一 無縛解脫世間無著無縛解脫佛刹無著無縛解脫衆生無著 去諸佛平等成就未來諸佛平等安住現在諸佛平等行過 輪圍山所不能壞於一 無縛解脫智無著無縛解脫菩薩摩訶薩如是迴向時如三 九無著無縛解脫心迴向菩薩摩訶薩住此迴向時 切世界修菩薩行爲欲開悟 切諸佛所行順三世一 切衆生中色相第一 切諸佛境界佛子是 無能及者悉能推 切衆生以善方便 無縛 去諸 破 迴

常 不壞眷屬三世諸佛所說正法以淸淨念悉能受持盡未來劫修菩薩行 說 不休息無所依著普賢行願增長具足得一切智施作佛事成就菩薩 諸佛法得大智慧於諸佛法心無迷惑在在生處若行若住常得值 遇

自在神通爾時 金剛幢菩薩承佛神力普觀十方而說頌言

普於十方無等尊 亦復恭敬生尊重 所修 未曾 切諸功 起輕慢心 德 隨其所修功德業 不爲自己及他

利益衆生故迴向 未嘗暫起高慢心

恆以最

上信解

亦復不生下劣意

所修種種諸善根 悉爲利益諸含識 安住深心廣大解

如來所有身等業

彼悉請問勤修習

迴向人 細廣大及甚深 尊功德位 世間 所有無量 别 種種善巧奇特事

靡不修行皆了達

飍

世間所有種種身

(九六九)

世 衆生所有種種業 世間國土無量種 以智慧門普明見 以智慧門悉開悟 以身平等入其中 亦知其相皆無相 了知其相各不同 如是見已徧十方 上中下品各不同 間衆生行不同 毛孔中無不見 修行一 微細廣大仰覆別 或顯或隱無量種 於所修行不退轉 衆生心行無有量 於此修行得了悟 不可思議無量劫 而亦不違平等理 十方世界 上中下品各差別 切甚深難可知 切清淨業 切佛 能令平等入一念 能令平等入一心 慧門成就無退轉 菩薩悉知差別相 是則大心明達行 過去未來及現在 菩薩深入如來力 隨其本性悉能了 衆生諸根及欲樂 菩薩能以智慧門 所現自在神通力

諸天帝釋梵王等 普偏世間無暫已 廣大難可得思議 我爲世間第 或現降神處母 自然覺悟人師 是故如來普觀察 人 無量無邊法界中 人中自在現微笑 師子王出世時 中尊導現生已 尊 見諸衆 菩薩悉能分別 靡不恭敬 功德廣大淨無等 普放無量大光明 應然明淨智慧燈 遊行諸方各七步 念當救彼三有苦 無始無末無遐 人中師子初生 無量自在大神 生沉 而瞻侍 欲 時 海 邇 變 知 滅彼 十方一 盲 成佛說法示滅度 如其體相悉能見 令諸惡道皆休息 大師子吼出妙音 欲以妙法悟羣 示 闇愚癡之所覆 切勝智悉承 切世界兜率中 現如來自在 生死愚癡闇 切無有餘 生 奉 力

三五

(九七一)

震動 皆使了知眞實義 爲欲饒益衆生故 或在梵宮而現身 轉於淸淨妙法輪 無礙智門能悉滅 無量方便皆隨悟 **徧滿三千大千界** 永滅世間衆苦難 切毛孔刹無邊 切大地皆動搖 切魔宮殿 開悟十方衆生心 十方世界悉蒙光 或時示現處王宮 菩薩悉見無障礙 設諸如來所不說 於彼普現神通 十方所有諸國 乃至三世一 如來或在諸佛刹 示其如是自在力 切魔軍與鬭 切劫 力 諍 昔曾受化及修行 **六趣衆生咸離苦** 求其邊際不可得 悉入毛孔無有餘 如來始坐道場時 或現捨家修學道 佛現無量種種身 或復現處諸天宮 所作無量種種惡 亦能解了勤修習 切諸佛所開 演

(九七二

或現婇女衆圍繞 諸佛自在神通力 開示菩提無量行 佛處其上難思議 寶座高廣最無等 其心畢竟無厭怠 導師演說佛所住 以彼善根迴向時 乃至最後般涅槃 無量無邊等法界 至世間諸智行 諸佛子衆共圍繞 **徧滿十方無量界** 智者能以一 或於無量諸世 住於如是方便法 世尊所有大功德 分布其身起塔廟 示現一切種種身 如來所有大神 切最勝所由道 切悉知無不 方便 通 界 種種妙相而莊 諸佛隨宜所作業 或現諸趣無量 盡於法界悉周徧 如是一 誓願修行悉令盡 如是種種無邊行 及以無邊勝功德 如是修習菩提行 **示現出家成佛道** 切了知無不盡 切人中 主 嚴

諸微細智各差別 盡空佛刹斯亦然 或有雜染或清淨 於此善入菩提行 究竟迴向到彼岸 所有種種諸智慧 具足修治菩薩行 於念念中悉明見 諸佛所有微細行 隨其所有諸境界 如是修行廣大行 及彼一 常勤修習不退轉 於 菩薩盡攝無有餘 菩薩神力亦復然 彼最勝行悉了知 於一切心平等入 不可思議無量 有數無數一 及一切刹種種法 十方無量諸佛刹 念中皆了悟 切諸如來 切劫 劫 如是一 菩薩悉能分別知 於彼悉能隨順知 其中衆生各無量 同相異相悉善知 出生衆生及諸法 入一切法亦平等 如是三世無有餘 十方所有無量刹 菩薩了知卽 而亦不捨菩提行 切無窮盡 一念

諸功德法亦如是 常能憶念一切佛 若人能修此迴向 所有一切諸導師 趣生族類種種殊 及以一切佛智慧 常見一切世間燈 已住如來無上行 則爲學佛所行道 若人知此而迴向 住行力已悉能知 切世間莫能壞 悉知諸佛自在力 菩薩勝行不可量 當得一切佛功德 則與彼佛行平等 過去未來現在世 切所學皆成就

大方廣佛華嚴經卷第三十一

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

率陀天上慧日舒光十迴向義廣宣揚苦海作津梁化日舒長華雨散天

香

華嚴字母衆藝親宣善財童子得眞傳秘密義幽玄功德無邊唱誦利人

天

極●)唐騰同徒陶臺啼田檀○覃頭柂唱柂字時普願法界衆生入般若

波羅蜜門

婆●)傍朋蓬蒲袍牌毘頻槃〇覂哀婆唱婆字時普願法界衆生入般若

波羅蜜門

茶●長澄重除桃姆池陳獅沉煘儔茶唱茶字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

華

嚴

經

卷三十一

四生九有同登華藏玄門八難三 一塗共入毘盧 性海

南無華嚴海會佛菩薩短 我稱 等願 與以 衆此 生功 皆德 共普 成及 佛於 道一

音釋

不音 殁 明萌 終音 也目 也沒 博 闇 冥音 通音 也暗 大ト 幽 也廣 誕 鬭 降音 爭音 也悶 誕但 諍 也生 聲音 日 訟爭 埵 薩音 也去 埵椝 **麓**物音 不粗 精大 也也 遐

遠音

也霞

邇 近音

也耳

盲

第三頁第 通三 本行 作藏 於本 一於 衆切 生衆 生 校異同(依各卷分碼索引

三〇

(九七大)

唐于闐國三藏沙門實叉難陀譯

十迴向品第二十五之十

佛子云何爲菩薩摩訶薩等法界無量迴向佛子此菩薩摩訶薩以離垢 繒而緊其頂住法師位廣行法施起大慈悲安立衆生於菩提心常行饒 益無有休息以菩提心長養善根爲諸衆生作調御師示諸衆生一切智·

道爲諸衆生作法藏日善根光明普照一切於諸衆生其心平等修諸善 行無有休息心淨無染智慧自在不捨一切善根道業作諸衆生大智商

爲首發生一切淸淨白法攝受趣向一切智心殊勝願力究竟堅固成就 生作不可壞堅固善友令其善根增長成就佛子此菩薩摩訶薩以法施 主普令得入安隱正道爲諸衆生而作導首令修一切善根法行爲諸衆

華

界皆亦· 善根 佛 之中乃至聽聞 興 世 增益具大威德依善知識心無諂誑思惟觀察 行佛 圓 於世不得親近 生於一世界盡未來劫修菩薩行如於一世界盡法界虛空界一切世 所行梵行無礙梵行無著梵行無諍梵行無滅梵行安住梵行無比梵 來劫大誓莊嚴終無離佛善知識想常見諸佛現在其前無有一佛· 界去來現在 如是迴向願得修習成就增長廣大無礙 如是如爲 所讚 所謂不破梵行不缺梵行不雜梵行無玷梵行無失梵行無能蔽 **梵行無所依梵行無所得梵行增益** 一句一偈受持演說願得憶念與法界等無量無邊一 切諸佛既憶念已修菩薩行又願以此念佛善根爲一 衆生爲 切諸佛及諸菩薩所讚所說清淨梵行誓願修行 切衆 生亦復如是以善方便一一皆爲盡 菩薩淸淨梵行 切境界願得於佛正教 切智門無邊境界以此 三世諸 切

垢。 <mark>个</mark> 心 令一切衆生離諸熱**惱令一切衆生離諸纏縛**令一 不能令他而得清淨自於梵行而有退轉不能令他無有退轉自於梵行 開 淸 不能令他心得證入自於梵行而有放捨不能令他恆不放捨自於梵行 而 曉。 生信解自於 切 有失壞不能令他無有失壞自於梵行而有遠離不能令他常不 淨梵行則能普爲一切衆生令一切衆生皆得安住令一切衆生皆得 衆 動梵行無亂梵行無恚梵行佛子菩薩摩訶薩若能爲己修行如是 切衆生皆得照明令一 生無諸惱害畢竟淸淨何以故菩薩摩訶薩自於梵行不能淸淨 而有懈怠不能令他不生懈怠自於梵行不生信解不能令他 切衆生皆得成就令一 梵行而不安住不能令他而得安住自於梵行而不證**入**· 切衆生離諸塵染令一 切衆生皆得淸淨令一 切衆生永離諸惡令 切衆 切衆生皆得 生無諸障翳。 遠離。

(九七九)

(九人

解 所 得 位。 薩自得淨心爲他演說淸淨心法自修和忍以諸善根調伏其心令他 所言誠實如說修行淨身口意離諸雜染住無礙行滅一 三世諸佛法海於一一法生起一一法義理一一法名言一一 而 生善根. 說皆令歡喜心得滿足摧滅一 有散動不能令他心不散動何以故菩薩摩訶薩住無倒行說無倒 以諸善根調伏其心自離疑悔亦令他人永離疑悔自得淨信亦令他 悉得無邊無盡法藏獲無所畏具四辯才廣爲衆 不壞淨信自住 如是迴 **法顯示一一法門戶一一** 向所謂願我獲得一 |正法亦令衆生安住正法佛子菩薩摩訶薩復以法 切外道 切諸佛無盡法門普爲衆生分 法悟入一一 異論願我能爲一 生分别 法觀察一一 切障菩薩 解 切衆生演說 法安立一 說窮未來 法分 摩 别 和

無有盡爲欲令

切衆生立勝志願出生無礙無謬失辯爲

欲令

華 嚴 經 卷三十二

五

(九人一)

菩薩 無量 等法界無量菩薩法住等法界無量菩薩行入等法界無量菩薩 等法界無量菩薩業得等法界無量菩薩住證等法界無量菩薩平等學 切衆 爲菩薩摩訶薩以諸善根而爲迴向爲令衆生悉得成就一切智故佛子 議住具等法界無量功德滿等法界無量利益衆生善根又願以此善根 法界無量衆生住持等法界無量佛刹證等法界無量菩薩智獲等法界 法界無量廣大心具等法界無量清淨音聲現等法界無量衆會道場修 言我當普於一 無斷爲欲令一 一無所畏成等法界無量諸菩薩陀羅尼得等法界無量諸菩薩不思 摩 生皆生歡喜爲欲令一切衆生成就一 訶薩復以善根如是迴向所謂爲欲見等法界無量諸佛調伏等 切衆生深信歡喜住一切智辯了諸法俾無迷惑作是念 切世界爲諸衆生精勤修習得徧法界無量自在身得徧 切淨法光明隨其類音演說 廻 向 是

(九**入**二)

大

向· 根 故令我 界自性清 永 切 向· 法 覺平等說法平等義平等決定平等一 如 如 亦復 亦復 世界修菩薩行無有涯際如法界無斷善根迴向亦復如是住一切智 迥 是 不 界無邊善根迴向亦復如是見一 我所得願一 斷絕。 向 迴向所謂如法界無量善根迴向亦復如是所得智慧終無有量如 如是令 亦復如是令一 得福德平等智慧平等力平等無畏平等淸淨平等自在平等 如是詣諸佛刹 如法 淨善根迴向亦復如是令一切衆生究竟淸淨如法界隨順善 界一 切衆生亦如是得如我無異佛子菩薩摩訶薩復以善根 一切衆生以普賢行而爲莊嚴如法界不可失壞善根迴 性善 切衆生悉皆隨順普賢行願 無有齊限如法界無際善根迴向亦復如是於一 根迴向亦復如是與一 切佛無有其邊如法界無限善根 切神通平等如是等法皆悉圓滿 切衆生同 如法 界莊嚴善根 智性。 加法 迴 迴

願 常得見佛心善解了願以此善根令一 佛 根 見佛成普賢 此 根· 根 向亦復如是令諸菩薩永不失壞諸淸淨行佛子菩薩摩訶薩復以此 令一 速得 切 以 切 如是迴向所謂願以此善根承事一 此善根令 衆生常見諸佛於 根· 願以此善根令一 切衆 越入一 令 生常得往覲 切衆 行願以此善根令一切衆生常見諸佛現在其前無時暫捨 生常得見佛心喜淸淨無有退轉願以此善根令一 切智性願以此善根徧 切衆生常見諸佛出生菩薩無量諸力願以此善根令 生常得見佛 切衆生恆得見佛不於佛事 切諸佛願以此善根令一 切法永不忘失佛子菩薩摩訶 達無礙願以此善根令一 切諸佛菩薩皆令歡喜願以此善 切衆生常得見佛不生執著願以 切處修一 切衆生常見諸佛能作 切智願以此善根 生怠慢心願以此 薩 切衆 又以諸善根 切衆 生常 善

(九人三)

如 礙 念。 起 無差別性迴向佛子菩薩摩訶薩復以法施所有宣示所有開悟 法 迴 如 願 向。 界 光 無 由 來自在法師善能分別如來智慧願一 切善 明。 寂 如法 迴向。 他 屈 生作修行無相道法師以諸妙相而自莊嚴放無量光善入諸法願 教。 願 切 法 所謂 師· 衆 根 界無依性迴向如法界無忘失性 願 切衆 生作 如是迴向所謂 迴 切衆 切問難莫能窮盡願一 向 如法界無起性迴向如法界根本性迴向如法界自體 如法 生作智藏法師能善巧說 無上法師方便安立一切衆生於一 生作憶持 界無處所性迴向 願一切衆生成菩薩法師常爲諸佛之所護 切佛法法師· 切衆生作 切衆 加法 迴向如法界空無性 切佛法院 生作 界無遷動性迴 如 理 無礙法師得一 演說 如眼法師說 切智願 願 不違 切衆 向。 何 切法 如實 生成 切衆 及因 如法 迴向。 願 此 無 生 如 性

切

華 巌 經 九

(九入五)

著法故迴 諸法 謂 間 生 令入實際願 善說無邊法界之藏願 生作 願一切衆 作諸 法師成就菩薩說法願力佛子菩薩摩訶薩復以諸善根如是迴向 不以取著業故迴 生作護法藏法師建無勝幢護諸佛法令正法海無所缺減願 切衆生作大身法師其身普徧 法 佛所攝受法師離我我所攝受之心願一 師能說無量無盡功德願 切法日法師得佛辯才巧說諸法願一 向不以取著事故迴向不以取著因故迴向不以取著語言音 生作安住正法法師演說如來究竟智慧願一 切衆生作破諸魔衆法師善能覺知一切魔業願 向不以取著報故迴 一切衆生作到法彼岸法師以智神通開正法藏 切衆生作不誑世間法師能以方便 切國土興大法雲雨諸佛法願 向不以取著心故迴 切衆生作妙音方便法師· 切衆生作安隱 切衆生作了達 向不以取 切世 切衆 切衆 所 切

0

但爲 住聲 利益 切 迴 自 不 迴向不壞善根故迴向不依三界故迴向不著諸禪解脫三昧故迴向不 色境界故迴向不爲耽著聲香味觸法境界故迴向不爲求生天故迴 聲故迴向不以取著名句文身故迴向不以取著迴向故迴向不以取著 智智故! 向。 在 爲 可壞故迴向但爲成就究竟不死法故迴向但爲以無量莊嚴莊嚴佛 令一 不為 求 聞 眾生故迴向佛子菩薩摩訶薩復以善根如是迴向所謂不爲耽著 故迴向不爲求生死樂故迴向不爲著生死故迴向不爲樂諸有故 辟支佛 欲樂故迴向不爲著欲境界故迴向不爲求眷屬故迴向不爲求 切衆 求 迴向但爲得無礙智故迴向但爲得無障礙淸淨善根故 和 生超出生死證大智慧故迴向但爲令大菩提 乘故迴向但爲教化調伏一 合樂故迴向不爲求可樂著處故迴向不爲懷毒害心故 切衆 生故迴向但爲成滿 心 如 迴向。 金 剛

以得不 切衆 離 諸法無亂心迴向以入三世平等心迴向以出生三世諸佛種性心迴向 無量 如是 切智地無礙 但為於盡法界虛空界一切佛刹行普賢行圓滿不退被堅固大願鎧 種性示現一 往閻 切衆 切地獄故迴向爲令一切衆生不入畜生趣故迴向爲令一切衆 心迴向 生滿足一切善根故迴向爲令一切衆生能應時轉法輪令 平等心迴向以無諍平等心迴向以自性無所起平等心迴向以知 羅 退失神通心迴向以生成一切智行心迴向又爲 生住普賢地故迴向但爲盡未來劫度脫衆生常無休息示現 王處故迴向爲令一切衆生除滅一 切智自在故迴向但爲求菩薩 .所謂以本性平等心迴向以法性平等心迴向以一切衆 光明恆不斷故迴向佛子菩薩摩訶薩以彼善根迴向時以 切障道法故迴向爲令 切法明大神通智故迴 令一 切衆 切歡 生 令 生 向。 永 生

(九八七)

現前 切衆 切 爲令一 切 爲 諸佛現其前故迴向爲令一切衆生淸淨法光明常現前故迴向爲令 足 邊淸淨法願故迴向爲令一切衆生隨順一切善知識教菩提心器得滿 喜故迴向爲令一 令一 佛法廣大門故迴向佛子菩薩摩訶薩又以此善根正念淸淨迴向智 故迴向爲令一 利皆無所依修菩薩行故迴向爲令一切衆 故迴向爲令一切衆生普救護衆生令淸淨大悲心常現前故迴向 生無畏大菩提心常現前故迴向爲令一 切衆生摧滅一切衆魔鬭諍羅網業故迴向爲令一 切衆生修諸菩薩無障礙行常現前故迴向爲令一 切衆生以不可說不可說勝妙莊嚴具莊嚴 切衆生受持修行甚深佛法得一切佛智光明故迴向 切衆生入十力輪故迴向爲令一切衆生滿足菩薩 切衆生菩薩不思議智常 生發 切諸佛刹 一切種智心入 切衆生於 切衆生常 故迴 見

法

衆

生

故

迴向爲欲調伏

切衆生隨其所樂常令滿足不捨本願盡

來際聽聞正

一法修習大行得淨智慧離垢光明斷除

求第 離二 悲故迴 輪 得 立大勇猛幢心故迴向爲立無能勝幢藏故迴向爲破諸魔衆故迴向爲 慧決定迴向盡 向為滿 滿足淸淨殊勝心故迴向爲一 故 一著住勝善根故迴向爲思惟觀察分別演說 迴向爲得如來最上殊勝法智慧日百千光明之所莊嚴普照 切法清淨無礙心故迴向爲修 **心向爲一** 勝法心故迴向爲得樂求諸功德法自在淸淨一 切願除一 知一 切衆生住大喜故迴向爲一 切佛法方便迴向爲成就無量無礙智故迴向爲 切諍得佛自在無礙清淨法爲 切衆生住大慈故迴向爲 切菩薩行不退轉故迴向爲得樂 切衆生住大捨故 切緣起法故迴 切衆生轉不 切智智心故 切衆生住 迴向爲 退法 向爲 切 迴 欲

切憍慢消滅

0

M

受修習清 習善根 瞋善根 根 友成己大願請諸衆 向。 自 阿 切 應貪著 如 應 僧 煩 在 忠議 是 以不 派劫常勤修習一切智行無有退轉一一令得無礙妙慧示現諸· 惱裂愛欲網破愚癡闇具足無垢無障礙法故迴向爲· 神 三有 迴 迴 通 迴向應以無癡善根迴向應以不 い 音得可 ·
諂善 向所謂令一 向佛子菩薩摩 無有休息故 淨 大菩薩道具佛種 五 根 欲境界何以故菩薩摩 '愛樂音得淸淨音得周徧 迴 向應以質素 生設 切衆生得淨妙音得柔 迴向佛子菩薩摩訶薩以諸善根 大施會佛子菩薩 訶薩如是迴向時得淨信心於菩薩行歡喜 性得佛智慧捨 直 善根 迴 訶薩應以無貪善根 向應以精製 害善根 摩 切佛 輕音得天鼓音 訶 薩復以此法施所生善 切 迴向應以離慢善根 勤善根 刹音得百 惡離衆魔業 如是 迎向應 迴向應以修 得 迴 切衆 無量 親近善 那 向 以無 時· 生 忍 他 佛 於 迴

華 經 卷三十二

護持自 能令一切世間淸淨究竟至於一切智音得普攝一 音得普攝持不可思議法金剛句音得開示一 不下劣音得無怖畏音得無染著音得一 句差別智藏音得演說 嚴音得一切世間無厭足音得究竟不繫屬一 音聲 清淨語言音得說 切法陀羅尼莊嚴音得說一 音得攝取一 不可說功德莊嚴音得高遠音得廣大音得滅 智得無量語言音聲智得最自在音入一 在 無礙音得到 切衆生語言音得一切衆生無邊音聲智得一 切佛法遠離癡翳名稱普聞音得令一 切世間彼岸智音又以此善根令一 切法無所著不斷音得 切無量種法音得普至法界無量衆會道場 切衆會道場歡喜音得隨順美 切法音得能說不可說字 切世間音得歡喜音得佛 切音聲智得一 切散亂音得充滿法 切法句義音得神. 切法光明照曜音得 切衆生得 切清淨語言 切衆生 切淸淨莊

(九九二)

礙身於 過惡 凊 淨 濁 復 音得普覺悟 礙 迴 妙 音得善說 淨業果願 身 切 向。 以諸善根為 妙 所 願。 無量 功 無染身清淨 願 生得離衆過惡淸淨信解願一 德。 謂 清淨 願 願 切世界現諸業像於一 切 苦提心願 切衆 切衆 衆 切衆生得離衆過惡淸淨法身 切衆生長夜睡眠音佛子菩薩摩訶薩復以諸善根如是 切佛法音得斷一 身極清 切衆生如是迴向願得種種淸淨妙身所謂 生得離衆過惡清淨 生得離衆過惡淸淨妙相 生得離衆過惡清淨一 淨身離 ___ 切衆 塵身 切衆 生得離衆過惡了 切世間現言說像於 極離塵身離 切衆生得離衆過惡清淨勤 正念智慧辯才佛子 生疑念皆令覺悟音得具足辯才 切智心願一 願 願 切衆 切衆 垢身可 愛樂 知諸根清淨方便願 切衆生得 生得離衆過 切宮殿現安立 生得離衆過 ·菩薩 光明身 身 摩 修 無障 離 訶 薤

華 嚴 經 卷三十二

善根無有虛偽置諸衆生於一 賢菩薩行願一切智性菩薩摩訶薩以如是等微妙淨身方便攝取一 疲厭大悲均普量同法界知衆生根應時說法常不休息於善知 心 根 衆生悉令成就清淨功德一切智身佛子菩薩摩訶薩復以法施所生善 正念乃至不捨一刹那頃一 佛神通變化示諸衆生一切菩薩不可思議解脫威力示諸衆 生菩薩行願示諸衆生於一世界一切世界佛與於世示諸衆生一 法示諸衆生種種功德示諸衆生修行之道示諸衆生成就之行示諸衆。 永無 如是迴向願身隨住一切世界修菩薩行衆生見者皆悉不虛發菩提 如 淨明鏡種種色像自然顯現示諸衆生大菩提行示諸衆生甚深 退轉順眞實義不可傾動於一 切諸佛常現在前心常正念未曾暫懈修諸 切智令不退轉具足一 切世界盡未來劫住菩薩道 切佛法光 生成滿 7明持大 識 切諸 心常 逥 切 普

入一切菩薩淸淨境界智入一切佛自在神通入一切無邊法界於此安 三世入一切衆生業報智入一切菩薩善巧方便智入一切菩薩出生智 法雲受大法雨修菩薩行入一 切衆生入一切佛刹入一 切諸法入一切

住修菩薩行

大方廣佛華嚴經卷第三十二

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

率陀天上慧日舒光十迴向義廣宣揚苦海作津梁化日舒長華雨散天

香

天

華嚴字母衆藝親宣善財童子得眞傳秘密義幽玄功德無邊唱誦利人

波羅蜜門

嚩◐忘○犛無○○微文構○痰雺嚩唱嚩字時普願法界衆生入般若

波羅蜜門

哆○鐺燈冬都啁懛堤顚彈○擔侸哆唱哆字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海

南無華嚴海會佛菩薩 三稱

音釋

遷也音

徙千

也移

躭樂音

也端

鎧上開

躭

也聲 繒 稻曾 裂破音 帛情 也二 也列 音 偽也危 諛上 欺去 也聲 詐聲 誑 也假 謬光 言去 也聲 纏也音 縛傳 也繞

菩薩授經

薩日有人現講何以言無亮後蘇具向薄塵法師叙其事以此而詳賢 率天宮禮敬彌勒有一菩薩謂亮云何不受持華嚴對曰謂無人講菩 唐永隆年中郭神亮雍州長安縣人梵行淸淨因忽暴終諸天引至兜

首之弘轉法輪亞迹參聖徵矣

十迴向品第二十五之十一

唐于闐國三藏沙門實叉難陀譯

淨 帳寶網垂布阿僧祇寶蓋一切妙寶互相暎徹阿僧祇寶雲普雨衆寶阿 佛刹如一佛刹一切佛刹亦復如是其一一刹悉以等法界無量無邊淸 無礙清淨光明諸佛於中現成正覺一 以不可說不可說莊嚴具而莊嚴之一 佛子菩薩摩訶薩復以法施所修善根如是迴向願一切佛刹皆悉淸淨 妙寶莊嚴之具而爲嚴飾所謂阿僧祇淸淨寶座敷衆寶衣阿僧祇 一佛刹其量廣大同於法界純善 佛刹中清淨境界悉能顯現一 切

常演諸佛微妙音聲周流法界阿僧祇寶蓮華種種寶色開敷榮曜阿僧

僧祇寶華周徧淸淨阿僧祇衆寶所成欄楯軒檻淸淨莊嚴阿僧祇寶鈴·

祇 阿僧 樹・ 祇 周 寶樓 币行 閣廣博崇 列· 無量 一妙寶 麗 以爲 延 え え 遠 華 果。 近。 回 阿 僧 僧 祇 祇 寶 寶 〈宮殿· 却敵· 大 無 寶 量 所成 菩 薩 莊 止住 嚴 其 妙

寶 出 寶 垢 嚴。 好。 妙 河· 寶 淸 30 30 線 法 流 僧 淨。 僧 芬 貫 出 不 祇 祇 穿。 陀 寶 寶 可 嚴 切 利 思 門 多 清 羅・ 淨 聲。 圍・ 議。 無非 妙寶 無 阿 淨 形 僧 此。 善 如 (半月衆 阿僧 如 祇 法。 瓔 寶 阿 來 珞 僧 善 祇 須 周 淨 彌 祇 根 寶 而 所起。 光 山 寶 集 垂 l智慧· 寶常 海· 成。 布。 具足 法 如 阿 放 山 水 是 僧 無 王 盈 無 祇 秀 滿。 礙 數 切 寶牎牖 寶藏莊 出 大 加 悉 清 智 僧 以 衆 光 淨。 祇 不 明· 忠議 阿 寶 嚴。 寶 普照 僧 芬 復 而 寶清 祗 陀 有 爲 法 利 嚴 阿 楞 華· 僧 飾。 淨 常 四 妙 祇

僧 僧 僧 祇 祇 祇 寶 旛· 繒 鈴 悉能 鐸• 綵· 處 更 普 處 相 運下 雨 扣 無量 擊. 色 出 寶 妙音 相 旛。 光 阿僧 聲。 潔。 阳 阿 祇 僧 僧 寶帶 祇 祇 清 妙 寶幢· 淨寶· 垂 布 諸 空 以 + 寶 菩 莊 半 薩 嚴殊 月 寶 具足 而 妙。 爲 嚴 充 別 滿 僧 飾。 祗 四 阳

形皆放無量妙法光

明阿僧祇寶相其

相悉超衆

相。

阿僧祇

寶

園

生諸

菩薩三

昧

派寶音.

如來

妙音普示

世間

阿

僧

祇

寶瓔 比。 寶 阿 敷 多路· 一 具能 僧 祇寶莊嚴具金 生種種微細樂觸 瓔珞百千菩薩 剛摩尼以爲 上妙莊 阿僧祇妙寶旋示現菩薩 嚴飾。 嚴。 阿僧祇寶宮殿超過一 阿僧祇 種種 一妙寶莊嚴具常 切智眼。 切妙絕· 阿僧 現 無 祇

周 切清 化 币 事 圍 淨妙色阿僧祇 周 繞· 清淨 編法 界阿河 無礙。 阿僧祇 清淨寶殊形異彩光鑒暎徹阿僧祇寶山以爲 僧祇寶光明· 寶香其香普熏一 光明現一 切世 切光復有日 **上界阿僧祇** 阿僧祇 寶化 垣

光 有 明清 祇 阿僧 祇寶處 一 幢. 淨智光照了諸法復有阿僧祇無礙寶 如來幢 切諸 相迥然高 快樂阿僧 寶皆 |悉具足| 出阿僧祇寶賢大智賢像具足淸 阿僧祇寶藏開 光明一 示 切 光明周編法 正 淨。 一法藏 阿僧 寶。 阿

量 端 多 音宣揚 祇 阿僧祇寶聚落見者捨離世聚落法阿僧祇寶都邑無礙衆生於中盈滿 其有見者知一 阿 安住見者皆生善住寶心阿僧祇寶衣服其有著者生諸菩薩無比三昧 寶威儀見者皆生菩薩喜樂阿僧祇寶聚見者皆生智慧寶聚阿僧祇 菩 僧 寶 直 薩 圓 樹次第行列線以寶繩莊嚴清淨其樹復有阿僧祗寶幹從身聳 座 祇 結 潔。 佛坐其上大師子吼阿僧祇寶燈常放淸淨智慧光明阿僧 切淸淨法眼阿僧祇寶光藏其有見者則得成就大智慧藏阿僧 正法阿僧祇寶葉放大智光偏一 寶袈裟其有著者纔始發心則得善見陀羅尼門阿僧祇寶修! 跏 阿僧祇寶枝種種衆寶莊嚴稠密 趺 坐 切寶皆是業果決定淸淨阿僧祇寶無礙知見其有見者· 福 遊法 泉阿僧祇常 寶果見者當得一 切處阿僧祇寶華一一 不思議鳥翔集其中常 切智 智不 退轉果。 華 吐 祇 妙

寶 僧 莊嚴 阿僧 僧 法 退 阿 河 (耳聽聞) 祇 僧 祇 界。 阿僧祇寶明誦持 阳 僧 轉。 僧 阿僧祇 寶 清淨阿僧祇寶地不思議寶間錯莊嚴阿僧祇寶吹其音清亮充滿 阿僧祇寶舍入者能除戀舍宅 派寶輪放不思議智慧光明轉不退輪阿僧祇寶跋陀樹因陀 · 祇寶宮殿出家菩薩充滿其中阿僧祇寶珍玩見者咸 祗寶宮殿王處其中具足菩薩那羅延身勇猛 心具清流 ?智得大圓滿 ·祇寶身具足無量功德妙寶阿僧祇寶口常演一 無量盡法界聲清淨無礙阿僧祇寶鼻常齅隨順清 寶鼓妙音克 諧窮劫不 淨意大智願寶 切智寶四 切諸佛法寶阿僧祇寶慧決了 阿僧祇寳眼鑒十力寶無所障 「阿僧祇寶念斷諸愚惑究竟堅固 絕。 心阿僧祇寶衣著者能令解了無著 阿僧祇 寶衆生盡能攝持 堅固被法甲胄心 一切諸佛法藏。 切妙法寶音。 生無量歡喜 礙。 淨寶香 :無上法 阿 僧 切 羅 阿 智 阿 阿 網 無

001

嚴蓋莊 如是廣 是廣 諸善 就清淨 界一一佛刹一一方一一處一一毛端量悉亦如是是爲菩薩摩訶薩以 於 寶意常勤修習普賢行願阿僧祗寶音淨妙音聲徧十方界阿僧祇寶身 得 祇 一切所作以智爲首。 一佛刹一方一處一毛端量有無量無邊不可說數諸大菩薩皆悉成 根 無 寶舌能說無量諸語言法阿僧祇寶身徧遊十方而 說佛子菩薩摩訶薩以法施等所集善根爲長養 嚴幢莊嚴旛莊嚴摩尼寶莊嚴次第乃至過此百倍皆 如是香莊嚴華莊嚴鬘莊嚴塗香莊嚴燒香莊嚴末香莊嚴衣莊 智慧充滿而住如一佛刹一方一處一毛端量如是盡虛空偏 而 障礙廣大智寶究竟圓滿佛子菩薩摩訶薩於彼 爲 迴向普願一切諸佛國土 阿僧祇寶語業常說修行無礙智寶阿僧祇寶意 |悉具種種妙寶莊嚴 無罣 一切善根故迴 如寶莊 切諸 一瞬阿僧 如寶莊 佛刹 嚴 如 祇

華 嚴 經 卷三十三

t

00=

皆得一 於普賢行故迴向爲令 法藏 際劫一 皆得 眼· 迴向爲令一切衆生皆得平等無分別同體善根故迴向爲令一 切衆生皆得平等無量淸淨言音故迴向爲令一切衆生皆得平等無礙 迴向爲令一切衆生皆得無盡智力度諸衆生令入佛法故迴向爲令一 心 向爲嚴淨一 成就盡虛空徧法界等智慧故迴向爲令一切衆生皆得淸淨念知前 淨不動故迴向爲令一切衆生皆入甚深佛法故迴向爲令一切衆 故 無能過淸淨功德故迴向爲令一切衆生皆得不可壞淸淨福 切世界故迴向爲令一 切功德具足莊嚴淸淨身語意業故迴向爲令一 迴向爲令一 切佛刹故迴向爲成就一 切衆生皆得無限量大菩提周徧法界無所障礙故 切衆生皆得入一切同體清淨佛刹 切衆生皆得無礙大智慧悉能決了一 切衆生故迴向爲令一 切衆生皆得同 切衆 故迴向為 切衆 力故 生皆 切

現在 滿足大悲心救護 淨 威力得不可說不可說法海故迴向欲於一一法海具足無量等法界清 生皆 大一切法 令 切智道 智光 ·復以此善根欲普圓滿演說 切 不 於一 智 平等善根故迴向爲令一切衆生皆得平等無異相深心次第圓滿 切衆生悉觀察一 切 明故迴向欲開示演說 放迴向爲令一 念中證一 佛自在 故迴向佛子菩薩摩訶薩以諸善根普爲一切衆生如是迴 光明三昧故迴向欲隨順三世諸佛辯才故迴向欲成就 身故迴向爲尊重 切智得究竟故迴向爲令一 切衆生常無退轉故迴向欲成就不思議差別 切智皆趣入圓滿故迴向爲令一切衆生皆得遠 切衆生皆得安住一 切法差别 切清淨行法力故迴向欲成就清淨行 切佛 句義故迴向欲成就無邊 切白法故迴向爲令 可愛樂無障礙法故 切衆生皆得成滿淸淨 迴 向爲 切衆 向

以住法

無量處平等迴向以住法界無量

內平等迴向以住法界無量

平等迴

向以住法界無量發起平等迴向以住法界無量深心平等迴

行識

平等迴向以住法界無量蘊平等迴向以住法界無量界平等迴向

輪故 若仰若驫若細若廣若狹小大染淨如是等諸佛國土常轉平等不退法 法 法咸令歡喜故迴向佛子菩薩摩訶薩又以此善根如是迴向所謂以住 知一切諸法故迴向欲於一 說故迴向爲樂求衆善發心修習諸根轉勝獲一切法大神通智盡能了 障 礙智· 法 界無量住迴向以住法界無量身業迴向以住法界無量語業迴向以 界無量意業迴向以住法界無量色平等迴向以住法界無量受想 迴 向欲於念念中得無所畏無有窮盡種種辯才妙法光明開示演 心無垢染諸根淸淨普入一 切衆會道場親近供養爲一 切衆會道場故迴向欲於 切衆生演一 切若覆 切

清 平等清淨心安住法界無量平等諸菩薩淸淨行願安住法界無量平等 安住法界無量平等淸淨身安住法界無量平等淸淨語安住法界無量 以住法界無量如來衆會道場平等迴向佛子菩薩摩 法 法界無量菩薩行願平等迴向以住法界無量菩薩出離平等迴向以住 等迴向以住法界無量佛刹平等迴向以住法界無量法平等迴向以住 量 法界無量世間光明平等迴向以住法界無量諸佛菩薩平等迴向以住 界無量諧根平等迴向以住法界無量初中後際平等迴向以住法界無 向以住法界無量方便平等迴向以住法界無量信解平等迴向以住法。 淨衆會道場安住法界無量平等爲一 界無量菩薩敎化調伏平等迴向以住法界無量法界無二平等迴 |業報平等迴向以住法界無量染淨平等迴向以住法界無量衆生平 切菩薩廣說諸法淸淨智安住 訶薩如是迴向時

力演說

切無邊法界俾無有餘自在力出生普賢菩薩無邊

際眼自

在

無礙

耳識聞持無量諸佛正

明清 法 界無量 切種智力無所畏自在神通廣大功德出離法中佛子是爲菩薩摩 淨無畏能以一音盡斷一 平等能 入盡法界 切衆生疑網隨其根欲皆令歡喜住於 切世界身安住法界無量平等 切法光

佛 向 令一切衆生亦得如是具足成就無邊智慧了一切法於念念中見一 訶 時成 薩第 出與於世於念念中見一切佛無量無邊自在力所謂廣大自在力無 流普賢無量無邊菩薩行願悉能嚴淨盡虛空等法界一 十住等法界無量迴向菩薩摩訶薩以法施等一 切善根如是迴 切佛 切

著自 自在力現不 在力無礙自在力不思議自在力淨一 可說語言自在力隨時應現自在力住不退轉神通智自在 切衆 生自在力立一 切世 界

法自在力一身結跏趺坐周徧十方無

應衆 岸。 世 治皆得平等皆悉現前皆悉知見皆悉悟入皆已觀察皆得淸淨到於彼 **薩行智淸淨一念中普入三世一切諸佛衆會道場智淸淨入無邊一** 量 徧 徧 又得無量清淨所謂一切衆生清淨一 知智清淨 爾 間。 偏 法界於諸衆生無所迫隘自在力以圓滿智普入三世無量 令 動起編起等編起踊徧踊等徧踊震徧震等徧震吼徧吼等徧 時 生清淨放無量圓滿光普照一切無邊世界清淨出生一切三世菩 佛 編擊。 切衆 神力故十方各百萬佛刹微塵數世界六種震動所謂動偏動 佛 偏虛空界無邊智淸淨得一 ;神力故法如是故雨衆天華天鬘天末香天諸雜香天衣 生皆作所應作淸淨如是等皆得具足皆得成就皆已修 切佛刹淸淨一切法淸淨一切處 切差別言音智以種種言音普 法自在力 吼· 切

服天珍寶天莊嚴具天摩尼寶天沉水香天栴檀香天上妙蓋天種種幢

天雜 色旛阿僧祇諸天身無量百千億不可說天妙法音不可思議天讚

拜無數天子常念諸佛希求如來無量功德心不捨離無數天子作衆妓 佛音· 樂歌詠讚歎供養如來百千阿僧祇諸天放大光明普照盡虛空徧法界 阿僧祇天歡喜音咸稱善哉無量阿僧祇百千那由他諸天恭敬禮

菩 佛 率陀天宮說如是法周徧十方一切世界兜率天宮悉亦如是爾時復以 切 神力故十方各過百萬佛刹微塵數世界外各有百萬佛刹微塵數諸 佛刹現無量阿僧祇諸佛境界如來化身出過諸天如於此世 界兜

薩 子我等皆同一號名金剛幢悉從金剛光世界金剛幢佛所來詣此 而 來集會周徧十方咸作是言善哉善哉佛子乃能說 此諸 大迴向。

佛

彼諸世 不减我等皆承佛神力從彼 界悉以佛神力故而說是法衆會眷屬文辭句義皆亦如是不增 土來爲汝作證如我來此衆會爲汝作證

N

廣 時金 方所有一 大心大悲普覆 剛幢菩薩承佛神力觀察十方一切衆會暨于法界已善知文義增 切世界兜率天宮寶莊嚴殿諸菩薩衆來爲作證亦復如是爾 切衆生繫心安住三世佛種善入一切佛功德法成

順法身為現清淨妙色之身卽於是時而說頌日

佛自在之身觀諸衆生心之所樂及其所種

切善根悉分別知隨

就諸

菩薩成就法智慧 悟解無邊正 一法門 爲法光明調御師

引導十方無量 無礙眞實法 衆 悉令安住正法 菩薩爲法大導師 中 開示甚深難得法 菩薩已飮佛法海

了知

法雲普兩十方界

法日出現於世間

闡揚妙法利羣生

心

常爲難遇法施主 世說法恆無畏 善修於法自在心 了知入法巧方便 法光清淨照其 悉能悟入諸法門

於

五

1011

安住 願令一切皆清淨 隨所修行妙法施 悉具無量大莊嚴 悉以智慧而迴向 親從諸佛法化生 諸佛法王所灌頂 如來所有淸淨智 所作皆蒙佛忍可 以法長養諸功德 成就甚深妙法海 一切衆善法 願令衆生皆具足 到佛莊嚴之彼岸 成就法性智藏 如是莊嚴不可思 所有成佛功德法 則亦觀察彼善根 爲利衆生作法 以此成就人中尊 普爲衆生擊法鼓 菩薩修行第一 **具足淸淨法喜心** 施 身 燈 猶如普賢眞佛子 盡以莊嚴一 十方佛刹無有量 悉以迴施諸羣 所作衆善爲衆生 菩薩成就妙法身 宣說甚深希有法 演說無法最勝法 悉能解了法實相 示現世間佛法藏 切如來所讚喜 國 土 生

不思議數無量佛	分布法界咸充滿	大心供養咸令盡	世間衆生無有量	覲等衆生無數佛	示現一切大神通	願使衆生悉圓滿	諸佛菩薩所成就	十方無量諸衆生	一切衆生無有餘	一切功德自莊嚴
一切毛孔皆如是	發心普供十方佛	種種名香上妙華	菩薩悉能分別知	又復於一毛端中	普詣十方無量土	菩薩具足自在力	種種差別諸功德	一切皆令如普賢	皆使修行菩薩道	成就廣大神通力
普禮一切世間燈	一毛孔中悉明見	衆寶衣裳及旛蓋	諸佛無量等衆生	盡攝諸法皆明見	菩薩能於一念頃	所應學處皆往學	如是功德無有邊	具足修行最上行	諸佛如來所開悟	往詣世界悉周徧

t

(10) E

菩薩 盡 持以供養人中尊 亦不分別是劫數 悉以供養 寶華香色皆圓滿 盡彼世間 如是供養 窮盡未來 舉身次第恭敬禮 切世間種種劫 觀察悉明了 切劫無厭 如來 切劫 如來 切劫 足 供 於爾所劫修諸行 衆生數等無量刹 清淨莊嚴甚微妙 以大蓮華偏布 於所供養生疲 如無量劫供 世間劫數可終盡 如是無邊諸最勝 切如來亦復然 如來所供養具 切佛皆如是 佛 厭 中 **塗香無比最殊勝** 諸妙寶蓋滿其 供 施等衆生無量 法界廣大無邊際 恭敬供養 菩薩供養無休懈 供養讚歎諸如 其數無量等衆生 亦以言辭普稱讚 切世間無可喻 切佛皆如是 如 佛 中 來

此迴向行最無上	世間無量諸衆生	安住普賢菩薩行如是供養諸佛時	修無上妙供以無邊偈稱	歡喜奉事無厭足	予 港子一切世間未
十方世界無有餘共所修治迴向行	悉願具足如普賢地速得安住普賢地	過去未來及現在以佛神力皆周徧	数無量 中調御	等衆生數照世燈	以此供養天人師
其中一切諸衆生諸佛如來爲我說	為聰慧者所稱讚一切如來所知見	所有一切諸善根悉見十方無量佛	如是讚歎無窮盡如衆生數佛世尊	念念成就大菩提	窮盡衆生數等劫

一九

二〇三世

菩薩廣大殊勝行 攝取法界盡無餘 是故能成菩薩道 智者所有迴向法 戲論染著皆永盡 世間無有得其邊 禪定持心常 亦復堅持於禁戒 莫不咸令得開覺 切衆生猶可數 切修行無有餘 緣 宜應善住此迴向 是故能成善逝力 佛子善學此迴向 諸佛如來已開 亦如涅槃無障礙 悉與普賢菩薩等 菩薩身心及語業 智慧了境同三昧 精進長時無退怯 悉使常如普賢行 一世心量亦可知 是諸佛子號普賢 如是普賢諸佛子 若欲成就佛所說 去來現在皆通達 無量行願悉成滿 種種善根悉迴向 心常如是離諸取 譬如法界無分別 如是所作皆清淨 忍辱柔和心不動 如其迴向行布施

功德邊際無能測

毛度空可得邊

衆刹爲塵可知數

所住行願無能量

如是大仙諸佛子

誦補闕眞言

大方廣佛華嚴經卷第三十三

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

率陀天上慧日舒光十迴向義廣宣揚苦海作津梁化日舒長華雨散天

香

華嚴字母衆藝親宣善財童子得眞傳秘密義幽立功德無邊唱誦利人

也)陽蠅容余遙○移寅延淫鹽由也唱也字時普願法界衆生入般若

吞 00 張尸 徵尸

有中

朱書

朝尸

梩師

知尸

珍尸

徻師

砧尸

部語

軂師

吒瑟

唱吃

字時普願法界衆生入般

若波羅蜜門

迦〇岡搄公孤高該雞斤干金甘釣迦唱迦字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難 |塗共入毘盧性海

南無華嚴海會佛菩薩 Ξ 稱

音釋

軒 末音

曰掀 軒着 檻 也音 欄遺 也楯 麦北普 廣矛 表束 也西 南 牕 隔音 也窓 牖隔音 也酉 窓 鈴 而音 小凌 也似 鐘 鐸

_ (10-t)

扣

纔

校異同(依各卷分碼索引 第五頁第 也氣 也 鈴背 隘 聳 鐸堂 也挨 髙松 也入 狹去 也上 聲 通一 也擊 扣 本行 陋 擢 擊音 也音 也寇 作藏 也音 出濯 生本 處王 與記 也拔 垣 處 也及 稠 墻音

華語 翅音

芬也 飛祥

分云

音此 也布 也音

胄 暫才

也宙 繚 甲 繚遼

克 繞了能音 纏二 繞了

也刻 也音

鼻音 繩音 就嗅 索乘

齅

繩

白 育音 也僅

第一九頁第 通九 本行 作藏 若本 能若 欲

唐于闐國三藏沙門實叉難陀譯

十地品第二十六之一

住境入一 於阿耨多羅三藐三菩提不退轉悉從他方世界來集住一切菩薩智所 爾時世尊在他化自在天王宮摩尼寶藏殿與大菩薩衆俱其諸菩薩皆 菩薩智慧方便究竟彼岸示入生死及以涅槃而不廢捨修菩薩行善入 刹勤修諸行無暫懈息具足菩薩福智助道普益衆生而恆不匱到· 化調伏一切衆生而不失時爲成菩薩一切大願於一切世一切劫一 切菩薩自在神力於一念頃無所動作悉能往詣一切如來道場衆會爲 切菩薩禪定解脫三昧三摩鉢底神通明智諸所施爲皆得自在獲一 切如來智所入處勤行不息善能示現種種神通諸所作事敎 切 切

德藏菩薩 藏菩薩。 藏菩 勤修習 辯 蘇摩德藏菩薩優鉢羅德藏菩薩天德藏菩薩福德藏菩薩無礙清淨 明燄藏菩薩星宿王光照藏菩薩虛空無礙智藏菩薩妙音無礙藏菩薩 德 光明 王 藏 菩 薩 說 智無礙普見三世一切菩薩所有功德悉已修行而得圓滿於不可說劫 衆上首請佛說法護持諸佛正法之輪以廣大心供養承事一 才莊嚴藏菩薩大光明網藏菩薩淨威德光明王藏菩薩金莊嚴 不能盡其名日金剛藏菩薩寶藏菩薩蓮華藏菩薩德藏菩薩蓮華德 薩日藏菩薩蘇利耶藏菩薩無垢月藏菩薩於一 毗盧 功德藏菩薩。 切菩薩所行事業其身普現一切世間其音普及十方法界心 遮 那智藏菩薩。 切相莊嚴淨德藏菩薩 那羅延德藏菩薩 妙德藏菩薩栴檀德藏菩薩 無垢藏菩薩離垢藏菩薩 金 剛燄德相莊嚴藏菩薩光 切國土普現莊 華德藏菩薩 切諸佛常 天功 種 種 智 俱

陀羅尼功德持一 無邊無等不可數不可稱不可思不可量不可說諸菩薩摩訶薩衆金剛 切功德藏菩薩如來藏菩薩佛德藏菩薩解脫月菩薩如是等無數無量・ 切衆生願藏菩薩海莊嚴藏菩薩須彌德藏菩薩淨

藏菩薩而爲上首爾時金剛藏菩薩承佛神力入菩薩大智慧光明三昧 塵數諸佛同名金剛藏而現其前作如是言善哉善哉金剛藏乃能入是 入是三昧已卽時十方各過十億佛刹微塵數世界外各有十億佛刹微

欲令汝爲一切菩薩說不思議諸佛法光明故所謂令入智地故攝一 於汝以毗盧遮那如來應正等覺本願力故威神力故亦是汝勝智力故 菩薩大智慧光明三昧善男子此是十方各十億佛刹微塵數諸佛共加

善根故善簡擇一 切佛法故廣知諸法故善能說法故無分別智淸淨故

切

切世法不染故出世善根清淨故得不思議智境界故得一切智人智

2011

M

定開 處 故。 善決定故憶念菩薩心不忘失故成熟一 佛 切 明 智門故隨所住處次第顯說無所畏故得無礙辯才光明故住大辯才 境 滿足 開 佛 所 說辯與善分別淸淨智與善憶念不忘力與善決定明了慧與至 才智與 法故修習分別無漏法故善選擇觀察大智光明巧莊嚴故善入決定 界故又令得菩薩十地始終故如實說菩薩十地差別相故緣念 悟故善男子汝當辯說此法門差別善巧法所謂 加故淨自善根故普淨法界故普攝衆生故深入法身智身故受一 悟 灌 P智與成道² 頂故得一 切智智故 切如來 自在力與如來無所畏與一 切世間最高大身故超一切世間道故淸淨出 上妙身語意具足莊嚴何以故得此三昧法如是故 爾時十方諸佛與金剛藏菩薩 切衆生界故能偏至一 切智人觀察 無能暎奪身與無 承 佛神力 分別諸法門 世善根 切處決 如 來智 切 切 礙 地

此

其無量法器故知其清淨信解故得無錯謬總持故法界智印善印故爾 時十方諸佛各伸右手摩 本 願所起故善淨深心故善淨智輪故善積集助道故善修治所作故 金剛藏菩薩頂摩頂已金剛藏菩薩從三昧起 念

普告 究竟如虛空盡未來際偏一 過去未來現在諸佛智地佛子何等爲菩薩摩訶薩智地佛子菩薩摩 切菩薩衆言諸佛子諸菩薩願善決定無雜不可見廣大如法界 切佛刹救護一切衆生爲一 切諸佛所護。 訶

現前地七者遠行地八者不動地九者善慧地十者法雲地佛子此菩薩 十一者歡喜地二 薩 智地有十種過去未來現在諸佛已說當說今說我亦如是說何等爲 一者離垢地三者發光地四者餤慧地五者難勝地六者

十地三世諸佛已說當說今說佛子我不見有諸佛國土其中如·

來不說

一十地者何以故此是菩薩摩訶薩向菩提最上道亦是淸淨法光明門

大

聞菩薩十地名不聞解釋咸生渴仰作如是念何因何緣金剛藏菩薩唯 金剛藏菩薩說此菩薩十地名已默然而住不復分別是時一切菩薩衆· 所謂分別演說菩薩諸地佛子此處不可思議所謂諸菩薩隨證智爾時

藏菩薩日

何故淨覺人 念智功德具 說諸上妙地 有力不解釋 說菩薩十地名而不解釋解脫月菩薩知諸大衆心之所念以頌問金剛

切咸決定 勇猛無怯弱 何故說地名 而不爲開演

衆會悉清淨 諸地妙義趣 離懈怠嚴潔 此衆皆欲聞 能堅固不動 其心無怯弱 願爲分別說 具功 德智慧

爾時大智無所畏金剛藏菩薩聞說是已欲令衆會心歡喜故爲諸佛子

相

視咸恭敬

切悉專仰

如蜂念好蜜

如渴思甘露

菩薩行 地事 最 上諸佛本 顯示 分别 說 第 希有難

微 持 心如 細難可見 金 剛 離念超 深信佛勝 心 智 地 知 出 心地無 生佛境 我 能聞此勝法 聞者悉迷惑

如空中彩畫 如空中風相 牟尼智如是 分別 乃甚難見

我念佛智慧 最勝難思議 世間無能 受 默然而不說

善淨深心善潔思念善修諸行善集助道善能親近百千億佛成就無量 爾 功德善根捨離癡惑無有垢染深心信解於佛法中不隨他敎善哉佛子 時解脫月菩薩聞是說已白金剛藏菩薩言佛子今此衆會皆悉已集

脫月菩薩欲重宣其義而說頌曰

扭

卷三十四

當承佛神力而爲演說此諸菩薩於如是等甚深之處皆能證知爾時

時 金剛藏菩薩言佛子雖此衆集善淨思念捨離愚癡及以疑惑於甚 此衆無諸垢 願說最安隱 志解悉明潔 菩薩無上行 承事無量佛 分别於諸地 能知此地義 智淨成正覺

夜中受諸衰惱我愍此等是故默然爾時金剛藏菩薩欲重宣其義而說 深法不隨他敎然有其餘劣解衆生聞此甚深難思議事多生疑惑於長 爾

頌日。

雕 此衆淨廣智慧 甚深明利能決擇 其心不動如山王

聞 不可傾覆猶大海 此生疑墮惡道 有行未 我愍是等故不說 久解未得 隨識而行不隨智

爾 議 時 解脫月菩薩重白金剛藏菩薩言佛子願承佛神力分別說此不 此 人當得如來護念而生信受何以故說十地時一切菩薩法應 思 如

成就一切諸佛法故譬如書字數說一切皆以字母爲本字母究竟無有 是得佛護念得護念故於此智地能生勇猛何以故此是菩薩最初所行

少分離字母者佛子一 切智是故佛子願爲演說此人必爲如來所護令其信受爾時解脫月菩 一切佛法皆以十地爲本十地究竟修行成就得

薩欲重宣其義而說頌曰

善哉佛子願演說 趣入菩提諸地行 十方一切自在尊

此安住智亦究竟

切佛法所從生

莫不護念智根本

譬如書數字母攝 如是佛法依於地

爾時諸大菩薩衆一 時同聲向金剛藏菩薩而說頌言

念持清淨行 一妙無垢智 無邊分別辯 十力集功德 辯才分別義 宣暢深美言 第一 說此最勝地 義相應

九二〇玉

世尊從眉間 成 定戒集正 我等亦如是 如 十力無 湯思冷 水 心 礙 出清淨光明名菩薩力燄明百千阿僧祇光明以爲 善逝 願聞甘露 離我慢邪 如饑念美食 切行 法 見 善哉廣大智 此衆無疑念 如病憶良藥 惟 願說入諸地 如蜂貪好蜜 願聞善說 眷

身。 爾 會顯現諸佛不思議力又照十方一 屬普照十方 作是事已於上虛空中成大光明雲網 時 一切世界靡不周偏三 切世界一切諸佛所加說法菩薩之 一惡道苦皆得休息又照 臺而住時十方諸佛悉亦如是 一切如來衆

從眉 佛 光臺中以諸佛威神力故而說頌言 及大衆幷金剛藏菩薩身師子座已於上虛空中成大光明雲網臺時 間出淸淨光明其光名號眷屬作業悉同於此又亦照此娑婆世界 自性本空寂

無一

亦無盡

解脫於諸趣

無生亦無滅

如來大僊道

佛無等等如虛空 十力無量勝功德 人間最勝世中上

釋師子法加於彼 佛子當承諸佛力 開此法王最勝藏

諸地廣智勝妙行 以佛威神分别說

當得法寶入其心

若爲善逝力所加

諸地無垢次第滿

亦具如來十種力

其有生疑不信者

入住展轉次修習

利益一切衆生故

應說諸地勝智道

堪受此法必得聞

從行境界法智生

永不得聞如是義

雖住海水劫火中

爾時金剛藏菩薩觀察十方欲令大衆增淨信故而說頌日

微妙難可知 性淨恆寂然 離 非念離諸念 活 地 悪 悪 悪 悪

人

彼智所行處

求見不可得

涅槃平等住

(10元)

佛 爲善知識善攝善清淨深心立廣大志生廣大解慈悲現前爲求佛智故 子若有衆生深種善根善修諸行善集助道善供養諸佛善集白淨法 是境界難見 慈悲及願力 無量佛神 如是智入行 智起佛境界 如空中鳥跡 寂滅佛所行 非初非中後 心恭敬待 力 咸來入我身 億劫說不盡 我承佛力說 可知不可 出生入地行 非言辭所說 難說難可示 非念離心道 言說莫能及 說 勝法微 此處難宣示 我今但略說 非蘊 佛力故開演 次第圓滿 出過於三世 如是十地義 地行亦如是 界處門 妙音 心 我今說少分 譬喻字相應 眞實義無餘 汝等應敬受 智行非慮境 難說難可受 其相如虛 心意不能了 智知意不及 空

華 嚴 經 卷三十四

喜地。

念諸佛故生歡喜念諸佛法故生歡喜念諸菩薩故生歡喜念諸

多

多

踊躍。

"多勇猛·

多無關

諍多無惱害多無瞋恨佛子菩

薩

住

此

平 善巧方便所攝最 慈悲 虚 礙 世 爲 L故爲轉 等於 無能 |空盡未來際佛子菩薩始發如是心卽得超凡夫地入菩薩位 智 得 動相應故佛子菩薩住歡喜地成就多歡喜多淨信多愛樂多適 現前。 故爲得十力無餘智故爲淨 十力故爲得大無畏故爲得佛平等法故爲救 如來種 說其種族過失離世間趣入出世道得菩薩法住菩薩處入 大法輪無所畏故佛子菩薩 隨順自然智能受一 中決定當得無上菩提菩薩住 上深心所持如來力無量善觀察分別勇猛力智力 切佛法以智慧教化廣大如法界究竟 切佛刹無障礙故爲一 起如是心以大悲爲首 如是法名住菩薩歡喜地 切世間故爲淨 念知 日智慧增· 生 一切三 如 如 無

離 有 益故 念菩 怖 所 地・ 間 薩行故生歡喜念清淨諸波羅蜜故生歡喜念諸菩薩地殊勝故生歡 一歡喜遠離 不活 畏皆 我見無有我想是故無有死畏自知死已決定不離諸佛菩薩是故無 有 故 境 ·怖畏悉得遠離所謂不活畏惡名畏死畏惡道 切 界故生歡喜 生 薩 畏。 得 一歡喜念入一切如 歡喜永斷 如來故生歡喜生佛境 不可壞故生歡喜念如來敎化衆生故生歡喜念能令衆生得 不於 永離何以故此菩薩離我想故尚不愛自身何況資財是故無 他所希 切怖畏毛豎等事故生歡喜何以故此菩薩得歡喜地 親近 一切惡趣故生歡喜與一切衆生作依止處故生 求供養唯 切佛故生歡喜遠離凡夫地故生歡喜近智慧 來智方便故生歡喜復作是念我轉離 界中故生歡喜 專給施 切衆生是故無有 入一 畏大衆威 切菩薩 平 -等性中故 惡名 德 畏。 歡 如 切世 利

華嚴經過一十四

不動 能 畏菩薩. 故。 和 故。 能 有惡 愛樂法故求多聞 求 名聞恭敬故不求一切資生之物故生如實心無厭足故求一切智地 行故常護實語故不汙如來家故不捨菩薩戒故生 故敬順尊重諸佛教法故日夜修習善根無厭足故親近 信決定故發生悲愍故成就大慈故 沮 敌。 壊轉 如 道畏我所志樂 不捨 一殊勝道 來 如是遠離驚怖毛豎等事佛子此菩薩以大悲爲首廣大志樂無 力無畏不共佛法故求諸波羅蜜 更勤修一 故佛子菩薩成就如 切世 無厭足故 間 切善 事。 切世間無與等者何 成就 根 (而得成就) 如所聞法正觀察故。 出世間道故集助菩提 是淨治地法名爲安住菩薩歡喜地 所謂信增上故多淨信故 心無疲懈故慙愧莊嚴故成就 助道 況有勝是故無有大衆威 以心無依著故了 法故離諸 分法 切 善知 無厭 智心 諂 誑 不 耽著 足故常 解清 如 識 故。 放常 山 如 利 淨 德

0===

大

佛 究竟 所 廣 如 大無量不壞不雜攝諸波羅蜜淨治諸地總相別相同相異相成相壞 悉往詣親近 界佛興于世從兜率天宮沒入胎住胎初生出家成道說法示 如 切佛 法界究竟如虛空盡未來際一切劫數無有休息又發大願願一 大如法界究竟如虚空盡未來際一 生 子菩薩住此歡喜地能成就如是大誓願如是大勇猛如是大作用 菩薩行皆 空 虚。 空 虚· 廣 如 虚 法 大清淨決定解以一 輪願攝 一空盡未來際一 ·供養爲衆上首受行正法於一切處一時而轉廣大如法 如實說教化一 切劫數無有休息又發大願願一 切佛菩提願護 切劫 切供養之具恭敬供養一切諸佛令無有餘 切令其受行心得增長廣大如法 數無有休息又發大願願一 切劫數無有休息又發大願願 切諸佛敎願持一 切衆生界有色無 切諸佛法廣 切菩薩行廣 現涅槃皆 界究竟 切世

華 嚴 經 卷三十四

平等 如 安住 休息又發大願願與一 而 惱成就清淨道 如虛空盡未來際一 息 切生處名色所攝如是等類我皆敎化令入佛法令永斷一 色有想無想非有想非無想卵生胎生濕生化生三界所繫入於六趣 爲 國 又發大願願一 帝 上入一 網差別十方無量種種不同智皆明了現前知見廣大如法界究竟 示現皆令歡喜廣大如法界究竟如虛空盡未來際一 切智智道廣大如法界究竟如虛空盡未來際一 緣常共集會不相捨離隨意能現種種佛身任其自心能知 切國土無量佛土普皆清淨光明衆具以爲莊嚴離一 無量智慧衆生充滿其中普入廣大諸佛境界隨衆生心 切世界廣大無量疊細亂住倒住正住若入若行若去 切劫數無有休息又發大願願 切菩薩同 志行無有怨嫉集諸善根 切國土入一 切劫數無有休 切世間趣令 切劫數無有 切菩薩 切煩 國土。 切

この三五

詣道 耨多羅 竞 法令一切衆生心皆歡喜示入大涅槃而不斷菩薩行示大智慧地安立 煩 入一切生處成就不思議大乘修菩薩行廣大如法界究竟如虛空盡未 如 如虛空盡未來際一 唐捐若暫見者則必定佛法暫聞音聲則得實智慧纔生淨信則永斷 切法以法智通神足通幻通自在變化充滿 心示現成佛令得寂滅以一三菩提知一切法界卽涅槃相以一音 惱得如大藥王樹身得如如意寶身修行一切菩薩行廣大如法界究 來境界威力智慧得不退如意神通遊行一切世界現形一 !場成正覺轉法輪入涅槃得佛境界大智慧力於念念中隨 切劫數無有休息又發大願願乘不退輪行菩薩行身語意業悉 三藐三菩提不離一毛端處於一切毛端處皆悉示現初生出家· 切劫數無有休息又發大願願於一 切法界廣大如法界究 切世界成 切衆會普 切衆

出

生

無

中邊佛境界信隨入如來無量境界信成就果舉要言之信

誓願如是大勇猛如是大作用以此十願門爲首滿足百萬阿僧祇大願 竞 如 虚 室盡未來際。 切劫數無有休息佛子菩薩住歡喜地發如是

佛 間 境界界盡世間轉法轉智轉界盡若衆生界盡我願乃盡若世界乃至世 盡。 轉法轉智轉界盡我願乃盡而衆生界不可盡乃至世間轉法轉智轉 子此大願以十盡句而得成就何等爲十所謂衆生界盡世界盡虛空 一法界盡涅槃界盡佛出現界盡如來智界盡心所緣界盡佛智所入

地。 心。 益 信成就力信具足無所畏信生長不可壞不共佛法信不思議佛法信 成淨信者有信功用能信如來本行所入信成就諸波羅蜜信入諸勝 心柔輕心隨順心寂靜心調伏心寂滅心謙下心潤澤心不動 心不濁

界不可盡故我此大願善根無有窮盡佛子菩薩發如是大願已則得

利

切

ō

影像然諸 欲 名色共生不離此名色增長生六處聚落於中相對生觸觸故生 誑 如 深。 愛愛增長故生取取增長故生有有生故有生老死 流有流 是廣 i 薩行乃一 大悲智慧復作是念此諸衆生我應救拔置於究竟安樂之處是故即 稠 如是寂靜如是寂滅如是空如是無相如是無願如是無染如是無量 長 「業日夜增長以忿恨風吹心識火熾然不息凡所作業皆顚倒 林。 苦聚是中皆空離我我所無知無覺無作無受如草木石壁亦如 不能自出心與慳嫉相應不捨恆造諸趣受生因緣貪恚愚癡積 衆 無明流見流相續起心意識種子於三界田中復 而諸凡夫心墮邪見無明覆翳立憍慢高幢入渴愛網 至如來智地說力故佛子此菩薩復作是念諸佛正法如是 生不 覺不知菩薩見諸衆生於如是苦聚不得出離是故卽 憂悲苦惱 生苦芽所謂 中行路 受因 如是 相 受

時· 於 馬 穀 玩之具頭目手足血肉骨髓一 倉庫。 車 大慈光明智佛子菩薩摩訶薩隨順如是大悲大慈以深重心住初 薩住於初地大捨成就佛子菩薩以此慈悲大施心爲欲救護 乘奴婢人民城邑聚落園林臺觀妻妾男女內外眷屬及餘所有 切物無所悋惜求佛大智修行大捨凡是所有一切能施所謂 金銀摩尼真珠瑠璃 珂 切身分皆無所惜爲求諸佛廣大智慧是 貝壁玉珊瑚等物珍寶瓔珞嚴身之具象 財 地

衆生轉 疲 是而行是故菩薩得成世智成世智已 厭 已善能籌量應作不應作於上中下一 心 已於 更推求世出世間諸利益事無疲厭故卽得成就無疲厭心得 切經論心無怯弱 無怯弱故卽 知時 切衆生隨應隨力隨其所習如 知量。 得成就 以慙愧莊 切經論智獲是 嚴勤修自利

名 菩

切

利他之道是故成就慙愧莊嚴於此行中勤修出離不退不轉成堅固力

地 解 佛 以 心 由 百 諸 諸 供養 佛多千佛多百千佛多億佛多百億佛多千億佛多百千億佛多億 堅固 力故行未善通達是菩薩十波羅蜜中檀波羅蜜增上 深 他佛多百億那由他佛多千億那由他佛多百千億那由他佛悉以大 故得成就衆生法以前二攝攝取衆 佛。 地 所有善根悉以迴向一 心恭敬 但 依 法所謂信悲慈捨無有疲厭知諸經論善解世法慙愧堅固力供養 万已。 隨 **|教修行佛子菩薩住此歡喜地已以大願力得見多佛所謂見多** 切衆僧以此善根皆悉迴向無上菩提佛子此菩薩因供養諸 力隨分是菩薩隨 尊重 勤供諸佛於佛教法能如說行佛子菩薩如是成就 承事供養衣服飲食臥具醫藥一 切智地轉轉明淨調柔成就隨意堪用佛子。 所勤修供養諸佛 生謂布施愛語後一 教化衆生皆以修行淸 切資生 一餘波羅蜜 攝法但以信 悉以奉施。 十種 非不 那

淨

治一

不斷。

知

地地轉行善知地地處非處善知地地殊勝智善知地地不退轉善知

切菩薩地乃至轉入如來地佛子菩薩如是善知地相

始於

初

於

如

如是乃至入第十地無有斷絕由此諸地智光明故成

厭足為 譬如 第八第九第十地中相及得果無有厭足爲欲成就彼地法故是菩薩善 地 佛 知 智地轉轉明淨調柔成就隨意堪用佛子菩薩摩訶薩住於初地應從諸 如是供養諸佛教化衆生皆爲修行淸淨地法所有善根悉以迴向 語地障對治善知地成壞善知地相果善知地得修善知地法淸淨善 法 菩薩善知識所推求請問於此地中相及得果無有厭足爲欲成就 故亦應從諸佛菩薩善知識所推求請問第二地中相及得果無有 金師善巧鍊金數數入火轉轉明淨調柔成就隨意堪用菩薩亦復 .欲成就彼地法故亦應如是推求請問第三第 四第五第六第七 切 此

(一〇四一)

難之處安隱得至薩婆若城身及衆生不經患難是故菩薩常應匪懈勤 此 薩 修諸地殊勝淨業乃至趣入如來智地佛子是名略說菩薩摩 虀 備其所須令無乏少將諸商衆乃至安隱到彼大城身及衆人悉免憂患 佛子菩薩商主亦復如是住於初地善知諸地障對治乃至善知一切菩 彼 生慳貪之垢常行大施無有窮盡布施愛語利行同事如是 一 問道中功德過失及住止之處安危可不然後具道資糧作所應作佛子 智慧光明佛子譬如商主善知方便欲將諸商人往詣大城未發之時先 地清淨轉入如來地然後乃具福智資糧將一切衆生經生死曠野險 初 初地門廣說則有無量無邊百千阿僧祇差別事佛子菩薩摩訶薩住 大商主雖未發足能知道中所有一切安危之事善以智慧籌量觀察 地多作閻浮提王豪貴自在常護正法能以大施攝取衆生善除衆 切諸所作 河薩

華 卷三十四

能示百菩薩以爲眷屬若以菩薩殊勝願力自在示現過於是數百劫千 劫百千劫乃至百千億那由他劫不能數知爾時金剛藏菩薩欲重宣其 能住壽百劫能知前後際各百劫事能入百法門能示現百身於一 神力能動百佛世界能過百佛世界能照百佛世界能教化百世界衆生 教出家學道旣出家已勤行精進於一念頃得百三昧得見百佛知百佛 勝爲殊勝爲妙爲微妙爲上爲無上爲導爲將爲帥乃至爲一 業皆不離念佛不離念法不離念僧不離念同行菩薩不離念菩薩行 至不離念具足一 離念諸波羅蜜不離念諸地不離念力不離念無畏不離念不共佛法乃 者是菩薩若欲捨家於佛法中勤行精進便能捨家妻子五欲依如來 切種一切智智復作是念我當於一切衆生中爲首爲 切智智依

說頌日。

(一〇四三)

一大

生在 悲先慧爲主 佛子始發 淨一 略說求諸佛 若 纔生如是 無礙智現前 爲得大慈悲 信解極廣 念知三世 人集衆善 如來家 切智力 心 生 大 自悟不 種族無瑕 方便共相應 即得入初地 具足白淨 如是妙寶 而 及以無所畏 及轉勝法 志樂亦淸淨 切勝功 無有分別 由 心心 玷 他 德 輪 法 種種時 與佛共平等 則 具足同如 發生廣大心 嚴淨佛國 成就諸佛 志樂不可動 信解淸淨 爲求佛智慧 供養天人尊 超凡夫位 不同 來 心 法 譬如大山 決成無上覺 入佛所行處 發此最勝 量等虚空界 以示於世 發此最勝 救攝羣生衆 隨順慈悲道 如來無量 發此無上心 力 心 間 心

修善無厭足

轉求增勝道

如是好樂法

功德義相應

不汙諸佛家	修行波羅蜜	不貪於利養	樂法眞實利	常行大慈愍	以不貪著我	始得入初地	救世無等者	遠離於鬭諍	多喜多愛樂
不捨菩薩戒	遠離諂虚誑	唯樂佛菩提	不愛受諸欲	恆有信恭敬	及以於我所	即超五怖畏	所有衆智慧	惱害及瞋恚	亦復多淨信
不樂於世事	如說而修行	一心求佛智	思惟所聞法	慙愧功德備	是諸佛子等	不活死惡名	此處我當得	慙敬而質直	極大勇猛心
常利益世間	安住實語中	專精無異念	遠離取著行	日夜增善法	遠離諸怖畏	惡趣衆威德	憶念生歡喜	善守護諸根	及以慶躍心

|| (10回日)

一切皆能捨	是信	如彼無盡期	虚空與衆生一切毛端處	一切諸佛刹	恒起大願心
心得無憂悔	今應救	我願亦復然	法界及涅槃一時成正覺	修行最勝行	於諸
求種種經書頭目與手足	是衆生	如是發大願	世間佛出興如是等大願	平等共一心 水熟諸羣生	
其心無厭倦	而行種種施	心柔輕調順	佛智心境界	所作皆不 空 是 治 佛國土	取大仙

二九

(一〇四七)

能知百劫事 能於佛教中 震動百世 皆令住大捨 以法化衆 勇猛無障礙 問知道險易 善根轉明淨 供養無量佛 善解其義趣 所作無障礙 生 光照行亦爾 示現於百身 勇猛勤修習 成就佛智慧 慈心無損害 到於第十地 安隱至大城 具足不斷絕 恭敬而尊重 如火鍊眞 能隨世所行 金 及現百菩薩 化百土衆生 則得百三 統領閻浮 欲求最勝道 住此初地 菩薩住初: 譬如大商主 菩薩住於 慙愧自莊嚴 如是常修習 味 地 中 地 此 以爲其眷屬 入於百法門 及見百諸佛 捨己國王位 化行靡不及 作大功德王 應知亦如是 爲利諸商衆 淨修於十地 修行轉堅固 日夜無懈倦

若欲廣分別 若自在願力 億劫不能盡 過是數無量 菩薩最勝道 我於地義中 利益諸羣生 略述其少分

大方廣佛華嚴經卷第三十四

如是初地法

我今已說竟

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

高昇他化自在天宮廣宣十地義無窮行布盡圓融慧燄重重爍破太虛

空

華嚴字母衆藝親宣善財童子得眞傳祕密義幽立功德無邊唱誦利人

よう)

娑◎桑僧捴甦騷腮西新珊心三涑娑唱娑字時普願法界衆生入般岩

也中

朔音

波羅蜜門

)姏呣麽唱麽字時普願法界衆生入般若

波羅蜜門

伽

)强殑窮渠喬○奇勤虔琴鉗求伽唱伽字時普願法界衆生ス

波羅蜜門

四十二 字 妙陀羅字字包含義理多阿根梵韻滿娑婆功德大法界沐恩

波 有四 同生 前九

音 釋

敬讓 匱 也音 也也 乏潰 穀音 也竭 錯 也谷 五 誤音 也措 珂 瑪音 舛 豎 瑙科 也玉 竪音 也 也樹 籌 筹音 直 也紬 也靡 差幼 **瑕** 亂切 也音 也誤 亂切 過遐 蜂 也玉 名音 病 也風 玷 亜 濕

缺音 也店 燥音 玷 也失 髓 不 難籊 謙 骨上 牽音

(一〇四九)

校異同(依各卷分碼索引)

流 通 作 充 偏 作 充 偏

通七 本行 作藏 資本 心實 di. 第二四頁第 流十 通一 本行 作藏 利本 益第二八頁第

十地品第二十六之二

唐于闐國三藏沙門實义難陀譯

諸菩薩聞此 最勝微妙地 其心盡清淨 切皆歡喜

皆從於座起 踊住虚空中 普散上妙華 同時共稱讚

善哉金剛藏 解脫月菩薩 知衆心淸淨 大智無畏者 善說於此地 樂聞第二地 菩薩所行法 所有諸行相

爾時金剛藏菩薩告解脫月菩薩言佛子菩薩摩訶薩已修初地欲入第 即請金剛藏 大慧願演說 佛子皆樂聞 所住第一 地

心純善心不雜心無顧戀心廣心大心菩薩以此十心得入第二離垢地。 一地當起十種深心何等爲十所謂正直心柔輕心堪能心調伏心寂靜

亦不 此 間 佛 之心何況從事況於非道性不妄語菩薩常作實語眞語時語乃至夢中 足。 盗 資 惱 子菩薩 財 10 心乃至草葉不與不取何況其餘資生之具性不邪婬菩薩於自妻知 恕具足於一 間 未 無惱害心不將此語爲 忍作覆藏 求他妻於他妻妾他所護女親族媒定及爲法所護尙 常 衆 被者不 語若實若不實性不惡口所謂毒害語麤擴語苦他語 生何況於他起衆生想故以重意而行殺害性不偷盜菩薩於 知 止 住離垢地性自遠離 |足於他慈恕不欲侵損若物屬他起他物想終不於 之語。 令 切衆生有命之者常生利益慈念之心是菩薩尙不惡心 破。 已破者不 無心欲作何況故犯性不兩 破彼 增長不喜離間 故而向彼 切殺生不畜刀杖不懐怨恨有慚有 說不將彼語 不樂離 舌菩薩於諸 間。 不作 爲破此故而 不生於貪 衆生 令他瞋 離 間 此 無離 而 向

火燒心語怨結語熱惱語不可愛語不可樂語能壞自身他身語如是等 皆悉捨離常作潤澤語柔輭語悅意語可樂聞語聞者喜悅語善入人 現前語不現前語鄙惡語庸賤語不可樂聞語聞者不悅語瞋忿語 如

常樂思審語時語實語義語法語順道理語巧調伏語隨時籌量決定 心 語風雅典則語多人愛樂語多人悅樂語身心踊悅語性不綺語菩薩

是菩薩 物他所資用不生貪心不願不求性離瞋恚菩薩於一切衆生恒起慈心。 利益心哀愍心歡喜心和潤心攝受心永捨瞋恨怨害熱惱常思順行仁 乃至戲笑尙恆思審何況故出散亂之言性不貪欲菩薩於他 財

諂於佛法僧起決定信佛子菩薩摩訶薩如是護持十善業道常無間斷 慈祐益又離邪見菩薩住於正道不行占卜不取惡戒心見正直無誑

復作是念一 切衆生墮惡趣者莫不皆以十不善業是故我當自修正

故淨修 業 切 法 業道修治清淨不從他敎自覺悟故大悲方便不具足故悟解甚深因緣 業道。 劣故怖三界故闕大悲故從他聞聲而解了故成聲聞乘又此上品十善 亦 故成獨覺到 便所攝故發生大願故不捨衆生故希求諸佛大智故淨治菩薩諸地 此菩薩摩訶薩復作是念十不善業道是地獄畜生餓鬼受生因十善 ,勸於他令修正行何以故若自不能修行正行令他修者無有是處佛 足清 是人天乃至有頂處受生因又此上品十善業道以智慧修習心狹 十力四無畏故一切佛法皆得成就是故我今等行十善應令一 地獄因中者畜生因下者餓鬼因於中殺生之罪能令衆生 淨。 切諸度故成菩薩廣大行又此上上十善業道一 如是方便菩薩當 乘叉此上品十善業道修治淸淨心廣無量故具足悲愍故 學佛子此菩薩摩訶薩又作是念十不善 切種清淨故。

中。得一一 常被他人求其長短二者恒被於他之所惱害邪見之罪亦令衆生墮三 者多欲無厭瞋恚之罪亦令衆生墮三惡道若生人中得二種果報一者 令衆生墮三惡道若生人中得二種果報 一者言無人受二者語不明了**。** 貪欲之罪亦令衆生墮三惡道若生人中得二種果報一者心不知足二 惡道若生人中得一種果報一者常聞惡聲一者言多諍訟綺語之罪亦 在邪婬之罪亦令衆生墮三惡道若生人中得二種果報一者妻不貞良 二者不得隨意眷屬妄語之罪亦令衆生墮三惡道若生人中得二種果 一者多被誹謗二者爲他所誑兩舌之罪亦令衆生墮三惡道若生人 華 |種果報一者眷屬乖離||者親族弊惡惡口之罪亦令衆生墮|| 经 卷二十五 五

亦令衆生墮三惡道若生人中得二種果報一者貧窮二者共財不得自

地獄畜生餓鬼若生人中得二種果報一者短命二者多病偷盜之罪

於

出 互相 惡道稠林我應令彼住於正見行眞實道又作是念一切衆生分別彼我 善道以十善道爲法園苑愛樂安住自住其中亦勸他人令住其中佛子 業道能生此等無量無邊衆大苦聚是故菩薩作如是念我當遠離十不 正命法中又作是念一切衆生常隨三毒種種煩惱因之熾然不解志求 心守護心自己心師心大師心作是念言衆生可愍墮於邪見惡慧惡欲 此 惡道若生人中得二種果報一者生邪見家二者其心諂曲佛子十不善 要方便我當令彼除滅一 切衆 切衆生爲愚癡重闇妄見厚膜之所覆故入陰翳稠林失智慧光明行 菩薩摩訶薩復於一切衆生生利益心安樂心慈心悲心憐愍心攝受 破壞鬭諍瞋恨熾然不息我當令彼住於無上大慈之中又作是念 生貪取無厭唯求財利邪命自活我當令彼住於淸淨身語意業 切煩惱大火安置淸涼涅槃之處又作是念

隨他教又作是念一切衆 曠 野 險道 起諸惡見我當令彼得無障礙淸淨智眼 生在於生死險道之中將墮地獄畜生餓鬼 知一 切 法如實 相

是 出 惡 見網 **| 險難令住無畏一** 要道 中爲 謂爲出要入魔境界惡賊所攝隨順魔心遠離佛意我當拔 愚癡稠林所迷隨逐邪道行顚倒行譬如盲人無有導師 切智城又作是念一 切衆生爲大瀑水波浪所沒入 出 如

深生染著住我慢原阜安六處聚落無善救者無能度者我當於彼 恚 欲流有流無明流見流生死洄澓愛河漂轉湍馳奔激不暇觀察爲 覺害覺隨逐不捨身見羅刹於中執取將其永入愛欲稠林於所貪 、欲覺 起

是 念。 繁縛無明稠林以爲覆障於三 悲心以諸善根而爲救濟令無災患離染寂靜住於一 切衆生處世牢 ·獄多諸苦惱常懷愛憎自生憂怖貪欲重械 界內莫能自出我當令彼永離三有住 切智慧寶洲又作

七 (一0五七)

千億那 多羅三藐三菩提於諸佛所以尊重 臥具醫藥一切資生悉以奉施亦以供養一切衆僧以此善根迴向 佛多百千佛多億佛多百億佛多千億佛多百千億佛如是乃至見多百 悲之心佛子菩薩住此離垢地以願力故得見多佛所謂見多百佛多千 乘我當令住廣大佛法廣大智慧佛子菩薩如是護持於戒**善能** 念一切衆生其心狹劣不行最上一切智道雖欲出離但樂聲聞辟支佛 量苦我當令彼住於最勝無所著處所謂滅一 六處空聚起四顛倒行爲四大毒蛇之所侵惱五蘊寃賊之所殺害受無 障礙大涅槃中又作是念一 由他佛於諸佛所以廣大心深心恭敬尊重 切衆生執著於我於諸蘊窟宅不 一心復更受行十善道法隨其所受乃 切障礙無上涅槃又作是 承 事供養衣服飲食 求 出 增長慈 阿耨

至菩提終不忘失是菩薩於無量百千億那由他劫遠離慳嫉破戒垢故

欲捨家於佛法

中

勤

行精進

便能捨家妻子五

一欲旣出家已

動行精進於

故· 布 施持戒淸淨滿足譬如眞金置礬石中如法鍊已離 布 薩住此離垢地亦復如是於無量百千億那由他劫遠離慳嫉破戒 施 持戒清淨滿足佛子此菩薩 四攝法中愛語偏多十波羅蜜 切垢轉復明淨 垢

勝爲 至不離 菩 生 戒 慳 薩 偏 :利行同事如是一切諸所作業皆不離念佛不離念法不離念僧乃 貪 多餘非不行但隨力隨分佛子是名略說菩薩摩訶薩第二離垢地 殊勝爲妙爲微妙爲上爲無上乃至爲一切智智依止者是菩薩若 住 此 念具足一切種一切智智又作是念我當於一切衆 破戒垢以善方便令其安住十善道中爲大施主周給無盡布施 地多作轉輪聖王爲大法主具足七寶有自在力能除一切衆 生中為首為

念頃得千三昧得見千佛知千佛神力能動千世界乃至能示現千身

0

宣其義而說頌日 於一 是數百劫千劫乃至百千億那由他劫不能數知爾時金剛藏菩薩欲重 身能示現千菩薩以爲眷屬若以菩薩殊勝願力自在示現過 於

質直柔輭及堪能 調伏寂靜與純善

亦離偷盜及邪婬 以此十心入二地 正道直心無諂偽 妄惡乖離無義 離險捨慢極調 住此成就戒功 柔 語 德 遠離殺生不惱害 速出生死廣大意 依教而行不放逸 不貪財物常慈愍

獨覺聲聞佛乘道 我當離彼住實法 自持淨戒敎他護 地獄畜生受衆苦 皆因十善而成就 人 餓鬼燒然出猛 中隨意得受生 燄 如是思惟不放逸 乃至頂天禪定樂 切皆由罪所致

復見羣生受衆苦

轉更增益大悲心

二 0大二

願力所作復過此 普化衆生行十善 億劫修治善更明 獲千三昧見千 發勤精進無厭足 設求出離心下劣 欲捨王位及財寶 生死籠檻怨所拘 我應令彼除三毒 凡愚邪智不正解 一界焚如苦無量 佛 所有種種神通力 所有善法皆修習 計蘊爲宅我在中 常懐忿恨多諍訟 無量自在度羣生 即棄居家依佛教 如以好藥鍊眞金 菩薩住此集功德 捨於最上佛智慧 我應令彼摧魔賊 愚癡大闇所纏覆 此地菩薩皆能現 爲成十力救於世 我欲令彼住大乘 勇猛精勤一念中 佛子住此作輪王 見無量佛咸供養 貪求境界無足期 爲欲度彼勤行道 四流漂蕩心沒溺 入大險道邪見網 切世間利益者

第三地當起十種深心何等爲十所謂清淨心安住心厭捨	爾									
一一地。	時金	無	及	如		旨	恙	盐	佛	命命
當	剛		以	其	切	眞實無異無差別	善說智者律儀法	散華空中爲供養	子	所修
起	藏	大	方	境	人	無	智	孕	得聞	修菩
十種	音。	畏大士金剛	以方便慈悲道	其境界希具闡	切人天供養者	異無	者油	中於	聞	產最勝行
怪深	性出	別	恋悲	型具	大養	無差	任儀	局 仕	此地	取 と
心。	解	藏	道	闡	者	別	法	養	行	行
何学	剛藏菩薩告解脫月菩薩言佛子菩薩摩訶									
守為	万菩	願	佛	大	随	岱	学	沙姑	苤	hп
+0	薩	說	佛清		爲	爲欲	77	唱 言	百 薩	是
所謂	言。	說趣入第三地	淨行願皆說	僊所有施戒法	願爲演說第三地	利益諸羣	第二地中之行相	讚言善哉大山王	菩薩境界難思議	如是第二地功德
明 浩	师子。	人	行蹈	有 施	記第	金融	中ゥ	武 七	界點	
淨	菩		路皆	戒	君二	型	行	八山	無思	功
100	薩	地	說	法	地	生	相	王	議	德
女仕	摩訶									
小。	薩	柔	時	烈	血	加	是	玆玄	靡	爲
厭	薩已淨	柔和	解	辱	法	是	諸	心心	不	爲諸
捨心。	净体	心类	脫	精光	相篮	演	菩	愍	恭	佛
一離	郑一	心者諸功德	時解脫月復請言	忍辱精進禪智慧	與法相應諸智業	如是演說最清	是諸菩薩微妙行	慈心愍念諸衆	恭敬心歡喜	佛子已開演
貪	地。	功	詩	智	智	上清	妙妙	衆	歡	開
心離貪心不	第二地欲入	德	言	慧	業	淨	行	生	喜	演
小	人									

菩薩摩 退心堅固心明盛心勇猛心廣心大心菩薩以是十心得入第三地佛記 訶薩住第三地已觀一 切有為法如實相所謂無常苦不淨不安

隱敗壞不久住刹那生滅非從前際生非向後際去非於現在住又觀此 無救無依與憂與悲苦惱同住愛憎所繫愁感轉多無有停積貪恚癡

畏城不復退還能救無量苦難衆生菩薩如是見如來智慧無量利益見 厭離趣佛智慧見佛智慧不可思議無等無量難得無雜無惱無憂至無 火熾然不息衆患所纏日夜增長如幻不實見如是已於一 切有爲倍增

切有爲無量過患則於一 切衆生生十種哀愍心何等爲十所謂見諸

稠 火 林恆所覆障生哀愍心見諸衆生不善觀察生哀愍心見諸衆生無善 然生哀愍心見諸衆生諸有牢獄之所禁閉生哀愍心見諸衆生煩惱 孤獨無依生哀愍心見諸衆生貧窮困乏生哀愍心見諸衆生三毒

善處應令安住應令歡喜應令知見應令調伏應令涅槃菩薩如是厭離 樂法依法隨法解法順法到法住法行法菩薩如是勤求佛法所有珍財 障 住究竟涅槃之樂便作是念欲度衆生令住涅槃不離無障礙解脫智無 度衆生作是思惟此諸衆生墮在煩惱大苦之中以何方便而能拔濟令 苦惱發大精進作是念言此等衆生我應救我應脫我應淨我應度應著 愍心見諸衆生失解脫方便生哀愍心是爲十菩薩如是見衆生界無量 法 礙 切有為如是愍念一切衆生知一切智智有勝利益欲依如來智慧救 解 生哀愍心見諸衆生失諸佛法生哀愍心見諸衆生隨生死流生哀 無 菩薩 生行慧光不離禪善巧決定觀察智禪善巧決定觀察智不離善 脫智不離一 如 是 視察了知已倍於正法勤求修習日夜唯願聞 切法如實覺一切法 如實覺不離無行無 生行慧光。 法 喜法·

劫若有人言我有 勝得 法已攝心安住於空閑處作是思惟如說修行乃得佛法非但 使 大苦當以相與菩薩 無有 聖王位若得一 於 苦惱菩 火坑 內外財爲求佛法悉能捨施無有恭敬而不能行無有憍慢而不能 無悋惜不見有物難得可重但於能說佛法之人生難遭想是故菩薩 承 三千大千世界滿中珍寶若聞一 而不能入然我今者爲求佛法應受一切地獄衆苦何況人中諸 大千世界大火滿中 事而不能作無有勤 薩 如是發動精進求於佛法如其所聞觀察修行此菩薩 偈未曾聞法能淨菩薩行勝得帝釋梵王位住無量百 句佛所說法能淨菩薩行汝今若能入大火坑受 爾時作如是念我以一句佛所說法淨菩薩行故假 尚欲從於梵天之上投身而下 苦而不能受若聞一 **偈未聞正法生大歡喜勝得轉** 句未曾聞法生大歡喜 親自受取。 而 得 聞 況 可 極 輪

大

鳥入地 復 怨 識 虚 苦 凊 正 住 但隨 無邊 如 無 淨佛 不樂捨念淸淨住第四禪超一切色 知 初 是佛子此菩薩得無量 對。 為受樂諸聖所說能捨有念受樂住第三禪 禪滅覺觀內淨一心無覺無觀定生喜樂住第二禪離喜住捨有念 7無障無惱症 子是菩薩的 如 處。 順法故行而無所樂著佛子此菩薩心隨於慈廣大無量不二 顯。 水履水如地身出煙燄 入無少所有住無 石 壁 Ш 徧 住此發光地時 障所往 至 一切處盡法是 所有處超 無 神通力能動大地以一 礙猶 如大火聚復雨於水猶 卽離 如虚 界虚空界偏 想滅有對想不念種種想入無邊 欲惡不善法有覺有觀 室 於 切無所有處住非有 虚 空 斷樂先除苦喜憂滅 身爲多身多身爲 中。 切世間住悲喜捨亦 跏 如大雲日月在 跌 而 去同於 想 離 非 生喜樂 無 無 切 想

過於 空有大威力而能以手捫摸摩觸其身自在乃至梵世此菩薩天耳淸· 人耳悉聞人天若近若遠所有音聲乃至蚊蚋寅蠅等聲亦悉能聞。

脫 心 此 菩薩 如實 廣心大心無量心略心非略心散心非散心定心非定心解脫心非解 心有上心無上 文 知 離 貪 以他 心智如實 心有瞋心離瞋心有癡心離癡心有煩惱心無煩惱心 心雑染心非雜染心廣心非廣心皆如實知菩薩 而 知他衆生心所謂有貪心如實知有貪心離貪

以 他 生 心智知衆生心此菩薩念知無量宿命差別所謂念知一生念知二 四生乃至十生二十三十乃至百生無量百生無量千生 一無量百

如是

千生成劫壞劫成壞劫無量成壞劫我曾在某處如是名如是姓如是種

【生於此處如是形狀如是相貌如是言音如是過去無量差別**皆**能憶 如是 飲食如是壽命如是久住如是苦樂我於彼死生於某處從某

修行此菩薩觀 此 事供養衣服飲食臥具湯藥一切資生悉以奉施亦以供養 佛子是菩薩住此發光地以願力故得見多佛所謂見多百佛見多千佛 見多百 底。 終。 善行成就語善行成就意善行不謗賢聖具足正見正見業因緣身壞命 足 隨業而去若彼衆生成就身惡行成就語惡行成就意惡行誹謗賢聖具 念此菩薩天眼淸淨過於人眼見諸衆生生時死時好色惡色善趣惡趣 善 能入能出然不隨其力受生但隨能滿菩提分處以意願力而生其 必生善趣諸天之中菩薩天眼皆如實知此菩薩於諸禪三昧三摩 邪見及邪見業因緣身壞命終必墮惡趣生地獄中若彼衆生成就身 根 千佛乃至見多百千億那由他佛悉以廣大心深心恭敬尊重承 迴 向阿耨多羅三藐三菩提於其佛所恭敬聽法聞已受持隨力 切法不生不滅因緣而有見縛先滅。 切欲縛色縛有 切衆僧以

差

無

縛 無 明縛皆轉微薄於無量百千億那 由他劫不積集故邪 資邪瞋 及

√) ∘ 轉 邪 癡 不動心不濁心無高下心不望報心報恩心不諂心不誑心無險詖 更 斷。 明 悉 所有善 得除斷所有善根轉更明淨佛子譬如眞 淨菩薩亦復如是住此發光地不積集故邪貪邪瞋 根轉更明淨此菩薩 忍辱心柔和心諧順心悅美心不瞋 金善巧錬治秤兩不減 及以 邪 癡。

皆 不修但隨力隨分佛子是名菩薩第三發光地菩薩住此地多作三十三 轉 清淨此菩薩於四攝中利行偏多十波羅蜜中 忍波羅蜜偏多餘 非

作業皆不離念佛不離念法不離念僧乃至不離念具足一 主能 以方便令諸衆生捨離貪欲布施愛語・ 利行同 事。 如 切種 是一切諸 切智 所

復作是念我當於 切智智依止者若勤行精進於一念頃得百千一 一切衆 生 一中爲首爲勝爲 殊勝爲妙爲微 妙 爲

九 (一〇大九)

菩薩 百千億那 百 千佛知百千佛神力能動百千佛世界乃至示現百千身一 以爲眷屬若以菩薩殊勝願力自在示現過於此數百劫千劫乃至 由他劫不能數知爾時 金 剛藏菩薩欲重宣其義而說頌 身百千

不淨敗壞速歸滅 清淨安住明盛心 智者以此入三地 菩薩住此發光地 厭離無貪無害心 堅固勇猛廣大心

憂悲苦惱惑所 纏 無堅無住無來往 一毒猛火恆熾然

見佛智已愍衆生 專求佛智無異 念

厭離三有不貪

著

無量無邊無逼惱

|毒熾然常困乏

隨順生死怖涅槃 住諸有獄恆受苦 煩惱 纏覆盲無 目

志樂下劣喪法寶

我應救彼勤精

無始 觀諸有爲如 觀諸行法苦無常 時來不休息 重病

難 測難思無等倫

孤獨無 依無救護

(10t1)

從初發意至得佛 我當與汝佛法寶 四等五通次第起 身從梵世而投入 但以聞法爲最難 頭目耳鼻舌牙齒 妻子眷屬及正位 何況人中諸苦事 彼復無生慧所起 將求智慧益衆生 日夜聽習無間然 設有人來語菩薩 聞已如理正 聞已投之無怯懼 不隨其力而受生 其間所有阿鼻苦 爲求法故不爲難 菩薩爲法起敬心 唯以正法爲尊重 手足骨髓心血肉 心念此慧從聞得 思何方便令解脫 恵惟 如是一 菩薩住此見多佛 獲得四禪無色定 爲聞法故皆能受 假使火滿三千界 孰能投身大火聚 況復人間諸小苦 此等皆捨未爲難 國城財貝諸珍寶 如是思惟自勤勵 不離如來無礙智 切皆能捨

供養聽聞心決定 住此多作忉利王 向專求佛功德 佛子住此勤精進 化導無量諸天衆 斷諸邪惑轉清淨 如鍊眞金體無減 百千三昧皆具足 **令捨貪心住善道**

彼諸菩薩最上行 見百千佛相嚴身 若以願力復過是 如是所有第三地

我依其義已解釋 一切衆生普利益

大方廣佛華嚴經卷第三十五

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽婺莎訶

南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

空 高昇他化自在天宮廣宣十地義無窮行布盡圓融慧燄重重爍破太虛

天

他◎湯鼕通 **玲叨胎梯天灘舚貪偷他唱他字時普願法界衆生入般若**

社

波羅蜜門

|常成慵蜍部||時辰禪諶蟾酬社唱社字時普願法界衆生入般若

波羅蜜門

鎮◎顙僧敵蘇掃諰洗卤傘槑糂穸鏁唱鏁字時普願法界衆生入般若

波羅蜜門

四十二 一字妙陀羅字字包含義理多阿棳梵韻滿娑婆功德大法界沐恩

波 有四 同生 前九

音釋

(0t=

第九頁第 花 預 藏 本 利 使異同(依各卷分碼索引)

益利

三即 也虫 礬 也急 媒 行第 名 石音 流 合音 地一 蝇 也原 洄 也梅 能葉 蠅音 攀 流音 心十 也盈 威 也囘 靑 也音 逆 惡音 秤 懼七 澓 貌拱 稱稱 也憂 流音 鄙 輕去 捫 也伏 重聲 撫音 澓 陋音 也以 摸門 湍 也比 詖 也以 激 綺 也音 手 波音 繪音 鹼閉 摸 也吉 也起 跛佞 揉音 疾 苑 也諂 也莫 阜園館 摸 上音 苑上 劣 劣音 蚊 聲浮 也聲 也烈 富音 械 膜 庸 也文 械音 膜音 勵 蚊 也解 也莫 勵音 蚋 杻 也利 蛃音 窟 稠 精 也芮 也坤 密音 蚊 穴入 也紬 能 義帝 寅 也聲 瀑 同耐 萌音 室 抱音

大方廣佛華嚴經卷第三十六

唐于闐國三藏沙門實叉難陀譯

十地品第二十六之三

佛子聞此廣大行

普散衆華供養佛

切天女咸歡喜

雨摩尼寶供養佛

菩薩勝行妙法音 如是智者諸地義

利益一切諸天人

請金剛藏言佛子

#

鼓

经

卷三十六

可樂深妙殊勝法

悉吐妙音同讚歎

自在天王大欣慶

大地海水皆震動

心皆勇悅大歡喜

演說如是妙法時

於百千劫甚難得 讚言佛爲我出與

演說第一功德行

後地決定無餘道 我今忽然而得聞

勇猛大心解脱月

所有行相願宣說

願更演說聰慧者

此諸佛子皆樂聞 從此轉入第四地

二 0 七五)

間 等為 佛 地。 觀 生 察 欲 爾 貪 觀 國 諸 觀 廣 入第 時 十。 受觀觀內心外 憂。 內身 法自 菩薩 心信解 察 金 -所謂深 **- 剛藏菩薩**: 業 觀 世 四 1性無生故智 內 循身觀勤勇念知除 故。 住 界。 **談慧地當修行十法明門** 觀前 此燄慧 界觀察 外 觀察虛空 身 心 循 際 不 告解 身觀・ 後際故。 觀世 退 地。 大心信解界菩薩以此 故於三 則能 · 界觀察識 脫 勤 間成壞故觀因業有生故觀 月菩薩言佛 勇 觀 以十種智成熟 世間食 念 寶 無 心觀觀 知除 中 界觀察欲 所 生淨 有 何等爲 世 憂觀 盡 子菩薩 放是爲· 間貪 信畢竟不壞故觀諸 法故得彼 界觀察色 外 十 一一所謂觀察衆生 身循 憂。 法明門得入第 摩訶薩第二地善清淨 如 十。 佛 是觀 身觀動 | 界觀察! 子菩薩住 生 內 內受外 死 法 涅槃故 勇念. 生 字觀察: 如 無色 行 四 觀。 受 知。 來家。 此 生 燄 除 內 第 觀 滅 慧 故。 世 何 四 地。

受循

心内外

心循

內法

外法內外法循法

勤

厭。 此 於 離。 離。 爲 發 念 生 、捨修行精彩 生故欲· 菩薩 分拾覺分依止 依 依 依 勤 心 知。 为依止 止滅。 精進發心 正 除 止 滅。 斷。 世間 ¥ 修行信力依止 生勤 迴向於捨修行精進定心定觀定斷 依 迴 已生諸惡不善法爲斷故欲生勤精進發心正斷未 叢 向於 貪憂復次此菩薩未 厭。 進 依止離 滅。 ·根念根定根慧根依止 精進發心正行已生諸善法爲住 正行復次此菩薩修行欲定斷行成就神 提 众 捨 復 次 此 节 厭依 迴向於捨修行 卷三十大 依止 厭。 |離依止滅迴向於捨復次此菩薩修行正 依 止離依止 滅。 菩薩修行信根: 迴向於 擇 生諸惡不善法爲不 法覺分精進覺分喜覺分猗 一厭依止 、捨復次此 滅。 迴向於捨修行精進 依 上離依止 行成就 止 厭依 菩薩修行 不失故修令增廣 生故· 神足依止 滅。 止 Ξ 足。 離。 迴 念覺分依 依止 向於捨復次 依 欲 、生諸善法 生勤 力念 止 覺分定 滅。 厭。 厭。 見依 故· 依 精 依 迴 向

間 調 此 殊 嚴 衆 正 止 此菩 勝道 定依 所 治故我所故財物故著處故於如是等一切皆離此菩薩若見業是 燄 順 佛 生 厭。 恭敬 慧 土 **心**。 訶· 政。 依 地。 放成就, 利 故隨 薩隨所起 煩惱所染皆悉捨離若見業是順 本 益 所有 尊德無違敎命心隨所聞法皆善修行心此菩薩知 **厭依止** 離。 願 順所聞 安樂 所持故大悲爲首 依 江波。 身見爲首我 如來力無所畏不共佛法相好音聲 心無雜 方便慧修習於道 離依 甚 迴向於捨修行正 深佛解脫故思惟大智善巧方便故佛 止滅迴向於捨菩薩修行如是功德爲不捨 染 心求 人衆 故大慈成 生 上勝法 及助道分如是而 一壽命蘊界處所起 思惟正語正業正 ※菩薩道 就故思念一 心。 求殊勝 如 來所讚皆 悉具足故求於 得潤 智慧 執著 切智智: 命正精進正 澤 出沒 100 心柔輭 悉修行 恩。 子菩薩 救 故成就莊 知 思惟 報 纫 上 世 佛 1/10 如 切 念

此 心 菩 極 這如是忍成就如是調柔成就如是寂滅成就如是忍調柔寂滅成 和善同住安樂質直柔輭無稠林行無有我慢善受教誨得說者意

進善分別道非道精進是菩薩心界清淨深心不失悟解明利善根增長 大精進無邊精進熾然精進無等等精進無能壞精進成熟一切衆 就。 淨治後地業作意修行時得不休息精進不雜染精進不退轉精進廣 **垢濁斷諸疑惑明斷具足喜樂充滿佛親護念無量志樂皆悉成就** 生精

離

世

飲食湯藥一切資生悉以奉施亦以供養一切衆僧以此善根皆悉迴向 佛 多百千佛乃至見多百千億那由他佛皆恭敬尊重承事供養衣服 子菩薩住此燄慧地以願力故得見多佛所謂見多百佛見多千佛見。 臥具

諸佛法中出家修道又更修治深心信解經無量百千億那 211 耨 多羅三藐三 |菩提於彼佛所恭敬聽法聞已受持具足修行復於彼 由他劫令諸

大

爲 數三昧得見億數佛得知億數佛神力能動億數世界乃至能示現億數 薩 所 善方便能除衆生身見等惑令住正見布施愛語利行同事如是一 菩薩摩訶薩亦復如是住於此地所有善根下地善根所不能及如摩尼 子是名略說菩薩摩訶薩第四燄慧地菩薩住此地多作須夜摩天王以 訶 寶清淨 善根轉復明淨佛子譬如金師鍊治眞金作莊嚴具餘所有金皆不能 三智復作是念我當於一切衆生中爲首爲勝爲殊勝爲妙爲微妙爲 作業皆不離念佛不離念法不離念僧乃至不離念具足 薩 於 無上乃至爲 四 亦復如是住於此地下地菩薩所不能及衆魔煩惱悉不能壞此 攝中同事偏多十波羅蜜中精進偏多餘非不修但隨力隨分佛 光輪能放光明非諸餘寶之所能及風雨等緣悉不能壞菩薩 切智智依止者是菩薩若發勤精進於一 念頃得 一切種 入億 切諸 及。 切 菩

蒌 嚴 經 卷三十大

身。 百劫千劫乃至百千億那由他劫不能數知爾時金剛藏菩薩欲重宣其 身億數菩薩以爲眷屬若以菩薩殊勝願力自在示現過於此數

義而說頌言

菩薩已淨第三地

心解悉了能趣入

於佛法僧信不壞

生死涅槃刹等業

世間貪愛皆除遣 得是法已增慈愍

神足根力悉善修 本願所護慈悲首

求

切智及佛土

七覺八道亦如是

次觀衆生世法界

始登燄地增勢力

觀法無常無有起

觀前後際亦觀盡

如是修行生佛家

觀世成壞業有生

生如來家永不退

空界識界及三界

轉更勤修四念處

菩薩修治四勤行 身受心法內外觀

爲度衆生修彼行 惡法除滅善增長

亦念如來十種力

(10<1)

t

此 不爲衆魔心退轉 其心淸淨永不失 拾慢離陷 菩薩勤修不 以無義利皆除斷 蘊界處等諸取 不可沮壞如眞 志期受職度衆 及大方便修行彼 四無所畏不共法 地菩薩人中勝 心調 懈怠 金 生 柔 著 譬如妙寶無能壞 菩薩住此具功德 供那由他無量佛 悟解決定善增長 轉更精勤不退轉 恭敬尊德修行法 即得十心皆具足 身見爲首六十二 智者修行淸淨業 此四地中一 殊特相好深美音 切離 疑網 以智方便修行道 菩薩住此燄慧地 住此多作燄天王 聽聞正法亦出家 知恩易誨無慍 專求佛道無厭倦 爲度衆生無不作 我及我所無量種 如來所訶煩惱行 亦求妙道解脫 **垢濁** 悉皆離 暴 處

大悲音聲久乃聞

功德彼岸皆已到

憍慢黑闇皆已滅

佛道久遠今乃得 大海久遠今始動 供養如來喜充徧 悉以菩薩威神故 自在天王與天衆 於法解悟心歡喜 功德義智共相應 過於此數無能 菩薩勤加精進力 於法自在衆所尊 知 佛光久遠今乃放 釋迦文佛至天宮 於彼聲中發是言 空中雨華讚歎言 我爲佛子已宣說 普化羣生除惡見 天諸婇女奏天樂 聞法踊躍住虛空 如是菩薩第四地 獲三昧等皆億數 衆生久遠始安樂 利天人者久乃見 佛願久遠今乃滿 亦以言辭歌讚佛 普放種種妙光雲 善哉大士金剛藏 菩薩聞此勝地行 若以願智力所爲 專求佛智修善業 所行淸淨微妙道

(10)

0

平等清淨心心平等淸淨心除見疑悔平等淸淨心道非道智平等淸淨 過 爾 心修行智見平等淸淨心於一 圓滿已欲入第五難勝地當以十種平等淸淨心趣入何等爲十所謂於 去佛法平等清淨心未來佛法平等清淨心現在佛法平等清淨心戒 時金剛藏菩薩告解脫月菩薩言佛子菩薩摩訶薩第四地所行道善 發此 是時大士解脫月 唯願佛子爲宣說 譬如須彌出巨海 此應供處供無等 最極清淨如虛空 言辭稱讚已 復請無畏金剛藏 是故歡心供養 供養能盡一切苦 不染世法猶蓮華 切菩提分法上上觀察平等淸淨心教化 切恭敬喜充滿 佛 第五地中諸行相 瞻仰如來默然住 如是無量諸天女 供養必得諸佛智 大牟尼尊現於世

拳 嚴 經 卷三十六

别

蘊

善知 善知第 集福 第 受如來護念故念智力所持故得不退轉心佛子此菩薩摩訶薩如實知 如 此 復轉求上勝道 五 來 是苦聖諦此是苦集聖諦此是苦滅聖諦此是苦滅道聖諦 地佛子菩薩摩訶薩住此第五地已以善修菩提分法故善淨深。 切 義 智助道 界處故知成立諦覺身心苦惱故知事諦覺諸趣 智成就諦此菩薩隨衆生心樂令歡喜故知俗諦 盡 衆 無生諦 諦。 生平等淸淨心菩薩摩訶薩以此十種平等淸淨心得入菩薩 義諦善知相諦善 覺 法 放精勤修習不息故出生善巧方便故觀察照明上上地故 一故隨順眞如故願力所持故於一 善知入道智諦善知一 自相共相 故知相諦了諸法 知差別諦善知成立諦善知事諦善知生諦 切菩 薩 分位差別故知差別諦善分 地次第成就諦乃 切衆生慈愍不捨故積 通達 生相續故 實相故· 善知俗 至 善知 心故。 生諦。 知

知

流 滅 前 切有為 動 切 明。 力 行 佛 此菩薩 際後 今 出。 有 不能還返於諸蘊宅不求出離不知憂畏四大毒蛇不能拔出諸慢見 相 知。 切熱惱畢竟滅故· 滅當 增長苦聚無我 爲 子此 非以究竟智力知佛子此菩薩摩訶薩得如是諸諦智已 故善知一切菩薩地次第相續成就乃至如來智成就 際 ·法虚妄詐偽誑惑愚夫菩薩 行 滅· 摩 亦 前 菩薩摩 如是盡 如是皆無所 際後際知從前際無明有 訶薩復作是念此諸凡夫愚癡無智甚爲可 訶薩得如是智力不捨一切衆生常求 滅不能於 無壽者無養育者無更數取後趣身者離我 知 盡 有。 無生智諦。 虚妄貪著斷盡出離若有若 身 而 生 爾時於諸衆 出生無二故· 愛故生 厭想轉更增長機關苦事 生 死 生轉增大悲生大慈光 知入道智 流 轉。 . 愍有 無皆 於諸蘊宅不能 佛 智如實觀 諦。 諦。 無數身 以信解 如 如 F 隨 實 我 實 覺 生 知。 知 死 佛 如 切

華 嚴 極 卷三十大

(一 0 入七)

第 切衆 淨令一切衆生悉皆調伏令一切衆生入般涅槃佛子菩薩摩訶薩住此。 脫 獨 知經意趣次第連合故名爲慙愧者自護護他故名爲堅固者不捨戒行 無 無導無目無名覆翳黑暗纏裹我今爲彼一切衆生修行福智助道之法 薩 箭。 力大聖導師入魔意稠林於生死海中爲覺觀波濤之所漂溺佛子此菩 五難勝地名爲念者不忘諸法故名爲智者能善決了故名爲有趣者 摩 不能息滅貪恚癡火不能破壞無明黑暗不能乾竭愛欲大海不求 《生利益一 發 切衆生攝受一切衆生令一切衆生離諸苦惱令一 訶 心不求伴侶以是功德令諸衆生畢竟淸淨乃至獲得如來十力。 薩復作是念此諸衆生受如是苦孤窮困迫無救無依無洲無舍 切衆生安樂一 切衆生哀愍一切衆生成就一切衆生解 切衆生普得清

M

礙 爲 倦 敎 知 故。 名爲 者 化 勤 懈者求如來力無畏不共法故名爲發意能行者成就莊嚴佛土故名 者· 故。 義 名爲覺者能觀是處非處故名爲隨智者不隨於他故名爲隨慧者善 浴名為. 子菩薩摩訶 1集大慈悲故名爲爲他勤修者欲令一切衆生入涅槃故名爲勤 修種種善業者能具足相好故名爲常勤修習者求莊嚴佛身語意 非義句差別故名爲神通者善修禪定故名爲方便善巧者能隨 以大方便常行世間故名爲日 大尊重恭敬法者於一切菩薩法師處如教而行故名爲心無障 如來大威力教化衆生示 生。 示 無厭足者善集福德故名爲不休息者常求智慧故名爲不疲 現色身敎化衆生演說諸法敎化衆生開 訶 薩 如是勤修行時以布 生死過患教化衆生稱讚如來智慧利 夜遠離餘 施教化衆生以愛語利 心者常樂教化 示 · 菩薩行 行同 教 切 衆 化

薩摩 益 |教化衆生現大神通力教化衆生以種種方便行教化衆生佛子此菩 訶薩能如是勤方便敎化衆生心恆相續趣佛智慧所作善根無有

方藥療治諸病顚狂乾消鬼魅蟲毒悉能除斷文筆讚詠歌舞妓樂戲笑 雕不該習所謂 退轉常勤修學殊勝行法佛子此菩薩摩 文字算數圖書印璽地水火風種種諸論咸所通達又善 「訶薩爲 利益衆生故世 間技藝

星 其宜金銀摩尼真珠瑠璃螺貝璧 談說悉善其事國城村邑宮宅園苑泉流陂池草樹花藥凡所布 鳥鳴地震夜夢吉凶身相休咎咸善觀 三斑珊等藏悉知其處出以示人日 察。一 無錯 <mark>謬持戒入</mark>禪。 列。 成得 神

開 無量。 漸 四無色等及餘一切世間之事但於衆生不爲損惱爲利益故咸 令安住無上佛法佛子菩薩住是難勝地 以願力故得見多佛

謂見多百佛見多千佛見多百千佛乃至見多百千億那由他佛悉恭敬

大

以方 力 持隨 有善根亦復如是以方便慧思惟觀察轉更明淨佛子菩薩住此難勝 所 爲 衆僧以此善根迴向阿耨多羅三藐三菩提於諸佛所恭敬聽法聞已受 尊 重承: 薩 所 有善根轉更明淨佛子譬如眞 聞持法師住此地中經於百劫經於千劫乃至無量百千億那由他劫。 便智隨逐觀察不可沮壞亦非一切聲聞獨 持· 便智成就功德下地善根所不能及佛子如日月星宿宮殿光 十 力修行復於彼諸佛法 波羅蜜 訶薩第五難勝地菩薩住此地多作兜率陀天王於諸衆生所作 不 事 供養。 可 沮壞。 中。 衣 禪波羅 亦非餘風所能傾動此地菩薩所有善根亦復如是 服飲食臥具湯藥 蜜偏多餘非不修 中而得出家旣 金以硨磲磨瑩轉 切資生悉以奉施亦以供養 但隨 出家已又更聞法得陀羅尼 覺 力隨 世間善根 更明淨此地菩薩 分佛 子是名略記 所能 傾 明風 動。 以 地。 此 切

菩薩

擎

華 嚴 經 卷三十大

在推伏一 切諸所作業皆不離念佛不離念法不離念僧乃至不離念具足一切 切外道邪見能令衆生住實諦中布施愛語利行同事如是

種一切智智復作是念我當於衆生中爲首爲勝爲殊勝爲妙爲微妙爲 爲無上乃至爲一切智智依止者此菩薩若發動精進於一念頃得千

億三昧見千億佛知千億佛神力能動千億佛世界乃至示現千億身

劫千劫乃至百千億那由他劫不能數知爾時金剛藏菩薩欲重宣其義 身示千億菩薩以爲眷屬若以菩薩殊勝願力自在示現過於此數百

而說頌曰。

菩薩四地已清淨 思惟三世佛平等

念處爲弓根利箭

· 戒心除疑道非道

五力堅鎧破怨敵

勇健不退入五地

如是觀察入五地

慙愧爲衣覺分鬘 正勤爲馬神足車

一七(一〇九二)

以此能 善知 志求 精 觀諸有爲先後際 體 無 破煩惱怨入五 如意爲足正念頸 淨 至 勤方 我 性虚偽無堅實 戒爲香禪塗香 如 無 世諦勝義 佛法不退轉 來無礙 便觀 生大功德 無壽命 E 地 諦 諦 地 佛力所加具念慧 得佛慈愍光明分 是故超過世智 相諦差别成立諦 思念慈悲無厭倦 菩薩住此第五 慈悲爲眼智慧牙 智慧方便妙莊 愛取爲因 無明黑闇愛纏 如是觀諦雖微 受來苦 縛 慧 地 嚴 妙 未得 事諦 既觀 積集福智勝功德 入總持林三昧苑 欲 流轉遲迴苦聚 爲利衆生求佛智 了 轉修勝上淸淨道 人中師子無我 求邊際不可得 知 生盡 諦 無礙勝解 四諦皆如 已 知有 及道 實 吼 爲 脫 中

譬如 供 四禪無色及神通 善知書數印等法 利益無量衆生故 文辭歌舞皆巧妙 國土相好皆莊 乃至覺解方使者 如是知已 心 迷妄漂流無返期 那 火猛熾癡闇 星宿在虚空 由佛亦聽 勤精 法 嚴 進 重 風 爲益世間皆顯示 如是一 如以妙寶磨眞 宮宅園池悉安隱 日月星宿地震動 亦復善解諸方藥 習行福智無厭足 所作皆爲度衆 愛河漂轉不暇觀 此等可愍我應度 力所持無損動 切爲衆生 金 生 亦如蓮華不著水 所有善根轉明淨 智者住此難勝地 乃至身相亦觀察 苦海 寶藏非一 療治衆病悉令 爲欲敎化諸世間 恭敬多聞不疲倦 名爲有念有慧者 蘊宅界蛇諸見箭 淪湑闕明導 成示人 愈

(一〇九三)

如是大士行於世 住此多作兜率王 能摧異道諸邪見

所修諸善爲佛智

卽時供養千億佛

如是第五難勝地

願得十力救衆

生

願力所作過於是 彼復修行大精進

得定動刹亦復然

人中最上真實道

我以種種方便力

大方廣佛華嚴經卷第三十六 爲諸佛子宣說竟

誦補闕眞言

南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

高昇他化自在天宮廣宣十地義無窮行布盡圓融慧燄重重爍破太虛 末瓦山矴鉢囉帝烏怛摩怛摩怛塔葛塔喃末瓦吽癹莎訶

空

ō

一〇九四)

華嚴字母衆藝親宣善財童子得眞傳秘密義幽玄功德無邊唱誦利

天

柂 堂滕筒途桃擡提田壇○談投柂唱柂字時普願法界衆生入般若

波羅蜜門

波羅蜜門

波羅蜜門

佉◎康硱空枯尻開欺緊看欽龕彄佉唱佉字時普願法界衆生入般若

奢◎傷升春書燒篩尸伸羶琛苫收奢唱奢字時普願法界衆生入般若

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入 毘盧性

南 無華嚴海會佛菩薩切 我稱 等願 與以 衆此 生功 皆德 共普 成及 佛於

雨以無會乃間總永 第 異 此徊三從 錯 也 猗 釋 謂拂背師問一別明 一 同 乃也十頭雜倉 裹 猗音 師子面日空切同道 一 《 緩經 六至 也入 纏音 覺倚 臣打 拈空 還法 異潛 頁 各 歸本 物足 聲 也果 稠 滴圓起眼具皆成禪 際第 卷 之皆皆衣 鎧 璽 密音 落云 肤之相六 六謁 藏行 索 非遲 淨巡 也上 印洗 慍 在金 成 也相相法作北 上烏 兩斷無也是眼 無藏 徊之 流 湑 子也蘊 限上片橋 眼眼 何眼 前行 之字 轉 淪音 蠱 怨恚 裏琉 擔倫 曰曰 門曰 際前 義者 暹 湑須 毒音 也也

師璃 向禪 空空 攝子 初殿 南師 師還 屬於 不 屏住 於具 師參 喻杭 山淨 是六 曰請 旨州 角慈 開相 文外 後瓥 頭舉 悟也 在看 因隱 千此 踊無 初甚 閱清 古因 躍師 地麽 華聳 萬綠 禮無 品經 嚴禪 古墨 謝對 中師 威師 少乃 眼眼 據曰

悟參人日日日理華

承法 見空 子汝 則嚴

眼眼 要兮 作問 世經

印眼 見空 麽我 出眼

可指 麼兮 生師 世日

引 徘迴 也歷 聲 也天 怒音 迴 电落电台 蚍 苦 也 盛侵音 聚循 陂 暴抱 中身澤碑卒急 低遲 觀 也被也也 以迴 謂循 池二 動 于二四群 也音 虫音 際宇念倫 螺 也蛇 王應處反屬音 毒 逸作 中珠 也羅 濤 注低 第叢 蚌 濤音 云徊一日 咎 也陶 低楚 觀循 惡音 波 徊辭身巡也舊 溺 猶曰 不也 過愆 豐寧 徘欲 淨今 也也 沒入

大方廣佛華嚴經卷第三十七

唐于闐國三藏沙門實叉難陀譯

十地品第二十六之四

菩薩既聞諸勝行

華鬘瓔珞及幢旛 供養如來稱善說

散寶成雲持供養

共以樂音歌讚佛

真實平等常清淨

法性本寂無諸相

佛語能除煩惱病

無量天女空中住

心生歡喜住空中

為欲救世勤修行

此佛口

其心歡喜雨妙華

放淨光明散寶珠

百千天衆皆欣慶

寶蓋塗香咸供佛

共在空中散衆寶

自在天王幷眷屬

讚言佛子快宣說

音中悉作如是言

若能通達諸法性 猶如虛空不分别

生真佛子

整

於有於無心不動

超諸取著絕言道

(一〇九七)

體 入第 是觀已復以大悲爲首大悲增上大悲滿足觀世間生滅作是念世間 得入第六現前地得明 如 取 爾 故平等 化故平等有無不二故 捨 時金剛藏菩薩告解脫月菩薩言佛子菩薩摩· 故 六現前地當觀察 讚 具足智力能 知法性離具精進 不取衆相而行施 平等寂靜故平等 已默然瞻 無生故平等無滅故平等本來清淨故平等無戲論故平等 仰佛 博 濟 利隨順 十平等法何等爲十所謂 平等菩薩 如 幻如夢如影如響如 解 滅除衆惡稱大士 本絕諸惡堅持 已盡煩惱入諸禪 忍未得無 脱月語 如是觀一 金剛 生法 藏 戒 忍佛子 切法自性清淨隨順無違 訶薩 水中月如鏡 切法無相故 善達性空分别法 以何行相入後地 如是妙音千 解法無害常堪 ,此菩薩 已具足第五 摩 中像。 訶 ·萬種 平 薩 等。 如 地。 忍 如 無 無

華嚴經卷二十七

色增 長是取取所起有漏業爲有從業起蘊爲生蘊熟爲老蘊壞爲死死時離 故 是隨順觀察緣起之相佛子此菩薩摩訶薩復作是念於第一 起五 憂愁悲歎衆苦皆集此因緣故集無有集者任運而滅亦無滅者菩薩如 觸。 愛 植 無。 生 名 觸 水爲潤我慢溉灌見網增長生名色夢名色增長生五根諧根相對生 心種子有漏有取復起後有生及老死所謂業爲田識爲種無明闇覆 不正思惟起於妄行行於邪道罪行福行不動行積集增長於諸行 長為六處根境識三事和合是觸觸共生有受於受染著是愛愛增 無 |蘊身名生生已衰變爲老終歿爲死於老死時生諸熱惱因 對 由著我若離此著則無生處復作是念凡夫無智執著於我常求 明所作業果是行行依止初 生受受後希求生愛愛增長生取取增長生有有生已於諸趣中 心是識與識共生四取蘊爲名色名 一義諦不了 熱惱故 有

〇九九

二與六處作生起因六處亦有二種業一各取自境界二與觸作生起因 種 共生是 行 生 是 依 有 苦轉多爲惱如是但有苦樹增長無我無我所無作無受者復作是念若 别· 熟 無 訶薩復作是念三界所有唯是一心如來於此分別演說十二有支皆 作 愚 一令諸 爲 明與無明及心共生是名色名色增長是六處六處三分合爲觸 心 者 迷貪戀心胸煩悶爲愁涕泗咨嗟爲歎在五根爲苦在意地爲憂憂 起 老老壞爲死佛子此 如是而立何以故隨事貪欲與心共生心是識事是行於行 受受無厭足是愛愛攝不捨是取彼諸有支生是有有所起名生 則有作事若無作者亦無作事第一義 因行亦有二種業一能 清相續 一 與 名色作生起因名色亦有二種業一 中無明有二 生未來報二與識作生起 |種業一令衆生迷 中俱不可得佛子此菩薩 此因識亦有二 於所緣二 互 相 助成。 迷惑 與 觸

復次無明緣行者是觀過去識乃至受是觀現在愛乃至有是觀未來於 是苦道前後際分別滅三道斷如是三道離我我所但有生滅猶如束蘆 助 老作 種 起因取亦有二種業 愛憎等事二與愛作生起因愛亦有二種業一染著可愛事二與取作生 成故佛子此中無明愛取不斷是煩惱道行有不斷是業道餘分不斷 至 能 業。 生 生起因老亦有二種業一令諸根變異二與死作生起因死亦有二 令於餘趣中生 菙 旧無明乃至生爲緣令行乃至老死不斷助成故無明滅則行滅。 能壞諸行二不覺知故相續不絕佛子此中無明緣行乃至生緣 滅則老死滅者由無明乃至生不爲緣令諸行乃至老死斷滅不 巖 拯 巻三十七 一與生作生起因生亦有二種業一能起諸蘊二與 **令諸煩惱相續二與有作生起因有亦有二** H 000 一種業。

觸

亦有二種業。

能觸所緣二與受作生起因受亦有二

一種業。

能領受

得 得 餘 亦 行 苦 中 是以後展轉相續 無相 空 如 亦 如是。 心 斷。 亦 無 如是佛 解 是 聚 無餘亦 所攝故自業差別故不相捨離故三道不斷故觀過去現在未來故 復次無明緣行者無明因緣能 明行乃至六處是行苦觸受是苦苦餘是壞苦無明滅行滅者是三 解 集故。 脫門現在前。 又無明緣行者是隨順無所有觀無明滅行滅者是隨順盡滅 ·種相觀諸緣起知無我無人無壽命自性空無作者· 脱門現在前如是入空無相已無有願求唯除大悲爲首敎化 因緣 子。 如是又無明緣行者是生繫縛無明滅行滅者是滅繫縛 ·菩薩摩? 生滅故。 無明滅行滅者是觀待斷復次十二有支名爲三苦此 觀諸有支皆自性滅畢竟解 訶 生滅緊縛故無所有 薩如是十種逆順觀諸緣起所謂有 生諸行 無明 盡觀故佛 脫· 滅行滅者以無 無有 少法 子。 菩 相 薩 支相續 無受者即 生 摩 無 即 明諸 訶 時 餘

提分法令圓滿故作是念一切有爲有和合則轉無和合則不轉緣集則 者受者想離有無想佛子此菩薩摩訶薩大悲轉增精勤修習爲未滿菩 生卽時得無願解脫門現在前菩薩如是修三解脫門離彼我想離作

智光明成就如是智光明已雖修習菩提分因緣而不住有爲中雖觀有 自性不生不滅而恆起大悲不捨衆生卽得般若波羅蜜現前名無障礙 就衆生故亦不畢竟滅於諸行佛子菩薩如是觀察有爲多諸過惡無有 轉緣不集則不轉我如是知有爲法多諸過患當斷此和合因緣然爲成

前地得入空三昧自性空三昧第一義空三昧第一空三昧大空三昧合 爲法自性寂滅亦不住寂滅中以菩提分法未圓滿故佛子菩薩住此現

せ (110)

菩薩得如是十空二昧門爲首百千空三昧皆悉現前如是十無相十無

空三昧起空三昧如實不分别空三昧不捨離空三昧離不離空三昧此

供養 分法常 深 力 明 菩 菩 復 願 心供養 利 故。 薩 提。 心無邊心求智心方便慧相應心皆悉圓滿佛子菩薩以此十 更修習滿足不可壞心決定心純善心甚深心不退轉心不休息心廣 三昧門爲首百 得 已受持得如實三昧智慧光明隨順修行憶持不捨又得諸佛甚深 順忍以於諸法如實相隨順無違故佛子菩薩住此 不懼 智慧光明於空無相無願法中皆善修習方便智慧恆共相應菩 切衆僧以此善根 見多佛所謂見多百佛乃至見多百 行不捨佛子菩薩住此現前地中得般若波羅蜜行增上得第 異論 恭敬 尊重讚歎衣服飲食臥具湯 入諸智地離二乘道趣於佛智諸煩惱魔無能沮壞住 千無相無願三昧門皆悉現前佛子菩薩住此現前 迴向阿 耨多羅三藐三菩提於諸佛所恭敬聽 藥一 千億那由他佛悉以廣 切資 生悉以奉施亦以 現前地已以願 心 順 提 於 佛 地。

·藏經於百劫經於千劫乃至無量百千億那 由他劫所有善根轉更明

淨。 生 如是以方便慧隨逐觀察轉更明淨轉復寂滅無能暎蔽譬如月光照衆 身令得淸凉四種風輪所不能壞此地菩薩所有善根亦復如是能 譬如眞金以毗瑠璃寶數數磨瑩轉更明淨此地菩薩所有善根亦復

難無能退屈能令衆生除滅我慢深入緣起布施愛語利行同 蜜 **薩第六現前地菩薩住此地多作善化天王所作自在一切聲聞所有問** 中般若波羅蜜偏多餘非不修但隨力隨分佛子是名略說菩薩 事。 如是 摩 訶

無量百千億那由他衆生煩惱熾火四種魔道所不能壞此菩薩十波羅

切諸所作業皆不離念佛乃至不離念具足一切種一切智智復作是念

精進於一 於 切衆 念頃得百千億三昧乃至示現百千億菩薩以爲眷屬若 生中爲首爲勝乃至爲一 切智智依止者此菩薩 若 勤行 以願

0

力自在示現過於此數乃至百千億那由他劫不能數知爾時金剛藏菩

薩欲重宣其義而說頌日

菩薩 圓滿 Ŧi. 地巴 觀 法無相亦無 性 無生無滅本淸淨

隨順 無有戲論無取捨 體相寂 滅如幻等 有無不二離分別

觀察世間 法 性如是觀 生滅相 以癡闇力世間 此智得成入六地 生 岩滅癡闇世無有 明 利順忍智具足

觀諸因緣實義空 雲偏興起 不知真諦名無 不壞假名和合用 明 所作思業愚癡 無作無受無思念

諸

行 如

如是乃至衆苦聚

了達三界依心有

果

識起共生是名色

十二因緣亦復然

無明所作有二種

生 緣中不了爲行因 死皆由心所作 心若滅者生死

如是乃至老終歿

2 - 0t

緊縛起滅順無盡 有支相續一心攝 若不隨順諸有斷 知緣性離得無相 如幻如夢如光影 從因生果離則斷 觀待若斷邊際盡 觸受增長是苦苦 無明與行爲過去 愚癡愛取煩惱支 從此苦生無有盡 了其虚妄無所願 亦如愚夫逐陽燄 如是普觀緣起行 自業不離及三道 此有彼有無亦然 觀察於此知性空 無明爲緣是生縛 識至於受現在轉 所餘有支是壞苦 行有是業餘皆苦 無明爲緣不可斷 唯除慈愍為衆生 如是觀察入於空 無作無受無眞實 十種思惟心離著 隨順無明起諸有 於緣得離縛乃盡 愛取有生未來苦 若見無我三苦滅 癡至六處是行苦 彼緣若盡悉皆滅 二際三苦因緣生

普發種種妙音聲 我爲佛子已宣說 甚深微妙難見知 獲諸三昧百千億 所作皆求一 亦息羣生 如月清涼被衆物 於佛教中修習道 般若順忍皆增 志樂決定勤行道 大士修行解脫門 「煩惱 切智 熱 告於最勝淸淨者 是時天衆心歡喜 聲聞獨覺無能了 亦見若干無量佛 悉已超勝聲聞道 此地多作善化王 四風來觸無能壞 得佛法藏增善根 解脫智慧得成滿 空三昧門具百千 轉益大悲求佛法 散寶成雲在空住 了達勝義智自在 如是菩薩第六地 譬如盛夏空中日 此地菩薩勤精進 化導衆生除我慢 此地菩薩超魔道 如金瑠璃所磨瑩 復以深心多供佛 知諸有爲和合作 無相無願亦復然

競奏樂音千萬種 我等聞斯地功德 普供除憂煩惱者 自在天主在空中 雖勤敎化諸衆生 以諸上供供養佛 巧以言辭說諸法 而行於世闡妙道 威儀寂靜最無比 成就功德百千億 而於善法不生著 放大光明照佛身 智慧自在無所著 雖現種種無量身 能調難調 悉以如來神力故 則爲已獲大善利 爾時天衆皆歡喜 不取文字音聲 人中蓮華無所著 以見一切諸世間 而無彼己一切心 世應 相 供 知身一 音中共作如是言 天女是時心慶悅 悉發美音同讚述 亦散最上妙香雲 爲利羣生演深行 雖已修成廣大善 不生於我佛國 往詣百千諸 **貪恚癡火常熾然** 超 切諸世 無所有 國 想 間

M

於諸想念悉皆離 發起大悲精進力

時解脫月復請言 種種供養稱讚已

唯願佛子爲宣說

悉共同時默然住 此諸大衆心淸淨

瞻仰人尊願聞法 第七地中諸行相 切諸天及天女

欲 爾 入第七遠行地當修十種方便慧起殊勝道何等爲十所謂雖善修空 時金剛藏菩薩告解脫月菩薩言佛子菩薩摩訶薩具足第六地行已

觀空智門而勤集福德雖遠離三界而莊嚴三界雖畢竟寂滅諸煩惱燄 而能爲一切衆生起滅貪瞋癡煩惱燄雖知諸法如幻如夢如影如響 無相無願三昧而慈悲不捨衆生雖得諸佛平等法而樂常供養佛雖入 如

土猶 如虛空而能以淸淨妙行莊嚴佛土雖知諸佛法身本性無身而

如水中月如鏡中像自性無二而隨心作業無量差別雖知一

切

國

燄

如

化·

辛 嚴 經 卷三十七

量 量 量聲聞 覺智入無量劫數入無量諸佛覺了三世智入無量衆生差別信解入無 無量 菩 音聲令衆生歡喜入無量衆生種種心行入無量諸佛了知廣大智入無 勝行從第六地入第七地入已此行常現在前名爲住第七遠行地佛子 別以種種相種種時種種劫數而修諸行菩薩以如是十種方便慧起殊 出種種差別淸淨音聲雖隨諸佛了知三世唯是一念而隨衆生意解分 以相好莊嚴其身雖知諸佛音聲性空寂滅不可言說而能隨 諸 一諸佛說甚深智慧門令趣入入無量諸菩薩方便行入無量諸佛所 薩摩訶薩住此第七地已入無量衆生界入無量諸佛敎化衆生業入 佛示 世 界網入無量諸佛淸淨國土入無量種種差別法入無量諸佛現 乘信解入無量諸佛說智道令信解入無量辟支佛所成就入無 現種種名色身入無量衆生欲樂諸根差別入無量諸佛語言 切衆

大

念此菩薩 氽 行 念 是名禪那 切諸 勝善 億 佛 休息廢捨行住 薩 乘集成事令菩薩得入此菩薩作是念如是無量如來境界乃 沮壞是名力波羅蜜如實了知一 以深 方 法 那 法 便 向 由他劫不能得知我悉應以無功用無分別 煩惱熱是名尸 没凝羅 波羅蜜能忍諸法無生無滅是名般若波羅蜜能 .佛智故所有善根爲求佛智施與衆生是名檀那波羅蜜能滅 於念念中常能具足十波羅 智慧如是觀察常勤修習方便慧起殊勝道安住不動無有 無有厭足是名毗棃耶波羅蜜一切智道常現在前未嘗散亂 蜜能求上上勝智是名 坐臥乃至睡夢未曾暫 羅波羅蜜慈悲爲首不損衆生是名羼提波 切法是名智波羅蜜佛子此十波羅 1願波羅蜜。 蜜何以故念念皆以大悲爲首修 與蓋 障相應常不捨於 心成就圓滿佛子此 切異論 出生無量 及諸魔衆 如是想 至於百 羅 無

華 嚴 經 卷三十七

t

(1 1 1 11)

薩有 就佛 故。 殊勝何以故此第七地功用行滿得入智慧自在行故佛子菩薩於 言。佛 長得法光明故第四地入道故第五地順世所作故第六地入甚深法門 金 第 緣 剛 七地成就智功用分以此力故從第八地乃至第十無功用行皆悉成 菩薩於念念中皆得具足如是四攝四持三十七品三解脫門略說 切菩提分法於念念中皆悉圓滿爾時解脫月菩薩問金剛藏菩薩 藏 子譬如有二 大方便神通願力佛子菩薩諸地亦復如是有雜染行有淸淨行是 七 子菩薩但於此第七地中滿足一 地起 切佛法願求故滿足菩提分法第二地離心垢故第三地願轉 、菩薩言佛子菩薩於十地中皆能滿足菩提分法然第七地最爲 切佛法故皆亦滿足菩提分法何以故菩薩從初地乃至 一世界一處雜染一處純淨是二中間難可得過唯除 切菩提分法爲諸 地 中亦能滿足 初 地

名爲 超過多貪等諸煩惱衆住此地不名有煩惱者不名無煩惱者何以故一 惱過 宮殿見千世界遊千世界示現梵天光明威德爾乃名爲超過人位佛子 之人而不爲彼衆患所染然未名爲超過人位若捨王身生於梵世乘天 爲所染爾乃名爲超煩惱行以得一 菩薩亦復如是始從初地至於七地乘波羅蜜乘遊行世間知諸世間煩 七地所行諸行皆捨離煩惱業以迴向無上菩提故分得平等道故然未 有功用行從第七地入第八地乘菩薩淸淨乘遊行世間知煩惱過失不 言佛子此七地菩薩爲是染行爲是淨行金剛藏菩薩言佛子從初地至 二中間難可得過唯除菩薩有大願力方便智慧乃能得過解脫月菩薩 患。 超煩惱行佛子譬如轉輪聖王乘天象寶遊四天下知有貧窮困苦 以乘正道故不爲煩惱過失所染然未名爲超煩惱行若捨一 切盡超過故佛子此第七地菩薩盡 切

此第七地以深淨心成就身業成就語業成就意業所有一切不善業道 切煩惱不現行故不名有者求如來智心未滿故不名無者佛子菩薩住

師。 如 如 唯除如來及八地已上其餘菩薩深心妙行無與等者諸禪三昧三摩 來所訶皆已捨離一切善業如來所讚常善修行世間所有經書技術 地中說皆自然而行不假功用此菩薩於三千大千世界中爲大明

鉢底· 念中具足修習方便智力及一 神通解脫皆得現前然是修成非如八地報得成就此地菩薩於念 切菩提分法轉勝圓滿佛子菩薩住此地

義三昧善住堅固根三昧智慧神通門三昧法界業三昧如來勝利 入菩薩善觀擇三昧善擇義三昧最勝慧三昧分別義藏三昧如實分別

此地是菩薩得此三昧善治淨方便慧故大悲力故超過二乘地得觀察 種種義藏生死涅槃門三昧入如是等具足大智神通門百千三昧淨治

一九

佛 薩摩 此 切臣衆但以王力非是自力若身長大藝業悉成乃以自力超過一 善淨無量意業無相行故得無生法忍光明解脫月菩薩言佛子菩薩 而 甚深遠離無行常行身語意業勤求上道而不捨離是故菩薩雖行實際 切二乘所不能及譬如王子生在王家王后所生具足王相生已即勝 超過然但以願求諸佛法故非是自智觀察之力今第七地自智力故 初 智慧地佛子菩薩住此地善淨無量身業無相行善淨無量語業無相行 子菩薩從第六地來能入滅定今住此地能念念入亦念念起而不作 地。 不作證解脫月菩薩言佛子菩薩從何地來能 地來所有無量身語意業豈不超過二乘耶金剛藏菩薩言佛子彼悉 以自所行智慧力故出過一切二乘之上佛子菩薩住此第 訶薩亦復如是初發心時以志求大法故超過一切聲聞獨覺今住 入滅定金剛藏菩薩言 七地得 切。 菩

华 嚴 經 卷三十七

(ーー 七)

際海。 證故 佛 所有 爲世法所染雖常寂滅以方便力而還熾然雖然不燒雖隨順佛智而示 現生死而恆住涅槃雖眷屬圍繞而常樂遠離雖以願力三界受生而不 雖示同外道行而不捨佛法雖示隨順一切世間而常行一 入聲聞辟支佛地雖得佛境界藏而示住魔境界雖超魔道而現行魔法 乃至見多百千億那由他佛於彼佛所以廣大心增勝心供養恭敬尊重 乘船入海以善巧力不遭水難此地菩薩亦復如是乘波羅蜜船行實 .睺羅伽人及非人帝釋梵王四天王等之所有者而不捨離樂法之心 子菩薩成就如是智慧住遠行地以願力故得見多佛所謂見多百佛 此菩薩名爲成就不可思議身語意業行於實際而不作證譬如 ·以願力故而不證滅佛子此菩薩得如是三昧智力以大方便雖示 切莊嚴之事出過一切天龍夜叉乾闥婆阿脩羅迦樓羅緊那羅 切出世間法 有

善根 閻 光 他 及悉能 力轉 一昧智慧光明隨順修行於諸佛所護持正法常爲如來之所讚喜一切 浮 明餘莊嚴 · 劫所有善根轉更增勝譬如眞金以衆妙寶間錯莊嚴轉更增勝倍益 乘 地多作自在天王善爲衆生說證智法令其證入布施愛語利行 非不修但隨 提 所有問難無能退屈利益衆生法忍清淨如是經無量百千億 衣服飲食臥具醫藥一 迴向阿耨多羅三藐三菩提復於佛所恭敬聽法聞已受持獲如實 地所有泥潦悉能乾竭此遠行地菩薩亦復如是一 更明淨非是二乘之所能及佛子譬如日光星月等光無能及者 乾竭一 具所不能及菩薩住此第七地所有善根亦復如是以方便 力隨分佛子是名略說菩薩摩 切衆生諸惑泥潦此菩薩十波羅蜜中方便波羅 切資生悉以奉施亦以供養 訶薩第 七遠行地菩 切二 切衆僧以此 一乘無有 蜜 那 同

華 巖 經 卷三十七

智者以此升七地

觀察此法得明了

解身不動具諸相

事如是 復作是念我當於一切衆生中爲首爲勝乃至爲一切智智依止者此菩 切諸所作業皆不離念佛乃至不離念具足一 切種· 切智智。

他菩薩以爲眷屬若以菩薩殊勝願力自在示現過於此數乃至百千億 薩若發勤精進於一 念頃得百千億那由他三昧乃至示現百千億那由

那由他劫不能數知爾時金剛藏菩薩欲重宣其義而說頌曰 第一義智二昧道 六地修行心滿足 即時成就方便慧

菩薩以此升七地雖明三脫起慈悲

雖觀於空集福德

滅除惑火而起燄

菩薩以此入七地

達聲性離善開演 7知法無二勤作業 7

入於一念事各別了刹皆空樂嚴土

遠離三界而莊

雖等如來勤供佛

廣為羣迷與利益

第六無生智光照 迴向方便希求願 求善無厭斯進策 念念成就波羅蜜 菩薩勤求最勝道 解欲心行悉能入 譬如世界二中間 初地攀緣功德滿 入衆生界無有邊 若住第八智地中 以是能令八地中 發心迴向是布施 爾乃踰於心境界 亦如聖王無染著 七住菩提功德滿 於道不動即修禪 動息不捨方便慧 說三乘法亦無限 佛教化業亦無量 無能摧力善了智 |地離垢||二諍息 切所作咸清淨 滅惑為戒不害忍 然未名為總超度 此地難過智乃超 種種大願皆具足 四地入道五順行 如是一切皆成滿 忍受無生名般若 如是敎化諸羣生 國土諸法與劫數 如梵觀世超人位 迴向佛菩提

五五

(11111)

百千億數那由他 化導羣生修正智 譬如王子力具足 方便智慧淸淨道 此地菩薩智最明 譬如乘船入海中 菩薩修成七住道 以無煩惱於中行 經書辭論普明了 如蓮處水無染著 切世間無能了 願力自在復過是 若以勇猛精勤力 供養多佛心益明 成就甚深仍進道 如日舒光竭愛水 在水不爲水所溺 超過一切二乘行 禪定三昧及神通 而求佛智心未足 此地雖超諸惑衆 切世間天及人 聲聞獨覺無能知 此是菩薩遠行地 獲多]二昧見多佛 又作自在天中主 如以妙寶莊嚴金 方便慧行功德具 初地願成此由智 如是修行悉成就 世間所有衆技藝 心心寂滅不取證 不名有惑非無惑

大方廣佛華嚴經卷第三十七

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽婺莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

高昇他化自在天宮廣宣十地義無窮行布盡圓融慧燄重重爍破太虛

空

華嚴字母衆藝親宣善財童子得眞傳祕密義幽玄功德無邊唱誦利人

叉◎創琤衝初抄釵鴟嗔徲戡攙搊叉唱叉字時普願法界衆生入般岩

波羅蜜門

一谷◎當思 登思 東蘇 都蘇 刀思 ៤思 低西 願西 單思 〇西 耽思 兜思 多娑 唱 多娑 字時普願法界衆生入般

若波羅蜜門

壤◐穰仍茸如饒○而仁然任髯柔壤唱壤字時普願法界衆生入般若

波羅蜜門

波

四十二字妙陀羅字字包含義理多阿棳梵韻滿娑婆功德大法界沐恩

南無華嚴海會佛菩薩 三 稱

四生九有同登華藏玄門八難三塗共入毘盧性海

音釋

漑 灌蓋 也二 灌 也音 漬貫 也澆 柊 也音 歿終 段終音 也沒 涕 也音 泣剃 也涕 泪 泗

泗音

也四

咨 咨音 嗟資

涕

泥澇 潦老 也盡 也二 音 L 脳音 也于

恚

也音

恨胃

也怒

羼

云音

忍產

辱此

潦

校異同

(依各卷分碼索引

<u>-</u>

帝 其 北 藏 元 頁 第 **令第** 誤唐 流三 作宋 通行 今元 本藏 本 無本 十以 学此 + 第二一頁題 北六 藏行 誤唐 作宋 雖元 起本 鲢 第二二頁

大方廣佛華嚴經卷第三十八

唐于闐國三藏沙門實叉難陀譯

十地品第二十六之五

是時天王及天衆

及以無央大菩薩

聞此勝行皆歡喜

無量無邊千萬種

悉以摩尼作嚴節

雨妙華旛及幢蓋

供養於佛幷佛子 哀愍衆生現神力

普發種種妙音聲

切見者兩足尊

於一毛端百千億

普發妙音咸得聞

如是無量諸如來

各有四洲及大海

須彌鐵圍亦復然

於中安住說妙法

香鬘瓔珞與寶衣 爲欲供養於如來

天女同時奏天樂

共作是言而讚歎

令此種種諸天樂

那由他國微塵數 毛孔內無量刹

悉見在中無迫隘

厳 攊 卷三十人

二二五

常念如來力無所畏不共佛法善清淨深心思覺能成就福德智慧大慈 爾時金剛藏菩薩告解脫月菩薩言佛子菩薩摩訶薩於七地中善修習 方便慧善清淨諸道善集助道法大願力所攝 隨順一 衆會歡喜默然住 世間共說不能 身中復有種種刹 大刹隨念變爲小 各隨自業受果報 **今此衆會皆寂** 毛端處有六趣 切衆生心 靜 於彼一 普發此等妙音聲 願說隨次之所入 小刹隨念亦變大 人天諸趣各各異 為轉最 |種惡道及人天 心瞻仰欲聽說 上淨法 切刹土中 輪 如來力所加自善力所持 稱 第八地中諸行 時解脫月復請言 如是神通無有量 佛悉知已爲說法 刹中種種衆生身 悉有如來演妙音 諸龍神衆阿脩 讚如來功德 Ë 相 羅

諸諠諍寂滅現前譬如比丘具足神通得心自在次第乃至入滅盡定 身墮在大河為欲度故發大勇猛施大方便以大勇猛施方便故卽便覺 切功用行得無功用法身口意業念務皆息住於報行譬如有人夢 切 忍佛子菩薩成就此忍卽時得入第八不動地爲深行菩薩難可知無差。 心意識分別想無所取著猶如虛空入一切法如虛空性是名得無 盡無轉無性爲性初中後際皆悉平等無分別如如智之所入處離一 猛起大精進以勇猛精進故至此不動地旣至此已一 寤既覺寤已所作皆息菩薩亦爾見衆生身在四流中爲救度故發大勇 離 動 心憶想分別悉皆止息此菩薩摩訶薩亦復如是住不動地卽捨 搴 切相一切想一切執著無量無邊一切聲聞辟支佛所不能及離 巖 經 卷三十人 切功用靡不皆息 Ξ ニーも

中見

大悲不捨衆生入無量智道入一切法本來無生無起無相無成無壞無

生法

切

第 心尙不現起況復起於世間之心佛子此地菩薩本願力故諸佛世尊親 如是一切心意識行皆不現前此菩薩摩訶薩菩薩心佛心菩提心涅槃 衆生皆令得入不可思議智慧之門又善男子此諸法法性若佛出世若 侵害汝當愍念如是衆生又善男子汝當憶念本所誓願普大饒益一切 未得汝應爲欲成就此法勤加精進勿復放捨於此忍門又善男子汝雖 現其前與如來智令其得入法流門中作如是言善哉善哉善男子此忍 分別法又善男子汝觀我等身相無量智慧無量國土無量方便無量光 不出世常住不異諸佛不以得此法故名爲如來一切二乘亦能得此 二行相行悉不現前佛子如生梵世欲界煩惱皆不現前住不動**地亦復** 是寂滅解脫然諸凡夫未能證得種種煩惱皆悉現前種種覺觀常相 一順諸佛法然善男子我等所有十力無畏十八不共諸佛之法汝今

華 嚴 烃 卷三十八

乃至 阿僧祇分歌羅分算數分譬喻分優波尼沙陀分亦不及一 生無量淨國敎化無量衆生供養無量諸佛入無量法門具無量神通有。 佛 轉 明 子若諸佛不與此菩薩起智門者彼時卽入究竟涅槃棄捨 法明所謂 乃至百 菩薩 方無 以諸佛與如是等無量無邊起智門故於一念頃所生智業從 無量淸淨音聲亦無有量汝今宜應成就此事又善男子汝今適得 世尊與此菩薩如是等無量起智門令其能起無量無邊差別智業 先 地所修諸行百分不及一乃至百千億 量國 以一身起行今住此地得無量身無量音聲無量 千億那由他劫不可得知汝應修行成就此法又善男子汝觀 土無量衆生無量法種種差別悉應如實通達其事佛子諸 切法無生無分別善男子如來法明無量入無量作無 那 由他分亦不及一如是 何以故佛子。 一智慧無量受 切利衆 初發 佛

(一二五)

以無 無量差 壊。幾 量 所不能及佛子菩薩住此第八地以大方便善巧智所起無功用覺慧觀 摩 譬如 以 無量衆會道場差別住無量身語意業集一切菩薩行以不動法故佛子 中所有 和· 訶 切 至大海一日所行比於未至其未至時設經百歲亦不能及佛子菩薩 時 智智所行境所謂觀世間成觀世間壞由此業集故成由此業盡 薩 功用智入一 乘船欲入大海未至於海多用功力若至海已但隨風去不假人力 別相知水火風界小相大相無量相差別相知微塵細相差別 成幾時壞幾時成住幾時壞住皆如實知又知地界小相大相· 亦復如是積集廣大善根資糧乘大乘船到菩薩行海於一念頃 别 地 相隨何世界中所有微塵聚及微塵差別相皆如實 水 火風 切智智境界本有功用行經於無量百千億那由 界各若干微塵所有寶物若干微塵衆生身若干微 知隨 他 何 劫

t

世 衆中示沙門形婆羅門衆中示婆羅門形刹利衆中示刹利形如是毗 於 明。 所應而爲現身教化成熟此菩薩於一三千大千世界隨衆生身信解 別智又知欲界色界無色界成知欲界色界無色界壞知欲界色界無 身畜生身餓鬼身阿脩羅身天身人身各若干微塵成得如是知微塵差 塵· 國 界隨衆生身信解差別普於其中示現受生此菩薩成就如是智慧故 以智光明普現受生如是若二若三乃至百千乃至不可說三千大千 教化衆生所謂善知衆生身差別善分別衆生身善觀察所生處隨其 小相大相無量相差別相得如是觀三界差別智佛子此菩薩復起智 一佛刹其身不動乃至不可說佛刹衆會中悉現其身佛子此菩薩隨 生 上身若干微塵皆如實知知衆生大身小身各若干微塵成知地獄 一身心信解種種差别於彼佛國衆會之中而現其身所謂於沙門

之所樂能: 是於 以菩 身聲聞身獨覺身菩薩身如來身智身法身虛空身此菩薩 子此菩薩遠離 衆他 知 叉 衆首陀衆居士衆四天王衆三十三天衆夜摩天衆兜率陀天衆化樂天 之所樂能 應以聲聞身得度者現聲聞形應以辟支佛身得度者現辟支佛形應 生心之所樂能以自身作衆生身國土身乃至虛空身隨諸衆生所 心 薩身得度者現菩薩形應以如來身得度者現如來形佛子菩薩 化自在天衆魔衆梵衆乃至阿迦尼吒天衆中各隨其類而爲現形 之所樂能 切不可說佛國土中隨諸衆生信樂差別如是如是而爲 以衆生身作自身亦作國土身業報身乃 以國土身作自身亦作衆生身業報身乃至虛空身又知諸 切身想分别住於平等此菩薩 以業報身作自身亦作衆生身國土身乃至虛空身 知衆生身國土身業 至虚空身又知衆 知諸衆生心 現身佛 如

華 嚴 經 卷三十八

子菩薩成立 等 别 身· 相· 量智者廣大智者 知 身。 方網 法 别 如 相· 相· 解 身智身 來 又知國土 自 相。 不壞相隨時隨俗假名差別相衆生非衆生法差別相佛法聖僧法 同· 差別相。 身 在・ | 乘差別相共相不共相出離相非出離相學相 則於此身現如是形此菩 知虛空身無量 成就如是 有菩提身願身化身力持身相好莊嚴身威勢身意生身福 如意自在智自在法自在得此 知 智 | |身小相大相無量相染相淨相廣相倒住相正住相普入 知業報身假名差別知聲聞身獨覺身菩薩身假 身智已 身善思量 無能壞智者此菩薩如是入已如是成就已得畢竟 相· 得命自在心自在財 周 徧 相如實決擇相· 相· 無形相 薩 知衆 ·無異相· 十自 生集業身報身煩惱身色身無 果行所攝相· 在 自在業自在生自 位故則爲不同 無邊相 無學 世 顯 現色身相。 思議智者 相。 間 出 知 在願 法身 名差 世 間差 别。 佛 平 德

0

力善觀 念 行 所 過 不 故得善住勝 大慈力救護 作皆能積 普 一大悲爲首方便善巧善能分別善起大願佛力所護常勤修習利衆 失身業無過 捨 住 切 中 察 無邊差 無有 分别一 種 切菩薩 集一 切智智 別世 過 心力不離於道故得善住大悲力不捨利 失語業無過失意業身語意業隨智慧行般若波羅 切世間: 答佛 切法故得善住 所作故得善住波羅蜜 切佛法佛子菩薩住此地得善住深心力一切煩惱不 界佛子舉要言之菩薩住此不 子此菩薩 現前故此菩薩 故得善住陀羅尼力不忘於 一智地名為不 神通力普往無邊世界故得善住大 得如是智力能 力成就 動 地· 切佛法故。 無能 動 現一 法故得善住籍 地。 沮 身語意業諸 益衆生故得善 壤 切 諸所作 故。 得 名為 如 來 蜜 願 增

地智慧無退故名爲難得地一切世間無能

測故名爲童眞

平 嚴 經 卷三十八

儀佛境現前常爲如來之所護念梵釋四王金剛力士常隨侍衞恒不捨 慧決定故名爲變化地隨願成就故名爲力持地他不能動故名爲無功 用地先已成就故佛子菩薩成就如是智慧入佛境界佛功德照順佛威 切過失故名爲生地隨樂自在故名爲成地更無所作故名爲究竟地智

達前際後際普伏一 大光明入無礙法界知世界差別示現一切諸大功德隨意自在善能 在隨有可化衆生之處示成正覺佛子菩薩如是入大乘會獲大神通放 離諸大三昧能現無量諸身差別於一一身有大勢力報得神通三昧自 切魔邪之道深入如來所行境界於無量國土修菩

薩行以能獲得不退轉法是故說名住不動地佛子菩薩住此不動地已

以三昧力常得現見無量諸佛恆不捨離承事供養此菩薩於一一劫 世界見無量百佛無量千佛乃至無量百千億那由他佛恭敬尊重承

略說 薩 以 治 **劫無量千劫乃至無量百千億那由他劫所有善根轉增明淨譬如眞** 薩 千世界主大梵天王能普運慈心普放光明滿千世界此地菩薩亦復 住 無量法明若有問難世界差別如是等事無能屈者如是經於無量百 |薩十波羅蜜中願波羅蜜增上餘波羅蜜非不修行但隨力隨分是名 所有善根亦復如是一切二乘乃至第七地菩薩所有善根無能及者 作寶冠置閻浮提主聖王頂上一切臣民諸莊嚴具無與等者此地 放光 諸 此地大智光明普滅衆生煩惱黑闇善能開闡 訶 薩住此地多作大梵天王主千世界最勝自在善說諸義能與聲 菩薩摩 明照 切資生悉以奉施於諸佛所得於如來甚深法藏受世界差別 百萬佛刹微塵數世界令諸衆生滅煩惱火而得淸涼此 訶 薩第八不動地若廣說者經無量 智慧門故佛子譬如 劫不可窮盡佛子 菩 如

嵳 嚴 颒 卷三十八

聞辟支佛諸菩薩波羅蜜道若有問難世界差別無能退屈布施愛語利 行同事如是一切諸所作業皆不離念佛乃至不離念一切種一切智智

薩若以發起大精進力於一念頃得百萬三千大千世界微塵數三昧乃 復作是念我當於一切衆生中爲首爲勝乃至爲一切智智依止者此菩

自在示現過於是數乃至百千億那由他劫不能數知爾時金剛藏菩薩 至示現百萬三千大千世界微塵數菩薩以爲眷屬若以菩薩殊勝願力

欲重宣其義而說頌曰

善集助道大願力

功德成就恒慈愍

離有平等絕分別 是則寂滅無生忍

聞法能生決定力

無成無壞無盡轉

爲求勝智登八住

七地修治方便慧

復得人尊所攝持 智慧廣大等虛空 知法無生無起相

超諸心行如空住 (一 三 t)

諸界種種各殊異 如船入海因風 菩薩住茲妙智地 與此智慧令觀 悉使修因趣解 汝雖已滅煩惱 歎其忍勝與灌頂 不以此故爲世尊 如夢度河覺則 成就是忍超戲論 心相取著悉皆離 濟 察 脫 火 無 小 則獲廣大神通力 但以甚深無礙智 法性眞常離心念 心無功用任智力 世間惑燄猶熾然 語言我等衆佛法 如生梵天絕下欲 無邊佛法悉得成 住於此地不分別 甚深不動恆寂滅 大無量皆能了 悉知國 當念本願度衆 如是人天所應供 以本願力蒙勸導 譬如比丘入滅定 汝今未獲當勤進 二千世界四大種 一乘於此亦能得 念分身編十方 念超過囊衆行 切世間無能 土成壌住 生 知

五

(一一三九)

衆生國 普爲衆生而示作 此地功德無邊際 所有佛法皆成就 住於法界無所動 菩薩能知 悉爲現形無不偏 **六趣衆生身各別** 王頂上莊嚴具 切魔衆無能轉 切衆中皆現身 土業報身 切身 諸佛護念天王禮 菩薩住此第八地 聲聞獨覺與菩薩 千萬億劫說不盡 持戒不動如須 十種聖智普觀察 種種聖人智法身 爲化衆生同彼形 隨心現影亦復然 譬如日月住虛空 及以衆寶微塵數 彌 多作梵王千界主 復以供佛善益明 密跡金剛恆侍衞 復順慈悲作衆業 虚空身相皆平等 及以佛身靡不現 隨其心樂各不同 國土無量種種別 以智觀察悉無餘 力成就不動搖 切水中皆現影

供養 身 是時衆樂同時奏 **菩薩無量百千億** 各以種種衆供具 其身普放大光明 震動十方諸國 經於億劫不能 菩薩第八不 百萬世界微塵等 演說三乘無有窮 心歡喜悉充 說中最勝者 動 盡 地 各奏樂音無量種 供養甚深功德海 大自在王自在天 百千萬億無量別 俱時踊在虛空住 照耀彼諸無量 無量億數難思議 說此菩薩八地 我爲汝等已略說 諸所作事悉亦然 慈光普照除衆惑 時 復有天女千萬億 悉共同心喜無量 悉以善逝威神力 供養人中大導師 以過諸天上妙供 若欲次第廣分別 悉使衆生獲安樂 如來現大神通力 願力示現復過是 切知見無上尊 念所獲諸三昧

爾時

解脫月言今衆淨

金剛藏菩薩告解脫月菩薩言佛子菩薩摩訶薩以如是無量智思

願說九地所行道

若心明 不離 譬如幻 演 雖現 爲 譬猶谷響無不應 悉現無等妙莊 心如虚空詣 出妙音而讚歎 說菩薩所行事 利樂辟力 利詣衆 師作 切 離有無 十方 衆 嚴 支 事 廣說佛道 如月普現照世 以從如來功德 寂靜調柔無垢害 若有衆生心下 如是美音千萬 種種形相皆非 若有最勝智慧心 則爲彼說 悟羣 中乘道 生 種 實 劣 間 生 音聲心念悉皆滅 隨所入地善修習 則示 令其見者樂佛智 天上人間一 爲彼演說聲聞行 歌讚佛已默然住 菩薩智幻亦如是 若有慈悲樂饒 如來無 切處 上 法 益

t

(11四1)

作 速 量 惱 間 摩 氣 地 思 轉 相 法 觀 稠 訶 法。 議 察欲 隨 相。 續 林° 行。 行。 薩 隨 大 業稠 諸 壊不 久 遠 有 思議 諸 稠 智性淨諸陀羅尼 住此善慧地 趣 爲 佛 林。 更 隨行相無邊引 轉 生 求 壤 法 林。 不 相。 行。 相。 聚 根 思 法 轉 輪。 如是百 無形 差 稠 無爲 議 勝寂 法行。 林。 别 如 不 捨 質 滅解 法行此菩薩 實 稠 解 定 (知善不善無記法行有漏 相。 稠 三昧門具廣 林。 大悲本願力得入 脱復修習 無邊 不 起相俱生不 萬 此 林。 定法行聲聞獨 億 塔 性稠 乃至 際 薩 相清 林樂欲 如 以 如是 無量 實 如來智慧入如來 大神通入差別世 ·捨相眠 淨相。 知 皆 衆 稠 智 菩薩第九善慧地佛子 如 垢 慧。 覺 生 林。 起 實 法行。 無垢 隨 心 如 知 種 眠 實 無漏法行世間 義 相。 叉 種 稠 知 菩 界修力無畏不 知 衆 薩 秘 相。 縛 相。 林。 不縛相。 密 與 諸 所 受 生 行 l 法觀察不 心 心 生 煩 謂 法 相應 稠 惱 行。 雜 稠 菩薩 林。 林。 如 出 種 幻 起 所 世 煩

華 鼠 經 卷三十入

拔相與 相遠隨 善無 與深 性 輭 果不失相有報無報相受黑黑等衆報相如田無量相凡聖差別 生 乘定不定相淳熟調 因 相 一受後 緣 中勝相先際後際差別無差別相上中下 輭 應 中上樂欲 心 不 相。 共生相。 受相乘非乘定不定相略說乃至八 相有表示無表示相 共生不同 絕 隨 切禪定解脫三昧三摩鉢底神通相違相三界相續受生繫縛 相略說乃至八萬 趣受生而住相三界差别相愛見癡慢如箭深 · 輕中上 與 相。 心共生 略 柔相隨根網 一告略說乃至八萬四千叉知諸隨眠種 說乃至八 相。 心相應不 四千皆如實知又知諸業種種相所謂善不 與心同生不離 輕轉壞相以 萬 四千皆 相應差 相。 萬 如實知又知諸解 增 相。 别 四千皆如實知又知諸 煩惱俱生不相離相乘非 上無能壞相退不退差別 因自性 相。 久遠隨行相 利那 入過患相一 壊而 種 輭 相現受 無 相。 中 次 常集 始不 所 根

(一四三)

ō

次第 獨 衆 謂出三界貪求相又知習氣種種相所謂行不行差別相隨趣熏習相 無色差 有芽相名色俱 相。 生行 **邪定相二倶不定相五逆邪定相五根正定相二倶不定相八邪** 覺菩 以聖道拔出相又知受生種種相所謂隨業受生相六趣差別相有 令無邊 一俱捨不 熏習相不斷煩惱遠行不捨熏習相實非實熏習相見聞親近聲 正定相。 薩 別相有想無想差別相業爲田愛水潤無明暗覆識爲種子生後 熏習相隨業煩惱熏習相善不善無記熏習相隨入後有熏習相 如來 心相續現起相開諸處門相堅實難治相地處成就不成就相 定相佛子菩薩隨順如是智慧名住善慧地住此地已了知 更不作二俱離不定相深著邪法邪定相習行聖道正定 生不相離相癡愛希求續有相欲受欲生無始樂著相妄 熏習相又知衆生正定邪定不定相所謂正見正定相邪 邪

礙

隨所安立不

法自性義無礙

智知諸法生滅辭無礙智安立一切法不斷說樂

說

無

知

過

去

行有異諸趣差別亦隨受生煩惱眠縛諸業習氣而 覺乘法菩薩乘法· 衆 ·諸行差别; 教化調伏令得解脫佛子此菩薩善能演說聲聞乘法 如來地法一切行處智隨行故能隨衆生根性欲解 爲說法令生信解增 獨

善能 辭 法 此 **益智慧各於其乘而得解脫佛子菩薩住此善慧地作大法師** 菩薩 别 相。 礙 守護如來法藏以無量善巧智起 常隨 辭 智樂說無礙智此菩薩以法無礙智知諸法自相義無礙智知諸 無礙智 四無礙智轉無暫捨離 無錯謬說樂說無礙智無斷盡 何等爲四所謂法無礙智義無礙 四無礙辯用菩薩言辭而演 一說復次以法 具法師 無礙 智 說 知

未來法差別辭無礙智於去來今法無錯謬說樂說無礙 可壞無邊說復次以法無礙智知現在法差別。 義 智於 無

智知蘊 處等各差別辭無礙智說成正覺差別樂說無礙智於一一 地 無 知 辭 邊 無 無礙智隨其言音說樂說無礙智隨其心樂說復次法無礙智以法 復次法無礙智知一 位義差別辭無礙智說地道無差別相樂說無礙智說一 知諸 法復次法無 說無礙智以轉勝無邊法明說復次法無礙智知 礙智以第 别 世無邊法明了說復次以法無礙智知法差別義無礙智知義差別 界處諦緣起善巧辭無礙智以一切世間易解了美 不異義無礙智以比 乘差別性辭無礙智說一切乘無差別樂說無礙智說一 《礙智知一 義智善巧說復次法無礙智知諸法一相不壞義無礙 切如來一念成正覺義無礙智 切菩薩行智行法行智隨證義無礙智知 智知差别如實辭無礙智以世智差别說樂 乘 知種種 平等性義 句法無量劫 妙音聲文字 地無邊 種 乘

卷三十八

聞 門已於無量佛所一一 陀 智隨 所得無量法門此所得法門非彼聞持諸大聲聞於百千劫所能領 阿 照 巧 根 才方便轉法輪 說 無礙智得 僧 解差 陀 羅尼種種義陀羅尼如是等百萬 不盡復次法 羅 衆 祇善巧音聲辯才門 一忘以無量 尼善慧陀羅尼衆財陀羅尼威德陀羅尼無礙門陀羅尼無邊 生信解以如來智淸淨行圓滿說佛子菩薩住第 别 音聲辭無礙智隨 如 來妙法藏作犬法師得義陀羅尼法陀羅尼智陀羅尼光 無礙智知 差別門 切智智隨證義無礙智知如來隨八萬四千衆生心行 佛前悉以如是百萬阿僧祇陀羅尼門 爲 而演說法此菩薩得 他 切如來語 演 切衆 《說此菩薩》 阿僧祇陀羅尼門皆得圓滿以百 生行以如 力無所畏不共佛法大慈大悲舒 初 見於佛 如是百 來音聲差別說樂說 萬 頭頂 阿僧祇 九地得如是善 禮 聴聞 敬。 卽 陀 於佛 羅 無 尼 萬 礙

蛬

一四七

四

與比此 别 鼓• 切 以 欲 生。 或時 菩薩假使三千大千世界所有衆生咸至其前 形 種 隨 薩 及 於其身上一一 無 得 悉具足或時心欲令不可 以 其 種 形物皆 菩薩 歌 塵 心 如是陀羅尼。 音聲令諸大衆皆得開悟或時 心樂差別為說唯除諸佛及受職菩薩其餘衆會威德光明無能 中皆悉 欲 詠· 處於 悉演 切樂聲 切言音皆作法音恆住不滅或時心欲 毛孔 演 法座欲以一音令諸 出 出 如是無礙智。 皆演 妙法 不 皆演法音或時心欲乃至三千大千世界所有 可說 以 法 音 或 時 言 旨 或 時 法 說無量世界地水火風四大 門。 坐於法座而說於法大千世 如是所 心 心欲放大光明演說法門或 心 大衆皆得解了即得解 欲 欲 念 於 發 ___ 字中 切隨 言音 皆 心 周 無不得 徧 以無量言音而 切 切世界簫笛 聚中所有 法 法 界滿 何 界 了或 悉令 者。 言 佛 時 時 中 解 衆

衆生菩薩皆能隨其心樂隨根隨解而爲說法承佛神力廣作佛事普爲 亦以 釋令隨心樂各得歡喜如是乃至不可說世界所有衆生一刹那間一 皆以無量言音而與問難一一 生。 有忘失佛子菩薩住此第九地晝夜專勤更無餘念唯入佛境界親近 說世界微塵數諸佛衆會一一衆會有不可說世界微塵數衆生一一衆 來入諸菩薩甚深解脫常在三昧恆見諸佛未曾捨離一 有不可說世界微塵數性欲彼諸佛隨其性欲各與法門. 切作所依怙佛子此菩薩復更精進成就智明假使 切法界處悉亦如是如是所說無量法門菩薩於一念中悉能領受無 一音普爲解釋各隨心樂令得歡喜乃至不可說不可說世界滿中 麗 攊 卷三十人 問難各各不同菩薩於一念頃悉能領受 一毛端處有不可 五五 如 劫中見無量 一毛端處 (一一四九)

與問難一一

問難各各不同菩薩於一念頃悉能領受仍以一音普爲解

世 慧地若廣說者於無量劫亦不能盡佛子菩薩摩訶薩住此地多作二千 勝。 金師 佛無量百佛無量千佛乃至無量百千億那由他佛恭敬尊重承 别演說波羅蜜行隨衆生心所有問難無能屈者布施愛語利行同事如 出 嚴具無與等者 於諸佛所種種問難得說法陀羅尼所有善根轉更明淨譬如眞金善巧 千 界主大梵天王善能統理自在饒益能爲一 餘 界 薩 光明照衆生心煩惱黑闇皆令息滅此菩薩十波羅蜜中力波羅蜜 波 所有善根無能與等佛子譬如二千世界主大梵天王身出光明二 用作寶冠轉輪聖王以嚴其首四天下內 中 羅 幽遠之處悉能照耀除其黑闇此地菩薩所有善根亦復如是能 蜜非不修行但隨力隨分佛子是名略說菩薩摩 此第九地菩薩善根亦復如是一 切聲聞綠覺及諸菩薩分 切聲聞辟支佛及下地 切小王及諸臣民諸莊 訶薩第 事供養 九善 最

華 巖 極 卷三十入

我當於 是 切諸所作業皆不離念佛乃至不離念一切種一 切衆生中爲首爲勝乃至爲一切智智依止者此菩薩若發動 切智智復作是念

精進於 至百千億那由他劫不能數知爾時金剛藏菩薩欲重宣其義而說頌日 國土微塵數菩薩以爲眷屬若以菩薩殊勝願力自在示現過於此數乃 念頃得百萬阿僧祇國土微塵數三昧乃至示現百萬 阿僧祇

無量 利益衆生入九地 力智無畏不 智力善觀察 總持三昧皆自在 最 上微妙世難 知 普入如來秘密 獲大神通入衆 刹 處

若法決定不決定 了善不善及無記 共法 有漏無漏世出世 願力悲心入九 一乘所作悉觀 地 思不思議悉善知 住於此地持法藏

若欲知諸衆生心 則能以智如實知 有爲無爲行差別

<u>-</u>七

ニー五こ

如是而知入世間

眠 隨其心樂及根解 衆生悉在三 **六趣受生各差别** 不離於心無處所 與志共俱心並 八 諸根種種下 處於法座如師 種種速轉壞非壞 起一 界無始恆相續 萬四千靡不知 義續諸趣 聚 中 生 子 中 或溺於見或行道 業田愛潤 禪定境排仍退轉 常相羇繫不斷絕 衆生惑見恆隨縛 先後際等無量 業性種種各差別 亦如牛王寶山王 悉以無礙妙辯才 惑業心習生諸 無質無邊等衆相 無明覆 别 趣 識爲種子名色芽 解性樂欲亦復然 若離於此不復生 因壞果集皆能了 煩惱無邊恆共伴 如其所應差別說 住於此地善觀察 但唯妄想非實物 無始稠林未除翦 又如龍王布密雲 金剛道滅方畢竟

二九

二一五三

能於一 復獲功德轉增勝 如王頂上妙寶冠 日夜見佛未曾捨 十方無量諸衆 悉應其心與法門 隨其根欲悉令喜 若欲三千大千界 總持百萬 **霔甘露雨充大海** 音普對悉充足 念見多佛 阿僧祇 生 復使衆生煩惱滅 住於此地爲法王 **咸來親近會中** 聞持爾所諸法門 **教化一切諸羣** 毛端佛衆無有 譬如大海受衆雨 善知法性及奥義 深寂滅智解脫 切法界皆如是 佛所皆聞 坐 數 生 法 如 譬如梵王光普照 供養諸佛善益明 隨機誨誘無厭倦 衆生心樂亦無 **菩薩勤加精進** 如雲廣布無不及 復以妙音而演 總持三昧皆淸淨 隨順言辭能辯說 念隨心各問難 地能持一切種 極

乃至當成一切智 住此多作大梵王 以三乘法化衆生 一念所入諸三昧 阿僧祇刹微塵數 **所行善業普饒**益

見佛說法亦復然 大智菩薩所行處 甚深微妙難可見 願力所作復過此 我爲佛子已宣說 此是第九善慧地

大方廣佛華嚴經卷第三十八

末瓦山矿鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

高昇他化自在天宮廣宣十地義無窮行布盡圓融慧燄重重爍破太虛

空

華嚴字母衆藝親宣善財童子得眞傳秘密義幽玄功德無邊唱誦利人

(一一五五)

攞 曷 Ξ 亢 恆 胡 胡 毫 核 奚 礥 寒 0 含 侯 曷 曷

合 剆 楞 壟 盧 勞 粦 闌 啉 婁 攞 字時普願法界衆生入

0 當 登 冬 都 刀 儓 低 顚 單 耽 兜 多羅唱 多

婆●) 旁棚髼葡炮排皮貧桙○楚髻婆唱婆字時普願法界衆生入般若

波羅蜜門

般若波羅蜜門

車◎昌稱衝樞怊差蚩瞋闡戡韂犨車唱車字時普願法界衆生入般若

波羅蜜門

波 四十二字妙陀羅字字包含義理多阿棳梵韻滿娑婆功德大法界沐恩

四生九有同登華藏玄門八難三 | 塗共入毘盧性海

南無華嚴海會佛菩薩 Ξ 稱

音 釋

諫

朴純

霍音 也清 沮

也註 囊 也音

笛

進宥 狄音 覺音

鼓

毘 器音 舩

也古 舟音

樂 船船

霖 聲囊 抑咀

上 也止

寤

也悟

霆

誘

也音

也引

含衆

校異同 種謂怙也迫 族商 估音 擇 也音 也估 也戶 擇音 逼百 (依各卷分碼索) 首 特也澤 也近 陀 翦 揀 隘 云具 斷音 謬 也挨 農云 也剪 也靡 狭去 引 業輸 齊 差幼 也聲 亂切 羇 種達 豎 族羅 也音 也誤 諠 單聲音 也此 留饑 也寄 也音 也喧 稠 開諂 諠 也音 也明 諍 諍音 多紬 淳 也概 也音 也爭

第十頁 轉第 流十 通行 本藏 無本 退不 字退 第十五頁第 誤二 作行 能能 智知

北

大方廣佛華嚴經卷第三十九

十地品第二十六之六

唐于闐國三藏沙門實义難陀譯

悉以此言而讚歎 天諸綵女無有量 俱然最上 悅意香 悉共虔誠供養佛 淨居天衆那由他 無量億數在虛空 普散天衣供養佛 靡不歡欣供養佛 普熏衆會令清淨 佛身安坐一國土 聞此地中諸勝行 不可思議菩薩衆 各奏種種妙樂音 百千萬種繽紛下 自在天王與天衆 亦在空中大歡喜 空中踊躍心歡喜 切世界悉現身

普滅世間煩惱闇

國土微塵可知數

此光明數不可測

於一毛孔放光明

法界廣大悉充滿

身相端嚴無量億

或見如來具衆 相

或現住於兜率宮 轉於無上正法輪

或見寂然安不動

或示住胎或出胎

或現道場成正覺

或現說法或涅槃

悉令無量國中見

世間 中普現身

有 中

如來智

疾作人天大導師

應離

切妄分別

有無通達皆平等

無量

無邊天女衆

相與無相無差別

示現種種所行事

皆依法性而得

若有欲得

實義

佛住甚深眞法性

術

在於大衆多所

作

如來智慧亦復

然

普使十方無不覩

譬如 幻師 知幻

於

而於第

身心寂靜共安樂

瞻仰

如來默然住

入於究竟皆無

相

所作利益衆生事

寂滅無相同虛空

種種言音稱讚

E

卽

月

時菩薩解脫

或現出家修世道

或現下生入母胎

一五人

切種· 菩薩離垢三昧入法界差別三昧莊嚴道場三昧一切種華光三昧海藏 來所行處隨順如來寂滅行常觀察如來力無所畏不共佛法名爲得 邊助道法增長大福德智慧廣行大悲知世界差別入衆生界稠林入如 爾 至第九地以如是無量智慧觀察覺了已善思惟修習善滿足白法集無 三昧海印三昧虛空界廣大三昧觀一切法自性三昧知一 時 金剛藏菩薩摩訶薩告解脫月菩薩言佛子菩薩摩訶薩從初地乃 願聰慧者爲宣說 從第九地入十地 知諸衆會咸寂靜 华 切智智受職位佛子菩薩摩訶薩以如是智慧入受職地已卽得 切佛皆現前三昧如是等百萬阿僧祇三昧皆現在前菩薩於此 嚴 經 卷三十九 所有功德諸行相 向金剛藏而請 大無畏者眞佛子 及以神通變化事 切衆生 (一一五九) 心行

四

其華. 音樂同時發聲所有衆生悉得安樂以不思議供養之具供一 法 佛 以爲眷屬爾時菩薩坐此華座身相大小正相稱可無量菩薩以爲眷屬 各 處之所能有毗瑠璃摩尼寶爲莖栴檀王爲臺碼碯爲鬚閻浮檀金爲葉 世善根之所生起知諸法如幻性衆行所成恆放光明普照法界非諸天 大量等百萬三千大千世界以衆妙寶間錯莊嚴超過一 昧名受一切智勝職位此三昧現在前時有大寶蓮華忽然出生其華廣 一切三昧若入若起皆得善巧亦善了知一切三昧所作差別其最後三 坐 子此大菩薩幷其眷屬坐華座時所有光明及以言音普皆充滿十方 工,與餘蓮華之上周而圍繞一一各得百萬三昧向大菩薩 常 切 有無量光明衆寶爲藏寶網彌覆十三千大千世界微塵數蓮 世界咸悉震動惡趣休息國土嚴淨同行菩薩靡不來集 切世間境界出 一切佛諸: 心瞻仰。

世

界微

塵數光明普照

十方一

切世

界諸佛如

続十

币住

虚

室中成光明網名熾然光明發起種種諸供養事供養於佛餘諸菩薩

十方諸 生苦從 王界滅衆生苦從左右脇放百萬 宮殿從兩肩上放百萬阿僧祇光明普照十方一 畜 兩手中放百 生趣滅衆生苦於齊輪中放百 萬阿僧祇光明普照十方一 阿僧祇光明普照十方一 萬 阿僧祇光明普照十方閻 切聲聞從其項背放百 切諸天及阿脩羅 切人趣滅衆 所

萬 十方受職菩薩令魔宮殿悉皆不 方 阿僧祇光明普照十方辟支佛身從其面門放百 初 始發 心乃至九地諸菩薩身從兩眉 現從其頂上放百萬阿僧祇 間 放百 來道場衆會右 萬阿 萬阿僧祇光明普照 僧祇光明普照 三千大千

一大こ

此 間 從 經 通 得十千三昧當爾之時十方所有受職菩薩皆於金剛莊嚴臆德相中出 旛寶蓋諸摩尼等莊嚴之 具以爲供養皆從出世善根所生超過 不能及其光明網普於十方一一如來衆會之前兩衆妙香華鬘衣服幢 地諸菩薩 光明 境界若有衆生見知此者皆於阿耨多羅三藐三菩提得不退轉佛子 初發 變化作是事已而來入此菩薩摩訶薩金剛莊嚴臆德相中其光入已 訶薩能行如是廣大之行到受職位佛子是時十方無量無邊乃至 大光明作於如是供養事學復繞十方一切世界一 तंत 名能 已從諸如來足下而入爾時諸佛及諸菩薩知某世界中某菩薩 心乃至九地所有供養而比於此百分不及一乃至算數譬喻 衆皆來圍繞恭敬供養一心觀察正觀察時其諸菩薩 壊魔怨百 萬阿僧祇光明以爲眷屬普照十方現於無量 一諸佛道場衆會 即各獲 切世 九

瓶 嚴 經 卷三十九 t (一一大三)

座張 震動 此 此 提處道場衆會莊嚴威德如是普照盡虛空徧法界一切世界已而來至 右 清淨光明名增益一切智神通無數光明以爲眷屬普照十方一切世界 三昧。 令此菩薩所有智慧勢力增長過百千倍爾時十方一 其眷屬光明亦各入彼諸菩薩頂當爾之時此菩薩得先所未得百萬 菩薩會上周帀右繞示現種種莊嚴之事現是事已從大菩薩頂 繞 所生太子母是正后身相具足其轉輪王令此太子坐白象寶妙金之 十市示 灌太子頂是時卽名受王職位墮在灌頂刹利王數卽能具足行十 大網幔建大幢旛然香散花奏諸音樂取四大海水置金瓶 名爲已得受職之位入佛境界具足十力墮在佛數佛子如轉輪聖 切佛刹滅除一切諸惡道苦隱蔽一切諸魔宮殿示一切佛得菩 現如來廣大自在開悟無量百千億那由他諸菩薩 切諸佛從眉間 衆周 上而

集佛 化。 支佛 如 涅 色 爲 受 善 是等 智 菩 界 安住 槃 職。 道。 界集。 集世 亦得 提 行 職 具 ,此菩薩 化。 集菩薩行集如來力無所畏色身法身集一 法 故能行 轉 足 **加實知**。 法輪集 法界 此 界集法界集有爲界集無爲 雲地佛子菩薩 如 .名爲轉輪聖王菩薩受職亦復如是諸佛智水灌 菩薩 來十種力故墮在佛數佛子是名菩薩受大智職菩薩 化聲 無量 摩 入一 又如 訶 如實知諸見煩惱行集 聞 薩 百 化。 切 實知佛持法持僧持業持煩惱持時持願持供養 以如是上上 千 辟支佛化菩 摩 法分别決定智集舉要言之以一 萬 訶 億 薩住 那 由 上覺慧。 此法 他難行之行增長無量 薩 界集衆生界集識界集虛空 化。 知世 如 雲地如實知 如 實 **上界成壞集** 來化。 知衆生業 切種 切 · 欲界集色界集 化。 分 知聲聞行 其頂做⁶ 智慧功 别 切 煩惱化諸見 切 智智集示 無 智 知 分 名 界集。 别 集。 德名 名 以 此 切 無

修行 持行持劫持智持如是等皆如實知又如實知諸佛如來入微細智所· 微 細 智命終微細智受生微細智出家微細智現神通微細智成 謂

思量秘 覺微 智所 如是等 祕 密業所作祕密得菩提行祕密如是等皆如 謂 細 皆 智轉 密授菩薩記秘密攝衆生秘密種種 念入劫劫入一念劫入非劫非劫 劫入阿僧祇劫阿僧祇劫入一 如實知又入如來秘密處所謂身祕密語祕密心祕密時非時如實知又入如來祕密處所謂身祕密語祕密心祕密時非時 法 論微細智住壽命微細智般涅槃微細智教法住 劫有 乘秘密一 數劫入 實知又知諸佛所有入劫 切衆生根行差別 無數劫無數劫入 微 細

劫入 如 來 劫未來劫入過 有 諸 佛劫過去未來劫入現在劫現在劫入 所入智所謂 去劫長劫入短劫短 入毛道智入微塵智入國土身正 劫入長劫如是等皆 過 去未來劫過去 一覺智入衆生身正 如實 知 劫 又 未

有

數

刧一

入劫有佛

劫入

無佛

劫

無佛

0

覺智。 巧念力十方無量 薩 百 無 有 了 徧 智慧 廣· 千 爲 不 知行 行 礙 受能 悉成 智入示 阿僧 輪 思 首。 智入示 衆 有 議 解 **就佛子**。 攝能持譬如 無量 脫。 生心 祇 解 大 脱無障 通達 無量。 現順 三昧 百 現聲聞智辟支佛智菩 正 諸 此菩薩 千 此 覺 行智入示現逆行 佛· 一碗解 無量 智入衆 世 阿僧祇解脫門皆於 地菩薩皆能得入佛子菩薩 所 娑伽羅龍王 解 摩 有 百 脫。 脫。 無量 法界 訶 千 淨觀察解 生行正覺智入隨順 薩通 阿 藏解脫。 大法 僧祇 智入示 所霆 達 明· 陀 脱普照 薩行 如 大雨唯除 大法 是智 羅尼 此第 光 明 如 現思議不思議 慧隨順 照· 門 十地中得如是乃 輪 來行 明 大法雨 無量 解脫。 摩 解 大海。 智佛 脫。 訶 切處正 無量菩 白 無餘 薩 如來藏解 餘 於 住此地。 千 子。 **上覺智入示** 阿 境 世 提成就善 切處皆不 念頃皆能 僧 界 切 間了 至無量 祇 解 脫。 諸 卽 得 神 脫。 隨 佛 知 通 所 順 菩 現 此

受能 能攝能持何以故以是無量廣大器故住法雲地菩薩亦復如是能安能 間 霆 佛 能安不能受不能攝不能持如來祕密藏大法明大法照大法雨亦復如 不可以算數能知我當爲汝說其譬喻佛子譬如十方各有十不可說 不能受不能攝不能持佛子譬如大海能安能受能攝能持一大龍王所 是唯除第十地菩薩餘一切衆生聲聞獨覺乃至第九地菩薩皆不能安 能於幾 悉亦如是是故此地名爲法雲解脫月菩薩言佛子此地菩薩於一 億 大雨若二若三乃至無量諸龍王雨於一念間一時霆下皆能安能受 侍者聲聞衆中多聞第一 攝能持一佛法明法照法雨若二若三乃至無量於一 那由他佛刹微塵數世界其世界中一一衆生皆得聞持陀羅尼爲 如來所安受攝持大法明大法照大法雨金剛藏菩薩言佛子 嚴 徑 卷三十九 如金剛蓮華上佛所大勝比丘然 念頃一 (一一大七) 衆生所 時演 念

以自願力起大悲雲震大法雷通明無畏以爲電光福德智慧而 界微塵數佛復過此數無量無邊於彼一一諸如來所所有 大法明大法照大法雨三世法藏前爾所世界一切衆生所聞持法於此 受之法餘不重受佛子於汝意云何此諸衆生所受之法爲有量耶爲 現種種身周旋往返於一念頃普徧十方百千億那由他世界微塵數國 兩三世法藏皆能安能受能攝能持是故此地名為法雲佛子此地菩薩 百分不及一乃至譬喻亦不能及如一佛所如是十方如前所說爾所 量 汝得解佛子此法雲地菩薩於一佛所一念之頃所安所受所攝所持 耶解脫月菩薩言其數甚多無量無邊金剛藏菩薩言佛子我爲汝說 衆生心之所樂霆甘露雨滅除一 大法摧伏魔怨復過此數於無量百千億那由他世界微塵數國 切衆惑塵餤是故此地名爲 法明法照法 爲 密 無 世

華 嚴 經 巻三十九

(一一大九)

世 慧 由 現佛事若二岩三乃至如上微塵數國土復過於此乃至無量百千億那 雲佛子此地菩薩於一世界從兜率天下乃至涅槃隨所應度衆生心而 故世界不減或復於一微塵之中置二置三乃至不可說世界須彌盧等 界皆能互作或隨心念於一塵中置 中示現二世界莊嚴乃至不可說世界莊嚴或於一世界莊嚴中示現二 心念以一 世界乃至不可說世界或隨心念以不可說世界中衆生置 「界作淨世界淨世界作垢世界亂住次住倒住正住如是無量一 明達神通自在隨其心念能以狹世界作廣世界廣世界作狹世界垢 他 切山川而彼微塵體相如本於中世界悉得明現或隨心念於一 世界微塵數國土皆亦如是是故此地名爲法雲佛子此地菩薩 世界中衆生置不可說世界而於衆生無所嬈害或隨心念於 世界須彌盧等一切山川塵相· 一世界或隨 切世 世界 如

普 篋鬘蓋幢旛周徧十方供養於佛一一身復示現爾許微塵數頭一 身一毛孔中出一切風而於衆生無所惱害或隨心念以無邊世界爲 尼寶珠日月星宿雲電等光靡不皆現或以口噓氣能動十方無量世界· 大海此海水中現大蓮華光明嚴好徧覆無量無邊世界於中示現大菩 復現爾許微塵數舌於念念中周徧十方歎佛功德或隨心念於一念間 界微塵數身一一身示現如是微塵數手一一手各執恒河沙數華奩香 而 而不令衆生有驚怖想或現十方風災火災及以水災或隨衆生心之所 樹 徧 於身中有無量諸佛及佛國土莊嚴之事世界成壞靡不皆現或於自 毛孔示現 莊嚴之事乃至示成一切種智或於其身現十方世界一切光明摩 十方示成正覺乃至涅槃及以國土莊嚴之事或現其身普徧三世 切佛境界莊嚴之事或隨心念於一念中示現不可說世 頭

樂示現色身莊嚴具足或於自身示現佛身或於佛身而現自身或於佛 薩身內於中悉見三千大千世界所有種種莊嚴之事經於億劫說不能 國土體性三昧入此三昧時諸菩薩及一切大衆皆自見身在金剛藏菩 者爲斷彼疑當少示現菩薩神力莊嚴之事時金剛藏菩薩卽入一切佛 白金剛藏菩薩言佛子今此大衆聞其菩薩神通智力墮在疑網善哉仁 薩神通智力能如是者佛復云何爾時解脫月菩薩知諸衆會心之所念 脩羅護世四王釋提桓因梵天淨居摩醯首羅諸天子等咸作是念若菩 無量百千億那由他自在神力爾時會中諸菩薩及天龍夜叉乾闥婆阿 身現已國土或於已國土而現佛身佛子此法雲地菩薩能現如是及餘 世界枝葉所蔭亦復如是稱樹形量有師子座座上有佛號一切智通王 盡又於其中見菩提樹其身周圍十萬三千大千世界高百萬三千大千 五五

藏言 薩修 界遊 無量 足· 身身業不可測 薩・ 大衆得未曾有生奇特想默然而住 劫 如 白 地菩薩所有境界略說如是若廣說者假使無量百千阿僧祇劫亦不 切 說 三無邊佛了 是 戲 此 此三昧名 金 不能盡金剛藏菩薩示現如是大神力已 大衆悉見其佛 削藏 三昧隨心所念能於身中 切諸 切諸有所作乃至法 子菩薩住法雲地得如是等無量百千諸大三昧故此菩薩 **、菩薩言佛子今此三昧甚** 解脫門變化所作神力所作光明所作略說 知語語業意意業神通自 一切佛國土體性又問此三昧境界云何答言佛子若 坐菩提樹下師子座上種種諸相以爲莊嚴 王子住善慧地菩薩皆不能 現恆河沙世 向 爲希有有大勢力其名何 金剛藏一 在觀察三世三昧境界智慧境 還令衆會各在本處時諸 界微塵數佛 心瞻仰 爾 知佛 乃至舉足下 刹。 時 復過 解 等。 假 脫 此法 金 月 此 使 剛 億 數

比量復次佛子如四天下取少許土餘者無量此法雲地神通智慧於無 佛 土多為此土多我觀汝問亦復如是如來智慧無邊無等云何而與菩薩 亦不能及佛子此菩薩住如是智慧不異如來身語意業不捨菩薩諸三 菩薩行所生智慧比一如來智慧境界百分不及一乃至優波尼沙陀 是地菩薩充滿如甘蔗竹葦稻麻叢林彼諸菩薩於百千億那由他劫修 量劫但說少分況如來地佛子我今爲汝引事爲證令汝得知如來境界 剛藏言佛子譬如有人於四天下取一塊土而作是言爲無邊世界大地 昧力於無數劫承事供養一 子假使十方一一方各有無邊世界微塵數諸佛國上一一 |解脫月菩薩|||佛子若菩薩神通境界如是佛神通力其復云何金 切諸佛神力所加智慧光明轉更增勝於法界中所有問難善爲 麗 挜 卷三十九 切諸佛一一劫中以一切種供養之具而爲 t 國 () ー七三 土得

如

能 解釋。 聞 薩 薩 薩 寶 說菩薩摩 如摩醯首羅天王光明能令衆生身心清凉一切光明所不能及此地菩 照 安住如是智慧諸佛世尊復更爲說三世智法界差別智偏一 .辟支佛乃至第九地菩薩智慧光明悉<mark>不能及佛子此菩薩摩訶薩</mark> 智慧光明亦復如是能令衆生皆得淸凉乃至住於一 智慧光明能令衆 亦復如是始從初地乃至九地一 鈿 一十波羅蜜中智波羅蜜最爲增上餘波羅蜜非不修行佛子是名略 :百千億劫無能屈者佛子譬如金師以上妙眞金作嚴身具大摩尼 厠其間自在天王身自服戴其餘天人莊嚴之具所不能及此地菩 切 訶薩第十法雲地若廣說者假使無量阿僧祇劫亦不能盡佛 世界智慈念一切衆生智舉要言之乃至爲說得一 生乃至入於一 切智智餘智光明無能如是佛子譬 切菩薩所有智行皆不能及此地 切智智。 切 智智此 切世界 二切聲

善根大願之水以四攝法充滿衆生無有窮盡復更增長乃至入於 旣 現前則能趣入一切智智譬如阿耨達池出四大河其河流注徧閻浮提 處乃至百千億那 行若莊嚴若信解若所作若身若語若光明若諸根若神變若音聲若行 塵數菩薩以爲眷屬若以菩薩殊勝願力自在示現過於此數所謂若修 念我當於一切衆生爲首爲勝乃至爲一切智智依止者若勤加精進於 菩薩波羅蜜行於法界中所有問難無能屈者布施愛語利行同事如是 子菩薩住此地多作摩醯首羅天王於法自在能授衆生聲聞獨覺 念頃得十不可說百千億那由他佛刹微塵數三昧乃至示現爾所微 無盡竭復更增長乃至入海令其充滿佛子菩薩亦爾從菩提 切諸所作業皆不離念佛乃至不離念具足一切種一 簭 捶 由他劫不能數知佛子此菩薩摩 卷三十九 訶薩十地行相次第 一九 切智智復 (一一七五) 心流 作是 切 切

間 何 智 可 Ш 底· 盡菩薩 王尼民 等為 中說 王。 海 經書技藝文頌呪術咸在其中說不可盡佛子如香山王一 咸 有窮盡菩薩所住燄慧地亦復如是一 令其充滿佛子菩薩 中取不可盡菩薩所住離垢地亦復如是 盡佛子如由乾陀羅山王純寶所成夜叉大神咸住其中無有窮。 在 十所謂雪山王香山王鞞陀梨山王神仙山王由乾陀山 其 切藥草咸在其 不 所住發光地亦復如是一 陀羅山王斫羯 中說不可盡佛子如神仙山王 可盡佛子如轉陀梨山王純寶所成一 中取不可盡菩薩所住歡喜地亦復如是一 羅 十地因佛智故而有差別如因大 山王計都末底山王須彌盧 切世間禪定神通解脫三昧三摩鉢 切道 |純寶所成五 中殊勝智慧咸 切衆寶咸在 切菩薩戒行威儀咸在 通神仙 山王佛子如 地有 切諸香咸 成住 其 在 王馬 十山 其 取 切世 其

華 嚴 經 卷三十九

(一一七七)

盡。 問答宣說不可窮盡佛子此十寶山王同在大海差別得名菩薩十地亦 住其 便智 别 衆咸住其中無有窮盡菩薩所住不動地亦復如是一 純 地 子如馬耳山王純寶所成一 中說不可盡如須彌盧山王純寶所成大威德諸天咸住其中無有窮 寶所成大力龍神咸住其中無有窮盡菩薩所住遠行地亦復如是方 世 亦復如是入緣起理聲聞果證咸在其中說不可盡如尼民陀 薩 中無 薩所住法 慧獨覺果證咸在其中說不可盡如斫羯羅. 界咸在其中說不可盡如計都山王純寶所成大威德阿脩羅王 所 住難勝地亦復如是一切自在如意神通咸在其中說不可盡 有窮盡菩薩所住善慧地亦復如是一 雲地亦復如是如來力無畏不共法 切諸果咸在其中取不可盡菩薩所住現前 切世間· 山王純寶所成諸自在 切佛事 切菩薩自在行差 生滅 成在其中 浴智行成了 羅 山王· 咸 佛

發 同 復 巧匠治理三者圓滿無缺四者清淨離垢五者內外明徹六者善巧鑽穿 間・ 大覺慧善觀察故不動地示現廣大莊嚴事故善慧地得深解脫行於世 量方便神通世間所作衆珍寶故現前地觀察緣生甚深理故遠行地廣 可移奪何等爲十一次第漸深二不受死屍三餘水入中皆失本名四普 何 普受 等為 光 如 如 一味五無量珍寶六無能至底七廣大無量八大身所居九潮不過限 譬 地捨離世間假名字故燄慧地與佛功德同一味故難勝地出生 是同在一切智中差別得名佛子譬如大海以十種相得大海名不 實 十 所謂歡喜地出生大願漸次深故離垢地不受一切破戒屍 大雨無有盈溢菩薩行亦復如是以十相故名菩薩行不可移奪 如大摩尼珠有十種性出過衆寶何等爲十一者從大海 而知不過限故法雲地能受一切諸佛如來大法明雨無厭足故

華 嚴 軽 卷三十九

(一一七九)

能隨王意雨衆寶物如衆生心充滿其願佛子當知菩薩亦復如是有十 幢 徹六者緣起智慧善能鑽穿七者貫以種種方便智縷八者置於自在高 種事出過衆聖何等爲十一者發一切智心二者持戒頭陀正行明淨一 能信解受持修習然後至於 受持讀 智所集福德聞此法門福德如是何以故非不聞此功德法門而能 根· 作佛事佛子此集一切種一切智功德菩薩行法門品若諸衆生不種善 者諸禪三昧圓滿無缺四者道行淸白離諸垢穢五者方便神通內外明 七者貫以寶樓八者置在瑠璃高幢之上九者普放 不可得聞解脫月菩薩言聞此法門得幾所福 之上九者觀衆生行放聞持光十者受佛智職墮在佛數能爲衆 誦。 何 況精進如說修行是故當 一切智地爾時佛神力故法如是故十方各 知要得聞此集一 金剛藏菩薩 切種種光明十者 切功 徳法門乃 如 信解 生廣 切

M

者入此 發聲。 觀 字 世 所 金 徧 有 有 剛 說 華天鬘天衣及諸天寶莊嚴之具幢旛 起。 何 踊· 十方 義· 億 外有十億佛刹 讚 噇。 此法我等悉亦同名 世界。 切世 與此 我等住在 佛刹微塵數世界六種 徧踊等徧踊震徧震等徧震吼徧吼等徧吼擊徧擊等徧 切智地所有功德如此世界他化自在天王 如是 所說 界悉亦如是爾時 切衆會普周法界欲讚歎發 十方一切 本 無有增減悉以佛 微 世 界中皆 塵數菩薩 金剛藏 世界。 復以佛神力故十方各十億 + 承 悉亦 所住世界各各差别悉名金剛德 而來此會作如是言善哉善哉 八相動所謂動偏動等 如來威神 神力而來此會爲 如是而 **繒蓋奏天伎樂其音和** 之力 切智智心欲示現菩薩境界 往 作證。 而 說 汝作證 此法。 | |宮演說此法十方 爾 海動起 流動起 時 衆會 金 佛 如我等今 刹 剛 偏 悉等文 金 微 藏 擊。 雅。 起等 菩薩 佛 雨衆 剛 塵 同 藪 藏

滌除垢穢心明潔

觀察世間三毒火

願力廣修諸善法

爲利衆生發大心

切智欲示現不思議智莊嚴欲顯示一 欲淨治菩薩行力欲說攝取 切種智道欲除滅一 切菩薩諸功德欲令如是地義轉 切世間垢欲施與

更開顯承佛神力而說頌言

其心寂滅恆調順 平等無礙如虛空 離諸垢濁住於道

此殊勝行 汝應聽 百千億劫修諸善

供養無量無邊

佛

慚愧福智皆具足 聲聞獨覺亦復然 一世諸佛咸供養 志求佛智修廣 爲利衆生發大心 慧 願得十力發大心 精勤持戒常柔忍

以悲愍故入後位 住於初地生是心 切國土悉嚴淨 了知諸法皆平等 戒聞具足念衆生 永離衆惡常歡喜

廣大解者趣三 ニールこ 地

得此微 常求諸佛最上法 演說諸佛勝義藏 以微妙智觀衆生 廣修種種諸智業 雖證寂滅勤修習 常觀最勝諸功德 廣大智人趣燄地 世所難知 種種示現救衆 三有一切皆 妙向 而能 七 無常 地 知 生 能 得佛智水灌其頂 次第修行具衆善 心行業惑等稠 具十自在觀 智慧方便心廣 復供十力無上 不受於我離有 斯人趣入難勝 念慧具足得道智 如箭入身苦熾然 趣如空不動 世 林 間 地 大 尊 地 無 獲得無數諸三昧 爲 以此 乃至九地集福 佛勸令從寂滅起 難行難伏難了 供養百千無量 法性本寂隨緣 趣入無生現前 智慧方便善觀 厭離有爲求佛法 欲化其令趣道 而 升善慧地 佛 知 轉 地

_ _ t

二人芸

如是 是時諸佛與其職 普照而來從頂入 欲界色界無色界 是則名登法雲地 供養佛已從足入 十方菩薩來觀察 復於頂上放光明 佛子圍繞同觀察 菩薩得此三昧時 亦善了知其作業 切咸通達 法界世界衆生界 受職大士舒光照 智慧增長無有邊 如轉輪王第一子 十方世界咸震動 即時諸佛悉了知 普入十方諸佛會 放大光明百千億 大寶蓮華忽然現 最後三昧名受職 切化用大威力 開悟一 諸佛加持微細智 滅除 有數無數及虛空 若蒙諸佛與灌頂 諸佛眉間亦放光 **今此佛子登職位** 悉住空中作光 身量稱彼於中坐 住廣大境恆不動 切地獄苦消滅 切衆生苦 切諸世間 網

於一 住於此地復爲說 世智思惟必迷悶 神通示現徧十方 菩薩住此法雲地 十方國土悉周偏 何況一切諸衆生 此地受法亦復然 轉妙法輪入槃涅 秘密劫數毛道等 念普編十方土 佛所所聞法 亦供現前諸聖衆 過於彼數無有量 及以聲聞辟支佛 超出人天世間境 具足念力持佛法 皆能如實而觀察 雪甘露雨滅煩 十方無量諸衆生 乃至寂滅解脫法 一世法界無礙智 舉足量智功德 惱 衆生國土悉亦然 具足莊嚴佛功德 復過是數無量億 此地菩薩供養佛 乃至九地不能知 譬如大海受龍雨 是故佛說名法雲 以昔智願威神力 悉得聞持持佛法 受生捨俗成正道 及所未說皆能了

乃至一 善能演說三乘法 此地我今已略說 自在天光除世間 譬如仙山仁善住 如十山王嶷然住 七地大慧如尼民 地戒聞如香山 切佛功德 若欲廣說不可盡 初地藝業不可盡 無量三昧一念得 此光滅闇亦如是 此地菩薩智光明 八地自在如輪圍 五地神通如由乾 二如鞞陀發妙華 住此多作三界王 能示衆生正法路 所見諸佛亦如是 六如馬耳具衆果 譬如雪山集衆藥 如是諸地佛智中 九如計都集無礙 **燄慧道寶無有盡**

出過 五. 地微妙六甚深 如須彌具衆德 切世間道 初地願首二持 十地受持諸佛法 七廣大慧八莊嚴 戒 如是行海無盡竭 九地思量微妙義 二地功德四專

十行超世發心初 持戒第一 一禪第三 行淨第四成就 五

緣生第六貫穿七 第八置在金剛幢 第九觀察衆稠林 塵

第十灌頂隨王意 如是德寶漸淸淨 十方國土碎為

大方廣佛華嚴經卷第三十九 可於一念知其數 毫末度空可知量 億劫說此不可盡

高昇他化自在天宮廣宣十地義無窮行布盡圓融慧燄重重爍破太虛

空

華嚴字母衆藝親宣善財童子得眞傳祕密義幽玄功德無邊唱誦利

天

容◎ 茫斯 萌斯 蒙蘇 模蘇 毛思 埋思 迷西 民西 蠻思 〇西 麥思 謀思 歷娑 唱废娑 字時普願法界衆生入般

若波羅蜜門

底

末計

底都

惠此

也云

幢

否 **6**0 旁放 朋亨 蓬烘 蒲呼 袍蒿 排咍 毘希 貧希 桦頂 ○希 避給 裒岣 婆訶 唱 婆訶 字時普願法界衆生入

若波羅蜜門

婆訶

縒 波 羅蜜門 ○喪僧鬆蘇 生四 九十 顋 有二 西 同字 辛 珊 前四 芯糝 縒字時普願法

界衆生入

Ξ 稱

南無 華 嚴海會佛菩薩

音 釋

羅雙 ılı 口虛 謂蝉 嘘平 也音 此者 也默 也聲 敬乾 山此 蔗 尼 也誠 民 中云 廿遮 齌 蔗去 膐音 能種 也聲 也齊 持種 Ш 此具 種也 葦 肚 脇 日云 種陀 葦音 持尼 衆梨 也委 左閑 邊民 寶亦 蘆 右入 山駅 及日 稻 腋聲 諸駃 稻音 也羅 也身 花羅 穀道 嬈 斫 果此 也就 切音 迦 故云 亂遶 鈿 羅 名持 花音 擾奴 山 也也 飾殿 也鳥 曰正 乾 奩 金 嶷 輪云 陀 奩音 圍拘 也音 也連 山羯 言具 立疑 香 篋 瑜云 也岐 也羅 此 乾瑜 嶷 筬音 者乾 鞞 也怯 箱 陀 都 此駃

云程

嘘

こー入せ

校異同依本卷分碼索引 第十一頁第 通十 本一 衆行 下藏 有本 生衆 業惑 穿 第二十九頁 新 政 作行

二塵

毘鞞

唐于闐國三藏沙門實叉難陀譯

十定品第二十七之一

伏衆魔雖入世間心恆寂靜住於菩薩無住解脫其名曰金剛慧菩薩 等慧菩薩義語慧菩薩最勝慧菩薩常捨慧菩薩那伽慧菩薩成就慧菩 悲安隱一切衆生神通自在同於如來智慧深入演眞實義具一切智降 不皆入灌頂之位具菩薩行等於法界無量無邊獲諸菩薩普見三昧大 出與不失於時恆住一相所謂無相與十佛刹微塵數菩薩摩訶薩俱靡 攀緣住奢摩他最極寂靜具大威德無所染著能令見者悉得開悟隨宜 那際諸佛三昧以一切智自神通力現如來身淸淨無礙無所依止無有 爾 時世尊在摩竭提國阿蘭若法菩提場中始成正覺於普光明殿入刹

調 順慧菩薩大力慧菩薩難思慧菩薩無礙慧菩薩增上慧菩薩普供 理慧菩薩善巧慧菩薩法自在慧菩薩法慧菩薩寂靜慧菩薩

慧菩 薩。 虚空慧菩薩。 世間慧菩薩佛地慧菩薩眞實慧菩薩尊勝慧菩薩智光慧菩薩無邊 薩 如 相慧菩薩善慧菩薩 如 幻慧菩薩廣大慧菩薩 勢力慧菩

菩薩。 慧菩 大光明菩薩常光明菩薩了佛種菩薩 薩。 念莊嚴菩薩達空際菩薩性莊嚴菩薩甚深境菩薩善解 心王菩薩 行菩 薩。 常 處 非處 現神

菩薩。 通 菩 最 薩智慧芽菩薩功德處菩薩法燈菩薩照世菩薩持世菩薩最安隱 上 菩薩。 無上 菩 薩。 無比菩薩紹 超倫菩薩。 無礙行菩 薩。 光明燄 菩薩。

菩薩。 月 光菩薩。 眼 菩 內覺慧菩薩住佛智菩薩陀羅尼勇健力菩薩持地力菩薩妙月菩 薩。 法眼菩 塵菩薩堅固行菩薩霆法 薩。 這芸菩薩總持王菩薩 雨菩薩最勝幢菩薩普莊 無住 願菩薩智藏 菩薩。 嚴 菩薩。 心

華 嚴 經 卷四十

Ξ

(一一九二)

昔皆與 菩薩。 諸 菩薩。 薩。 薩 密義菩薩普眼境界智莊嚴菩薩如是等菩薩摩訶薩十佛刹 金 覺欲有所問願垂哀許佛言普眼恣汝所問當爲汝說令汝心喜普眼菩 神 而 力從 剛智菩薩金剛燄菩薩金剛慧菩薩普眼菩薩佛日菩薩持佛 須 趣菩薩不思議決定慧菩薩遊戲無邊智菩薩無盡妙法藏菩薩 於 言世尊普賢菩薩 法日菩薩智藏菩薩智澤菩薩普見菩薩不空見菩薩金剛踊菩薩 大龍相菩薩質直行菩薩不退轉菩薩持法幢菩薩無忘失菩薩攝 彌頂菩薩寶頂菩薩普光照菩薩威德王菩薩智慧輪菩薩大威德 菩薩諸大三昧或入或出或時安住以於菩薩不可思議廣大三昧 座而 一毗盧遮那如來同修菩薩諸善根行爾時普眼菩薩摩訶薩承佛 起偏袒右肩右膝著地合掌白佛言世尊我於 及住普賢所有行願諸菩薩衆成就幾何三 如 微塵數往 來 昧 應 金 解脫。 智日 Ē 剛 祕

I

菩薩 大難可 衆聞 利益 其所坐之座此由如來威力所持亦是普賢神通自在使其然耳爾時普 薩 際 善入出故能於一 無盡辯才門皆悉已得淸淨無礙大悲利益一切衆生以本願力盡未來 不可思議自在神通出過 於普賢所心生尊 去來現在靡不明照所有福德不可窮盡一切神通皆已具足其諸菩 而無厭倦汝應請彼彼當爲汝說其三昧自在解脫爾時 普賢名卽時獲得不可思議無量三昧其心無礙寂然不動智慧廣 大願悉已清淨所行之行皆無退轉無量波羅蜜門無礙陀羅尼門 去來現在諸菩薩衆而問斯義普眼普賢菩薩今現在此已能成就 測量境界甚深無能與等現前悉見無數諸佛得如來 切三昧自在神通變化無有休息佛言善哉普眼 重渴 仰欲見悉於衆會周徧 切諸菩薩上難 可值遇從於無量菩薩行生 觀察而竟不覩 會中諸菩薩 力同 亦不 汝爲 如

佛 瞻 有憶念若生信解若勤觀察若始趣向若正求覓若興誓願相 究竟邊際善男子若有得見普賢菩薩若得承 身。 以 以金剛慧普入法界於一切世界無所行無所住知一 普賢菩薩 以普賢菩薩住不思議解脫之力普眼於汝意云何頗有人能 覲。 無 告普眼菩薩 故普賢菩薩境界甚深不可思議無有量已過量舉要言之普賢菩薩 中種種幻相所住處不答言不也佛言普眼幻中幻相尚不可說 益無空過者 作 去 如是言 無來得無斷盡無差別自在神通無依無作無有動轉至於 認密身境界秘密語境界秘密意境界而於其中能入能見何 南 及諸衆會言諸佛子汝等宜更禮敬普賢殷勤求請又應 爾時普眼及一切菩薩衆於普賢菩薩心生渴仰願得 無一切諸佛南無普賢菩薩如是三稱頭 事若得聞名若有思惟若 切衆 頂 生身皆 禮 說幻 續 不絕皆 敬。 即非 法 何 術 爾

華嚴經卷四十

開示一 衆 莫不頂禮 皆見普賢親近如來於此一 普賢菩薩卽以解脫神通之力如其所應爲現色身令彼一 菩薩是時普眼聞佛此語與諸菩薩俱時頂禮求請得見普賢大士爾時 專 及諸菩薩信解之力普賢菩薩本願力故自然而雨十千種雲所謂種種 三世諸佛是時普眼菩薩及一切菩薩衆見此神變其心踊躍生大歡喜 切誓與普賢同一 切佛所從彼次第相續而來亦見在彼一切佛所演說一切諸菩薩行 至觀察十方想普賢身現在其前如是思惟周徧法界深心信解。 一諸根差別徧 切智智之道闡明一 普賢菩薩心生尊重如見十方一切諸佛是時以佛大威神力 行願入於不二眞實之法其身普現一 切處集普賢道若能發起如是大願則當得 切菩薩神通分別一 切菩薩衆中坐蓮華座亦見於餘一切世 切菩薩威德示現 切世間悉知 切諸菩薩衆 見普賢 厭離 切

(一一九五)

除 種種珍寶雲種種燒香雲種種繒綵雲不可說世界六種震動奏天音樂 德不可說功德 思議海功德。 所說普賢菩薩有阿僧祇淸淨功德所謂無等莊嚴功德無量寶功德不 者住平等者住不壞者住一切差別法者住一切無差別法者住一 華雲種種鬘 不可說菩薩於普賢行願悉得圓滿成阿耨多羅三藐三菩提 善巧 薩 滅嚴淨不可說世界令不可說菩薩入普賢行不可說菩薩成普賢行 白佛 這聞不可說世界放大光明其光普照不可說世界令三惡趣悉得 心 所住者住一切法自在解脫三昧者佛言如是如是普眼 言世尊普賢菩薩是住大威德者住無等者住無過 無量相功德無邊雲功德無邊際不可稱讚功德無盡法功 雲種種香 切佛功德稱揚讚歎不可盡功德爾時如來告普賢菩 雲種種末香雲種種蓋雲種種衣雲種種嚴具雲 者住不是 爾時普眼 切衆 如 汝

世

界而於世界無所著普入一切衆生界而於衆生無所取普入一切身

佛則名 說當 界佛莊嚴大三昧八者衆生差別身大三昧九者法界自在大三昧十者 者妙光大三昧三者次第徧往諸佛國土大三昧四者淸淨深心行大三 普賢所有行願諸菩薩摩訶薩說此十大三昧故令過去菩薩已得出離 名一切見亦名住無礙亦名達諸境亦名一切法自在此菩薩普入一 昧。 現在菩薩今得出離未來菩薩當得出離何者爲十一者普光大三昧二 薩 無礙輪大三昧此十大三昧諸大菩薩乃能善入去來現在一切諸佛已 五者知過去莊嚴藏大三昧六者智光明藏大三昧七者了知一 言普賢汝應爲普眼及此會中諸菩薩衆說十大三昧令得善入成滿 說現說若諸菩薩愛樂尊重修習不懈則得成就如是之人則名爲 如來亦則名爲得十力人亦名導師亦名大導師亦名一切智亦 切世 切

(一一九七)

猶如 無 總持辯才門是三世諸法差別門是一切諸佛示現門是以薩婆若安立 切諸佛教普轉 丽 無 切種 有窮盡得虛空行無有障礙得法王位無量自在譬如世間灌頂受職 切 切菩 於身無所礙普入一 菩 切諸佛法巧說一切文字了達一 師子爲智慧丈夫然正法明燈一 邊 衆 智 生門是以佛神力嚴淨 智 提 薩差別行於一念中普得一切三世智普知一切三世法普說 無勝幢門是普賢菩薩諸行願門是猛利神通誓願門是一 中普了一切佛所說此是諸菩薩法相門是諸菩薩智覺門是 切通達得廣 切不退輪於去來現在一一世普證一 切法界而知法界無有邊親近三世一 大力十種圓滿成無諍 切世 切假名成就一切菩薩淸淨道安住 界門若菩薩入此三昧得法 切功德歎不可盡聲聞獨覺莫能 心入 寂滅際大悲無畏 切菩提道於此 一切佛明! 界力 切

爲 願聞。 性清 佛 於 思議。 神 所謂 菩薩摩訶薩普光明三昧佛子此菩薩摩訶薩有十種無盡法何者爲 道· 無盡善攝菩薩智無盡菩薩不退智無盡善觀 通。 時 而常 淨藏。 常 得法 爾 是故普賢汝今應當分别廣說一 諸 時 行法施開悟一切名爲智者普攝衆生 修行 生如 佛出現智無盡衆 普賢菩薩 界智住無動際 菩薩之行無有斷盡入一切智方便境界示現種種廣 來清淨家善開種種差別法門而以智慧了無所有善知 承 如來旨觀普眼等諸菩薩衆而告之言佛子云何 而能隨俗種種開演住於無相善入法相 生變化智無盡 切菩薩十大三昧今此衆會咸皆 一世界如影智無盡深入法 一悉令淸淨以方便智示 得 成

子是名菩薩摩訶薩十種

無盡法佛子此菩薩摩訶薩發十種無邊心何

九九

心

智無盡住廣大菩提

心

智無盡住一

切佛法

切智願力

智

無盡。

佛

切法義智無盡善持

智何者爲十佛子菩薩摩訶薩以三千大千世界爲一蓮華現身徧此蓮 起上方入定下方起是爲十佛子此菩薩摩訶薩有十種入大三昧善巧 東北方起西北方入定東南方起東南方入定西北方起下方入定上方 十種入三昧差別智何者爲十所謂東方入定西方起西方入定東方起 種自在身入一切如來道場衆會無邊心是爲十佛子此菩薩摩訶薩有 廣大境界無邊心發於佛辯才起深志樂領受諸佛法無邊心發示現種 邊心發示現一切佛無量神變無邊心發爲得佛力故不捨一切菩提行 等爲十所謂發度脫一切衆生無邊心發承事一切諸佛無邊心發供養 南方入定北方起北方入定南方起東北方入定西南方起西南方入定 無邊心發普入一切智微細境界說一切佛法無邊心發普入佛不思議 切諸佛無邊心發普見一切諸佛無邊心發受持一切佛法不忘失無

受生身恆受諸樂化身常現種種自在神通威力佛子阿脩羅王有貪恚 界處悉皆如本心不錯亂不於變化身而作他想於其本身生非己想本 **癡**具足憍慢尙能 子彼阿脩羅王雖化其身長十六萬八千由旬然亦不壞本身之相諸蘊。 旬。 解令百億百億根性圓滿一一根性成百億百億菩薩法不退業然所現 下現百億百億菩薩修行一 天下現百億身一一身入百億百億三千大千世界於彼世界一 華之上結跏趺坐身中復現三千大千世界其中有百億四天下。 切世間皆悉如夢一切諸佛出與於世皆如影像 化形長十六萬八千由旬於大海中出其半身與須彌山而正齊等佛 一非多入定出定無所錯亂佛子如羅睺阿脩羅王本身長七百由 如是變現其身何況菩薩摩訶薩能深了達心法如幻 一菩薩修行生百億百億決定解一一 切世界婚 如變化。 決定 四天 几

巖

捱

卷四十

==

(1101)

界中調伏三千大千世界微塵數衆生是諸世界種種不同菩薩悉知所 菩薩摩訶薩能入三千大千世界微塵數三千大千世界於一一世界現 世間 能暎奪佛子譬如比丘觀察內身住不淨觀審見其身皆是不淨菩薩摩 訶 菩提之行佛子菩薩摩訶薩住此三昧超過世間遠離世間無能惑亂無 三千大千世界微塵數色一一色照三千大千世界微塵數世界一一 三千大千世界微塵數身一 了知身心無有實體其身普住無量境界以佛智慧廣大光明淨修一切 言語音聲悉皆如響見如實法以如實法而爲其身知一切法本性淸淨。 普光明大三昧善巧智佛子云何爲菩薩摩訶薩妙光明三昧佛子此 薩亦復如是住此三昧觀察法身見諸世間普入其身於中明見一切 及世間法於諮世間及世間法皆無所著佛子是名菩薩摩訶薩第 一身放三千大千世界微塵數光一一光現 世

離 說日 諸 於 間 往。 二昧不壞世間安立之相不滅世間諸法自性不住世界內不住世 諸 影中其七山間所有日影亦悉顯現山上影中如是展轉更相影現或 法自性住眞如性恆不捨離佛子譬如幻師善知幻 於 寶 無有雜亂種種諸法亦不壞滅佛子譬如日出繞須彌山照七寶山 如是一切菩薩悉知菩薩悉入是諸世界亦悉來入菩薩之身然諸 影 世 山不住於水亦不離水佛子菩薩摩訶薩亦復如是住此 間但此日影更相照現無有邊際體性非有亦復非無不住於 山 及 出七寶 界無所分別亦不壞於世界之相觀一 寶山間皆有光影分明顯現其寶山上所有日影莫不顯現山 山或說日影出七山間或說日影入七寶山或說日影入 卷四十 切法一相 術住四衢道作 無相亦不壞 五 7妙光廣·

界外。

当

世

界雜染世界清淨世界所因世界建立世界同住世界光色世界來

其

復 幻 國 時 本 屋 宅如是 事於 節。 皆 如是入此妙光廣大三昧現阿僧祇世界入一世界其阿僧祇世界 月一年百年隨其所欲皆能示現城邑聚落泉流河海日月雲雨宮殿 時 界無色 教化 狹 有 極 須 阿脩羅宮迦樓羅宮緊那羅宮摩睺羅伽宮種種莊嚴皆悉具足欲 小國 臾晝夜半月一月一 地水火風大海諸 短促故壞其所現日月年歲幻相明現本日不滅菩薩摩訶薩 衆生其諸國土所在方處無量 日中一須臾頃或現一 一切靡不具足不以示現經年歲故壞其根本一 界小千世界大千世界業行果報 於 中諸佛出與於 山城邑聚落園林屋宅天宮龍宮夜叉宮乾闥 歲百 世佛 歲成劫壌劫雜染國土清淨 日或現一 刹清 人衆悉皆充滿殊形異 夜或復現作七日七夜半 淨菩薩 死此生 衆 彼。 會 周 日 切世 而 圍繞。 國 一時不 間 趣種種 廣 神 所

差別入法 於虚空 外入虚 生於 薩 知 於 無 數諸 幻 亦 處 中修行然不捨此處而見在彼亦不捨彼處而見在此彼身此身無有 切世法悉亦如是同於幻化知法幻故知智幻知智幻故 業 復 而 無 作諸幻術不以幻地故壞於本地不以幻日故壞於本日菩薩摩訶 幻已起: 有其處菩薩摩 中能見能修 衆 佛處處出與彼諸如來所演說法其諸菩薩悉能領 如是於無國土現有國土於有國土 有以故[。] 生 界故常勤觀察無有休息不捨智慧無退轉故如 現有衆· 於 虚空 幻 智觀 生無色現色色現無色初不亂後後不亂初菩薩 世間無差別故住於 切世間種種差別妙莊嚴業於 訶薩亦復如是不於虛空外入世間亦不於世 切 業。 如 世幻 者不於處外而 世 現無國土於有衆生 間 亦住虚 空菩薩 念頃悉能 現其幻亦不 受亦見自身 有 知業 幻 現無衆 摩 師 幻。 隨 訶 於 知

世間皆 與彼 南無三滿哆沒馱喃阿鉢囉帝喝多折折捺彌唵雞彌雞彌 大方廣佛華嚴經卷第四十 妙 於彼岸心不計我能入於法亦不於法而有錯亂是爲菩薩摩訶薩第二 達心無邊際如諸如來住如幻智其心平等菩薩摩訶薩亦復如是知諸 數思惟諸法悉皆如幻不違幻世盡於幻智了知三世與幻無別決定通 無數世界若成若壞亦知諸劫相續次第能於一念現無數劫亦不令其 一念廣大菩薩摩訶薩得不思議解脫幻智到於彼岸住於幻際入世幻 光明大三昧善巧智 誦 幻 華 事同住而於幻事亦無迷惑菩薩摩訶薩亦復如是知一 補闕眞言 悉如幻於一 盔 卷四十 切處皆無所著無有我所如彼幻師作諸幻事雖不 一九 怛塔葛塔喃 (1-10t) 切法到

末瓦山矴鉢囉帝烏怛摩怛摩怛塔葛塔喃末瓦吽癹莎訶

普光再會大法重宣高超十聖與二賢等覺義幽玄心月孤圓究竟離言

詮

華嚴字母衆藝親宣善財童子得眞傳秘密義幽玄功德無邊唱誦利人

天

伽)强擎蛩劬翹○其芹乾禽鍼裘伽唱伽字時普願法界衆生入般若

波羅密門

吒○張徵中豬朝梩知珍儃砧詀輈吒唱吒字時普願法界衆生入般若

波羅密門

拏❶孃籛醲袽嬈摨尼級然誑諵羺拏唱拏字時普願法界衆生入般若

波羅蜜門

波

四生九有同登華藏玄門八難三塗共入毘盧 性 海

南無華嚴海會佛菩薩写 我稱 等願 與以 衆此 生功 皆德 共普 成及 佛於 道一

音釋

若云 視見 攀 也也 下音 恚 援扳 者靜 切處 也音 上引 奢摩他姓 恨胃 也也 也怒 自 衢 膝 達音 節音 云語 道渠 也悉 止也 也四 胚 那伽慧系 奢 恣 摩音 意音 他賒 也資 奢 縦 霆 筧 雨音 也音 龍伽 此 摩納婆雖 也往 尋密 大 也求 奮 繒 帛音 也音 也云 也情 動糞 儒 繒 也舒 阿 迅 蘭 速音 也信 若 也梵 覲

此語 近音

一 (二二0九)

唐于闐國三藏沙門實叉難陀譯

或億年入或百千億年入或百千那由他億年入或一劫入或百劫入或 此三昧或刹那入或須臾入或相續入或日初分時入或日中分時入或 佛子云何爲菩薩摩訶薩次第徧往諸佛國土神通三昧佛子此菩薩摩 或無等劫入或不可數劫入或不可稱劫入或不可思劫入或不可量劫 百千劫入或百千那由他億劫入或無數劫入或無量劫入或無邊劫入 五日入或牛月入或一月入或一年入或百年入或千年入或百千年入 日後分時入或夜初分時入或夜中分時入或夜後分時入或一日入或 訶薩過於東方無數世界復過爾所世界微塵數世界於彼諸世界中入 十定品第二十七之二

種種 分别· 僧 數等衆生見無量佛過阿僧祇世界微塵數於彼一 佛 菩薩於彼不生分別心無染著不作二不作不二不作普不作別雖離 入或不可說劫入或不可說不可說劫入若久若近若法若時種種不同 子云何爲菩薩摩訶薩淸淨深心行三昧佛子此菩薩摩訶薩知諸佛身 訶 切種種寶而作供養以一切種種莊嚴具莊嚴經行處而作供養以一 派 ·周行照曜晝夜不住日出名晝日沒名夜晝亦不生夜亦不滅菩薩摩 薩 子是爲菩薩摩訶薩第三次第徧往諸佛國土神通大三昧善巧智佛 佛 一妙香而作供養以一切種種妙華而作供養以一切種種蓋 於無數世界入神通三昧入三昧已明見爾所無數世界亦復如是 而以神通方便從三昧起於一切法不忘不失至於究竟譬如日 刹 而作供養以超過一 切世界一 切上妙莊嚴具而作供養散 諸如來所以一 大如阿 切 切

從池生 供 養。 望 亦 佛 諸佛廣大功德入於諸佛所入大悲得佛平等無礙之力於一念頃 來出與於世及涅槃相諸佛有相及以無相皆是想心之所分別佛子 可穢汙非有體非無體非有味非無味以因緣故而現水相爲識所了。 動 無數 似 復如是終不分別如來出世及涅槃相佛子如日中陽燄不從雲生不 所勤求妙法然於諸佛出與於世入般涅槃如是之相皆無所得如散 心了別所緣心起不知何所緣起心滅不知何所緣滅此菩薩摩 諸 水 切佛刹種種上妙諸供養具能以神力普皆攝取而作供養於彼 不處於陸不住於水非有非無非善非惡非淸非濁 而 一妙摩尼寶藏而作供養以佛神力所流出過諸天上味飮食 如來所恭敬尊重頭頂禮敬舉身布地請問佛法讚佛平等稱揚 興 水想近之則無水想自滅此菩薩摩訶薩亦復如是不 不堪飲漱 而 訶 遠 切

Z

亦清 第 次 次 薩 爲菩薩摩 曉 有 第 中 第 一昧名爲清淨深心行 知 訶 人從睡得寤憶所夢事覺時雖無夢中境界而能憶念心不忘失菩薩 過 中 淨然大智炬長諸佛 中 切 薩 說法 一次第佛子此菩薩摩訶薩得如是無邊次第智故則知過去諸佛 諸 道場衆會莊嚴 伏 去莊嚴藏 亦復如是入於三昧 次第調伏次第 刹 訶 薩第 次第說法次第 次第。 四清 刹 三昧佛子此菩薩摩訶 次第 淨深 菩薩摩訶薩於此三昧入已而起起已不失譬如 中諸 中諸 種無畏具足辯才不竭開 切諸佛國土無量義 中諸心樂次第心樂次第中諸根次第根 心行大三昧善巧智佛子云何爲 見佛聞法從定而 佛壽命次第壽命 劫 次第。 劫 薩能 次 第 中諸佛 趣 起憶持不忘而以 知過去諸佛出現所謂 逐得明達。 次第 示演說甚深法藏是 出現次第二 中 知 億 那 菩 切 佛 薩 法 此 由 他 摩 門 法開 出 年 劫 訶

歲數量·

諸 則 心則知過去諸解則知過去諸衆生則知過去諸煩惱則知過去諸儀 知 過去諸利的 則知過去法門 則知過去諸劫則知過去諸法則知過去

入無邊劫能入無等劫能入不可數劫能入不可稱劫能入不可思劫能 入千劫能入百千劫能入百千億那由他劫能 則 知過去諸清淨佛子此三昧名過去清淨藏於一念中能入百劫能 入無數劫能入無量劫能

入此三昧不滅現在不緣過去佛子彼菩薩摩訶薩從此三昧起於如來 入不可量劫能入不可說劫能入不可說不可說劫佛子彼菩薩摩 訶

等了知三輪淸淨何等爲十一者辯不違義二 所受十種不可思議灌頂法亦得亦清淨亦成就亦入亦證· 一者說法無盡三者 亦滿亦持平 訓 詞

失四者樂說不斷五者心無恐畏六者語必誠實七者衆生所依八者救 脫三界九者善根最勝十者調御妙法佛子此是十種灌頂法若菩薩入

二二五

衆備 薩摩 可量名不可說名當出現於世當利益衆生當作法王當與佛事當 同。 切 薩 菩薩摩 此三昧從三昧起 當讚善義當說白分義當淨治諸惡當安住功德當開示第 所 劫中所有諸佛若已說若未說若已授記若未授記種 智光明藏三昧佛子彼菩薩摩訶薩住此三昧能知未來一切世 圓滿莊嚴集圓滿功德 頂位當成 一 訶薩亦復如是從此定起於如來所一念則得此十種法佛子是名 無數名無量名無邊名無等名不可數名不可稱名不可思名不 訶薩第五知過去莊嚴藏大三昧善巧智佛子云何爲菩薩 切智彼諸如來修圓滿行發圓滿願入圓滿智有圓 無間則得如歌羅邏入胎藏時於一念間識則託 悟圓滿法得圓滿果具圓滿相成圓滿覺彼 種名號各各不 義 說福 界。 諦當 摩 生。 菩

如

來名姓種族方便善巧神通變化成熟衆生入般涅槃如是

切皆

入閻浮提微塵數劫入四天下微塵數劫入小千世界微塵數劫入中千 悉了知此菩薩於 界微塵數劫入大千世界微塵數劫入百佛刹微塵數劫入百千佛刹 念中能入 劫百劫千劫百千劫百千億那 由他劫。

量 微塵數劫入百千億那由他佛刹微塵數劫入無數佛刹微塵數劫入 世 數佛刹微塵數均入不可稱佛剎微塵數劫入不可思佛剎微塵數劫入 |佛刹微塵數劫入無邊佛刹微塵數劫入無等佛刹微塵數劫入不可

微 不可量 塵數 心復入十種持門何者爲十所謂入佛持故得不可說佛刹微塵數諸 |佛刹微塵數劫入不可說佛刹微塵數劫入不可說不可說佛刹 劫。 如是未來一切世界所有劫數能以智慧皆悉了知以了 知故

勝諸願入力持故無能暎蔽無能摧伏入智持故所行佛法無有障礙

佛護念入法持故得十種陀羅尼光明無盡辯才入行持故出生圓滿殊

(१।।। ४)

子菩薩 大悲持故轉於不退淸淨法輪入差別善巧句持故轉一切文字輪淨 佛 氣 行常不休息入善友力持故令無邊衆生普得淸淨入無住力持故入不 切 相善巧知不可說不可說同異業報善巧知不可說不可說精進諸根習 可 可說不可說廣大劫入法力持故以無礙方便智知一切法自性淸淨佛 出現種族時節現相說法施爲佛事入般涅槃善巧知不可說: 說刹善巧 法門地入師子受生法持故開法關鑰出欲淤泥入智力持故修菩薩 相續差別諸行善巧知不可說不可說無量染淨種種思惟善巧知不 不 摩 可 ·說法種種義無量文字演說言辭善巧知不可說不可說 訶 薩住此三昧已善巧住不可說不可說劫善巧住不可說不 知不可說不可說種種衆生善巧知不可說不可說衆 切神通無量變現佛子譬如 不可 生異 種種

無邊

智慧門善巧知不可說不可說一

得住無礙 者願不空隨所念衆生令作勝供養成就諸願故八者善巧法不空皆令 成熟故三者同住不空令諸衆生心調伏故四者發起不空令諸衆 空何等爲十一者見不空令諸衆生生善根故二者聞不空令諸衆生得。 那 有目之人悉得明見佛子日光平等無有分別而能令目見種種相此大 世間所有村營城邑宮殿屋宅山澤鳥獸樹林華果如是一 中方便開 近不空於不可 言而作通達 三昧亦復 由他差別之相佛子此菩薩摩訶薩如是了知時令諸衆生得十種不 解 示一切智行令住佛道故十者出現不空現無邊相令 如是體性平等無有分別能令菩薩知不可說不可說百千億 脱清淨智故九者雨 說不可 切諸法義故五者行不空令無邊世界皆清淨故六者 說佛刹諸 法雨不空於不可說不可說諸根衆 如來所斷 不可說 不可說衆生 切種種諸物 疑故。 切衆 生 生 如

(二二九)

0

昧。 羅 佛 明 闥 頂 佛 皆 禮諸龍王衆與大香雲諸夜叉王頂禮其足阿脩羅王恭敬供養 王前 亦見諸 所有 悉亦 佛子此三昧何故名了知一切世界佛莊 藏大三昧善巧智佛子云何爲菩薩 婆王常來親近諸人王衆承事供養佛子是爲菩薩摩訶薩第六智光 一蒙照故佛子菩薩摩 次第入東方世界能次第入南方世界西方北方四維上下所有 會雲集衆會淸淨衆會廣大衆會一 如是能力 後圍繞諸梵天王 遊戲亦見諸佛廣大威德亦見諸佛最勝自在亦見諸佛大師 佛所修諸行。 次第入皆見諸佛出與於世 亦見諸佛種種莊 ·悉來勸請緊那羅王摩睺羅伽王咸共稱讚乾 訶薩住此三昧得十種不空時諸天王衆皆 摩 相衆會多相衆會處所衆會居 嚴亦見諸佛神足變化亦見諸 訶薩了知 亦見彼佛 嚴佛子菩薩摩訶 切世界佛莊嚴一 切神力亦見諸 薩 住此)迦樓 世

可稱佛 微塵數佛刹亦見衆會充滿不 數佛刹亦見衆會充滿無邊佛刹微塵數佛刹亦見衆會充滿無等佛 刹。 會充滿 亦見衆會充滿不可說不可說佛刹微塵數佛刹亦見諸佛於彼衆 亦見 ·衆會充滿阿僧祇佛刹亦見衆會充滿|百佛刹微塵數佛刹亦見衆 亦見衆會量等三千大千世界亦見衆會充滿百千億那 滿 等閻浮提亦見衆會等四天下亦見衆會等小千界亦見衆會等中千 衆 千佛刹微塵數佛刹亦見衆會充滿百千億那由他佛刹微塵數佛 會成熟衆會調伏衆會威德如是一 泉會充滿無數佛刹微塵數佛刹亦見衆會充滿無量佛刹 **利微塵數佛刹亦見衆會充滿不可思佛刹微塵數佛刹亦見衆** 不可量佛刹微塵數佛刹亦見衆會充滿 可數佛刹微塵數佛刹亦見衆會充滿 切悉皆明見亦見衆會其量 不 可說佛刹微塵數佛 由 他佛刹。 微 刹 會 塵

所執 如是 普入諸力亦自見身普入眞如亦自見 亦 亦 種自在種種形量種種事業菩薩摩訶薩亦見自身往彼衆會亦自見身 道 無有疲倦亦自見身普入諸智亦自見身普知諸義亦自見身普入諸 在 身業 自 自 被 場 名字 中示 見 見 見 著佛子菩薩摩訶薩見佛無量光色無量形相圓滿成就平等清 說 身普入諸趣亦自見身普知方便亦自見身普住佛前。 身住於法身亦自見身不生染著亦自見身不住分別。 法亦自見身受持佛語亦自見身善知緣起亦自見身住 不 執著 現種種 不 不 滅。 菩 分別 心不執著意譬如諸法 相種種 薩 國 摩訶 土不分别衆生 薩 時種種國土種種變化種種神通種種莊 亦 復如是不捨 不分別! 净普入無諍亦自見身普入諸 不 分别自性不 於 佛。 不分別 行 隨 世所作 法。 分别音聲 不 執著身 而 於 亦自 亦自 此二無 而 在 見身 見身 自 不 虚 嚴· 執 地。 種

嚴 經 卷四十一

量或見佛身小千界量或見佛身中千界量或見佛身大千界量或見佛 如 是乃至一百肘量一千肘量或見佛身一俱盧舍量或見佛身半由旬量 或見佛身百千億那由他大千世界量或見佛身無數大千世界量或見 身百大千世界量或見佛身千大千世界量或見佛身百千大千世界量 千由旬量或見佛身百千由旬量或見佛身閻浮提量或見佛身四天下 或見佛身一由旬量或見佛身十由旬量或見佛身百由旬量或見佛身 量九肘或見佛身其量十肘或見佛身二十肘量或見佛身三十肘量如 作大青摩尼寶色或見佛身其量七肘或見佛身其量八肘或見佛身其 或見佛身作金剛色或見佛身作紺靑色或見佛身作無邊色或見佛身 一一現前分明證了或見佛身種種光明或見佛身圓光一尋或見佛身 、盛日色或見佛身微妙光色或見佛身作淸淨色或見佛身作黃金色

浮提 著無有障礙上妙淸淨佛子菩薩如是見於佛身而如來身不增不減譬 量等于法界於法界中無所不照普令發起無上智慧又見佛身無有染 身亦復如是見大之時亦無所增見小之時亦無所減佛子譬如月輪閻 如虚空於蟲所食芥子孔中亦不減小於無數世界中亦不增廣其諸佛 見諸如來無量色相無量形狀無量示現無量光明無量光明網其光分 可說大千世界量或見佛身不可說不可說大千世界量佛子菩薩如是 世界量或見佛身不可數大千世界量或見佛身不可稱大千世界量或 佛身無量大千世界量或見佛身無邊大千世界量或見佛身無等大千 亦復如是住此三昧隨其心樂見諸佛身種種化相言辭演法受持不忘 見佛身不可思大千世界量或見佛身不可量大千世界量或見佛身不 人見其形小而亦不減月中住者見其形大而亦不增菩薩摩 訶

華 嚴 經 卷四十一

諸如來住不二法四者同諸如來觀察三世無量境界皆悉平等五者同 魔軍速斷衆生疑令生歡喜速隨勝解示現神變速以種種妙法言辭淨 以法 同諸如來永絕二行住無諍法八者同諸如來敎化衆生恆不止息九者 去來今一切諸佛平等善根二者同諸如來得無邊際智慧法身三者同 諸 淸 訶 清淨菩薩摩訶薩亦復如是不離於此甚深三昧所見淸淨佛子菩薩摩 而 世間佛子此菩薩摩訶薩復得十種法印印一切法何等爲十一 如來得了達法界無礙境界六者同諸如來成就十力所行無礙七者 淨 薩住此三昧成就十種速疾法何者爲十所謂速增諸行圓滿大願速 如 國土速以平等智趣入十力速與一切如來同住速以大慈力摧破 光照耀世間速以方便轉於法輪度脫衆生速隨衆生業示現諸佛 來身不增不減佛子譬如衆生命終之後將受生時不離於心所見 者同

大

是能 尼寶以寶力故威光轉盛其釋天王初獲此寶則得十法出過一切三十 開 便門是無師者不由他敎自入一切佛法故是丈夫者能開悟一切衆 無二佛子若菩薩摩訶薩成就此了知一切世界佛莊嚴大三昧善巧方 同 切智門故是無異想者所言無二故是住法藏者誓願了知一 故是清淨者知心性本淨故是第一者能度脫一切世間故是安慰者能 三天何等爲十一者色相二者形體三者示現四者眷屬五者資具六者 二天菩薩摩訶薩亦復如是初始獲得此三昧時則得十種廣大智藏何 .曉一切衆生故是安住者未住佛種性者令得住故是眞實知者入一 |七者神通八者自在九者慧解十者智用如是十種悉過一切三十 雨法雨者隨衆生心樂悉令充足故佛子譬如帝釋於頂髻中置摩 如來於智善巧義善巧中能善觀察十者同諸如來與一 切佛法故。 切佛平等

切

者能 何等爲· 無能 淨 佛 令 淨。 衆 種 言佛子菩薩摩訶薩得此十種最淸淨威德身已能令衆生得十種圓滿 九者能 衆 切衆 種 生 名號 ·合衆生念所集業·七者能令衆生定心圓滿八者能令衆生入佛淸 聽 爲 生得十種圓滿已復爲衆生作十種佛事何等爲十所謂 見頂十者爲與衆生開示無量祕密法故發不可說不可說音聲語 成 聞於法四者能令衆 一十一者能令衆生得見於佛二者能令衆生深信於佛三者能令 生見聞之者皆不空故現不可說不可說種種無量清淨色相 熟衆 令衆 切佛所請問法故一 、生發菩 動世界作佛事爲令衆生離惡趣故以方便覺悟作佛事· 生 故以色形作佛事· 提 心十者能令衆 生知 步超過不可說不可說世界九者爲 有佛世界五者能令衆 爲調伏衆生 生 圓 滿佛智佛了 放以憶念作 子菩薩 生見佛 以音聲: 佛 事 摩 神變六 爲 訶 身 薩 令

爲令衆生不失念故以夢中現相作佛事爲令衆生恆正念故以放大光

以成正等覺作佛事爲令衆生知幻法故以轉妙法輪作佛事爲衆說法 明作佛事爲普攝取諸衆生故以修菩薩行作佛事爲令衆生住勝願故

知諸衆生起疲厭故佛子是爲菩薩摩訶薩第七了知一切世界佛莊嚴 不失時故以現住壽命作佛事爲調伏一切衆生故以示般涅槃作佛事

大三昧善巧智

大方廣佛華嚴經卷第四十一

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

普光再會大法重宣高超十聖與三賢等覺義幽玄心月孤圓究竟離言 二二五

詮

華嚴字母衆藝親宣善財童子得眞傳祕密義幽玄功德無邊唱誦利人

天

頗娑

云 ○○

滂思

潮思

绛蘇

秿甦

胞思

嶏思

披西

砑西

潘思

〇西

〇思

撑思

頗娑

唱類級

字時普願法界衆生入般

若波羅蜜門

容00 岡思 拖思

迦娑

公蘇 孤蘇 高思 該思 雞西 斤西

千思 今西 甘思 勾思 迦娑 唱迦娑

辛亦 珊亦 心亦 三亦 鞍亦 娑也 唱娑也 字 字時普願法界衆生入般 時普願法界衆生入般

若波羅蜜門

吞◎●

桑亦

僧亦

蝶亦

甦亦

臊亦

腮亦

西亦

波羅蜜門

波

四十二字妙陀羅字字包含義理多阿棳梵韻滿娑娑功德大法界沐恩

南無華嚴海會佛菩薩阿 釋 也菜 促 関 也聰 鑰 迫入 鏁音 也聲 器樂 近 開 漱 淤 口音 淤音 也搜 泥於 漱 穢 也水 我稱 中 淨音 等願 泥也位 與以 和音 不 衆此 土尼 邏 生功 皆德 也水 聲羅 肘上 共普 尺周 成及 佛於 爲上 映 道一 一聲 也音 肘二 隱映

歌 也明

紺 色應 也幹

青

芥

此 戒音

羅邏

云梵


凝語

滑也

第三頁環 作十 近行 水北 雲藏 棲本 本近 亦之 水則 字無 南

校異同

(11111)



(1111111)

唐于闐國三藏沙門實叉難陀譯

十定品第二十七之三

同身起人身入夜叉身起夜义身入龍身起龍身入阿脩羅身起阿脩 摩訶薩於此三昧內身入外身起外身入內身起同身入異身起異身入 地無所著是爲十佛子菩薩摩訶薩於此三昧云何入云何起佛子菩薩 著於一切菩薩願無所著於一切三昧無所著於一切佛無所著於一 佛子云何爲菩薩摩訶薩一切衆生差別身三昧佛子菩薩摩訶薩住此 三昧得十種無所著何者爲十所謂於一切刹無所著於一 一切劫無所著於一切衆無所著於一切法無所著於一 切方無所著。 切菩薩無所 切

身入天身起天身入梵王身起梵王身入欲界身起天中入地獄起地獄

種 中 入七寶· 入四 人間 中起。 切海 陀 生 起。 起。 衆 起。 尼 差别 穡樹 中起。 身入那由他身起閻浮提衆生衆中入西瞿陀尼衆生衆中起 天下 衆 起。 切 生 切 切 山 衆生衆 海 海 衆 東毗提訶 、間入餘趣起千身入一身起一 衆 林黑山中入一 中 四 火大中 生衆中 起。 中入北拘盧 水大中入一 種中 七 中起四下 寶 入無 衆 山 中 生衆中入三天下 入: 生法中起。 切海 切海 天下衆生衆中入一 衆 切妙香華寶莊嚴中起一 切海神衆 生 切 衆 風 地 地種 大中起 大 中起北拘盧 中 中起。 無生法中入妙高 起。 種 身入千身起那 衆 稼 穯 切 切 切 生衆中起三天下衆 衆 海 海 樹 海 切海差别衆 i神衆中入· 林 風 生衆中入東毗 地大中入 切妙香華寶莊 黑 大中入一 山中 山 中 由他身入 起。 生 起。 切四 切海 切海 衆 妙 生衆 提 中 切 水 起。

界衆生衆中起不可說世界衆生衆中入不可說不可說世界衆生衆中 生 起。 他三千大千世界衆生衆中入無數世界衆生衆中起無數世界衆生衆 中入無量世界衆生衆中起無量世界衆生衆中入無邊佛刹衆生衆 界衆生衆中入百千億那由他三千大千世界衆生衆中起百千億那由 世界衆生衆 中入一切四天下下方上方一切衆生受生中起一切四天下下方上方 一切衆生受生中入小千世界衆生衆中起小千世界衆生衆中入中千 一衆中入不可量 ·起不可稱世界衆生衆中入不可思世界衆生衆中起不可思世界衆 可數世界衆生衆中起不可數世界衆生衆中入不可稱 無邊佛刹衆生衆中入無等佛刹衆生衆中起無等佛刹衆生衆中入 中起中千世界衆生衆中入大千世界衆生衆中起大千世 一世界衆生衆中起不可量 世界衆生衆中入不可說世 世界衆生衆

M

力故 世 起自處 同 起。 世 處 清 起。 三昧亦復 念 佛身 爲 入刹 界微 淨衆生 不可說了 入眼處起鼻處 鬼所持。 而能 起前際入後際起後際入前際起前際入中際起 隆 中 入 一 入自身起 。 那 入他處起他處入自處起 !起行隨所作事皆得成就屍之與呪雖各差别而能! 衆 起。 不可 如是自身入定他身 其身戰動不能自安鬼不 刹 中起。 說 那入三世起真 微塵 海 淨 衆 世界衆生衆中入雜染衆生衆 入舌處起舌處入鼻處起身處 念入億劫起億劫入一念 中起聲聞入獨覺起獨覺 生衆中入雜染衆 起他身入定自身 如入言說 一微塵中入無數世界微塵中起 現身令他身然菩 起言 生衆 脱入真. 起同 起佛 入聲聞 中起眼處入耳處起 入意處起意處 中 念入別 起雜染衆 如 中際入前際起 薩 起。 起自身入佛 時 如 摩 佛 起。 和 死 訶 生衆 合成就 屍 薩 别 入身處 中 以呪 無數 住 時 如 此 有

之爲佛爲

世

(一三七)

大

菩薩 復 起 神 眞 光 嚴 耀。 輪 而 智 明·蒙 淨故得 得 通 如 證 得 故· 何 無差別 無 無 光 ·者爲十所謂得一切諸佛光明與彼 名 入故得眞實光明於 明 於 一 所作。 種 佛 所作了法無 訶 所加 薩住此三昧無量境界種種差別所謂 切見者是爲十佛子菩薩摩訶薩住此三昧復得十種光明 無 光明知 知法 所作。 切衆 毛孔中善說一 恆不息故得善思惟光明到一 何者爲十分 無滅 生光明悉往調伏故得無量無畏光明法 性無所作知業不壞無所作無差別智無所作 無所作隨順於文不壞於義無所作是爲 切 法無種種性故得方便光明於 所謂 切法離欲際 切故是爲十佛子菩薩摩 身業 無所作語 心平等故得偏 平等故得一 切佛 業 一入多起多入 自在岸故得 無所作意業無 切世界光明普能 訶薩 切法離 切世間 界爲場演 住此 佛 所 三昧。 欲際 切 神 照 變

善成就諸幻智地幻智即是菩薩菩薩即是幻智是故能於無差別 千萬以幻術力將諸軍衆同時走入藕絲孔中菩薩摩訶薩亦復如是已 之時諸天得勝脩羅退衂阿脩羅王其身長大七百由旬四兵圍繞 同 識 種諸色耳識所知種種諸聲鼻識所知種種諸香舌識所知種種諸味身 現種種差別形相呪與幻別而能作幻咒唯是聲而能幻作眼識所知 中入入中起如是皆是此之三昧自在境界佛子譬如幻師持呪得成能 入順起無身入有身起有身入無身起無相入有相起有相入無相起起 入異起異入同起細入麤起蟲入細起大入小起小入大起順入逆起逆 中入定異中起異中入定同中起佛子譬如三十三天共阿脩羅鬭戰 所 知種種諸觸意識所知種種境界菩薩摩訶薩住此三昧亦復如是 法中起差別法中入定無差別法中起佛子譬如農夫田中下 法中 無數 種

(一三九)

t

名為 羅 令彼次第成就受同異類種種果報菩薩摩訶薩亦復如是從一切智**歌** 成 子龍雖處下而雲布上菩薩摩訶薩住此三昧亦復如是於無相入有相 入定無中起佛子譬如龍宮依地而立不依虛空龍依宮住亦不在空而 種種子在下果生於上菩薩摩訶薩住此三昧亦復如是一中入定多 勝清淨藏此大宮中普見三千大千世界諸四天下天宮龍宮夜叉宮乾 起多中入定一中起佛子譬如男女赤白和合或有衆生於中受生爾時 說諸根不缺心意明了其歌羅邏與彼六根體狀各別以業力故而能 與雲徧滿空中有人仰視所見宮殿當知皆是乾闥婆城非是龍宮佛 於有相入無相起佛子譬如妙光大梵天王所住之宮名 邏位信解願力漸次增長其心廣大任運自在無中入定有中起 歌羅邏位從此次第住母胎中滿足十月善業力故一切支分皆得 切世間最 有

闥婆宮阿脩羅宮迦樓羅宮緊那羅宮摩睺羅伽宮人間住處及三惡道

種 須 種莊嚴盡大輪圍所有邊際乃至空中微細遊塵莫不皆於梵宮顯現。 彌 山等種種諸山大海江河陂澤泉源城邑聚落樹林衆寶如是一 切

岸。 自 種 刹。 如 一神通得種種智慧住種種利那際佛子此菩薩摩訶薩到十種神通 於明鏡見其面像菩薩摩訶薩住此一 在 何者爲十所謂到諸佛盡虛空徧法界神通彼岸到菩薩究竟無差別 見種種佛度種種衆證種種法成種種行滿種種解入種種三昧起種 一神通 彼岸到能發起菩薩廣 大行願入如來門佛事神通彼岸 切衆生差別身大三昧. 知 種

切世界一切境界悉令清淨神通彼岸到能自在知 一切衆 到能 生不

通彼岸到能勇猛 震 動 《果皆如》 幻化神通彼岸到能自在知諸三昧驫細入出差別 入如來境界而於其中發生大願神通彼岸到能 化 相 神

佛 劫不可稱劫不可思劫不可量劫不可說劫不可說不可說动不可說不 然能知諸世間知諸世間法知諸世界知億那由他世界知阿僧祇世 智佛子云何爲菩薩摩訶薩法界自在三昧佛子此菩薩摩訶薩於自。 門皆得淸淨神通彼岸到不假晝夜年月劫數一念悉能三世示 知 處乃至意處入三昧名法界自在菩薩於自身一一毛孔中入此三昧自 彼岸是爲十佛子是名菩薩摩訶薩第八一切衆生差別身大三昧善巧 知不可說 劫千劫億劫百千億那由他劫無數劫無量劫無邊劫 光明淸淨淳善無雜廣大莊嚴種種衆寶以爲嚴飾菩薩於彼或一 化轉法輪調伏衆生令生佛種令入佛乘速得成就神通彼岸。 ·可說佛刹微塵數世界見一切世 一切秘密文句而轉法輪令百千億那由他不可說不可說法 界中有佛出與菩薩衆會悉皆充 無等劫不可數 到能 現神通 劫 眼

華 嚴 經 卷四十二

說修治十千億菩薩淸淨佛子此菩薩摩訶薩復有無數功德無量功德 生十千億迴向淨治十千億菩薩正位明了十千億法門開示十 億菩薩藏照明十千億菩薩方便演說十千億諸義成就十千億諸願出 現十千億神變具足十千億菩薩 就十千億神力長養十千億諸力圓滿十千億深心運動十千億力持示 十千億清淨行獲得十千億諸根圓滿十千億神通能入十千億三昧成 亦入亦起亦成就世界亦調伏衆生亦徧了法界亦普知三世亦演說諸 分别盡其邊際菩薩如是善知見已能生起十千億陀羅尼法光明成就 別耳善分別鼻善分別舌善分別身善分別意如是種種差別不同悉善 可 說佛 亦現大神通種種方便無著無礙以於法界得自在故善分別眼善分 剎微塵數劫修菩薩行常不休息又於如是無量劫中住此三昧 無 礙圓滿十千億菩薩 助道積集十千 千億演

(1 | 図目)

世種 不可說 鼻爲說諸佛淸淨舌爲說諸佛無住心爲說如 入如來無邊秘 如 號諸佛之所攝受一一名號復有十千阿僧祇佛刹微塵數佛各各差別 上菩提令得如來清淨音聲開示如來不退法輪顯示 利為說諸佛無量身為說諸佛難思眼為說諸佛無量耳為說諸佛清 已成就佛子菩薩摩訶薩住此三昧為東方十千阿僧祇佛刹微塵數名 無邊功德無等功德不可數功德不可稱功德不可思功德。 東方南西北方四維上下亦復如是彼諸佛悉現其前 性示現 嚴皆已淸淨皆已瑩徹皆已攝受皆能出生皆可稱歎皆得堅固 功德無盡功德佛子此菩薩於如是功德皆已辦具皆已積集皆 如 密讚歎如 來無量色相闡揚如 來一 切善根令入如來平等之法宣說如 來護念之法演暢如來微妙法音辯 來無 上神通令修 如 爲現諸佛清 來無邊衆會 不 可量 如 來三 來 功 無 令 德。

海何者爲·

薩

以

明 切諸佛世界宣揚 切諸佛三昧示現諸佛衆會次第護持諸佛

美如來無量功德令入一切諸三昧雲令知其心如幻如化無邊無盡佛 思議法說一切法猶如幻化明諸法性無有動轉開示一切無上法輪讚

數名號如來一一名中各有十千阿僧祇佛刹微塵數佛同時護念令此 子菩薩摩訶薩住此法界自在三昧時彼十方各十千阿僧祇佛刹 微 塵

菩薩於 菩薩得無邊身令此菩薩得無礙心令此菩薩於 切法得決定慧令此菩薩轉更聰敏於一 切法皆能領受令此 切法得無忘念令此

菩薩 菩薩境界無礙周行法界恆不休息令此菩薩得無礙智畢竟淸淨令此 於 切法悉能明了令此菩薩諸根猛利於神通法悉得善巧令 此

神通力一 十所謂得諸佛海咸覩見故得衆生海悉調伏故得諸法海能 切世界示現成佛佛子菩薩摩訶薩住此三昧得十種

四

界修習法 修行 通 所 諸 圓 知 以 悉能 復得 天中最 Ŧi. 滿 故。 謂 礙。 者 得 故。 悉 慧悉了 無著 得諸願 諸 十種 八 諸 圓滿 示 現佛子菩 、者處處 行。 切世間無能暎蔽六者一切諸魔不能惑亂七者普入 爲 心 何等為 故得 知故得諸 力離諸垢染故 殊特。 殊 海· 勝。 海· 知 三者 何等為 悉使成 受 神通海能廣示 十。 薩 生 切衆 摩 於 刹 知 海以無性 謂 不 就 訶 十一者於一 生種種差 勇健 堅固。 几 薩 切 永清淨故佛子菩薩 得 謂 梵 力 現令 寂 九 王 如是十種殊勝已復得 静 調 者 無 中 别 最 伏 無量心 作 切衆生中最爲第一二者於 開悟故得諸根海種種不同 世間 於 切 極自 神 佛 通皆往詣故得功德海 切法無 故 故得諸行海能以願· 法 在。 皆 摩 四 謂 者於 得 訶 諍 精進 自 薩 論 十種 諸 在。 得 力 世 如是 万。 於· 五 者 恆 間 謂 諸 無 悉善 逆 退 衆 切 趣 種 所 力 切 神 生 無 海 悉 切

華 嚴 經 卷四十二

能

圓滿能

照明能具足能偏具足能廣大能堅固能增長能淨治能

衆

生

無能暎蔽力佛子此菩薩摩訶薩

於

如是

無量功德法能

生

能成

徧

菩薩 淨 正 光 慧廣大故八 智 方便善巧法門力清淨妙法力安住大勢一 深 覺力過 明力法 心力菩薩 一歡喜力出生菩薩淨信力增長菩薩勇猛 無邊 動力堅固力智慧力成就力勝定力清 切法心自在故六謂法性力於諸義 去積集善根力安住 燈力法門力無能壞力極勇猛力大丈夫力善丈夫修習力成 故佛 謂 殊勝深心力菩薩善根熏習力究竟諸法 無畏力能說諸法故九謂辯才力能持諸法故。 子此十種 力是廣大力最勝力。 無量善根力住 中得自在故七 淨力。 切世間不能傾動 力菩提心所生力菩薩清 如 來力力 無能摧伏力無量 極清淨力法身力 力無障 心思惟· 謂 無礙 十謂 力 力 礙 力善 開 身 增 切

大

說不 能了知 治。 起 成 成 有 無 所有建立 就 河。 若 就。 此菩薩 離。 住所有相狀所有示現所有行處所有等流所有自性所有除滅 邊際清淨邊際出離邊際法自在邊際無能說者此菩薩所獲得 所趣入所現前所有境界所有觀察所有證入所有淸淨所有了 出 於 無有垢穢光色淸淨猶如虛空其池四面各有一 미 象 說 縛 如是 無數無量無邊無等不可數不可稱不可思不可量不可說不可 功德邊際智慧邊際修行邊際法門邊際自在邊際苦行邊 芻 口 一切法門於不可說劫 一切三昧彼一一 中 河其四大河流出之時恆伽河 切靡不明見佛子譬如 出 恆 伽 河。 師 子口中 二昧所有境界無量廣大於境界中若 無能說盡佛子菩薩 出 私 無熱惱大龍王宮流出 陁河於牛口 口 流出銀沙私陀河 口 <u>一</u> 摩 中 訶薩 出信度河於 住 口 四 此三昧。 中流 河無 流 入 濁 岩 所 知。

私 金剛沙信度河口流出金沙縛芻河口流出瑠璃沙恆伽河口作白銀色 陀河口作金剛色信度河口作黃金色縛芻河口作瑠璃色一一河口

沙徧布其底種種摩尼以爲嚴飾無量妙寶莊嚴其岸栴檀妙香普散其 寶自然暎徹咸放光明互相照現其無熱池周圍廣大五十由旬衆寶 廣 華拘物頭華芬陀利華奇香發越妙色淸淨種種華葉種種臺藥悉是衆 **澒涌奔馳入於大海其河旋繞一一之間有天寶所成優鉢羅華波頭摩** 由旬其四大河既流出已各共圍繞大池七市隨其方面四向分流 妙

物接影連輝成光明網如是衆物若遠若近若高若下若廣若狹若蟲若 動香氣遠徹華林寶樹周而圍繞日光出時普皆照明池河內外一 優鉢羅 華波頭摩華拘物頭華芬陀利華及餘寶華皆悉徧滿微風 切衆

乃至極小一 沙 塵悉是妙寶光明鑒徹靡不於中日輪影現亦復展

菩薩摩 訶薩 復 薤 才流出諸行究竟入於一切智海如恆伽大河從銀色象口流 無 究竟入於緣起方便海如縛芻大河於瑠璃色馬口流出瑠璃沙菩薩 究竟入於無礙智海如信度大河從金色牛口流 淨白法究竟入於無礙智海如私陀大河從金剛色師子口流 轉 摩 熱 完完竟入於諸佛法海如四大河隨順圍繞無熱池已四方入海菩薩摩 如 更相現影如是衆影不增不減非合非散皆如本質而得明見佛子如 大池於 是。 亦復如是以無盡 訶 以訓詞 薩亦復如是以義辯才說 訶 薩亦復如是以法辯才爲 四 辯說隨順世 口中流出四河入於大海菩薩摩訶薩亦復如是從四 辯兩百千 間緣起方便開悟衆 ·億那 切如來所說 由他不可說法令其聞 切衆生說佛 生令皆歡喜調 出金沙菩薩摩訶薩 金剛 切義門出生 何· 引 者皆得 出銀 出金剛 出 伏成 二切清 金 沙菩 剛 亦 沙。

智爲前導語業智爲前導意業四方流注究竟入於一切智海佛子何 訶薩亦復如是成就隨順身業隨順語業隨順意業成就智爲前導身業

羅 名為菩薩 切波羅蜜行大悲說法滿足衆生如四大河圍繞大池於其中間優 華波頭摩華。 四方佛子所謂見一 ·拘物頭華芬陀利華皆悉徧滿菩薩摩 切佛而得開悟聞 切法受持不忘圓滿 訶薩亦復如是於

淨。 衆 提 如無熱大池寶樹圍繞菩薩摩訶薩亦復如是現佛國土莊嚴圍 生 心中間不捨衆生說法調伏悉令圓滿無量三昧見佛國土莊嚴清 趣 向菩提如無熱大池 其中縱廣五 十由旬清淨無濁 菩薩 繞令 摩 訶

量寶莊嚴其岸散栴檀香偏滿其中 薩亦復如是菩提之心其量無邊善根充滿清淨無濁如無熱大池以無 - 菩薩摩 訶薩亦復如是以百千億十

種智寶嚴菩提心大願之岸普散一 切衆善妙香如無熱大池底布金沙 (二五二)

住入於一 波羅 竟入於十力大海如四大河從無熱池旣流出已究竟無盡入於大海菩 議菩薩解脫種種法寶間錯莊嚴得一 澤 訶 種種摩尼間錯莊嚴菩薩摩訶薩亦復如是微妙智慧周徧觀察不可 切閻 智河大慈自 三者菩薩三昧智河無數三昧以爲莊嚴見一切佛入諸佛海四者 而爲莊嚴何者爲四一者願智河救護調伏一 虁 天人沙門 蜜 亦復如是永離一 浮提地 智河修菩提行饒益衆生去來今世相續無盡究竟入於諸佛 切甚深方便如 婆羅 既潤澤已入於大海菩薩摩訶薩亦復如是以四智河 在普救衆生方便攝取無有休息修行祕密 門令其普入阿耨多羅三藐三菩提智慧大海以四 切世間憂惱雖現受生而無染著如四大河潤 阿那婆達多龍王永離龍 切法無礙光明住於一切諸佛 切衆生常不休息二者 中所有熱惱菩薩 功德之門 潤

是常勤 薩 摩 切智海如四大河入於大海無能爲礙令不入者菩薩摩訶薩亦復 訶薩亦復如是以大願力修菩薩行自在知見無有窮盡究竟入於 修 習普賢行願成就一 切智慧光明住於一切佛菩提法入如 如

受持 菩薩 諸衆會亦無迫隘何以故以微妙心入無邊法界故入無等差別業果故 於 出 智 如是以普賢行願盡未來劫修菩薩行入如來海不生疲厭佛子如日光 時· 佛 中顯現其金沙等一 無 摩 信 刹 無 有障礙如四大河奔流入海經於累劫亦無疲厭菩薩摩訶薩亦復 微塵數諸佛如來亦見彼佛所有國土道場衆會一一 解供養各經不可說不可說億那由他劫而 熱池中金沙銀沙金剛沙瑠璃沙及餘一 訶薩亦復如是住此三昧於自身一一毛孔中悉見不一 切寶物亦各展轉而現其影互相鑒徹無所妨 切種種實物皆有日影 不想念時節長短其 佛所聽法 可說 不

入不 而 超 以 厭 普 而 雖能於定 定雖 離 雖 切 過 變 賢 切佛 亦 有 一菩薩 思議 不 化 無。 分 切 等入法 力普入無量衆 捨 所護念故得 菩薩 别 而 分別之地亦 行 三昧境 離 圓滿 菩薩諸地而皆已善入佛子 切所緣雖善 念入出而亦不 摩 衆 界· :境界故: 訶 而不得其邊 界故入不思議思惟境界故入一 一想雖深 薩 亦 生衆 切佛 不 拾於種 復 入 得 《中具足莊 知 如是。 刹 廢長時在定亦無所著雖於境界無所 大 雖 那際 神 切 無所住 雖 種諸 變故得諸 切 佛 普入一 法 而爲利益 無 嚴一 而 相。 勞倦神通 **譬如** 離 雖能 無有處 諸 切 切世界雖離 如 法 具足 世 虚 來難得難 想雖樂見 間・ 所· 切衆 空雖能容受一 力故佛子菩薩 方 而 而 切佛自 (便善巧) 離 恆趣 生現 世間 世 知十種· 佛 在境界故 間 入一 而 切 想。 顚 神 切諸 佛 究竟 雖 倒 切 通 摩 万故。 智道。 勤 分 依 而 無 訶 有 住·

才演無盡法句而心恆住離文字法雖樂觀察無言說法而恆示現淸淨 佛想雖善入種種三昧而知一切法自性皆如無所染著雖以無邊辯

音聲雖住一切離言法際而恆示現種種色相雖敎化衆生而知一 切法

住不變而以三輪調伏衆生恆不休息雖常安住如來所住而智慧淸淨 畢竟性空雖勤修大悲度脫衆生而知衆生界無盡無散雖了達法界常 心無怖畏分別演說種種諸法轉於法輪常不休息佛子是爲菩薩摩訶

薩第九法界自在大三昧善巧智

大方廣佛華嚴經卷第四十二

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽癹莎 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃 訶

四

普光再會大法重宣高超十聖與三賢等覺義幽玄心月孤圓究竟離言

詮.

華嚴字母衆藝親宣善財童子得眞傳秘密義幽玄功德無邊唱誦利人

天

云 O O 臧室 增室 宗束 租束 遭室 災室 資室 津室 籛瑟 浸室 簪瑟 陬室 左室 唱室 字時普願法界衆生入般

7波羅蜜

侘◎募僜蹱攄超搋絺獬脠琛覘抽侘唱侘字時普願法界衆生入般若

波羅蜜門

陀●唐滕彤圖韜駘醍田驒○曇骰陀唱陀字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

四生九有同登華藏玄門八難三塗共入毗盧性海

南無華嚴海會佛菩薩

Ξ

稱

音釋

隘 朴清 稼 也挨 也也 穡 狹去 敏 稼音 也聲 聰音 歛駕 陋 也閔 之色 瑩 頂 ^{日種} 定音 也洪 稿之 澒 切榮 大上 日 鬭 潔又 水聲 也縈 貌濛 也音 澒 競閗 縛 涌 也爭 芻 戰 河梵 溢音 芻語 也勇 也音 泉 惧佔 窓也 俞此 奔 也開 切云 奔本 退 青 走平 衂 也聲 出音 藻 血朒 內音 也鼻 蘂蕋 藕 也花 根骨 迫 也偶 荷 也音 淳 急百

也近 純音

第 十六頁 當元 作本 入諸 於流 第第 通 第十九三 行一 芻行 河陀 口河 莊第 下口 字十 南下 流一 藏南 通行 無藏 本寶 液無 有下 字流 莊藏 字 第 字本 無 藏第 作二 入行

為入

依於

唐北

校異同

五

(二三五七)

十定品第二十七之四

無礙身業無礙語業無礙意業住無礙佛國土得無礙成就衆生智獲無 佛子云何爲菩薩摩訶薩無礙輪三昧佛子菩薩摩訶薩入此三昧時住

唐于闐國三藏沙門實叉難陀譯

淨法輪得菩薩無礙自在普入諸佛力普住諸佛智作佛所作淨佛所淨 礙調伏衆生智放無礙光明現無礙光明網示無礙廣大變化轉無礙清

現佛神通令佛歡喜行如來行住如來道常得親近無量諸佛作諸佛事

紹諸佛種佛子菩薩摩訶薩住此三昧已觀一切智總觀一切智別觀

切智隨順一 切智於普賢菩薩廣大願廣大心廣大行廣大所趣廣大所入廣大光 切智顯示一切智攀緣一切智見一切智總見一切智別見

世 得善巧具足菩薩 明。 所 無 訶 置 廣 慧 散 薩 護念於諸 界安慰衆 大乘入於佛法 以爲 邊 色 大出 無亂常增進恆相續 幻 衣 無倦無羸 大誓願利 心 中。 現廣大護念廣大變化廣大道不斷不退無休無替 寶觀 法門。 衆 生深 其摩尼寶 生恆起大悲成就如來不變異法佛子譬如有人以摩尼 八法海為 無朽無散 不退不轉無疲無厭佛 盆 神通變化善能護念一切衆 大方便海以勝願力於諸菩 切智普皆明現然不捨於菩 切衆 雖 同衣 何以故此菩薩摩 生度脫 淨衆生界現大自在給施衆生 無壞無變無異無有差別不捨自性 色不捨自性菩薩 切衆生承 子譬如它 訶薩於諸法中成就大願發 生如 薩 所行 事 薩諸行何以故菩薩 摩 虚空持衆 去來 訶 切諸 之行。 薩 亦復 个一 一普照 佛嚴淨 世 智慧明照皆 1無倦無 界岩 切諸 如 何以故。 世間 是。 成 成 佛之 切 就 捨

無厭

虚 無厭倦佛子譬如涅槃去來現在無量衆生於中滅度終無厭倦何以故 |空自性法應爾故菩薩摩訶薩亦復如是立無量大願度| 一切衆生心

是爲欲度脫一切衆生皆令出離而現於世云何而起疲厭之心佛子如 切諸法本性淸淨是謂涅槃云何於中而有厭倦菩薩摩訶 薩亦復

薩婆若能令過去未來現在一切菩薩於諸佛家已現當生乃至令成 |菩提終不疲厭何以故一切智與法界無二故於一切法無所著故 菩

薩摩 薩 訶 訶薩亦復如是其心平等住一切智云何而有疲厭之心佛子此 薩有 蓮華其華廣大盡十方際以不可說葉不可說寶不可 菩

常放衆色光明普照十方一 而爲莊 嚴其不可說寶復各示現種種衆寶清淨妙好極善安住其 切世界無所障礙眞金爲網彌覆其上寶鐸

出微妙音其音演暢 切智法此大蓮華具足如來清淨莊嚴 切

四

現百 百 億 相 上一一摩尼寶悉現百萬億那由他不可說佛刹微塵數樓閣一一 百 身一一毛孔各出百萬 薩 衆 善根之所生起吉祥爲表神力所現有十千阿僧祇清淨功德菩薩 之所成就一 萬 那 以爲莊嚴無量功德之所成就衆寶及華以爲羅網彌覆其上散百千 於 生見者無不禮敬從能了幻正法所生一切世間不可爲 億 億 此華上結 萬 由 那 億 他 那 殊勝 那 由他不可說佛刹微塵數光明一 由他不可說佛刹 切智心之所流出十方佛影於中顯現世間瞻 由他不可說佛刹微塵數蓮華藏師子之座一一 妙香 跏趺坐其身大小與華相稱一切諸佛神力所加令菩 1無量 億那 色相種種莊嚴復現不思議寶莊嚴蓋 微塵數摩尼寶其寶皆名普光明藏種種 由他不可說 佛刹微塵數光明一一光明現 光明現百萬億那 喻菩薩 仰猶如佛塔。 師 由他 以覆 子座 樓閣・ 摩 妙 現 薩 色 道 訶

華 巌 經 卷四十三

微 微 微塵數衆 入法輪差別言辭各別演說一 億 尼 光 不 雨 可) 塵數 塵 寶華。 可 百 明 說佛刹微塵數色相一一色相現百萬億那由他不可說佛刹微塵數 那 製法門。 說佛 萬億那由他不可說佛刹微塵數佛法一一佛法有百萬億那由他 生衆中現百萬億那由他不可說佛刹微塵數諸佛自在一一 由他 《生界 一一 | 刹微塵數修多羅一一 不可說佛刹微塵數佛一一 華 光明輪現百萬億那由他不可說佛刹微塵數毗盧遮那摩 現百 一神變淨百萬億那由他不可說佛刹微塵數衆生衆 法門有百萬億那由他不可說佛刹微塵數金剛智所 萬億 衆生界有百萬億那由他不可說佛刹微塵數衆 那 由他不可說佛刹微塵數臺一一 法輪成熟百萬 修多羅說百 佛現百萬億那由他不可說 萬億那由他不可 . 億那由他不可 臺現百 說佛刹 說佛刹 自在· 佛 刹

(二二大三)

大

來種 如 所 便 世 所 由 於 變化。 稱歎。 廣 境界 蓮華自性淸淨衆生見者皆生歡喜咸得利益智光普照見無量佛 調 他 佛 明 流出入於一 燈行於 悟。 伏。 法 性 無礙際中 悉知 於 猶如虛空善能觀察衆聖境界信行願力堅固不動功德無 如是 無有障礙入智種性出生諮智離世生法而現受生神通變化 心 中而得調伏佛子菩薩摩訶薩住此三昧示現如是神通境界無 不 迷亂 切佛所觀之藏大菩提處 智眼所知境界廣能開示微妙法門成菩提 如 切諸佛境界體性如實淨眼現證慧眼普見成就佛眼爲 切無非善巧功德解 幻而不染著安住無邊不可說 亦無分別爲去來今一 無去無來非先非後甚深無底現量所得以智自入不 欲 悉皆清淨最 切智 切諸佛之所稱讚從諸佛力之 海集衆妙寶爲大智者 法自性清淨法界實相 極微 心。 妙具足圓 趣 心勝丈夫於 盡 世 如

切正 隨順 證菩提猶如虛空無有邊際無所縛著於諸世間普作饒益 得出生具菩薩智爲菩薩首一切諸佛共所護念得佛威神成佛法身念 有分別智慧境界不可窮盡志常勇猛心恆平等見一切佛功德邊際了 能廣說種種諸法隨諸衆生心樂欲解悉使調伏咸令歡喜法界爲身無 力難思於境一緣而無所緣其行廣大無相無礙等于法界無量無邊所 在威神衆生難聞菩薩悉知入不二門住無相法雖復永捨一 根所流悉能通達無量境界已善成就清淨施法住菩薩心淨菩薩種能 切劫差別次第開示 切法所行寂靜於諸佛法究竟無礙恆以方便住佛菩提功德行中而 法光明演去來今 生諸佛菩提於諸佛法皆得善巧具微妙行成堅固力一 切法安住一切刹嚴淨一 切佛法示諸菩薩所住之處爲世明燈生諸善 切諸佛國土顯現 切諸相不 切智海善 切諸佛自 而

(一一大五)

薩 照 礙。 根。 來諸佛之數從諸善友而得出生所有志求皆無不果具大威德住增 深入佛 身語 隨所 所修諸 水離 不捨諸行離諸分別於一 切佛法不壞諸 訶 諸 切 意業皆悉無邊雖隨世俗演說種種無量文字而恆不壞離文字 聽 薩 世 以 海知一 間常 智。 聞 地 行從法界生猶 知種 此開示 觀十力地以智修學智爲橋梁至薩婆若以智慧眼 成能善說亦爲開示聞法善根住實際輪於一 生佛所得佛智慧明了第一一 種義。 切法但有假名於諸境界無緊無著了一 有而生其中了知一 切如來無差別性此是無礙方便之門此能 一一法門 如虛空無相無形深入法界隨順演 切法 悉得明了所有大願靡不成就佛子 心無動念得智慧明滅諸癡闇 切諸有境界從本已 切諸佛皆共攝受已入未 切法空無所 切 」來無有 說。 法 見法 於一 悉能 心無障 境 動 明

說種種智慧觀察雖知諸法無有眞實而說出離眞實之道雖知諸法畢

菩薩衆會此法唯是三昧境界此能勇進入薩婆若此能開顯諸三昧

雖知諸法皆無所作而能示現一切作業雖知諸佛無有二相而能顯示 此能無礙普入諸刹此能調伏一切衆生此能住於無衆生際此能開示 諸想雖知無行而演說諸行雖知無識而演說諸識恆以法輪開示 切諸佛雖知無色而演說諸色雖知無受而演說諸受雖知無想而演 切佛法此於境界皆無所得雖一切時演說開示而恆遠離妄想分別。

切。雖 淨言辭雖知諸法無內無外而說 知諸法無上中下而能宣說最上之法雖知諸法不可言說而能演說淸 有生滅而說一 知法無生而常轉法輪雖知法無差別而說諸差別門雖知諸法無 切生滅之相雖知諸法無蟲無細而說諸法蟲細之相 切內外諸法雖知諸法不可了知 而 雖

0

竟無盡· 身· 諸 削 善 知諸 雖 無 現 而 定 集 廣 際・ 有 而 知 知 諸 廣 說 而廣 識。 法畢 因。 境 種 說 現在。 雖 色。 雖 法 說 M 一世之法雖 能演 竞 說 知 無有 而 雖 法 知 廣宣 身。 知 諸 雖 過 法 無 去雖 出 法 雖 知 師・ 說盡諸有 法 無 ·無見而廣於 無有等 離 諸 而常 說 知 轉・ 而說清 智慧 知諸 法無有作者· 知 而 世諸 尊敬 諸 轉 境 法無有所依· 此· 法 法 漏。 說諸見雖知 淨 無有後際 界。 佛 輪。 雖 而 諸 雖 切師 知諸 無 說 雕 出離行。 知 而 邊· 平 知 諸 等 而 說 法 長。 法 能 法 知 而 不 諸 而廣 無 雖 無違無諍然 雖 無有 法 作業。 演 說 45 起· 知 無相· 依善 知諸 說 說未 等 諸 而 差 唯 法不 道。 雖 示 法 有 別 知諸 而 法 雕 來。 諸 水 說 而 知諸 而 雖 亦不 因 由 來常 種種 說 佛。 得 緣。 法 知 他 行 出 雖 法 無 諸 悟而常 雖 無自 住而 果 離。 相。 知 有因 無 法 知 種 雖 法 雖 他差 有 無 諸 說 種差 知 無 知 緣· 有 法 尊 諸 色· 法 說· 而 中 無 敬 剔。 切 別。 而 無 而 說 際。 有 雖

諸流轉法雖知諸法無有照明而恆廣說照明之法佛子菩薩摩訶薩 如是大威德三昧智輪則能證得一切佛法則能趣入一 切佛法則能成

應。 就。 則能圓滿則能積集則能清淨則能安住則能了達與一 而此菩薩摩訶薩不作是念有若干諸菩薩若干菩薩法若干菩薩究 切法自性

别 證 竟若干幻究竟若干化究竟若干神通成就若干智成就若干思惟若干 勝 故此三昧種種境界種種威力種種深入所謂入不可說智門入離 入若干趣向若干境界何以故菩薩三昧如是體性如是無邊如是殊

大智入見無邊佛勝妙藏入於境界不休息入淸淨信解助道法入諸根 莊嚴入無邊殊勝波羅蜜入無數禪定入百千億那 由他 不 可說廣

入住那羅延妙智身入說如來智慧海入起無量種自在神變入生 利大神通 入於境界心無礙入見一 切佛平等眼入積集普賢勝志行 切

猛

(二)大九)

薩摩 切諸 成就 佛境界莊嚴前際何以故知一 普門智入普知法界一切微細境界入普現法界一切微細境界入一 如 法 殊 佛 如意 切衆 薩摩訶薩亦復如是入此三昧知心如幻出生 勝智光明入一 界 無 無邊故知 |佛辯才所說境界不可說無邊故知一切幻心所緣法無量 盡智門入住 訶 切處徧行道入善住一切差別三昧入知 珠隨有所求 生界不思議故知前際無始故知未來無窮故知現在盡虛空徧 薩住普賢行念念入百億不可說三昧然不見普賢菩薩三昧 切自在邊際入一切辯才法門際入徧法界智慧身入 切諸佛境界不 一切佛現前境界入淨普賢菩薩自在智入開示無比 切皆得求者無盡意皆滿足而 切法究竟無盡故知 可 思議故 知一 切菩薩行無數 切諸法境界周徧 切諸佛心佛子此菩 切佛刹無邊故。 珠勢力終不 放佛 故。 匱 知 切 知

境猶如影像無增減故佛子譬如凡夫各別生心已生現生及以當生無 盡 不匱不息何以故菩薩摩 訶薩成就普賢無礙行智觀察無量廣大幻

有邊際無斷無盡其心流轉相續不絕不可思議菩薩摩訶薩亦復如是 入此普幻門三昧無有邊際不可測量何以故了達普賢菩薩普幻門無

軸 量法故佛子譬如難陀跋難陀摩那斯龍王及餘大龍降雨之時滴 無 有邊際雖如是雨雨終不盡此是諸龍無作境界菩薩摩 訶 薩亦復 如車

是住此三昧入普賢菩薩諸三昧門智門法門見諸佛門往諸方門心 門加持門神變門神通 門幻化門諸法如幻門不可 說不可說諸菩

充滿門親近不可說不可說佛剎微塵數如來正覺門入不可說不可

薩

自

如

說 廣 體 性 無體 幻 性世界門知不可說不可說衆生想門知不可說不可說時 網門知不可說不可說差別廣大佛刹門知不 可說不 可說有

M

賢行願未決定者而得決定安住普賢智慧之門以無量方便入不可說 退捨爲 差別 世 可 無窮 隨所有緣於爾所時火起不息菩薩摩訶薩亦復如是觀察衆生界法界 未曾休息示現無量不可說不可說色相身無有斷絕何以故譬如 刹 不息無退無失於諸法中不住非處恆正思惟不沉不舉求一切智常無 界猶 數佛所一一 門於一念中皆如實知如是入時無有邊際無有窮盡不疲不厭不斷。 衆 盡時示成佛道無有邊際調伏衆生恆無廢捨常勤修習普賢行願 門知不可說不可說世界成壞門知不可說不可說覆住仰住諮 生 一切 如虛空無有邊際乃至能於一念之頃往不可說不可說佛刹 界出家爲道勤修善根究竟淸淨令不可說不可說菩薩 佛刹照世明燈轉不可說不可說法輪以妙辯才諮問如來 佛所入不可說不可說一 切智種種差別法令不可說不 於普 然火 佛

華 嚴 經 卷四十三

善根。 著 思 諸 廣淨境成就諸度於 厭心不退轉立深志樂勇猛無怯順三昧境界入難思智地不依文字不 就往昔善根。 訶 界起於爾所大悲大願調伏無量 不可說三世成住壞廣大差別劫於不可說不可說成住壞世間差別境 「菩薩應於如是種類如是境界如是威德如是廣大如是無量如是不 世 不應稱量所謂親近一 議如是普照明如是一切諸佛現前住如是一 薩 於魔界 間。 爲 、欲度脫一 不 取 中 諸法不起分別。 如是其心無礙不動三昧之中勤 拔 切衆生修普賢行生普賢智滿足普賢所有行願是故 出衆生令其得入佛法境界令不捨大願勤觀出道增 切佛深生信解常應觀察一 切智悟解佛菩提成就法光明施與一 パ不染著世事で 一切衆生悉使無餘何以故此菩薩摩 不分別境界於諸法 加修習離諸 切如來所護念如是成 切法性無時暫 熱惱無有疲 智但應安 切衆

二十三

大

常 如 悟 化。 間 不 切 知 佛 一離之道. 精進 是 應 諸 分 自身與諸法性 知言語 別佛。 切 道。 明潔增 知所往一 ,菩薩摩 世間 應勤 如夢應知諸 無有休息應觀自身善根鮮少應勤 應不 如是受持三世佛法 悉皆 勤 增 上志樂如是信解 切佛刹 拾離念應常安住平等法界應 訶 加 長菩薩境界應樂親近諸善知 教誨 一普当 薩 如響應觀諸 佛願力出 如是修行普賢之行 平等應當 皆無體性應爲請問 而不捨離應爲調 法 現猶 如是觀察 切如如 明解 切 如影像應 如幻應 來。 世 如是了知佛廣大力如是決定 間所作示其如 如是圓滿菩薩境界如是通達 伏 切智門。 增長他諸善根應自修行 如 切衆 識應 來佛法不生疲倦應爲 知 知 知 如是思惟 切 與 生 切諸廣大業 切 生滅 知 心 同 時 識 行 法 智慧方便 之法 而共止 說 如幻。 不變異 法 而 皆 猶 應 住應 不 如 如變 知 開 應 休 世

大智慧三昧時十方各有不可說不可說國土·一國土各有不可說不 無所礙心如是攝受一切衆生佛子菩薩摩訶薩入普賢菩薩所住如是

諸佛 可說 切智與知一 **|佛刹微塵數如來名號||一名號各有不||1說不||說佛刹微塵數** 而現其前與如來念力令不忘失如來境界與一切法究竟慧令入 切法種種義決定慧令受持一切佛法趣入無礙與無上

令悟解無邊法演說無盡與神通變化力令現不可說不可說差別身無 誾與菩薩不退智令知時非時善巧方便調伏衆生與無障礙菩薩辯才 佛 菩提令入一 切智開悟法界與菩薩究竟慧令得一切法光明無諸

邊色相種種不同開悟衆生與圓滿言音令現不可說不可說差別音聲

成就無空過者佛子菩薩摩訶薩如是滿足普賢行故得如來力淨出離 種種言辭開悟衆生與不唐捐力令一切衆生若得見形若得聞法皆悉

常安住 於 照 然 故。 不 順 師。 道。 可 如是法 無邊 則爲 佛子此菩薩 高 行住普賢道盡未來際爲欲調伏一 切智· 說廣 出堅固不 相 大悲常利益 切 大行三昧召 審 大願 續 切 智以無礙辯 住明見得 世 不 動則爲一 切智解 斷。 間 摩 平等修習普賢廣大之行常能 法日則爲 爲 訶 衆 現 薩 大自 如是 脫。 生。 切 成 才 開 切世 衆 就 到諸佛解脫彼岸學不 神通變化究竟調 在佛 示 神力住如是境 生開 如是殊勝大願 間無涯 衆 切世間智月則爲 生安隱 示 子此菩薩 無 经智海則為 邊清 切衆 IE 諸菩薩行 生轉 道。 摩 伏 界現如是神變起 淨功德皆令安 建立 勸 訶 切衆 思議解脫方便門 薩 發無量衆生住不 切世 切 獲 切 福 則爲一 佛微 如是 智 世間須 生具佛威德。 間 大 妙法輪 光明 智證 住 正 如是 法 彌 切 功德善根 如是 明燈。 幢。 世 何 證 可 間 淨 神 以 普

華 嚴 經 卷四十三

著際住一 菩薩摩 智住 道 根增長菩薩 可數不可稱不可思不可說無窮盡難忍受一切世智無能稱述佛子 如 諸佛住憶念一切佛法住調伏一切衆生大悲住示現不思議淸淨 師 成 湯成 就 來法界無差別身語意業先導智住觀察三世一 子奮迅智心意無礙其心恆住十大法藏何者爲十所謂住憶念一 入法界差別門無有錯亂於普賢不可說不可說三昧遊戲自在住 切佛陀羅尼法受持 訶 入諸佛境界決定解住去來現在一切佛平等相菩提住無 薩已 ·覺轉法輪般涅槃悉入刹那際佛子此十大法藏廣大無量不 切法無相性住去來現在一 一切勢力於念念頃滿足菩薩]到普賢諸行彼岸證淸淨法志力廣大開 切諸佛所說雖常安住眞如實際而隨 切佛平等善根住去來現在一 切功德成就菩薩 切諸佛受生 示衆生無量善 出家詣 切諸 礙 國 切 切

(一一七七)

ō

在辯才得 故佛 切 切 薩善巧方便得 切 如 世俗 切諸 時照 住 佛 法。 平等 則 子菩薩摩訶薩以此三昧得 功德開 散亂 品 十方世界 如是究竟佛子菩薩摩訶薩 說示現調 性。 則利益衆生則增長大悲則親 切刹。 切世 則住 110 住 示 則入一 切法 專 中最爲殊勝淸淨無 切衆 切智平等性於 伏 切處令一切衆 心住 光明 一切衆生何以故菩薩摩訶薩住此 生清 切方則入一 門到安慰 勤 淨 修心住決定心住 **生得勝智** 切佛廣大智得巧說 一昧令入最 無異語異作有 此 **漫法得**? 法中作 切世。 近善知識。 切世 則 入一 作 悟 間法彼岸知 如是業不作餘 上智何以故。 不 切三昧智得 如語 變異 則 切 切法平等 見一 世 心。 間 如 切廣 菩薩 無上師。 切 如是 業住未 切衆 佛。 昧 何以 性。 則了 大法自 摩 法 思 則 安住 如 切 知 生 訶 時 是

(一二七九)

善根。 得其名終無有時捨離於水菩薩摩訶薩亦復如是以諸大願 復 終 訶 王以四寳峯處於大海逈然高出而得其名終無有時捨離四峯 時離諸善業譬如日天子以光明輪而得其名終無有時離光明輪菩薩 以諸行法而得其名終無有時離諸行法譬如眞金以有妙色而得其名 如 如是以度一切而得其名終無有時捨離大悲譬如大海以含衆水而 無有 薩亦復如是以諸善根處在於世逈然高出而得其名終無有時捨離 訶 金 暫捨度衆生願譬如軍將以能慣習戰勵之法而得其名終無有 譬 薩亦復如是以智慧光而得其名終無有時離智慧光譬如須彌 剛以不可壞而得其名終無有時離於不壞菩薩摩訶薩亦復如是 如大地以持一 時離於妙色菩薩摩訶薩亦復如是以諸善業而得其名終無有 切而得其名終無有時捨離能持菩薩摩 而得其名。 菩薩 訶 薩 亦

令其施 生令無橫 就 究竟涅槃究竟安隱究竟彼岸究竟歡喜究竟斷疑爲諸衆生究竟漏 如大雲於夏暑月降霪大雨乃至增長一切種子菩薩摩訶薩亦復如是 增長菩薩摩訶薩亦復如是修普賢行乃至能令一切衆生善法增長譬 捨 出離三界令其皆得究竟之智令其皆得諸佛如來究竟之法置諸衆 ,如是等諸大三昧修菩薩行兩大法兩乃至能令一切衆生究竟淸淨 度 離此能菩薩摩訶薩亦復如是以能慣習如是三昧而得其名乃至成 切智處何以故菩薩摩訶薩成就此法智慧明了入法界門能淨菩薩 一切智智終無有時捨離此行如轉輪王馭四天下常勤守護一切衆 業皆得淸淨令其皆住不退轉道令其同得一切智智令其皆得 切衆生乃至令其究竟淸淨譬如種子植之於地乃至能令莖葉 死恆受快樂菩薩摩訶薩亦復如是入如是等諸大三昧常勤

華 嚴 極 卷四十二

諸佛隨衆生業現淨佛國同於諸佛一 明 間 淨 世 故同分善根淳淨力故廣大誓願欲樂力故所種善根成就力故超諸世 力之所流故入智慧地大威力故諸善知識引導力故摧伏一 巧演說故能淨陀羅尼於一切法得自在故能淨親近行常見一切佛與 刹 土 網 切諸佛何者爲十所謂得諸相好種種莊嚴同於諸佛能放淸淨大光 可思議無量諸行所謂能淨諸智求一 無盡之福 清淨功德於如是等三昧境界得自在故一切諸佛所加被故自善 故佛子菩薩摩訶薩住此三昧得如是等百千億那由他不可說不可 同於諸佛神通變化調伏衆生同於諸佛無邊色身淸淨圓音同於 常 迴向故能淨諸法普了知故能淨無畏無怯弱故能淨無礙辯 無對力故佛子菩薩摩訶薩住此三昧得十種法同去來今 切衆生所有語言皆能攝持不忘 切智故能淨衆生使調伏故能 切諸魔· 根

普賢行 得 眼 切菩薩種種行願入智境界則名爲佛於如來所修菩薩行無有休息說 如 不失同於諸佛無盡辯才隨衆生心而轉法輪令生智慧同於諸佛大 菩薩 世同 菩 佛。 吼 爲佛乃至不能捨菩薩道佛子此菩 切 無所怯畏以無量法開悟羣生同於諸佛於一念頃以大神通普入 提 何故不名佛何故不名十力何故不名一切 爾 言善哉佛子如汝所言若此菩薩摩訶薩同一切佛以何義故不 願猶 法何故不名與三 者。 於諸佛普能顯示一 時 何故不得名爲普眼何故不名一切境 普眼菩薩白普賢菩薩言佛子此菩薩摩訶薩得如是法同諸 未休息何故不能 |世佛無二住者何故不名住實際者何故修行 切衆生諸佛莊嚴諸佛威力諸佛境界同 究竟法界捨菩薩道 薩 摩 訶 薩 已能修習 智何故不名一切法 中無礙見者。 爾時 普賢苦 去 何故 來 今世 薩。 不名 普 師 中

華 厳 經 卷四十三

名菩薩. 皆永息是則說名休息願者廣大修習圓滿不退則名未息普賢願者了 法實際而不證入亦不捨離說名菩薩不來不去無同無異此等分別悉 諸智慧說名菩薩常觀一切世間實際是則說名住實際者雖常觀察諸 名菩薩已得諸佛智慧之眼是則說名覺一切法觀諸如來正覺智眼 能明見普眼境界說名普眼雖能證得普眼境界念念增長未曾休息說 不放逸說名菩薩住佛所住與佛無二說名與佛無二住者爲佛攝受修 名菩薩於一切法悉能明照離諸鬧障名無礙見常勤憶念無礙見者說 巧思惟未嘗止息說名菩薩知一 名菩薩知一切法而能演說名一切智雖能演說一切諸法於一一法善 二不二一切

諸法差別之道善巧觀察展轉增勝無有休息說名菩薩已 如來諸力皆悉已入則名十力雖成十力行普賢行而無休息說 切法無有二相是則說名悟一 切法於 m

中其窟 知法 就六牙具足端正充滿見者欣樂調良善順心無所逆若天帝釋將欲遊 知 池。 力種種變現令其身有三十二頭於一一頭化作六牙於一一 |從象而下入於一切實莊嚴殿無量采女以爲侍從歌詠妓樂受諸快 乘茲寶象從難勝殿往詣華園芬陀利華偏滿其中是時帝釋至華 爾時象王卽知其意便於寶窟而沒其形至忉利天釋主之前以神通 |象身潔白猶如珂雪上立金幢金爲瓔珞寶網覆鼻寶鈴垂下七支成 一池 法界無有邊際而知一切種種異相起大悲心度諸衆生盡未來際無 厭是則說名普賢菩薩佛子譬如伊羅鉢那象王住金脅山七寶窟 界無有邊際 周圍悉以七寶而爲欄楯寶多羅樹次第行列眞金羅網彌覆其 中有七蓮華一一華中有七采女一時俱奏百千天樂是時帝 切諸法 相無相是則說名究竟法界捨菩薩道 牙化作 雖 園

華 殿 经一卷四十三

不捨大悲精進盡未來際度脫一切苦惱衆生不捨普賢道現成最正覺 安處菩提之座成一切智得最正覺增長普賢廣大行願不退不息不斷 其牙智慧無畏猶如師子法繪繫頂開示秘密到諸菩薩行願彼岸爲欲 薩身所放光明以之爲網建大法幢鳴大法鐘大悲爲窟堅固大願以爲 現不可說不可說成正覺門現不可說不可說轉法輪門現不可說不可 如是修習普賢菩薩行願及諸三昧以爲衆寶莊嚴之具七菩提分爲菩 提桓因化作種種諸可樂物受天快樂與天無異佛子菩薩摩訶薩亦復 那象王於金脅山七寶窟中無所變化至於三十三天之上爲欲供養釋 彼天等無有異無能分別此象此天象之與天更互相似佛子彼伊羅鉢 陀利華園之內歡娛戲樂所現身相光明衣服往來進止語笑觀瞻皆如 樂爾時象王復以神通隱其象形現作天身與三十三天及諸采女於芬

智慧種類 故令其永斷 之法佛子菩薩摩訶薩本身不滅以行願力於一切處如是變現何以故 觀察如幻境界淨修菩薩無量諸行無量諸智種種神變種種威德種種 賢行而成正覺復於一切諸佛刹中而爲上首親近於佛頂禮供養請問 於一月或於一年或無數年或於一劫如是乃至不可說不可說劫修普 欲以普賢自在神力調伏一 說差別世界而現受生修普賢行現不可說不可說如來於不可說不可 說廣大國土菩提樹下成最正覺不可說不可說菩薩衆親近圍繞或於 說住深心門於不可說不可說廣大國土現涅槃變化門於不可說不可 念頃 種境界種種神通種種自在種種解脫種種法明種種 修普賢行而成正覺或須臾頃或於一時或於一日或於半月或 生死輪故嚴淨廣大諸世界故常見一 切諸衆生故令不可說不可說衆 切諸如來故深入一 教化調 生得清淨

佛子此是菩薩摩訶薩所住普賢行十大三昧輪 人心得清淨佛子此是菩薩摩訶薩第十無礙輪大三昧殊勝心廣大智 薩行相續不斷佛子菩薩摩訶薩安住如是普賢行願廣大之法當知是 法普皆平等無有二相而恆明見一切佛土雖已等同三世諸佛而修菩 脫無障無礙成就淸淨於諸國土無所染著於佛法中無所分別雖知諸 薩 遊戲承事天主與天采女而作歡娛同於諸天無有差別佛子菩薩摩訶 智法如伊羅鉢那象王不捨象身往三十三天爲天所乘受天快樂作天 薩摩訶薩不捨普賢行不斷菩薩道見一切佛證一切智自在受用一切 切菩薩諸行使圓滿故入普賢流自在能證一切智故佛子汝應觀此菩 切佛法流故憶念三世諸佛種故憶念十方一 亦復如是不捨普賢大乘諸行不退諸願得佛自在具一切智證佛解 切佛法及法身故普修 九

嚴

經

卷四十三

(一人と

大方廣佛華嚴經卷第四十三

誦補闕眞言

南 無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

末瓦山矴鉢囉帝烏怛摩怛摩怛塔葛塔喃末瓦吽癹莎訶

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳秘密義幽玄功德無邊唱誦利人

天

阿〇俠鞥翁烏爊哀醫因安音諳謳阿唱阿字時普願法界衆生入般若

波羅蜜門

多○當登東都刀驢低顚單○耽兜多唱多字時普願法界衆生入般若

校異同

波羅蜜門

波羅蜜門

波

四十二字妙陀羅字字包含義理多阿セ梵韻滿娑婆功徳大法界沐恩

波○幫崩○逋褒碩卑賓般○○○波唱波字時普願法界衆生入般若

南無華嚴海會佛菩薩 三 稱

四生九有同登華藏玄門八難三塗共入毘盧性海

音釋

羸 瘦音 逸経音 也易 也雷 伊 朽 羅音 腐休 象衣 爛上 王伊 也聲 **窟** 也音 匮 竭音 穴闊 也跪 也室 乏盡 脅 也也 肋音 軸 軸音 也協 也逐 穧 車 珂 名音 嶷 也科 貌疑 玉 山 奮也音 動糞

也舒

馭

馬音

也遇

使

(一二八九)

同六 行頭 三永 九藏 三頁 設牙 時三 十樂 行雨 若觀 自十 二景 時終 有疏 化二 頭綠 下南 疲第 異與 作一 六諸 南藏 脈六 俱偈 頭一 牙流 藏作 藏行 表前 三口 晉通 無雲 本唐 法後 十中 經本 劫終 無宋 耳皆 二有 偈作 字第 疲元 一六 云三 十 厭本 一牙。群 是 頭 六 上 五 不 第 具云有牙。頁 足釋 象依 元第 通三 疏提 王晉 本八 鈔桓 彼經 三行 作藏 云因 知賢 十合 於本 七有 帝首 三其 此此 牙象 释品 頭身 準王 欲唐 七有 第 賢彼 行本 牙下 十 首知 時賢 唐北 品天 彼首 台藏 但主 化品 論本 行第

有欲 作俱 本宋 北六

2.万个宝服糸を含む一

唐于闐國三藏沙門實叉難陀譯

通品第二十八

爾時普賢菩薩摩訶薩告諸菩薩言佛子菩薩摩訶薩有十種通何者爲

處 心。 薩 善心不善心廣心狹心大心小心順生死心背生死心聲聞心獨覺心菩 十佛子菩薩摩訶薩以他心智通知一三千大千世界衆生心差別所謂。 迦樓羅 心聲聞行心獨覺行心菩薩行心天心龍心夜叉心乾闥婆心阿脩 心餓鬼心諸難處衆生心如是等無量差別種種衆生心悉分別知 心緊那羅心摩睺羅伽心人心非人心地獄心畜生心閻魔 如 羅

不可說佛刹微塵數世界中所有衆生心悉分別知是名菩薩摩訶薩 一世 界如是百世界千世界百千世界百千億那由他世界乃至不可說

華

經

卷四十四

如 摩 積 以 悉 廣 好 阿 口 皆見 是 緣 集 訶 大 脩 或 說 善 展 切 薩 業。 身 羅 醜。 知 不 衆 轉 如是 衆 以宿 之 隨 衆。 或 可 他 2無有錯 心 生過 所 說 滋長次第相續 垢 生 迦 住隨 衆。 樓 姓。 受 佛 智 或 去 如 苦 小衆大衆如是種 羅 淨。 利 神 **野影是名**菩萨 念智通 是種 樂隨 衆緊 不 如是 微塵數世 通。 佛 可 族。 說 品品 心 那 子菩薩摩訶薩 如是飲食。 輪 隨 能 羅 不 類 **飛飛摩睺** 迴不絕種種品類種種國 菰 分别。 無量 可 界 知 自身 摩 中衆 說 種衆· 隨 衆 佛 訶 ·薩第二 生。 如 刹 及不 羅 生。 見隨言 《生衆中以》 是苦 所謂 微 伽 死 以 衆。 此生 無礙清 塵 可 無 樂從 數劫宿住之 說 說。 天 一被善趣 衆 衆。 不 隨 礙 無始 飛龍衆。 無礙 非人 天 因 淨 可 隨 說 眼 土種種 智 夜 眼智 來 佛 業。 眼 衆。 惡 於 事。 隨 微 趣。 悉 刹 神 叉 所 衆乾闥 皆 渚 微 所 通佛 福相 細 通。 緣。 謂 見無量 趣 有 應 明 身 見隨 數 罪相。 某 隨 衆 子。 種 菩 所 婆 以 處 世 生 因 薩 起。 所

於無 心。 刹 衆生於爾所時住於壽命施作如是若干佛事依無餘依般涅槃界而 樹 者。 刹 了知又憶過去爾所佛刹微塵數劫爾所佛刹微塵數世界中有爾所佛 形 皆悉能 如是聲聞。 相種 微 下成最 起願修行供養諸佛調伏衆生衆會說法壽命多少神通變化乃至入 | 槃般涅槃後法住久近如是一切悉能憶念又憶念不可說 微塵數諸佛一 餘涅槃般涅槃後法住久近造立塔廟種種莊嚴令諸衆 塵數諸佛名號一一 種業行種種結使種種心念種種因緣受生差別如是等事皆悉 知是名菩薩摩訶薩第三知過去際劫宿住智神通佛 F 一覺於如是處坐如是座演說如是若干經典如是利益爾所 如是最勝二大弟子於如是城邑如是出家復於如是菩提 佛如是名號如是出與如是衆會如是父母如是侍 名號有一 不可說 不 可 說佛刹微塵數佛從 生種 不可 植善 說 初 佛 般

(一)九三

囚

能 叉知不 集善 有劫。 微塵數劫一一 不 出 摩 話佛教化衆生衆會說法壽命多少神通變化乃至入 與使俱若具足善根若不具足善根若攝取善根若不攝取善根若積 了知是名菩薩摩訶薩第四知盡未來際劫智神通佛子菩薩摩 離若不出離若决定若不决定若邪定若正定若善根與使俱若善根 訶 後 說 薩以 根若不積集善根若積集罪法若不積集罪法如是一 法住久近造立塔廟種種莊嚴令諸衆生 不 可說不可說佛刹微塵數世界盡未來際有不可說不 可 劫中所有衆生命終受生諸有相續業行果報若善若不善若 知盡 說佛刹微塵數諸佛如來一一 劫有不可說不可說佛刹微塵數諸佛名號一 未來際劫智通知不可說不可說佛刹彼塵數世 如 來從 種植善根 初發 心起願立 於無餘涅槃般 如是等事 切皆能了知。 可 名號有 說佛 界中 詗 所 刹

品

神

南

神

所有音聲: 現如 深廣 佛是諸佛所說所示所開所演所安立所敎化所調伏所憶念所分別。 不斷不退。 八其中若 通佛 斬 就 西 增 通。 北 所調伏如其境界如其所依如其出道於彼 大種種差別無量方便無量善巧清淨之法於彼 子菩薩摩訶 方四維· 長 無依 礙清淨天耳。 神通。 義若文若一人若衆會如其音辭如其智慧如所了達 | 欲聞不聞隨意自在佛子東方有不可 神通隨念神通 無迷無惑爲他演說令得悟解終不忘失一文一句 随 上下亦復如是是名菩薩摩 指神通· 訶薩住無體性神通 圓滿廣大聰徹離障了達無礙具足成就於諸 此菩薩聞極遠 起神通不起神通不退神通不斷 無作神通 切世 訶薩第 說 界中諸佛 平等神通廣大神 Ħ. 切悉能記持不忘不 不可說佛刹微塵數 無 切皆能可 《礙清淨 名 所謂 神通。 配受持叉 如所示 天 如 耳 東 通。 無 智 方 切

於

成

(二二九五

大

悉能 音 無有 現。 別無 性· 不 可 世 智通 即自 無 動 示 界無量世界乃至不可說不可說佛刹微塵數世界中諸佛名 退轉爲 本處而 斷 現神變稱揚名號無量無數各各不同此菩薩 動 不 邊 作往 達 絕。 可 見身在彼佛所彼諸世界或仰或覆各各形狀各各方所各各 知不可 無礙種種國土種種時劫 說 語佛國土道場衆會及所說法至於究竟無所取著如是經 無有廢捨無有休息無有疲厭 令 .見其身在彼佛所禮拜尊重 佛刹微塵數劫。普至十方而無所往然詣 如來廣 說不可說佛刹微塵數世界中衆生種種言辭所謂 切 佛 刹 智 大種性不 |神通佛子菩薩摩訶薩以善分別一 無量 斷絕故是名菩薩摩訶薩第六住 功德 修菩薩行成就大願悉令 承 事供養問菩薩 各別莊嚴彼彼 **利觀佛聽法請道** 得聞彼諸 法入佛智慧。 如 切衆 來 如來名。 於 聞 聖言 其名 無體 具足 生言 中

善分别一 青黄 衆惡 色清 嚴 月 别。 睺 絘。 如 智 省 如其性欲爲出言辭悉令解了無有疑惑。 羅 非聖言辭天言辭龍言辭夜义言辭乾闥婆阿脩羅 淨色莊嚴色普徧 通。 雲。 是 ·伽人及非人乃至不可說不可說衆生所有言辭各各表示種種差 色大威力色可尊重色無窮盡色衆雜妙色極端嚴色不可量 赤白相菩薩如是入於法界能現其身作種種色所謂無邊色 悉得明見菩薩摩訶薩亦復如是以善分別 所有言辭令諸 知 切皆能 切言辭智神通佛子菩薩摩 切法遠離 Ī 知此菩薩隨所入世界能知其中一 世間 色。 色 無比色普照色增上 相無差別相無種種相 心思慧之者悉得解了是名菩薩摩訶薩第 **訶薩以出生無量阿僧祇色身** 如日光出 色無遠逆色具諸相 無無量 切言辭智深入一 現普照衆色令有 迦樓羅緊那羅 相。 切衆生所有 無 分 别 色善 色離 無量 相。 切 無 性

憶念色無邊妙寶色寶藏光明色衆生信樂色一切智現前色歡喜眼 刹色增長色堅固色攝受色最勝功德色隨諸心樂色清淨解了色積集 衆寶莊嚴第一色無有處所色自在示現色種種神通色生如來家色過 作安隱色離諸怖畏色離愚癡行色智慧勇猛色身相無礙色遊行普偏 色諸相端嚴色種種隨好色大尊貴色妙境界色善磨瑩色淸淨深心色。 色心無所依色大慈所起色大悲所現色平等出離色具足福德色隨心。 不可稱量色妙見色普見色隨時示現色寂靜色離貪色眞實福田色能 熾 勇健色不思議方便色不可壞色離瑕翳色無障闇色善安住色妙莊嚴 守護色能成熟色隨化者色無障礙色甚明徹色無垢濁色極澄淨色大 妙色善巧決定色無有障礙色虛空明淨色清淨可樂色離諸塵垢色 然明盛色最勝廣大色無間斷色無所依色無等比色充滿不可說佛

八無數色身智神通佛子菩薩摩 爲 化 所化者見令所化者念爲所化者轉法輪隨所化者時隨所化者相令所 普賢行色佛子菩薩摩訶薩深入如是無色法界能現此等種種色身令 普 儀 諸 色不可思香光明超過三界色不可量 者 無量 無有種性無來無 所化者施種種能事是名菩薩摩訶薩爲度一 熏色出生一切如來藏色不可說音聲開示 色見無厭足色種種明淨色能放無數光網色不可說光明種種差別 .譬喻色周徧法界色衆皆往詣色種種色成就色出離色隨所化者 親近令所化者開悟為所化者起種種神通為所化者 可愛樂華雲色出生種種蓮華鬘雲莊嚴色超過一 去非異非不異非種種非不種種非一 訶薩 以一 日輪光明照耀色示現無此月身 切法智 演暢一 切衆生故勤修成就第 通。 知 切法色具足一 非不二無我 切法無有 現種種自在。 切世間香燄 切 威

(一二九九)

0

演 出 於 分 非 非 不 隨 無 得清 諸 法 别 從 於 第 此。 切 文 俗。 别。 法 雨。 諸 因 不 非 字。 義非 生。 法 法。 雖 非 生 與法 雖 辯 解 不建立 知 非 不 不隨 攝 才 實相不可言 道 辩 滅。 分 不 衆 無 說皆得善巧大慈大悲悉已清淨 别。 從 與 非 俗。 不 文字。 義 非道。 生不捨眞實於不二法而無退轉常能 。旒 非 非業 因 動 分別 生。 隨順無違爲說諸 如 不 非決 壞無實 隨 理。 非 非 安立 非不如 非 說· 順 出 寂滅性 定。 業。 而 離。 以方便 非不 無處。 開發示導令諸 非 非 理。 不 報 決 非 此 出 不 定非 法悉 無盡辯 菩薩 非 捨 離。 相 非 報。 無 切願。 非有為 從緣起雖有言 成 量 不 相。 非無量。 才隨 法 就。 取 非 能 見義 世俗 非不 性 無 法隨 具 於 非 非有。 足 知 成 無 帝 非 演說 明 切 義 不住 就。 爲。 法。 世 非 次第 顯。 離 說 興 間 非 非 法 無 劉 布 文字 第 而 出 非 第 非 礙 衆 無所 開 非法。 法 非 出 法 疑 法 演。 義。 義。 雲 不 世 網 中 以 降

滅盡 圓 捨 教 嘗休息觀察 以 滿。 常 衆 化 1衆生業不捨供養諸佛行不捨一 了知 聞 通。 三昧亦不退菩薩道 妙音隨衆生 佛 子菩薩摩訶 切法。 切國土差別入佛種 切佛國: 知 二心普雨 切法 訶薩以一 上無有厭倦不捨度衆生願不斷轉法輪事 平等 法 不捨菩薩事 雨而不失時是名菩薩摩訶薩第 無礙自 切法滅盡 性到於彼岸能於彼彼諸世界中學 在成就 不掃大慈大悲心修習波 切法自在門不捨常見一 三昧智通於念念中入一 切佛法所有勝 九 ・切佛で 願皆 羅 切 蜜 切 廢 未 法

時 隨 法 劫。 其 心 或住百千 心樂。 無所住然順衆 或住一劫或住 億劫或住那 生諸 百 根欲樂方便爲說種種諸法此菩薩住 劫。 由 他億劫或住百那 或住千劫或住億 **助或住** 由 他 億劫。 百 或住 億劫或住 味

切

法

T

法

無相。

知

切法皆從緣起

無有體性然隨世俗方便演說

雖

於

得 切 通。 神 未 於 離 可 由 業 曾 通 散· 說 訶 無 他 神 切 薩 失 菩 變 悉 不 億 不 八時令其公 羸 入一 通 可 薩 化 無所 天人不能思議 可 劫。 一菩薩 思議 衆 說 或住 瘦 無有休息譬 如是皆 切法滅盡三 作· 劫菩薩入此 不變異非 餘 而能 增 百 無能說 味 長 于 悉不 成辦諸 自 那 在 切佛法於菩薩 如 見非不見不滅不壞不疲 由他億劫或住無數劫或住無量劫 能思議此 味 此 光 不 切 影普現 人 口 衆 智神 切法 菩薩事所謂恆不捨 思議智 功 生 **德稱揚讚歎佛** 不 通佛 滅盡三昧雖復經於 菩薩 ・能思議。 子菩薩摩訶 切而於 慧境界 行悉得圓滿爲欲 写業不 不 切 子是為 不解· 聲 一昧寂 可 미 離 訶 思議 聞 思議語 薩住於如是 然不 切衆 不 钢 菩薩 所劫住 唯 利 切 可 動是爲菩 生教 除 業 盡竭。 獨 益 乃 摩 諸 覺 不 至 切衆 十種 或住 詗 佛· 雖 可 及 化 而身不 思 餘 於 薩 及 調 有 薩 有 伏 神

種 一种通岩菩薩摩訶薩住此神通悉得一 切三世無礙智神通。

十忍品第二十九

到於 種 惟觀察平等無違隨順了知令心淸淨正住修習趣入成就是名菩薩摩 佛所說之法不驚不怖不畏深信悟解愛樂趣向專心憶念修習安住是 爾 不見有少法生亦不見有少法滅何以故若無生則無滅若無滅 名菩薩摩訶薩第一 忍無生法忍如幻忍如燄忍如夢忍如譽忍如影忍如化忍如空忍此十 訶薩第二 忍三世諸佛已說今說當說佛子云何爲菩薩摩訶薩音聲忍謂 時普賢菩薩告諸菩薩言佛子菩薩摩訶薩有十種忍若得此忍· 切菩薩無礙忍地一切佛法無礙無盡何者爲十所謂音聲 一順忍佛子云何爲菩薩摩訶薩無生法忍佛子此菩薩摩 音聲忍佛子云何爲菩薩摩訶薩順 忍謂於諸語 忍順 則得 法 訶 聞 思

四

亦 若 法。 年。 幻 無 現種 於 忍。 非 非 去 寂 無 非 如 佛 多 無 達 無 靜 盡 地 幻。 來是 量。 劫 非 法 子。 種差別 非 世 則 則 象 間 此 離 離 非 非 中 水。 菩薩 欲若 非 解 名 雕 多 非 平 垢。 馬。 之事 非 劫。 火 等 菩 若 法。 離 細。 非 非 非 Ť 摩 薩 離 菩薩 達 定 此 摩 欲 非 風。 車 訶 垢 菩薩 是 非 非 非 佛 薩 訶 則 則 摩 亂。 晝 步。 薩 無 無 知 出 作岩 非男 現 第 差 切 非 非 訶 知 純 諸 薩 切 别。 種 夜。 平 亦 種 非 非 非 等。 法 法· 無 無 若 皆 無差 復 衆 女。 Ť 作 雜。 日 如 生 非童 達 非 幻 悉 物。 法 則 如 非 已了達 是觀 無願。 種 月。 忍佛 如 别 世 非 種 非 男 幻 則 無處所 非童 從 子云 若 異。 平 非 半 月非 等 成 幻· 無願 切 非 國 因 上了達 幻 世 廣 女。 緣 何 非樹 就 間 非 起。 爲 則 若 無住。 種 於 月。 種種 如 菩 狹。 無 衆 種。 非 非 非 薩 處 生。 所 多 若 法 所 然 葉。 摩 神 謂 年 無住 非 非 則 通 由 中 訶 華 達 幻 非 變 解 寂 少。 薩 非 故· 多 靜。 世 非 如 則

造作 間。 煩 世間。 惱 世 間。 菩薩摩訶薩觀 國 土世間法 世 間時世間。 切世間如幻時不見衆生生不見衆 趣世間成世間壞世 間。 運動世 生 滅。 間。

見佛涅槃不見住大願不見入 未 見 來有起作了 國 上生不見國· 不見現在 上滅不見諸法生不見諸法滅不見過 一念住不觀察菩提不分別菩提不見佛出現不 正位不出平等性是菩薩雖成就 去 可分别不見 佛國

寂然不動雖達三 知 國 土 無差別雖成就 世平等而不違分別三世法雖成就蘊處而 界平等 衆生界知衆生無差別 無種種差別。 雖普觀法界而安住 永斷所依。 法 性

法輪。 說· 而常說法辯才無盡雖不取著化衆生事而不捨大悲爲度 切轉

忍佛子云何爲菩薩摩訶薩 爲 開 示 過去因緣· 而 知 因緣 如 然恐佛 性 無有 子此菩薩摩訶 動 轉是名菩薩摩 薩 知 訶 薩 切

於

雖

四

如

幻

雖

度

脫

衆

生而了

知法

雖

知

切

法遠離

文字不

可

如 故。 著 離 摩 訶 色非種種色亦非無色但隨世間言 世 現證 響 如 敬。 薩 訶 間 夢覺時: 忍佛子: 如 亦 間。 薩 同 非欲界非常 於陽燄。 夢性 復如 如 一夢忍佛一 切令 此菩薩 故是名菩 離 是。 得圓滿 故如夢本性故 知 譬 色界非無色界非生非沒非染非淨而有 子。 如 切世間 摩 此 陽 菩薩 薩 是名菩薩 燄 訶薩聞佛 摩 無有方所非內非外非有非無非斷 悉同 摩 詗 如夢所現故如夢無差別故如夢想分別 薩第六如夢忍佛 訶 於 說法觀諸法性修學成就到 摩訶薩第 薩 八夢無有 記 一說顯示菩薩 知 切 變異故。 世 五 間 如燄忍佛子云 如夢譬如 如是如實 子云何爲菩 如夢自性故。 夢非 觀 示 於彼岸。 現菩薩 際了知諸 何 薩 非 世間。 摩 如 爲 夢 訶 菩 執 知 非 隡

不

從

内出。

不從外出亦不從於內外而

出雖了此聲非內非

外

非

内

切音

聲

悉同

於響無

來

無

去

如

是示

現。佛

子此菩薩

摩訶

薩

觀

如

間 影 慧 以廣長舌相而爲演說其聲無礙徧十方上令隨所宜聞法各異雖 無 就善巧隨類之音於無邊世界中恆轉法輪此菩薩善能觀察一 中 令諸衆生隨類各解而得修學如帝釋夫人阿脩羅女名曰舍支於一 而 忍佛子此 Mi 起而普現音聲雖知無所說而廣說諸法妙音平等隨類各解悉以智 出千種音亦不心念令如是出菩薩摩訶薩亦復如是入無分别界戏 能 世 非行於世間非不行世間非同於世間非異於世間非往於世間非 能 示現善巧名句成就演說譬如谷響從緣所起而與法性無有 間。 了達是名菩薩摩訶薩第 非實非不實雖常行一切佛法而能辦 非住 菩薩摩 於世間非不住世間非是世間非出 訶 薩非於世間 七如響忍佛子云何爲菩薩摩訶 生非於世間 沒非在世間 切 世間非修菩薩 世間事 內非在 切衆 隨 世 知 薩 相 如 違。

無有! 近遠菩薩 此 作 法 此 流 流。 於寶於明鏡等淸淨物中而現其影影與油等非一 到 訶 中 處有是影現亦知彼處無如是影遠物近物雖皆影現影不隨物而 中亦不漂度於池井內亦不沈沒雖現其中無所染著然諸衆 亦不住法流譬如日月男子女人舍宅山林河泉等物於油於水於 解 彼。 薩成就此忍雖不往詣十方國土而能普現一 别 分別二相善巧方便通達無礙是 根芽莖節枝葉而能生起如是等事菩薩摩訶薩亦復如是於 卽非差別別與不別無所障礙此菩薩從於如 謂 如影普現所行無礙 摩 自他别而於自國土於他國土各各差別 ,訶薩亦復如是能知自身及以他身一切皆是智之境界不 令諸衆 生見差別 名菩薩摩 身同於世間 訶 切佛刹。 非異· 薩第八 一時普現如種 來種性而生身語 示離非合於川 (如影忍) 堅實之相 亦不離此亦 生 菩薩 無 子 知 身 於 中 有

華 爱 經 卷四十四

從 廣 知。 說 有 起 化· 如 及意 故菩薩 大修行故。 無量 久住。 眞 清 故。 覺 心 化 法 起所起 實 淨 忍佛子此菩薩摩訶薩知一 清 示厭不 非 起。 知。 調伏化無分別所現故於三 切世間不實法化言說所現故。 淨無礙故能獲得無邊色相淸淨之身佛 須 不從業 非虛妄見所能 如是了知世 與住。 故。 如來大悲化方便示現故轉法 -息非不 非行世 起不 切 世間諸行化分別所起故。 間出 厭息非凡非聖非染非淨非生非死非 受果報非世間生 間。 傾動隨世所行 世間化 非離 世間。 切世間皆悉如化 |世不轉化無生平等故菩薩| 現證知廣大 不專繫一 非世間滅 亦不失壞 切煩惱分别化· 輪 方便化智慧無畏辯 /知無邊 方不普屬諸方非 子云何爲菩薩摩 切苦樂顛倒化 、譬如化 所謂 不可隨逐不 想念所起故。 知。 切衆 不從 如 智 事 妄取 可攬 生意 心 願 知° 愚。 力化・ 起。 自 才 訶 觸。 復 所 所 薩

(二三()九)

ō

際 身 見非不 作 於 化 利 無。 佛 往。 盆 切 而 法 非 而 衆 子。 不 有 明 现 佛 同 分 不 見非 生是 菩薩 照 於 别。 離 著 非無 法 於法。 法 切 化。 知 世 不 有菩薩 摩 諸 身 譬 名菩薩摩 間 性 生 依 以本 如 法 平 雖 分 訶 不 世 別而 等 間。 無 薩 性 取 化 如是 自 願 如 圓 無來無去雖 所 非 是善巧 身於 訶薩第 於 滿 住 趣 故 入法 佛 安住 佛 而 不 界非點 菩提 棄捨 世於身 住 切 方便行 如 衆 此菩薩 佛 九 國 無有 刹 如化忍菩薩 化 無 慧非遲 衆 無所 無所 忍 所 《生界不調》 摩 時· 雖 於 懈倦修菩薩 有 無有 悉能滿 而滿 訶薩於 分 世 依 逆鈍非取. 住於 間 别。 足佛法 摩 不住世 修菩薩道了 色 而 足 伏 訶 切法 行離諸 少衆 非不 普 切 薩成就此 現衆 世 切 間 無所依 《生界不 諸 間 取。 法 不 色。 顚 佛 離 非 無 如 畑 雖 倒。 所 忍。 落 化 世 世 生 止 雖 凡 非 分別 間。 法 取 提 死。 有 著 著。 非 無 有 不 分 實 道 身 法 有 所 非 住 於

法猶 切法時得如虛空身身業得如虛空語語業得如虛空意意業譬如虛空· 如虚空方便了一切法皆無所有佛子菩薩摩訶薩以如虚空忍智了如虚空方便。 切佛力猶如虛空無差別故。 猶 空不可破壞菩薩摩訶薩亦復如是智慧諸力不可破壞譬如虛空 無二故一切衆生行猶如虛空無所行故一切佛猶如虛空無分別故 礙者佛子云何爲菩薩摩訶薩如空忍佛子此菩薩摩 通 脫 切法依不生不殁菩薩摩訶薩亦復如是一切法身不生不殁譬如虚 如虚空以無相故一切世界猶如虚空以無起故一切法猶如虚空以 者於無生法已得善巧名無退者具一切力須彌鐵圍不能爲障名無。 如虛空不可言說故一切佛身猶如虛空無著無礙故菩薩如是以 切過失悉皆捨離名調伏者不動不轉普入一 一切禪定猶如虛空三際平等故所說 切如來衆會名 訶薩了一切法界 切 切

無向 世 前菩薩摩 亦復如是非世間色非出世間色而能 分 空 障 近 無 無所依譬如虛 非行 别 間 薩 邊 而 能 無障 方隅。 無 之所依 所行諸行譬如 得能示: 人住 非住而能示現種種威儀 切諸行譬如虚空非色非非色而能 菩薩 訶 離 止而 現 薩亦復 摩 向 空 障 得普使世界 切物菩薩 無所依菩 無障譬如 無 訶薩亦復如是無業 如 虚 生無滅能持 是。 |空非淨非穢不離淨穢菩薩 摩 間 虚 薩摩訶薩亦復如是 切諸法皆現其前非現 修行清淨 空 訶 菩薩 薩 切 切 亦復如是非久非 世間 世 摩 示 無報而能顯示 現 譬 間生滅菩薩摩訶 訶薩亦復如是 如虚 皆現其前非 示現種種諸 切諸色譬如虚空非 空無方 摩 切諸法之所依 訶薩 近• 種種業報譬 切諸法之前譬如 色菩薩 非 無隅· 現 而 亦復 行非 能 薩 切 久住 亦復如是。 而 如是非 住· 能 世 摩 間之 而能 如 顯 顯 訶 止 虚 蓟 現 而

離

欲

際

身。

知

切

法

如

相

浴得無差

此

有邊際何以故菩薩所作如虛空故謂所有修習所有嚴淨 空普入 切而無邊際菩薩摩訶薩亦復如是普入諸法 所有成就 而菩薩 心 無

悉平等。 於 無有迷惑具一 切法 體 無有分別嚴淨 切力不 味一 種分量如虛空清 可摧壞滿足一 切諸佛國 土圓滿一 切無邊功徳已到 淨 偏一 切 ラ處如是證言 切 無所依身了一 切甚 知 切諸 深 法處。 切方

間 通 轉於 達 法輪未曾失時是名菩薩摩訶薩第 切 /波羅蜜 超谱坐 切金剛之座普發 十如空忍菩薩摩訶薩成 切隨類之音爲 切 就 世

實身離虚妄故得一 故。 得 無來身以無去故得無生身以無滅故得不動身以無壞故得 相身以無相故得無量身佛力無量故得平等身 同

別身等觀三 無合 散故得虛空無邊際身福德藏無盡 一世故得至一 切處 身淨眼等照 **灬無障礙故**。 如 虚

囚

虚空一 名菩薩摩訶 勢力身如虛空任持一切世間故得諸根明利 故。 示 絕 行 現一 身於一 得 如虚空故得一 無斷無盡法性平等辯才身知 無量無礙音聲身無所障礙如虛空故得具足一切善巧淸淨菩薩 切自在法無休息身如虛空大海無邊際故得一切不可壞堅固 切劫火不能燒故得持一切世間力身智慧力如虛空故佛子是 切處皆無障礙如虛空故得一 薩十種忍爾時普賢菩薩摩訶薩· 切佛刹 中現無量佛刹身離諸貪著如虛空無邊故得 切法相唯是一 切佛法海次第相續身不可斷 欲重宣其義而 如 金剛堅固不可壞身如 相無性爲性如虛空 說頌

聞 如是大智慧 如世有· 此深法 時 人 菩薩眞佛 其 聞有寶藏處 心得安隱 不驚 聽聞諸佛 以其可得故 亦不怖 法 甚深寂 亦不 心生大歡喜 生恐畏 滅相

成就清淨

心

法有亦順知

法

大士求菩提 聞斯廣大音 心淨能堪 忍 於此無疑惑

菩薩聞此音 自念以聞此 其 甚 心大歡喜 深微妙法 當 發生堅固意 成 切智 願求諸佛 人天大導師 法

以樂菩提故 其 心漸調伏 令信益增長 於法無違謗

是故聞此音

其

心得堪忍

安住而不動

修行菩薩

爲求菩提故 專行 向彼道 精進無退轉 不捨衆善軛

菩薩亦如是 以求菩提道 如有大福 人 聞此甚深義 其心無恐畏 獲得眞金藏 思惟增智海 聞法增勇猛 隨身所應服 以修隨順法 造作莊嚴具 供佛令歡喜

明徹大歡喜 無亦順 知 隨彼法如是 知法從緣起 如是 知諸 法

勇猛 勤修習 五 つ三五

菩薩亦如是 所食種種食 隨順佛所說 菩薩所入法 無滅故無盡 如無等所說 無異則無處 以發精進意 志樂常堅固 三十三天中 平等觀諸法 成就此 觀察 無盡 不從十方來 所有諸天子 平等觀諸 是佛所行處 復修三昧 嚴淨佛菩提 了 無處則寂滅 知其自性 故無染 切法 忽門 道 法 於 悉從因緣 其心無染著 如其所修業 共同一器食 如 非不平等忍 於此能了知 不動如須彌 無量劫勤 不違佛法藏 世變異法 法而了知 起 行 了 普覺 能 其 自然咸在器 所食各不同 亦不分別 願度諸羣生 未曾有退 無生故無滅 知無變異 成平等智 心無厭怠 心求正覺 切 失 法 法

ーモ

こ三七

勤求 譬如工幻 諸業從心 世間種種法 菩薩住此忍 此忍最為 衆生及國 世間亦如是 了達三世法 專念於佛法 度脫諸衆 於 十力 師 生 土 生 上 普見諸如來 了法無有盡 令知法如 普現諸色像 故說心如幻 寂滅淸淨相 處世而不住 未嘗有散 一世所有法 切皆如幻 切皆如幻 幻 動 入於眞法界 衆 徒令衆貪樂 若能如是. 同時與授記 而 若離此分別 無 而能化衆 無去亦無來 如是悉無餘 生不異 性亦無 以悲願心 生 知 生 幻 畢竟無所得 普滅諸有趣 置於善道中 實亦無所入 其心無所動 斯名受佛職 方便行於世 方便善說法 了幻無衆生 示現有種種 切皆如 幻

入

譬如 菩薩能 衆 世 衆生各別 如是得善巧 衆 勇猛諸佛子 幻 幻 方諸 想如陽 間 生及國土 物無知覺 作男女形 熱時燄 如 陽 衆 如是 燄 生 異 燄 令衆 隨順 以想有差別 皆爲想所覆 形 世見謂為 寂滅無戲論 種種業所造 普見諸世間 亦 及 類非一 無有住處 象馬牛羊 生倒 入妙法 水 種 解 畢竟寂: 善觀 水實 住於 入於如 有無一 若捨顚倒見 菩薩善知想 知世住於 了達皆是想 屋宅池泉類 無所有 無礙 切想 幻 切 滅 想 地 際 法 相 遠離 捨離 智者不應求 則滅世間 普現大威力 了達 於彼無依著 纏網於世 但隨分別現 園 切無眞實 林華果等 悉如 | 顚倒 切 想 倒 間 幻

菩薩所行行 衆生諸刹業 夢體無生滅 諸法無分別 遠離憍慢心 若離於諸想 衆生亦復然 住於夢定者 譬如夢中見 夢不在世間 菩薩了世法 雜染及清淨 除滅世間 亦離諸戲論 世 及以諸大願 了世皆如夢 種種諸異相 不在非世間 亦無有方所 如夢不異心 切皆如夢 趣皆無有 想 明了皆如夢 如是悉了知 非同非是異 世間亦如是 此二不分別 非處非無處 住盡無盡處 愚癡著想者 如燄住於想 二世諸世 界悉如是 間 與夢皆平等 非 與世亦無別 與夢無差別 得入於忍地 見者心解脫 體性恆寂滅 是菩薩方便 悉令得解脫 無礙心境界 切悉如是 非種種

(二三一九)

三 0

瞻仰諸 修行如是行 是名如夢忍 善了諸音聲 如響無來處 如聞種種響 了世皆空寂 如世所有音 了知言語道 了法不在言 切諸世間 如 來 善入無言際 種種諸音聲 出生廣大解 因此了世法 不 具足音聲分 於聲不分別 所聞聲亦然 及聽說法音 心不生分别 示同分别法 壞於世法 演 菩薩聞音聲 疾成無礙智 譬如夢所見 其音悉周偏 非內亦非外 巧知諸法 知聲性空寂 而能示言說 知聲悉空寂 而能分别法 契經無量 性 如響偏 於法心無著 廣度諸羣生 長短等諸色 以世言音說 普出清淨音 雖聞無所 其心亦如是 與法無乖 了之悉如響 開悟諸羣生 世間 謬 著

(111111)

普觀諸: 不住於 譬如 了知 爲 世 世 不 心 菩薩獲此 於世住 間 間 此甚深 欲 不 所有法 離世間 世 利 無邊際 水 世間 中 間 世 世 出 影 性 間 間 忍 義 亦不住 淨音化世間 智 離 非 悉知其自性 於性無染著 不離於世間 寂滅無體 專意求菩提 以世不可說 內亦非 垢悉明徹 入悉齊等 世間 外 性 了法 於世無所依 善巧說三 菩薩求菩提 普化諸羣生 非於世間 雖不依世 亦不在內外 而恆爲饒益 而常入法 不捨本誓 無有二 世 外 間 性 心 修行一 了世非 於 修行意不動 化世令超度 依處不可得 於 普照智慧燈 無二亦無著 **令其捨衆著** 如影現世間 彼無分別 世無所著 切 世 智 間

化法離 第 化 修習菩提行 隨順 菩薩 知 佛以大慈悲 觀察甚深 世皆如: 海了於智 世所有佛 切諸 十忍明觀 化自 觀諸 分別 世 化 間 性 法 法 亦不 衆 化 不 莊嚴於化 度脫化衆 修習菩提道 諦了悉如 利 及以無量業 性 生及諸法 分別世 切亦如 益羣 印 分 世 别 生衆 法 藏 間 間 生 化 化 化 體性皆寂滅 此二俱寂 化事種種殊 度脫亦如 平等悉如 從 無量善莊 本願修諸行 而行 切法如 非生滅法 此入於智 如 化行 滅 嚴 化 化 化 智慧亦. 菩薩行 如業作 修行 皆由業差別 如空無處所 化力為說法 變化成如 畢竟住寂滅 菩薩行亦然 畢竟永不捨 如是 世 切道 如 是 間 來

於此善修學 唯 世 自住如空法 如是十種忍 智慧與音聲 虚空無初際 虚空無體 成就空忍力 如是觀法性 獲此如空智 以一 間相差別 方便 性 成就廣大力 普入衆世 皆空無有相 佛子所修行 及以菩薩身 復爲衆生說 亦復無中後 亦復非斷 永離諸取著 如空無有盡 切如虚空 間 滅 其性. 法力及智力 其心善安住 其量不可得 亦無種種 謂知三世 入於無相 降伏一切魔 如空無種種 無生亦無滅 境界如虚空 加虚空 處 法 别 爲菩提方便 廣爲衆生說 諸相悉平等 於 悉等虛空性 皆斯忍方便 菩薩之所得 菩薩智亦然 智力亦如是 不作空分别 切皆寂滅 世無所礙

三四

所修廣大行 通達此忍門 其量不可得 成就無礙智 超過一 調御師智海 一切衆 乃能分别 轉於無上輪 知

捨我而修行 入於深法性 心常住淨法 以是施羣 生

衆生及刹塵 尚可知其數 菩薩諸功德 無能度其限

大方廣佛華嚴經卷第四十四 菩薩能成就 如是十種忍 智慧及所行 衆生莫能測

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

普光再會大法重宣高超十聖與二賢等覺義幽玄心月孤圓究竟離言

左〇 藏增宗租遭災賷津籛浸簪陬左唱左字時普願法界衆生入般若

波羅蜜門

那○囊能濃奴猱病泥年難誑南毚那唱那字時普願法界衆生入般若

波羅蜜門

邏 郎楞籠盧勞來黎嫷闌林藍婁邏唱邏字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海 慈 巌

南 華嚴海會佛菩薩

音釋

駕轅 馬端 誤音 領橫 也措 者木 舛 契 謬合音 也靡 也氣 差幼 釋云 也音 夫設 盎終 人施 也沒 取謂 羸 為月瘦音 號之 也雷 也別 攬 名 攬音 徒 世懶 獨徒 點

校異同

第八頁

作藏 流第

動不 本行

動 固北

無本 通五

流第

通八

本行

也猾 慧音

也結

軛 厄軛 音鸣

黠

作藏 遠本 近近 遠 第二十三頁

第三十頁流通本作加斯里因字第十八頁流 如本 流第 聲知 通六 聲 本行

唐于闐國三藏沙門實叉難陀譯

阿僧祇品第三十

數不可稱不可思不可量不可說不可說不可說世尊云何阿僧祇乃至 爾 時 心王菩薩白佛言世拿諸佛如來演說阿僧祇無量無邊無等不可

間入佛所知數量之義而問如來應正等覺善男子諦聽諦聽善思念之 不可說不可說耶佛告心王菩薩言善哉善哉善男子汝今爲欲令諸世

當爲汝說時心王菩薩唯然受敎佛言善男子一百洛叉爲一俱胝俱胝 俱胝爲一阿庾多阿庾多阿庾多爲一那由他那由他那由他爲一頻婆

羅 羅頻婆羅頻婆羅爲一矜揭羅矜揭羅矜揭羅爲一 爲 最勝最勝最勝爲 一摩婆上羅摩婆羅摩婆羅爲 阿伽羅阿伽羅 阿婆 阿伽

華

婆羅 爲 毗 羅 婆 毗 伽 摩普摩普摩為一 婆泥羅婆泥羅婆爲 素 爲 異 覩 爲 毗 毗佉擔毗佉擔毗佉擔爲一 羅。 陀 伽婆爲 婆彌伽婆彌伽婆爲 路。 阿婆羅為 異路 周廣。 毗覩 毗 毗贍婆毗贍婆毗贍婆爲 素 異路為 周廣 羅 陀 一僧羯邏摩僧羯邏摩僧羯邏摩爲 毗覩羅紹 爲 周廣爲 多婆匙 禰摩禰摩禰摩爲 毗 **顚倒顚倒顚倒** 婆訶。 爲 河理婆訶 羅多婆羅多婆羅爲 奚婆 高 毗 **毗攞伽毗攞伽** 出高 婆訶 稱量稱量稱量爲一 出高 毗婆訶 羅奚婆羅奚婆羅爲一 毗盛伽毗盛伽 阿婆 爲一三末耶。 出為 爲 毗 伽羅爲 鈴阿婆鉛阿婆鉛 毗薄底。 最 界分界分界分為 三末耶 妙最 毗 毗 薩羅。 盛 持。 一動。 **跳薄底** 伽爲一 妙最 毗 毗薩 何察何 察何 察何 三末耶為 伽. 持 妙 婆。 毗薄 毗 爲 爲 羅 持為 素 毗 毗 泥 伽 彌 普 底

羅

理婆訶理婆爲一

動

動

偈

偈

羅

偈羅

爲

窣

步羅窣步羅窣步羅爲

泥羅泥羅泥羅為

Ξ

(1三元)

怛 **壁**擺 麽 怛 怛 怛 憍 那 伽 羅。 慢離 羅 怛羅鉢羅麽怛羅鉢羅麽怛羅 羅。 羅。 爲 奚魯伽爲 訶 奚 它 阿 理 伽麽怛羅伽麽怛羅爲 摩魯陀 麽 豎羅陀爲 麽 憍慢離憍慢爲一不動不動不動爲 蒲。 **腎羅緊羅緊羅 怛羅奚麽怛羅** 河理浦 怛羅阿麽怛羅爲 達攞步陀達攞步陀達攞步陀爲一 摩魯陀 訶理蒲爲 摩魯摩摩魯摩摩魯摩爲一 摩魯陀爲 爲 爲 薜雞薜雞薜羅 **鞞**麽怛 那 勃 訶理三訶理三 爲 **麽怛羅那麽怛羅那麽怛羅爲** 一懺慕陀懺慕陀懺慕 羅鞞麼 羅勃麼怛羅勃麼怛羅 尸婆麽怛羅尸婆麽怛羅尸婆麽 一極量極量極量為 一訶理三 爲 怛 調伏。 羅鞞麼 諦 訶魯 爲 羅。 調伏調伏爲一 但羅 派陀爲 諦 那。 奚魯伽公 加河魯那 羅 諦 爲 爲 豎擺 羅 訶魯 奚 爲 鉢 奚 伽 阿 離 歴 魯 陀。 羅 麽 麽

四

伽婆摩: 契魯陀 波 爲 迷耀普 爲 婆訶婆婆爲一 爲 羅 羅。 薜魯 跋 爲 計羅計羅 鉢攞麽陀; 摩羅羅。 多烏波跋多烏波跋多為 阿 加婆為 娑攞茶娑攞茶娑攞茶爲一 婆辞魯婆辞魯 迷耀普為 野娑阿野娑阿 契魯陀爲一 摩耀 爲 毗婆上 |鉢羅 羅摩羅 一者麽羅者麽羅者麽羅爲一馱麽羅 阿怛羅阿怛羅 細羅細羅細羅爲 摩覩羅摩覩羅摩覩羅爲一 歴陀鉢攞麼陀爲 一婆為 野娑爲 羅毗婆羅毗婆羅爲一那婆上 羅爲 一娑婆 羯羅波羯羅波羯羅波 迦 麽羅。 演說演說演說為 阿怛羅爲一 謎魯陀謎魯陀謎魯陀爲 脾羅。 毗 羅娑婆羅娑婆羅 迦麼羅迦麼羅 伽 睥羅睥羅爲 醯 魯 耶 醯 摩。 毗 娑母羅娑母羅 伽摩 無盪無盡無盡為 羅那婆羅那婆羅 爲 **默麼羅** 魯耶 毗 爲一 伽摩 謎羅。 爲 訶婆婆訶 摩伽婆摩 醯 一迷耀普 魯耶 爲
默歴 謎羅謎 娑母 契魯陀。 鳥

青蓮華青蓮華青蓮華爲一鉢頭摩鉢頭摩鉢頭摩爲一僧祇僧祇僧祇 出生出生出生爲一無我無我無我爲一阿畔多阿畔多阿畔多爲

無邊無邊爲一無邊轉無邊轉無邊轉爲一無等無等無等爲一無邊無邊無邊無邊無 僧祇轉阿僧祇轉爲一無量無量無量爲一無量轉無量轉無量轉爲一 爲 趣趣趣爲一至至至爲一阿僧祇阿僧祇阿僧祇爲一 阿僧祇轉阿 無

稱轉為 轉不可數轉爲一不可稱不可稱不可稱爲一不可稱轉不可稱轉不可 等轉無等轉無等轉爲一不可數不可數不可數爲一不可數轉不可數 一不可思不可思不可思為一不可思轉不可思轉不可思轉爲

說此又不可說不可說爲一不可說不可說轉爾時世算爲心王菩薩而 說不可說不可說爲一不可說轉不可說轉不可說轉爲一不可說不可 一不可量不可量不可量為一不可量轉不可量轉不可量轉為一不可

說頌言。

有不可說諸普賢 爾劫稱讚一 不可說劫如是數 此塵有刹不可說 說不可說不可 不可言說不可說 毛端處所有刹 念碎塵不可說 塵中刹不可 處刹悉如是 普賢 說 其數無量不可說 如一 充滿一 彼毛端處諸國土 以此諸塵數諸劫 此刹為塵說更難 念念所碎悉亦然 無能盡其功德量 不可言說諸佛 切毛端悉亦爾 切皆如是 切不可說 刹 於 盡虛空量諸毛端 以不可說筭數法 盡不可說劫恆爾 皆悉碎末為微塵 無量種類差別住 如是乃至徧法界 此不可說諸佛刹 不可言說諸劫中 塵十萬不可說 一微細毛端處

t

於彼一一 於彼一 於不可說諸月中 咸放光明不可說 皆不可說不可說 皆有淨刹不可說 葉中光明不可說 於彼一一蓮華 各現色相不可 有不可說異類 現光不可說 一毛端處 毛孔 内 中 刹 彼不可說諸色內 種種莊嚴不可說 光中現月不可說 光中色相不可說 悉有衆葉不可說 於彼一一光明中 現衆色相不可說 演不可說諸佛名 有不可說同類刹 現光不可說 諸佛於身上 於彼一 此不可說色相中 復現衆葉不可說 種種奇妙不可說 月復現月不可說 不可說華衆葉中 悉現蓮華不可說 現不可說諸毛孔 不可言說毛端處 不可言說諸毛孔 一名有諸如來 一光明內

佛所說法不可說 如是種種諸塵相 盡須彌寶無有餘 不可言說不可說 復現種種妙光明 光中妙色不可說 現不可說師子座 於彼一一諸色內 如是種種光明內 復現於日不可說 塵色相不可說 皆出光明不可說 衆刹為塵塵有相 於不可說諸日中 法中妙偈不可說 彼如須彌一妙寶 各現妙寶如須彌 此光復現種種光 示現刹土皆如是 色中淨光不可說 又現光明不可說 嚴具不可說 聞偈得解不可說 於彼一一光明內 光中現佛不可說 以一刹土末為塵 現衆刹土不可說 於彼一一淨光內 不可言說不可說 不可言說不可說 一一光中所現寶 一一光明不可說 一一現色不可說

清淨衆生不可說 往詣十方不可說 彼佛法身不可說 變化諸佛不可 調伏衆生不可說 於彼一 常演說法無窮盡 演脩多羅不可說 出妙音聲不可說 如一毛端餘悉然 不可說解念念中 一法門中 調伏衆生不可說 周行國土不可說 彼佛分身不可 或復於一毛端處 所住劫數皆如是 叉說諸法不可說 於彼一一 轉正法輪不可 顯了眞諦不可 變化諸如 佛法不可說 脩多羅 說 來 於彼一 彼諸莊嚴不可說 觀察衆生不可說 莊嚴無量不可說 其心無礙不可 復現於化不可說 於彼一 不可說劫常安住 種種淸淨不可說 分别法門不可說 示現未來一 諸法 法輪· 切佛 說 中 中

(一三三五)

於彼 於彼一 於 調 諸明筭者莫能辨 不可言說同類心 又說諸法不可說 所住世間不可 所有神通不可說 彼諸神力不 不可言說異類 中時劫不可 伏衆生不可 一決定中 脩多羅 可 說 根 說 於彼 調伏衆生不 演說法門不可 於中差別不可 所有神變不可 不 不可言說異類法 清淨實相不可 彼諸自在不 所有境界不可 毛端處大小刹 可言說異類 諸法 可 可 説 說 中 說 說 語 說 說 說 於彼 念念於諸所行 雜染清淨驫細 菩薩悉能分別 所有示現不可說 說脩多羅不可說 彼諸神變不可說 不可言說異類心 不可言說同類 所有決定不可說 所有加持不可說 一一法門中 說 法 刹 處

意根明了不可說

遊歷諸方不可說

勇猛精進不可

入已所作不可

入時方便不可說

切諸劫無能

說

如是攝受安住已

受時劫數不可說

於此行列安住時

諸刹不能偏毛孔

入時劫數不可

所有境界不可說

於一 如一 如是一 悉布毛端使充滿 此諸國土不可說 而彼國土俱來集 其塵無量不可 微細毛孔中 國土不亂餘 切不可說 說 共集毛端無迫隘 不可說刹次第 如是毛端諸國 於中所有諸國 如是塵數無邊刹 切國土皆如是 明了可分别 土 菩薩一 以一 形相如 毛孔能受彼諸刹 虛空境界無邊際 不使毛端有增大 俱來共集一毛端 國土碎為塵 念皆能說 本無雜亂

- 二三七

斷諸疑惑不可 語業淸淨不可 知其業果不可說 甚深三昧不可 妙智清淨不可說 所有境界不可說 知其種性不可說 自在神變不可 知其趣向不可說 知其正生不可說 切佛刹不可說 說 說 說 說 意業清淨不可 知其言語不可說 知其生已不可說 知其意解不可 知衆生身不可說 了達一切不可 出離生死不可 妙慧淸淨不可說 知其受身不可說 所有思惟不可 切通達不可說 說 說 說 說 知其作業不可 知其解了不可說 知其品類不可 身業清淨不可說 知其生處不可說 知其心樂不可說 超升正位不可 了諸實相不可說 所有大願不可說 信解清淨不可說 切衆生不可說

修行於施不可說 讚歎諸佛不可說 最勝悟解不可說 處處分身不可說 詣諸國土不可說 最勝香鬘不可說 種種無量不可說 入諸佛刹不可說 請問正法不可說 菩薩如是大慈悲 切悉施不可說 利益一 愛樂正法不可說 持戒清淨不可說 其心過去不可說 增上志樂不可說 清淨衆寶不可說 親近諸佛不可說 供養如來不可 示現神通不可說 敷揚佛教不可說 見諸菩薩不可說 切諸世間 說 成就諸忍不可說 心意清淨不可說 有求皆施不可說 恭敬諸佛不可說 作諸供具不可說 清淨信心不可說 發生智慧不可說 普現其身不可說 普徧十方不可說 上妙蓮華不可說 現種種身不可說

彼大法雨不可說 學甚深智不可說 彼諸法智不可說 清淨法門不可說 彼諸正念不可說 修無量行不可說 寂然在定不可說 不傾動心不可說 起大精進不可說 無生法忍不可 三昧自在不可說 說 彼諸神力不可說 彼淨法輪不可說 彼諸法界不可 無量智慧不可說 菩薩法力不可說 發廣大願不可 了達諸法不可 其心過去不可說 具足寂靜不可 了達諸禪不可 切定藏不可 說 說 說 說 說 說 **彼諸方便不可說** 彼大法雲不可說 究竟智慧不可說 修方便智不可說 菩薩法住不可說 甚深境界不可說 明見諸佛不可說 觀察諸法不可說 住寂靜地不可說 智慧通達不可說 不退轉心不可說

放大光明不可說 修行精進不可說 觀察調伏不可說 清淨佛土不可 諸刹差别不可說 知其根性不可 知其種性不可 無邊色相不可說 念念恆住不可 入空寂智不可說 毛孔不可說 說 說 說 種種色相不可 放光明網不可說 度脫衆生不可 變化自在不可 雜染世界不可 諸佛刹海不可 念念相續不可 知其解欲不可 知其業報不可 種種間錯不可 種種淸淨不可 說 說 說 說 說 說 說 說 光網現色不可說 令衆生淨不可說 差别莊嚴不可說 雜染清淨不可說 了知衆生不可說 種種妙好不可說 悉能往詣不可說 示現神變不可說 現種種身不可說 知其心行不可說 無量行門不可說

善能修學不可說 能住其中不可說 彼諸菩薩不可說 讚揚無盡不可說 諸佛子衆不可說 清淨修行不可說 成就智寶不可說 正念眞實不可說 **清淨語業不可說** 調伏衆生不可說 普照佛刹不可 說 清淨功德不可 清淨勝行不可 成就無畏不可 深入法界不可說 住中智慧不可說 世間導師不可 開悟衆生不可 智者音聲不可 **令出生死不可說** 無邊意業不可 勇猛無畏不可 說 說 說 說 說 盡諸劫住無能說 彼諸邊際不可說 演說讚歎不可 調伏世間不可說 菩薩總持不可說 稱歎諸佛不可 具足威儀不可說 音聲清淨不可說 清淨身業不可說 殊勝妙行不可說 方便善巧不可說

長時修習不可說 知 哀愍世間不可說 **清淨法輪不可說** 廣演正法不可說 諸佛菩提不可說 不可說劫猶可盡 無量大願不可說 了達三世不可說 於法無礙不可說 欣樂諸佛不可說 切法不可說 不可說德不可盡 不可言說一 勇猛能轉不可說 種種神力不可說 嚴淨佛刹不可 發生智慧不可 清淨大願不可說 住於智慧不可說 智慧平等不可說 二世如空不可 念悟解不可說 切劫 說 說 說 讚不可說諸功德 諸佛自在不可說 修行諸力不可說 不可言說諸如 種種開演不可說 成就菩提不可說 善入諸法不可說 殊勝妙行不可說 示現世間不可說 分別義理不可說 二世智慧不可說 來

其數無量不可說 乃至法界悉周徧	不可言說蓮華界不可說劫猶可盡	如一如是一切舌如一如是一切佛	現於聲不可	此不可說中一頭	不可言說一切身	十方所有諸衆生	不可言說諸舌根
一微麈處無邊際其中所有諸微塵	一一蓮華世界中歎佛功德無能盡	如一如是一切聲	不可說中一	示現於舌不可說	此不可說中一身	一切同時成正覺	歎佛不可言說德
無量諸刹普來入世界若成若住壞	賢首如來不可說一微塵中能悉有	不可說劫恆讚佛如一如是一切頭	於助	此不可說中一舌	示現於頭不可說	於中一佛普能現	不可說劫無能盡

如其一 神力示現不可說 種種三昧不可說 神通大力不可說 所行清淨不可說 入淨法界不可說 毛孔因緣不可說 於法非行非不行 了達諸佛不可說 壽命劫數不可說 十方差別不可說 切悉了知 得不可說無礙心 悉能經劫於中住 獲深智藏不可 成就十力不可說 精進勇猛不可說 所行無際不可說 種種形量不可 無障礙智不可說 諸佛所行不可說 刹海分布不可說 諸境界不可說 說 說 往詣十方不可說 於不可說諸佛所 於此靡不皆通達 種種數量不可說 覺悟菩提不可說 入於毛孔不可說 甚深妙法不可說 不可稱說諸大劫 智慧通達不可說 往詣衆刹不可說 刹中有如來

裟 尼 爾 如			
懂世界金剛堅佛刹 時心王菩薩摩訶薩 來壽量品第三十一	體語	6 見 毛	一神恆
界一王量	體性差別不可證明國土不可	見諸如來不可 毛端佛刹不可	一一了知不可阿通智慧不可
金劫·菩品	性差別不可	如來不	一了知不可避十方不可
堅 極 摩 三	" オ	茶茶	常 常 不
佛樂訶十	可可可	可可	
世界金剛堅佛刹為一日一夜袈裟幢世界刹一劫於極樂世界阿彌陀佛刹為一日一心王菩薩摩訶薩於衆會中告諸菩薩言佛壽量品第三十一	說訴	說說	說說說
一阿衆			•
日一夜袈裟幢世界一劫於彌陀佛刹為一日一夜極樂會中告諸菩薩言佛子此娑	如是三世無有邊	通達一實不可 塵中佛剎不可	能於一時證菩 念念示現不可 方便智慧不可
夜。佛告	产往	達一實不可中佛刹不可	一一一一一一一一一一一一一一一一一一一一一一一一一一一一一一一一一一一一一一一
袈 刹 諸	世龍	實利	時現慧
後 為 音 · · · · · · · · · · · · · · · · · ·	無		超 小 小 茎 可 可
世日言。	邊携	說說	提說說
界一佛			: :
一 夜。子。 劫· 極 此	菩 國	善如	或於眞
於樂娑			或種種時而證入於不可說諸佛法眞實智慧不可說
不 世 姿 退 思 ##	一级和	话 佛 佛 :	種門智
轉一界	陸一切皆明見 土衆生及諸佛	一件 智	種時而證入可說諸佛法
音劫・釋	明諸	可往	證佛可
世界金剛堅佛刹爲一日一夜袈裟幢世界一劫於不退轉音聲輪剎一劫於極樂世界阿彌陀佛刹爲一日一夜極樂世界一劫於袈心王菩薩摩訶薩於衆會中告諸菩薩言佛子此娑婆世界釋迦牟壽量品第三十一	兄勿	說話	人
職 袋 			

世 界善勝光明蓮華開敷佛刹為 一日一夜不退轉音聲輪世界一劫於

爲一日一 離垢世界法幢佛刹爲一日一夜離垢世界一劫於善燈世界師子佛刹 光明世界一劫於難超過世界法光明蓮華開敷佛刹爲一日一夜難超 夜善燈世界一劫於妙光明世界光明藏佛刹爲一日· 一夜妙

界一劫於鏡光明世界月智佛刹爲一日一夜佛子如是次第乃至過百 過世界一劫於莊嚴慧世界一切神通光明佛刹爲一日一夜莊嚴慧世

賢菩薩及諸同行大菩薩等充滿其中 萬阿僧祗世界最後世界一劫於勝蓮華世界賢勝佛刹爲一日一夜普

諸菩薩住處品第二十二

從昔已來諸菩薩衆於中止住現有菩薩名金剛勝與其眷屬諸菩薩衆 爾時心王菩薩摩訶薩於衆會中告諸菩薩言佛子東方有處名僊人山

薩 從昔已來諸菩薩衆於中止住現有菩薩名文殊師利與其眷屬諸菩薩 其眷屬諸菩薩衆 方有處名香積山從昔已來諸菩薩衆於中止住現有菩薩名曰香象與 丽 有菩薩名日天冠與其眷屬諸菩薩衆 三百人倶常在其中而演說法南方有處名勝峯山從昔已來諸菩薩衆 演說法西方有處名金 於 名精進無畏行與其眷屬諸菩薩衆三百人俱常在其中而演說法北 中止住現有菩薩名日法慧與其眷屬諸菩薩衆五百人俱常在其中 中 萬 而演說法東南方有處名支提山從昔已來諸菩薩衆於中止 中 人俱常在其中而演說法海中有處名金剛山從昔已來諸菩 止住現有菩薩名日法起與其眷屬諸菩薩衆千二百人俱常在 三千人俱常在其中而演說法東北方有處名淸涼山 一剛餤山從昔已來諸菩薩衆於中止住現有 一千人俱常在其中而演說法 在。 建現

岸城有 衆於 有一住處名無礙龍王建立從昔已來諸菩薩衆於中止住甘菩遮國有 衆五千人俱常在其中而演說法大海之中復有住處名莊嚴窟從昔已 羅延窟從昔已來諸菩薩衆於中止住疏勒國有一住處名牛頭山從昔 來諸菩薩衆於中止住毗舍離南有一住處名善住根從昔已來諸菩薩 山。 與其眷屬諸菩薩衆三千人俱常在其中而演說法西北方有處名香風 南 住處名 俱珍那城有一住處名日法座從昔已來諸菩薩衆於中止住淸淨彼 從昔已來諸菩薩衆於中止住現有菩薩名曰香光與其眷屬諸菩薩 方有處名光明山從昔已來諸菩薩衆於中止住現有菩薩名曰賢勝 中止住摩度羅城有一住處名滿足窟從昔已來諸菩薩衆於中止 住處名目眞隣陀窟從昔已來諸菩薩衆於中止住摩蘭陀國 出生慈從昔已來諸菩薩衆於中止住震旦國有一 住處名那

四

中止住乾陀羅國有一住處名苫婆羅窟從昔已來諸菩薩衆於中止住 於中止住菴浮梨摩國有一住處名見億藏光明從昔已來諸菩薩衆於 菩薩衆於中止住增長歡喜城有一住處名尊者窟從昔已來諸菩薩衆 已來諸菩薩衆於中止住迦葉彌羅國有一住處名曰次第從昔已來諸

誦補闕眞言

大方廣佛華嚴經卷第四十五

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳秘密義幽玄功德無邊唱誦利人

天

拖)唐滕同徒陶臺啼田檀〇覃頭柂唱柂字時普願法界衆生入般若

波羅蜜門

婆●傍朋蓬蒲袍牌毘頻槃○覂慐婆唱婆字時普願法界衆生入般若

波羅蜜門

茶)長澄重除桃姆池陳聯沉煘儔茶唱茶字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三 一塗共入毘盧

性

海

南無華嚴海會佛菩薩切 我稱 等願 與以 黎此 生功 皆德 共普 成及 佛於 道一

荜

嚴

經

卷四十五

音釋

第十八頁 本第 俱十 普一 來行

入唐

惟本

藏及

本宋

作元

普本

入諸

來流

通

講誦感應四

洪 水斷流

淨為 計為 云陀 聲盘 伽 俱 信號 作思 處此 胝 入 毘伽 之又 故惟 隘 鞞 伽上 億於 所云 以以 也挨 皮音 同聲 胝語 生 為其 狹去 薜 後 張也 名國 也聲 避音 鈴 尼此 突 乾音 切云 人馆 陋 **窟 聲孫** 昆 今多 阿 此所 窟坤 攞 庚 入 漢思 穴入 脾羅下 多 國慮 也聲 臂音 音 光梵 是多 苫 謎 邏 庚語 婆 聲迷 聲羅 弋也 也所 羅 那 上 渚此 去 羅名梵茶毘 切云 延 苦語 途音 盛 矜 堅此 詩土 京音 伽 駃 固云 廉窟 陀音 聲盛 摩 目貨法 上生養性 切之 支 提震 山 且 隣 平 字上 此支 國 陀 何 並聲 山提 曰或 脫目 四音 同後 似墖 眞日 是眞 之廟 丹支 龍此 豎 禰 故之 此那 名云 衣音 你音 勃 彌 因名 翻亦 隣解

嚴爲業嘗居山將欲種葵地多蟲蟻乃巡疆定封蟲便外徙盡力耕墾 杜 順和尙俗姓杜氏諱法順京兆杜陵人也操行高潔學無常師以華

無所損三原縣人自生聾啞順乃召之與語應言便愈因詣 南 Щ۰

逝葬樊 横 身。 渠汎溢止之斷流徐步而過將終之日普會有緣聲色不渝言終而 川北原今全身墖在長安南華嚴寺事跡頗多別傳云是文殊

金城輝暎

化

者童

皆子

悟 大乘。至 今時。常於 宅 後

說塚

法家

在說法。

金蘇陀室利。 中印度那蘭陀寺僧誦持華嚴年八十五航海來禮五臺

毎 諸天童子遊戲其中後於靈鷲峯化去得舍利八合璀爛如珠 臺頂誦華嚴十部禪寂七日定中見金城紺殿寶蓮香水珠網交

光 如晝 輝。

四帙其光於 皎 里 尼 題。 知所之尼日但下前谷彼有禪窟僧依而住往 無所投寄願不見遣尼曰若不去某不可住當 儀 一餘一僧 在前 稱如是我聞乃遙見其尼身處繩床 謂梵僧日尼不合與大僧同宿大德且去明日 大聖遇一尼師在嵒石間松下繩床端狀獨 鳳 、 殊師利有 北方有菩薩 年 峯。 中。 西域 稍 誦 一心合掌手捧香爐 稍 經 兩帙已上其光盛於谷南 却收至六帙都畢其光並入尼口 有二梵僧至五臺山賷花執爐肘膝行步 萬菩薩眷屬常爲說法其山在岱州南忻州東 住處名清 凉 面北遙禮傾心聽經聆 山過去諸菩薩常於中住彼現有 面南而 可方圓十重與晝無異經 **|| 入深山僧**|| **%坐口誦華** 坐口中放光赫 尋果見禪窟。 華嚴經菩薩住處品 更來僧曰深山路 聆 於 徘 嚴時景方暮 向 徊慙懼。 耳初啓 山頂禮 相 如金 去可 菩

(一三五五

崛摩羅經云文殊是東方歡喜世界摩尼寶積佛彼神尼之境界必文 五臺山首楞嚴三昧經云文殊是過去平等世界龍種上尊王佛又央

殊之分化以示梵僧也

唐于闐國三藏沙門實叉難陀譯

佛不思議法品第三十三之一

思議諸佛種性云何不思議諸佛出現云何不思議諸佛身云何不思議 爾 時大會中有諸菩薩作是念諸佛國土云何不思議諸佛本願云何不

佛無礙云何不思議諸佛解脫云何不思議爾時世尊知諸菩薩心之所 諸佛音聲云何不思議諸佛智慧云何不思議諸佛自在云何不思議諸 念則以神力加持智慧攝受光明照耀威勢充滿令靑蓮華藏菩薩住佛

次第住不可說佛法方便爾時靑蓮華藏菩薩則能通達無礙法界則能 無畏入佛法界獲佛威德神通自在得佛無礙廣大觀察知一切佛種 安住離障深行則能成滿普賢大願則能知見一切佛法以大悲心觀察 性

(一三五七)

音聲。 意 有 佛 言佛 法。 佛 礙 無邊 音聲 住 佛子諸佛世 眼· 有 轉 智解了一切無盡智門總持辯才皆悉具足承佛神力告蓮華藏菩薩 於 子諸佛世(無 不 淨 欲 陰意住於 令清淨精 切諸佛有 邊際身色 可 法輪住四辯才說無量法住不思議 周 說 徧 切法悉能明見一 法 湛深法界住現一 算有 界。 尊有十種法普徧 相清 無礙平等法身 無邊際鼻能 勤修 切諸佛 無量住所謂常住大悲住種種身作諸佛事住 習無有厭怠受行 淨普入諸 有 切 諸佛有無邊際 切最 無邊際身應衆 到 話佛自在彼岸一 無量無邊法 趣而無染著一 勝神 切諸佛有無邊際無礙解脫示 通住 切諸菩薩法於一 能開示 生 無 界何等為 切佛法住淸淨音偏無量 障 切 心 咸 切諸 礙 耳· 諸佛有無邊際無障 令得 無有障礙究竟之 十所謂 悉能 佛 見。 有廣長 念中 解 切 J 現無 諸 平等 切 出 佛 切 生

諸佛於 邊際 莊嚴無數莊嚴如來自在 世界不可言說種種佛身 示現無量世界敎化衆生供養諸佛一 量種種莊嚴而於其中不生染著一切諸佛有無邊際菩薩行願得圓滿 示現無量世界菩薩受生一切諸佛於一念中悉能示現無量世 智遊戲自在悉能通達一切佛法佛子是爲如來應正等覺普偏 佛於一念中悉能示現無量世界從天來下一 大神通力一 十種佛法佛子諸佛世尊有十種念念出生智何等爲十所謂。 切諸佛於一念中悉能示現無量世界菩提樹下成等正覺一 念中悉能示現無量世界轉妙法輪一 切諸佛有無邊際清淨世界隨衆生樂現衆佛土具足無 切智藏。 切諸佛於一念中悉能示現無量世界種種 切諸佛於一念中悉能示現無量 切諸佛於一 切諸佛於一念中悉能 念中悉能 界出家 法 界無 切 切

切諸佛於一

念中悉能示

現無量

Ξ

四

諸 諸 佛 大捨 趺 切 諸 佛 諸 示 世 子諸佛 佛 諸 現神 佛 世尊 佛 福 不失時。 佛調惡衆生不失時一切諸佛現不思議諸佛神通不失時是爲 放 無量 成 種 切諸佛 滿十方無量世界一 力不失時一切諸佛隨衆 有十種不失時 熟有緣不失時 種根性種種精進種種行解於三世中成等正覺是爲十佛子諸 光明悉能 世尊有十種 無數清淨衆生。 切諸佛, 於 處中悉能示現 徧 照 無 入諸聚落不失時 何等爲十所謂 比不思議境界何等爲 切諸佛授菩薩記 切世界。 切諸佛說一 切諸佛於 生解示現佛身不失時一 切世界。 切諸佛於一 義句悉能開 切 念中悉能示現無量世界三 不失時一 切諸佛攝諸淨信不失時 諸 佛成等正覺不失時一 十所謂 切諸佛於 身中悉能示 切諸佛隨衆 示一 切佛 切諸 切諸佛住 智 中悉能 法。 佛 生 切 世 切 加 切 心

法

淨身 生知 十。佛 所 而 衆 諮 決了 無有言 趣向· 能 切法無我無衆 佛於一念中悉現如來無量威德一 生 切諸 出 子諸佛世尊能出生十種智何者爲十所謂 心 生了 無雜亂。 而能 切諸法無所罣 說· 佛 切諸佛知 諸相 而能 知 出生迴 切諸佛知 切法無有造作而能出生知業果智 智。 生而能出生調衆生智一 出生了言說 切諸佛於一 ²向願智一 切法本 切諸佛 礙。 切法無有生滅而能出生了生滅智是爲 切諸佛於一 來無二 切諸 念中與去來今一 智。 知 切世 佛知 切諸佛知一 而能出生能覺悟智 切諸佛於一念中普緣三世佛 界無有成壞而能 念中悉能偏往十方世界 切諸佛知 切法皆無有 切法無有染 切諸佛體同無一 切諸 身而能 切法本來無 佛知 切諸佛知 出生了成 切諸 淨 一切法 出生清 M 一是爲 能 佛 壞 切 相· 知 無 切

五

大

智慧。 世 具足 衆 羅 何 法 三世。 佛 等為 佛皆 尼普能受持一 生無有休息一 輪。 界化導羣品。 子諸佛世尊有十種普入法何等爲十所謂 甚深禪定恆普觀察一 十所謂一 念普立 悉具足無礙神力一念普現三世諸佛一 切諸佛皆悉具足三種自在普化衆生一 切諸佛悉能調伏一 切諸佛皆悉具足平等大悲恆不捨離一 切佛法。 一世劫數是爲十佛子諸佛世尊有十種難信受廣大法 切諸佛悉能摧滅一 切諸佛皆悉具足無所礙心普能安住一 切諸佛悉能智證甚深法界一 切衆生一 切衆生咸令歡 切諸佛皆悉具足四種辯才普轉一 切諸魔一 切諸佛皆悉具足利他善 悅。 切衆生一口 切諸佛皆悉具足 切諸佛皆悉具足諸陀 切諸佛悉能降伏一 切諸佛有淨 切諸佛悉皆能以無一 切諸佛悉能往 切法界一 切諸佛皆悉 妙身普入 切清 根。 調 無 切 切 切 淨

華 麗 經 卷四十六

清 淨。 後際 佛 諸 威德離過清淨 界以智光明破世癡闇令於佛法悉得開曉隨逐如來住十力中是爲 無斷凡有信受功不唐捐一 之身現種種身充滿世 而 切世界微塵數等無有斷絕一 佛盡 子諸佛世尊有十種大功德離過淸淨何等爲十所謂一 微塵不大世界不小常以證智安住法界 切世界微塵數等具足種種上妙莊嚴恆於其中轉妙法輪敎化衆生 福德無盡等於法界離過清淨 一未來際心無所住離過清淨一 切諸佛知種種性皆是一 切諸佛悉於三世如來家生種族調善離過清淨 界。 切諸佛皆悉能於一毛孔中出現諸佛與 切諸佛悉皆能以淸淨音聲起四辯才說 切諸佛皆悉能於一 性 無所從來離過清淨一 切諸佛無邊身相偏十方刹隨 切諸佛於三世法皆無所著離 切諸佛皆悉了達淸淨法 微塵中示 切諸 切諸佛具大 現衆利 佛前際 過 切

(一三大三)

竟清 竟清 有 作 佛 調 有 切 涅 不 ·吼明了! 槃 種 回 種佛 辦 族 佛 淨。 說 衆 到 莊 佛 切衆 究竟清 不 生 切 嚴 於 分别 世 可 聞 切諸佛所持梵行 、彼岸 諸 「尊有十種究竟清 國 何等爲 說世界中若 名獲無量 生離過清淨 佛 淨。 一究竟清淨。 究竟清淨是爲 切諸法離過清 切諸 切 智智無有障礙究竟清淨 福· 佛色身 者若有衆生專 有衆 如 究竟清淨。 佛現在 切諸佛獲 切諸 淨。 生 何等爲 十佛 淨。 一 一心正 相好究竟清 功 佛所有眷屬 子。 德 四 切諸佛於不 一十所謂 諸 切 念則皆得見離過清淨是爲 心憶念則現其前一 無 無畏離諸 佛 諸 異離過清淨。 佛離 世 淨。 尊 究竟清淨一 於 切諸 切諸佛 切諸 可說 世 恐怖於衆會 衆惑究竟清淨 佛往昔· 佛解 切 不 世 法身 切諸 可說 者 脫自在 切諸 界 無染 劫入 中大 大 佛 切 佛 願 遠 所 所 師

1

知

切衆

生心行

無盡智海法。

切諸佛福智莊嚴無能過者

無盡

切諸

佛

願

無盡

智海法。

切諸佛盡未來際恆作佛事無盡智海法

海

法是爲

一一佛子諸佛世尊有十種常法何等爲十所謂

者遊諸 者若有衆 生 心 不調順則爲說法三者若有衆生能生淨信必令獲得無量善根 .佛刹往來無礙七者大悲不捨一 生能入法位悉皆現證無不了知五者教化衆生無有疲厭六 切衆生八者現變化身恆不 几

絕。

九者

神通自在未嘗休息十者安住法界能偏觀察是爲十佛子諸

佛

無 切諸佛無量無數難思善根無盡智海法一 世 盡智 尊有十種無盡智海法何等爲十所謂 一切諸佛無量佛事無盡智海法一 海 法。 切諸佛讚佛功德無盡智海法一 切諸佛佛眼境界無盡智海 切諸佛普兩一 切諸佛無邊法身無盡 切諸佛往昔所修種種 切甘露妙法 法。 一智海

(一三六五)

切諸佛常行

界成 量 量 佛 諸 一菩薩 種演 佛常 切 演 切諸 佛常有十力。 切世 壞 諸 |常示入於 佛演 劫 無量 樂調 行門。 說 波 界三 一一佛子諸佛世尊有十種爲衆生作佛事何等爲 無量諸佛法門何等爲十所謂一切諸佛演 羅 化 伏 說無量衆 奎。 記衆生門一E 世諸佛於彼彼 切諸 無餘涅槃諸佛境界無邊際故是爲十佛子諸佛世 切諸佛演說無量菩薩 切衆 切諸 切諸佛於 佛演 生行門。 佛常 生。 切諸佛演說無量淨衆生門 說 切諸佛 轉法輪。 無量 幼次第 切法常離迷惑一 菩薩 切諸佛演說無量衆 心常正念不二之法 出現門一 顧門。 深心淨佛刹 切諸佛常爲衆 切諸佛演說 切諸佛演 切諸佛常 仁業果門。 S 說無量 生示成正 切諸 切諸 一一所謂 切諸佛 具大悲 說 無量 佛演說 佛 衆 切諸 作生界門 覺。 演 一算有 說 切諸 化 切 切 佛 世 無 切 切

華 嚴 經 卷四十六

(一三大七)

失菩提之心。 往不可說不可說世界如是而爲 切 切 爲 爲 以地 諸佛有所受爲衆生作佛事 諸佛示現色身爲衆生作佛事一 衆 功德盡未來劫修菩薩行不生懈倦一 衆 生 一種衆生大悲普觀平等無異一 作佛事 佛大願堅固不可沮壞所言必作言無有二一切諸佛爲欲圓滿 生作佛事是爲十佛子諸佛世尊有十種最勝法何等爲十所謂 生作佛事一 水火風爲衆生作佛事。 切諸佛積集無量諸善功德皆以迴向 切諸佛種種名號爲衆生作佛事一 切諸佛嚴淨佛刹爲衆生作佛事一 切諸佛神力自在示現一 切諸佛無所受爲衆 切諸佛出妙音聲爲衆生作佛事 切諸佛從初發心乃至成佛終不退 切衆生而無斷絕 切諸佛爲欲調伏一 切諸佛以佛刹境界 生作佛事一切諸佛 切諸佛寂寞無言 切智性於諸 切諸佛於信於 切所緣境界為 切衆 生故· 切

念念觀 皆能 世 臥 切 種 樂不貪不染而普願世 處 向 間 以終無染著 無 諸 無 種 苦守護佛 及 佛皆能 障 於 障 照 切 無障礙住何等爲十所謂 礙 礙 智性成於無上正等菩提一切諸佛放大光明其光平等照一 切衆 住。 切世界住兜率天宫 住。 切諸佛之法令諸菩薩心得淸淨滿 住一 種行佛境界出離生 一切諸佛皆能 切諸 生心行以三種自 切諸佛於諸佛所修學二業唯行佛行非二乘行皆爲 切世界無障礙住一切諸佛皆能於一 佛皆能 間離苦得樂無諸戲論 於一 坐法界一 無障礙住一切諸佛皆能 在教化調伏無 切世界演說正法 切諸佛皆能往 死逮十力地是爲十佛子諸佛世尊有 切道場 無 障礙住。 障 切諸佛愍諸衆生受種 切 一碗住。 無障礙 切世 智。 界無障 切諸 切世界行 入法界 住。 切諸 切諸佛皆能 佛捨 佛皆能 切 礙 切三 諸 住 住。 離 佛 坐 世 切 迴

平 嚴 經 卷四十六

(一三大九)

界衆 嚴意 **諸佛第二最勝無上語莊嚴** 光 三最 勝 子 明網 分無量百千淸淨之晉以爲嚴好能於法界一 吼演說如來甚深法義衆生聞者靡不歡喜隨其根欲悉得調伏是爲 最 開 無 身住無量不思議佛所及一切處利益衆生無障礙住 勝無上意莊嚴一切諸佛皆悉能放無數光明一一 生心之所行去來現在各各差別於一念中悉能明見是爲諸佛第 業所行境界通達無礙。 勝無上身莊嚴一切諸佛皆悉具足六十種音一一音有五百分 上莊嚴何等爲十所謂一 示無量諸佛所說正法無障礙住是爲十佛子諸佛世尊有十種最 以爲 眷屬普照 切諸佛國土滅除 切諸佛皆悉具足諸相隨好是爲諸佛第 切佛法咸得無餘法界莊嚴 切諸佛皆具十力諸大三昧十八不共莊 切世間黑闇示現無量諸 切衆中無諸恐怖大師 光明有不可說 而爲莊嚴治 切諸佛皆

M

切世 隨 最 法身莊嚴一切諸佛皆有無量常妙光明不可說不可說種種色相以爲 菩提記是爲諸佛第五離世癡惑最勝無上現微笑莊嚴一 億 爲諸佛第四最勝無上光明莊嚴一切諸佛現微笑時皆於口中放百千 嚴好爲光明藏出生無量圓滿光明普照十方無有障礙是爲諸佛第 世雜了世實性行出世法言語道斷超蘊界處是爲諸佛第六最勝無 法身清淨無礙於一切法究竟通達住於法界無有邊際雖在世間不 佛出與其身平等悉皆淸淨所作佛事咸不唐捐能令衆生至不退轉是 心所現妙色映蔽 勝無上常 那 界於大衆中發誠實語授無量無數不思議衆生阿耨多羅三藐三 由 他 阿僧祇光明一 妙光明莊嚴一 切三界妙色到於彼岸無上妙色是爲諸佛第八 一光明各有無量不思議種種色偏照十方一 切諸佛皆有無邊妙色可愛妙色淸淨妙色 切諸佛皆有 與

最 無諸過失離世譏謗一 勝無上妙色莊嚴。 切法中最爲殊勝淸淨妙行之所莊嚴具足成就 切諸佛皆於二世佛種中生積衆善寶究竟清· 淨。

增 無 諸佛以大慈力莊嚴其身究竟淸淨無諸渴愛身行永息心善解脫見者 長 厭大悲救護 切智智種族清淨無能譏毀是爲諸佛第九最勝無上種族莊嚴 無量福德智慧之聚是爲諸佛第十最勝無上大慈大悲功德莊嚴 切世間第 福田無上受者哀愍利益一切衆生悉令

法 是爲十佛子諸佛世尊有十種自在法何等爲十所謂一 悉得自在明達種種句身味身演說諸法辯才無礙是爲諸佛第 切諸佛於 自 切

在法。 斷絕是爲諸佛第二自在法一 切世界六種震動令彼世界或舉或下或大或小或合或散未曾 切諸佛教化衆生未曾失時隨其願樂爲說正法咸令調伏無有 切諸佛能令盡虛空界無量無數種種莊

爲諸 量 念 其 諸 害於 平 莊 而 任壽經不 等 切 世 嚴。 不 未曾廢忘方便調 佛 一切諸 佛 佛第五 えー 暫 以 經 種佛以 衆生其· 法 捨 神 無數劫說不能盡悉皆離染淸淨無比一 佛爲 刹 非 通力悉能嚴淨一 自在 切法 可說 中是爲諸佛第 已現覺亦非當覺亦不住於有學之地而悉知見通 神 欲 中衆生不覺不知無疑無怪是爲諸佛第三自在 第十方各 法一切諸 調伏 力一念咸到轉於無礙清淨法輪是爲諸佛第 不 伏 可說劫乃至盡未來際結 而不失時如爲 切 心自在法。 佛悉能 切世 衆 别一 《生念念· 界於一念頃普現一 方有無量世 編往 中 一切諸佛見一 成 衆 一切世 生。 阿耨 爲 跏 泉。 一 界海。 多羅三藐三菩提 趺 切佛刹嚴淨之事 切衆 坐身心無倦專 切如來所行之處. 衆生應受化者 切世 生 **| 界莊嚴此** 世 界海 如是是 六自 法。 皆令 而 有 心憶 在 切

說 能 華藏師子 自 住 佛 無量 數劫悉見諸佛出現於世敎化衆生轉淨法輪開示過去未來現在不可 ग्र 定而於其中無所障礙是爲諸佛第九自在法一 法。 說 切 世 能 以舌處作身處佛事能 協虚室 諸佛刹等而無迫隘一一 法一切諸佛其身毛孔 出 世 以眼處作耳處佛事能以耳處作鼻處佛事能以鼻處作舌處佛事 智慧無量自在敎化調伏一 界微塵數佛一 一世間種種境界一一 座上成等正覺示現諸佛自在神力如於衆妙蓮華廣大莊嚴 界一 切衆 生諸趣受身威儀往來及其所受種種樂具皆悉 一佛皆於一切法界衆妙蓮華廣大莊嚴世界蓮 以身處作意處佛事能以意處於一 境界中能作無量廣大佛事是爲諸佛第八 衆生步步能過無數世界如是展轉盡 能容一切衆生一一 切衆生是爲諸佛第七自在法一 切諸佛於一念頃 衆生其身悉與不 切世界中 切諸

λ

衆 生。 了 唐 諸 成 涅槃是為 切 在 種 世 知諸 捐。 佛皆 就 佛 念 法佛子諸佛世尊有 種 如是於 e 🛱 悉成就 法皆離戲論而能開示諸佛善根是爲第 切善根。 切 現種種: 切諸佛皆悉能爲衆生作主一 念 一十佛子諸佛世尊有十種善巧方便何等爲十所謂 淨 諸佛皆具諸佛平等正法 相皆具百 切 劫 切 切智智一 現。 切諸佛皆悉成就 數清淨世界如於一 法 界中不可說不 福。 念無量住而未曾用少方便力是爲諸佛第 十種無量不思議圓滿佛法何等爲十所謂 切諸 切諸佛皆悉成就色身相好見者獲益 佛皆 可 切功德。 切諸 悉成 念如是於無量無邊阿僧祇劫 切諸佛皆悉成就清淨佛刹 說種種莊嚴種種境界種種形相 佛作佛事 就 切佛法。 切諸佛皆能教 善巧方便。 三莫不示現入於 切諸佛皆悉 切諸佛 切諮 化 功不 十自 佛 切 切 切

神

岸。

佛

於彼岸然於諸法眞實而知不異不別 知 切法悉無所見各不相知無縛無解無受無集無成就 而得自在無我無受不壞實際已 自在究竟到

性 離諸相心無所住而能悉知不亂不錯雖知一切相皆無自性而如其體 悉能善入而亦示現無量色身及以一 至於大自在地常能觀察 切法界是爲第二善巧方便一 切淸淨佛土種種莊嚴無盡之 切諸 佛

得

佛 相集智慧燈滅衆生惑是爲第三善巧方便 出 未來現在如如性中無去來今三世相故而能演說去來今世無量諸 現世間令其聞者普見一 切諸佛境界是爲第四善巧方便一 切諸佛住於法界不住過 切諸

為語意業無所造作無來無去亦無有住離諸數法到於 力調伏 而 爲 衆法藏具無量智了達種種世出世法智慧無礙 切法界衆生是爲第五善巧方便一 切諸佛知 示現無量 切諸法彼 切 自在

(一三七五)

ō

第六善巧方便一 後 所 盡 切 時。一 著於 者 便。 隨 於未來際劫恆爲衆 其根 本 無 無 初 其日 無名 中後 斷 日 自性中見一 非異非量非無量 切諸佛恆住法界成就諸佛無量無畏及不 七日牛月一月一年百年一 辯無邊辯不共辯無窮辯眞實辯 性 月年 善皆悉究竟是爲第八善巧方便 字無過去名無現在名無未來名無衆生 及 以欲解以種種法門說不 切諸佛 劫成 切法於法自在廣說諸法而常安住眞如實性是爲 壤· 生 」轉妙法輪了 於一 非來非去皆無自性亦不違於世間諸法 如是等 時 中知一 時 不住 不斷 劫多劫不可思劫不可說劫乃 切時具淨善根入於正 可說 不 不捨而能示 退無有休息是爲第 方便開示一 不可 切諸 ·可數辯 說百千億 佛住 現若晝若 |名無非衆 切 不可量辯 淨法 何 辯。 那 七 夜。 位 由他脩 切 善 知 初 而 切 無 中

國 無 何以故諸法體 佛名無數名無非數名無生名無滅名無有名無無名無一名無種種 土名無非國土名 性不可說故。 無法名無非法名無功德名無非功德名無菩薩 切諸法無方無處不可集說不可散說。

不可 無因 成 壞 無所造作遠離 切諸佛 無造作故非行無執取故非識無入處故非處無所得故非界然亦不 切諸法本性無起如虛空故 無 而能 |非調伏非不調伏非衆生非無衆生非壽命非無壽命 說 出生非數非不數非有非無非生非滅非垢非淨非入非出非 不可多說音聲莫逮言語悉斷雖隨世俗種種言說無所攀緣 知 了知正定邪定及不定聚 切法本性寂靜。 切虚妄想 著如是究竟到於彼岸是爲第九善巧方便 無生故非色無戲論故非受無名 切諸法皆悉空寂無業 切衆生爲說妙法 果。 令到彼岸 無修習 非 數故 因 緣 非

(一三七七)

就 十力四無所畏能師子吼具一切智住佛境界是爲第十善巧方便佛

子是爲諸佛成就十種善巧方便

大方廣佛華嚴經卷第四十六

誦補闕眞言

末瓦山矴鉢囉帝烏怛摩怛摩怛塔葛塔喃末瓦吽發莎訶 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳祕密義幽玄功德無邊唱誦利人

チ

沙①霜生春疎稍嗯詩申山深衫搜沙唱沙字時普願法界衆生入般若

縛◐忘○犛無○○微文構○踒雺嚩唱嚩字時普願法界衆生入般若

波羅蜜門

哆○鐺燈冬都啁懛堤顚殫○擔侸哆唱哆字時普願法界衆生入般若

波羅蜜門

四十二字纱陀羅字字包含義理多阿棳梵韻滿娑婆功德大法界沐恩

波

四生九有同登華藏立門八難三塗共入毘盧性海

南無華嚴海會佛菩薩 三 稱

音釋

逮 及音 也大 蔽 也音 暗閉 也隱 談也音 諫雞 也誹 謗 毀邦 也去 獒 蹔 也暫 不 险也挨 狹去 也聲 陋 怪

1111

聲乖

奇去

校異同

常元本第十八頁 二字今依唐朱元本第一頁精勤藏本作精進第二頁第一五行唐朱元本第

体 唐 宗 元 本 第十三三

本下 **頁** 補少 十第 入所 下三

> 藏等 無下 所北

謂 南行

別北 謂藏 二無

字為

今十 依二

唐字

唐于闐國三藏沙門實叉難陀譯

佛不思議法品第三十三之二

淨其根或調其心或時爲說差別三乘或時爲說圓滿一乘普皆濟度令 脩羅等大慈無礙大悲究竟平等饒益一切衆生或令生天或令生人或 言辭無量三昧無量智慧所行境界攝取一切人天魔梵沙門婆羅門阿 受生修菩薩行作大佛事無量色相無量威德無量光明無量音聲無量 力何等爲十所謂一切諸佛於盡虛空徧法界一切世界兜率陀天皆現。 人皆不能知去來現在所有一切聲聞獨覺亦不能知唯除如來威神之 佛子諸佛世尊有十種廣大佛事無量無邊不可思議一切世間諸天及 出生死是爲第一廣大佛事佛子一切諸佛從兜率天降神母胎以究竟

佛。 明 現轉妙法輪或示現於入般涅槃如是皆以種種方便於一切方· 事佛子如來爾時在母胎中爲欲利益一 閣 悟具行衆善爲衆生故示誕王宮一 事或現智日而作佛事或現諸佛廣大境界而作佛事或現諸佛無量光 諍法起無著智離欲淸淨成就廣大妙莊嚴藏受最後身住大寶莊嚴樓 切旋一切種一 一昧觀受生法如幻如化如影如空如熱時燄隨樂而受無量無礙入無 或現初生或現童子或現在宮或現出家或復示現成等正覺或復示 而 而 一切善業皆已淸淨一切生智皆已明潔而以生法誘導羣迷令其開 作佛事或入無數廣大三昧而作佛事或現從彼諸三昧起而作佛 作佛事或以神力而作佛事或以正念而作佛事或現神通而 切世界中而作佛事是爲第二廣大佛事佛子一 切諸佛於諸色欲宮殿妓樂皆已 切世間種種示現而作佛事所 切諸 切 作 佛

:觀諸內宮妻妾侍從生大悲愍觀諸衆生虛妄不實起大慈心觀諸 無所貪染常觀諸有空無體性一 切樂具悉不眞實持佛淨戒究竟圓

界身相圓滿眷屬淸淨而於一切皆無所著以隨類音爲衆演說令於世 間 深生厭離如其所行示所得果復以方便隨應敎化未成熟者令其成 無一可樂而生大喜於一切法心得自在而起大捨具佛功德現生法

熟已成熟者令得解脫爲作佛事令不退轉復以廣大慈悲之心恆爲 一說種種法又爲示現三種自在令其開悟心得淸淨雖處內宮衆所咸

覩· 通· 無 而於一切諸世界中施作佛事以大智慧以大精進示現種種諸佛神 礙無盡恆住三種巧方便業所謂身業究竟淸淨語業常隨智慧 而

切諸佛示處種種莊嚴宮殿觀察厭離捨而出家欲使衆生了知世法皆 行意業甚深無有障礙以是方便利益衆生是爲第三廣大佛事佛子

M

見菩提 切 導 是妄想 座 智慧眼見眞實義復爲衆生讚說出家清淨無過永得出離長爲世 世 益 具足 無邊 開 層為諸: 切 .幢是爲第四廣大佛事佛子 . 生當出家時捨俗威儀住無諍法滿足本願無量功德以大智光。 無盡於一 勝法。 莊 衆 樹下成最正覺降伏衆魔威德特尊其身充滿 無量諸佛境界令諸菩薩皆得悟入修行種種淸淨妙行復能 無常敗壞深起厭離不生染著 嚴周編十方一 生令種善根 世間無上 切世界 切智所行之義皆得自在修諸功德悉已圓滿 生於如來平等 福田常爲衆 一切衆生一 切世界佛處其上轉妙法輪說諸 一切諸 切佛刹・ 生讚佛功德令於佛所植諸善本 地中住諸菩薩 永斷世 佛具一 一切諸法 間貪愛煩惱修淸淨行 切智於無量法 無邊 切菩薩 切世界。 妙行。 菩 蘸 所有行 其菩提 成 神力 悉已 切教 就 間 所

别· 故。 著 事是爲第五廣大佛事佛子一切諸佛轉不退法輪令諸菩薩2化一切三世一切調伏一切神變一切衆生心之樂欲悉善了. 都城邑爲諸衆 故。 轉 切智 轉 而 無量法輪令一 一切諸佛以如是等無量無數百千億那由他法輪隨諸衆生心行差 輪觀一 作佛事 阿脩羅王 切都邑入城門時大地震動光明普照盲者得眼聾者得耳 法輪悉偏 切法智藏法輪開法藏門除闇障故轉無礙法輪等虛空 切法非有無故轉照 不可思議是爲第六廣大佛事佛子一 迦 生而作佛事所謂 樓羅 切世 切三世法故轉 一問咸 緊那羅王摩睺羅伽王羅 了知故轉開悟 世法輪令一切衆生淨法眼故轉開 人王都邑天王都邑龍王夜叉王乾 切衆生心之樂欲悉善了知 切佛同一 切法輪能大無畏師子 法輪。 刹 王· 切諸佛入於一 一切佛法不 一毗含閣 不退轉故。 放轉 而 狂 如 切王 相 作 闥 違 佛

(1 三入五)

無厭能 問 常 佛 種諸善根得佛歡喜增長佛種悉當成佛以如是行而作佛事或爲衆 而 不 不現色身或出妙音或但微笑令其信樂頭頂 功德 有得 勤 坐若臥若默若語若現神通若爲說法若有敎勅如是一 著咸出妙音衆生聞者無不欣樂一 佛事 起居而 觀察種諸善根修菩薩行歎佛色相微妙第一 裸者得衣諸憂苦者悉得安樂 見而 已分身普往十方世界令諸衆 爲 衆生作於佛事所謂若顧視若觀察若動轉若屈申若行若住 作佛事。 興信心則生一 切諸佛普於一 切諸佛以如是等無量無數不可言說不可思議 切無量善法集佛功德普皆淸淨如是稱 切無數世界種種衆生心樂海中勸令念佛 切諸佛色身淸淨相好具足見者 生悉得瞻奉思惟觀察 切樂器不鼓自鳴諸莊嚴具若 禮 敬曲躬合掌稱揚讚 切衆生難可値遇 切皆爲衆生 承事供養

見種 身求一 作 若處而 或說多佛 身菩薩身求一 緊 說諸菩薩 處而 智力方便教化悉令調伏是爲第七廣大佛事佛子一切諸佛或住阿蘭 種 上佛事或住 那 種佛事於一 羅身摩睺羅伽人非人等身求一 種身行隨諸衆生心樂欲解方便敎化無有休息而作佛事或以天 作佛事或住三昧而作佛事或獨處園林而作佛事或隱身不現而 切智而作佛事或以龍身夜叉身乾闥婆身阿脩羅身迦樓羅 作佛事或住寂靜處而作佛事或住空閑處而作佛事或住佛住 而作佛事或說諸菩薩 一行一 甚深智而作佛事或住諸佛無比境界而作佛事或住不可 切智而作佛事或時說法或時寂默而作佛事或說 切世界中隨諸衆生心之所樂以本願力大慈悲力一 願爲無量行願而作佛事或說佛境界卽世間境界而 切行一 切智而作佛事或以聲聞身獨 切願爲一 行願 流作佛事⁶ 佛。 切

(一三入七)

其得 作佛事或爲宣說盡未來際供養諸佛而作佛事或說諸佛轉淨法輪令 順 滿 作佛事或爲宣說念佛三昧令其發心常樂見佛而作佛事或爲宣說諸 作佛事或說佛身而作佛事或說所作皆悉已辦而作佛事或說功德 菩提道具智慧明不由他悟或現涅槃而作佛事或現世間皆悉無常 佛 根 劫。 作佛事或說世間境界即佛境界而作佛事或說佛境界卽非境界而 佛 爲諸衆生而作佛事是爲第八廣大佛事佛子一切諸佛是生淸淨善 無缺而作佛事或說永斷諸有根本而作佛事或令衆生厭離世 之藏令諸衆生於佛法中生淨信解諸根調伏永離世間令諸菩薩 事或住一日或住一夜或住半月或住一月或住一年乃至住不可說 聞 心 生大歡喜而作佛事或爲宣說諸佛境界令其發 而作佛事或說壽命終歸於盡而作佛事或說世間無一 心而修諸行 可樂 間隨 於 而 而 圓 而

淨勤求佛道 心無懈退 而作佛事或詣 切諸佛國土觀諸境界種

人龍 樂 時· 田 住 種 根 無量 欲 於 因 哀愍饒益 如來清淨禁戒 今永滅 自碎 i神夜叉乾闥婆阿脩羅迦樓羅緊那羅摩睺羅伽人非人等故隨 緣 衆 而作佛事或攝 其身 生悲號涕泣生大憂惱遞相瞻顧 即以如是令諸衆生悲號戀慕而作佛事復爲 切世間與諸衆生爲救爲歸如來出現難 以爲舍利無量 而作佛事是爲第九廣大佛事 一切諸衆生身皆爲佛身令諸懈怠放逸衆生 無 數 不可思議令諸衆 而作是言於 佛子一 如來世尊有大慈 生起淨信心恭 一切諸佛入涅槃 미 値 通無 化度 上福 切 敬 悉 其

尊重歡喜供養修諸功德具足圓滿復起於塔種種嚴節於諸天宮龍宮 伽 人非 人 等 諸 宮 殿 中

爲供養牙 叉宮乾闥婆阿脩羅 崗 爪髮咸以起塔令其見者皆悉念佛念法念僧信樂不 樓羅緊那羅 摩睺羅 迴 以

夜

迦

九

0

悉能 演 在法何等爲十所謂一切諸佛悉能善說授記言辭決定無二一 聞獨覺皆不能知唯除如來威神所加佛子諸佛世尊有十種無二行自 事佛子此諸佛事無量廣大不可思議 田無 與世間作所歸依佛子諸佛世尊雖般涅槃仍與衆生作不思議淸淨福 衆白法於三有中速得出離各隨所願獲自乘果於如來所知恩報恩永 敬尊重在在處處布施供養修諸功德以是福故或生天上或處人間種 族尊榮財產備足所有眷屬悉皆清淨不入惡趣常生善道恆得見佛具 說其義決定無二一 切諸佛悉知三世一 隨順衆 盡功德最 生心念令其意滿決定無一一切諸佛悉能現覺一切諸法 上福田令諸衆生善根具足福德圓滿是爲第十廣大佛 切刹那即 切諸佛悉能具足去來今世諸佛智慧決定無一 刹那決定無二一切諸佛悉知三世 切世間諸天及人及去來今聲 切諸佛

華 嚴 經 卷四十七

(二三九二)

尊有 過 相。 住 佛 諸佛住大 悉知三世一 決定無二 是爲 去 定無二 知 無 住 切佛刹入 十種住住 障 無 十佛子諸佛世尊有十種 自 切 礙 切言語法盡 老語。 法盡無有餘。 心。 性 法。 切諸佛所有善根同一善根決定無二是爲十佛子諸 切諸佛悉知三世 切諸佛悉知世法及諸佛法性無差別 佛刹決定無二 切諸佛住恆 切諸佛住平等利益一 切諸佛住本 切 無有餘知 法何等爲十所謂 知未來 正定心。 大 願。 切法盡無有餘 知 切世間道盡無有餘 切諸佛與其所化一 切諸佛悉知三世 切法盡無有餘何等爲十所謂 切諸佛住等入一 切諸佛住不捨調伏衆生 切諸佛住無忘失法一 切諸佛住覺悟 知現在 決定無二 知 切衆生體性 切佛語即 切法 切衆 切法 切 不違實 法 一切諸 切諸 生 盡 心 無 切 佛 平等 佛 有 佛 知 切 世 佛 語

界種盡 佛 動力是爲十佛 Ш۰ 及諸善根不增不減盡無有餘知一 行住坐臥初無變易佛所住處四方遠近不令其下則不能兩假使不 於 切諸佛身不可壞命不可斷世閒毒藥所不能中一切世 難獲力不退力堅固力不可壞力一 子諸佛 有餘。 徧 羅 佛身不能爲害 於三千大千世 伽· 無 知 有餘 人非人毗舍闍羅刹等盡其勢力雨大金剛 世尊有十種力何等爲十所謂廣大力最上 切菩薩善根 子諸 知 切法 界一時俱下不能令佛心 佛世尊有十種大 切諸 界 E 中如 魔 中下種種分位盡無有餘。 天龍夜叉乾闥婆阿脩羅迦樓羅 因陀 切法皆從緣起盡無有餘 那羅延 切世間不思議力一 羅網諸差別 有驚 幢勇健法何者爲 院作乃至一 事盡 如須 力無量力大威德 知 無有餘日 切衆 彌山 切佛 界水火風 毛亦不 知 生無能 及鐵 十所 是爲 圓滿 緊 切世 那 圍 智

華嚴 經卷四十七

Ξ

(一三九三)

可說 說佛 持於 諸佛能於一念起不可說不可說世界微塵數步一一步過不可說不可 佛子譬如虛空普持一切徧法界中所有世界而無勞倦一 金 毛孔持諸世界亦復如是是爲諸佛第二大那羅延幢勇健法佛子一切 來劫而諸衆生不覺不知唯除如來神力所被佛子爾時諸佛於一 身是爲諸佛第一大那羅延幢勇健法佛子一切諸佛以一切法界諸。 中須 剛 而從雨之終不爲損若有衆生爲佛所持及佛所使尚不可害況如 佛刹 ·刹微塵數國土如是而行經一切世界微塵數劫佛子假使有一大 爾所一切世界盡未來劫或行或住或坐或臥不生一念勞倦之心 山與上所經一 彌山王及鐵圍山大鐵圍山大海山林宮殿屋宅置一毛孔盡未 微塵數諸佛能以如是諸山置一毛孔佛身毛孔與法界中一 切佛刹其量正等如是量等大金剛山有不可說不 切諸佛於 毛孔 來

M

切諸 所衆 端處一切毛端處悉亦如是佛子假使十方一切世界所有衆生一一 盡虚 切衆生入徧虛空一一世界盡於法界悉使無餘而佛身 身安住寂然不動亦不廢捨化衆生事佛子假使有人於徧虛空一 爲諸佛第四大那羅延幢勇健法佛子一切諸佛能於一身化現不可說 生 不勞倦心常在定無有散亂是爲諸佛第三大那羅延幢勇健法佛子 切衆生毛孔數等 其身大小悉與不可說佛刹微塵數世界量等輕重亦爾諸佛能 悉以毛端次第度量諸佛能於一毛 生置 佛 空 一切世界從於前際盡未來際一切諸劫無有休息佛身無損亦 座食已結跏趺坐經前後際不可說劫入佛所受不思議樂其 一指端盡於後際所有諸劫一 毛孔悉置爾許大金剛山持爾許山遊行十方入 端處結跏 切指端皆亦如是盡持爾許 趺 坐盡未來劫如 心曾 無勞倦是 以爾 世 毛

華 嚴 經 卷四十七

慧演 歡喜調伏法輪開示一切諸菩薩行法輪高升圓滿大智慧日法輪普然 衆生心念數未來際劫猶可窮盡如來化身所轉法輪無有窮盡所謂智 是等差别法輪 照世智慧明燈法輪辯才無畏種種莊嚴法輪如一 說不可說佛刹微塵數劫如是次第乃至盡於一 如 不可說佛刹微塵數法一一法有不可說不可說佛刹微塵數文字句義 音聲演不可說不可說佛刹微塵數脩多羅藏 舌化出不可說不可說佛刹微塵數差別音聲法界衆生靡不皆聞 不可說佛刹微塵數頭一一頭化現不可說不可說佛刹微塵數舌 是演說盡不可說不可說佛剎微塵數劫盡是劫已復更演說盡不可 說 法輪斷諸疑惑法輪照 切世法無能爲喻如是盡虛空界一 切法法輪開無礙藏法輪令無量衆生 切世界微塵數盡 脩多羅藏演不可說 佛身以神通力轉如 毛端分量之處 切

(一三九五)

佛 佛 佛 切 切 有 無恐怖容色不變一毛不竪不動不亂無所分別離諸喜怒寂然淸淨住 生 可損壞菩提樹下結跏趺坐魔王軍衆其數無邊種種異形甚可怖畏衆 五. 見者靡 |不可說| 法 魔軍皆使迴心稽首歸依然後復以三輪教化令其悉發阿耨多羅 所住具慈悲力諸根調伏心無所畏非諸魔衆所能傾動而能摧伏 大那羅延幢勇健法佛子一切諸佛皆以德相莊嚴胸臆猶若金剛不 刹 有 一菩提意 微塵數化身一一化身皆亦如是所說音聲文字句義一一充滿 無礙音其音普徧十方世界衆生聞者自然調伏彼諸如來所出 界其中衆生皆得解了而佛言音無變無斷無有窮盡是爲諸佛第。 不可說佛刹微塵數世界一一 不驚懾悉發 永不 退轉是爲諸佛第六大那羅延幢勇健法佛子一 狂亂或時致死如是魔衆徧滿虛空如來見之心 世界中念念現不可說不可說 切諸

華 嚴 經 卷四十七

t

(一三九七)

淨入眞 第七 亦不能 無 可 異究竟自在入 |本性清 演 說不可說劫恆善清淨去來現在一 無邊境界悉已 我所非內非外了境空寂不生妄想無所依無所作不住諸相 緊 說種種無量諸法皆與實相不相違背於諸法界三世諸法 大那羅延幢勇健法佛子一切諸佛心無障礙於百千億那由他 那羅摩睺羅伽人非人等一切諸宮所不能障一 彌 法 障隨所應化一 虚等一 淨捨離 界演說無盡離量非量所有妄想絕爲無爲 一切諸山不能爲障天宮龍宮夜义宮乾闥婆阿脩羅 切法最勝之藏 通達無礙無盡智慧方便成就十力 切攀緣憶念於一 切衆 生靡不皆聞文字句 切法門正念不惑安住十方 切法常無違諍住於實 切諸佛同 義悉得解了是爲諸佛 體性。 切世界高大音聲 無濁 切功德莊嚴清 切言說於不 無緊無我 際離欲清 悉等 永斷 切 迦 分 可

非虚 轉 切 藏普照身示法平等身普偏法界身無動無分別非有非無常清淨身非 方 徧 身。 達 脫。 刹 切 無礙 音無 永解脫具一 便 境界無量身功德無邊身世間無盡身三界不染身隨念示現身非 住於實際通達無礙心常正定於三世法及以一切衆生心行一念了 功德寶所生身具一切諸佛法眞如身本性寂靜無障礙身成就 切 非不方便非滅非不滅隨所應化一 一平等清淨身無來無去無爲不壞身一 無動轉得不 身。 法 障 身編住 神變自在 礙是爲諸佛第八大那羅延幢勇健法佛子一切諸佛 切智普了達身是爲諸佛第 斷智知一 切清淨法界身分形普偏一 無邊色相身種種示現普入一切身妙法方便身智 切法究竟無餘盡諸有漏心善解脫慧善解 切衆生種種信解而 相 九大那羅延幢勇健法佛 無相法自性身無處無方 切世間身無 攀緣 示 現身從 同 法

華 嚴 經 卷四十七

而施 成 雖 悉能開曉以出世智於諸世間作不可說種種佛事成不退智入諸佛數 智慧深入見一切法微妙廣大無量無邊三世法門咸善通達一 演無量法無有根本無有邊際神通智慧不可思議。 身語意行悉皆無雜住佛所住諸佛種性以佛智慧而作佛事住一 勸善誡惡智力第一演法無畏隨有所問悉能善答智慧說法平等淸淨 猶 就一 如大海悉得滿足行力尊勝未曾退怯住諸三昧無量境界示一 切諸佛等悟一 其法一切諸法一切世界一切衆生一切三世於法界內如是境界 一證得不可言說離文字法而能開示種種言辭以普賢智集諸善行 念相應妙慧於一切法悉能覺了如先所念一切衆生皆依自乘 以無礙智悉能知見佛子 切諸如來法等修一 一切諸佛於一 切諸菩薩行若願若智淸淨平等 念頃隨所應化出與 一切世間無能解了 切世 切智 切道

(一三九九)

ō

俗樂求 佛定從 除 佛定於一 勇 妙 通 悉 於 於 如來 現於 健 法是爲諸佛第十大 力現最 時佛子衆生無邊世界無邊法界無邊三世無 法。 切諸佛定能隨彼所種善根應時說 住 出家一 兜率壽盡下生 神力所加佛子諸佛世尊有十種決定法何等爲十所謂 中成等正覺以佛智慧方便開悟無有休息佛子一 清 無量無邊不可 念悟 妙身住無邊處大悲方便心無障礙於 淨土成等正 切諸佛決定坐於菩提樹下成等正覺悟諸佛法一 切法一 那羅 思議去來現在 一覺現神通力開悟三世 切世 切諸佛定示受生處胎十月一切諸佛定 延幢 界示現神力一 勇健法佛子此一 切衆生及以二乘不能解了。 法而爲授記 切諸佛定能 邊諸佛最勝亦無有邊 切衆生心意及識 切諸佛大 切 時常爲衆 切諸佛定能 應時 切諸佛 那羅 轉 生演 切諸 切 妙 厭 以 延 世 唯 幢 說 神

切諸根一 能 敎 見 圓滿殊勝功德一切諸佛若有見者速能成就廣大善根 所 念普答 時 獲得無畏辯才是爲十佛子諸佛世尊有十種應常憶念淸淨法何 化衆生若未發 佛若已發菩提 謂 爲 作佛事 位 速得往生淨妙天上一切諸佛若有見者速能除斷 而得見者速入正位 切諸佛若有見者速得遠離 一切衆生所問是爲十佛子諸佛世尊有十種速疾法何等爲 切諸佛若有見者速得除滅一 切諸佛過去因緣 一切諸佛定能爲諸成就菩薩而授記莂 心即能速發阿耨多羅三藐三菩提心一 心而得見者速得成就廣大信解永不退 切諸佛若有見者速能清淨 切菩薩應常憶念 切惡趣一 切障礙一 切諸佛若有見者速得 切諸佛若有見者速 切諸佛淸淨勝行 切諸佛定能 轉能隨所應 世 切諸佛若未 切疑惑一 切諸佛若有 出世 間 切

佛 調 應常憶念一 成就大願一切菩薩應常憶念一切諸佛積集善根一 三世 諸佛 切諸 興。 伏。 切菩薩應常憶念一 切菩薩應常憶念一 及業果報。 〈令其得日 切諸 切衆生心心所行一 佛已具梵行一切菩薩應常憶念一切諸佛現成正覺一切菩薩 世 一尊有十種 切諸佛色身無量 見方便攝 佛於一念中盡 切諸佛於一 切諸佛十力無畏一切菩薩應常憶念是爲十佛 切諸佛滿足諸度一切菩薩應常憶念一 受。 切智住何等爲十所謂 切諸佛於一 切諸佛於一 知法界一 念中悉知 一切菩薩應常憶念一切諸佛神 切衆生所有心相於一 念中普隨法界 念中悉知三世一 切衆生所宜。 切諸佛於一 切菩薩 以三種輪教化 切衆生 切衆生所集 **陛應常憶念** 念中悉 切處普現 切諸 通 心樂 無量 佛 知

欲

解示現說法令其調伏。

切諸佛於

念中悉知法界

切衆生心之

華 嚴 經 卷四十七

(1四〇三)

廣 於一 佛 應。 偏 恆在正定於 生彼彼諸道一切諸佛於一念中隨諸衆生有憶念者在在處處無不往 出 所樂爲現神力一 大佛刹。 切諸佛恆在正定於一念中徧 切諸佛恆在正定於 興爲說佛身不可取著一 子諸佛世尊有十種無量不可思議佛三昧何等爲十所謂一切諸佛 一念中偏 切諸佛於一 切處普入三世一切諸佛恆在正定於一 切諸佛恆在正定於一念中徧 一念中徧一 切處普爲衆生說無我際一切諸佛恆住正定於一念中 念中悉知一 切諸佛於一念中徧 念中偏 切處普爲衆生廣說妙法 切諸佛於一念中普至法界一 切衆生解欲爲其示現無量色相是爲十 切處說 切處隨諸衆生種種心解現身語意 切處隨所應化一 一切處普現無量種種佛身 念中偏 切法離欲眞際 切諸佛恆在正定 切處普入十方 切處一切衆 切衆生示 切諸

四四

切衆生 切諸 於 諸 現不可說不可說衆生受化調伏一切諸佛能於一塵現不可說不可說 切諸佛能於 何等爲十所謂一 無量解脫究竟到於無上彼岸是爲十佛子諸佛世尊有十種無礙解脫 於一念中編一 恆住正定於一 佛國 一塵現去來今一切諸佛一 切諸佛恆住正定於一念中偏一 佛能 上一切諸佛能於一塵現不可說不可說菩薩授記一 切諸佛能於一塵現去來今一 於一塵現去來今一 一塵現不可說不可說諸佛轉淨法輪一 切處示現無量世出世間廣大莊嚴令諸衆生常得見佛 念中偏一 切諸佛能於一塵現不可說不可說諸佛出與於世 切處演說一 切神 切諸佛能於一塵現去來今諸世界種 通。 切處令諸衆生悉得通達一 切緣起自性。 切佛事是爲十。 切諸佛能於一塵現去來今一 切諸佛能 切諸佛恆住正定 切諸 切佛 於 佛能 塵

誦補闕眞言

南 無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃

末瓦山矴鉢囉帝烏怛摩怛摩怛塔葛塔喃末瓦吽癹莎訶

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳秘密義幽玄功德無邊唱誦利人

也○陽蠅容余遙○移寅延淫鹽由也唱也字時普願法界衆生入般若

波羅蜜門

華

嚴

颒

卷四十七

徵尸 中書 朱書 朝尸 裡師 朱尸 珍尸 饘師 砧尸 計師 輈師 吒瑟 唱吒瑟 字時普願法界衆生入般

二四0世

二五

岩波羅蜜門

迦○岡搄公孤高該雞斤干金甘鈎迦唱迦字時普願法界衆生入般若

波羅 蜜門

四十二字妙陀羅字字包含義理多阿棳梵韻滿娑婆功德大法界沐恩

Ξ 稱

四生

九有同登華藏玄門八難三塗共入毘盧性海

波

南無華嚴海會佛菩薩

音 釋

也記 也更 誕 迭 莂 也音 爪 降但 指音 也生 爪找 阴萌 妻 也十 棲音 也目 毘舍闍 也法 裸 頭 也羅 懾 赤上 心音 體聲 護舍 伏摺 也祖 持闍 也怖 訊 國之 也 問音 土王 翳 也信 領卽 涕 二是 也意 淚音 部東 鐢 也剃 鬼方 一提 引音 涕 也扳 泣 名頭 出音 誡 毗賴 警音 淚乞 舍吒 閣此 告界 也無 擎 也言 此云 莂 遞 云持 啾國 別音 地音

第二頁十九年名 右行 香乾 旋北 也闧 海藏 誠故本 敬流一也誠 通切 信 一中 利云 切間 此設 族海 翻利 爲羅 身或 也云

嚴 經

(一四〇人)

唐于闐國三藏沙門實叉難陀譯

| 如來十身相海品第三十四

佛 普放無量大光明網一切妙寶以爲莊嚴寶髮周徧柔輭密緻一一咸放 爾 時普賢菩薩摩訶薩告諸菩薩言佛子今當爲汝演說如來所有相海 子如來頂上有三十二寶莊嚴大人相其中有大人相名光照一 切方。

光普照一切世界是爲二次有大人相名充滿法界雲上妙寶輪以爲 摩尼寶光充滿一切無邊世界悉現佛身色相圓滿是爲一次有大人相 名佛眼光明雲以摩尼王種種莊嚴出金色光如眉間毫相所放光明其

佛 嚴放於如來福智燈明普照十方一切法界諸世界海於中普現一 及諸菩薩是爲三次有大人相名示現普照雲眞金摩尼種種莊嚴其 切諸

(1回10)

嚴常放 方一 次有 冠。 大人相名放寶光明雲摩尼寶王清淨莊嚴毗瑠璃寶以爲華蘂光照 充 現 具如 妙寶 有大人相名普照諸佛廣大雲因陀 滿 切法 法 如 切 大人相名示 界於· 菩 來力覺悟 來普燈雲以能震動法界國土大自在寶海 如 咸 界於 來坐於道場一 放光明照 薩 磁燈 中普現十方諸 中普 光明普照· 現如來徧法界大自在雲菩薩神變寶燄摩尼以爲 切寶燄光輪以爲其鬘其光普照十方世界於 現種種神變讚歎如來往昔所行智慧功德是爲 不 思議諸佛國土一切諸佛於中出現是爲四次 切智雲充滿虛空無量法界是爲六次有大人 十方 菩薩 功德海過 切世界於中顯現一 〕 羅寶如意 現未來佛智慧幢海是爲 王寶摩尼 而爲莊嚴放淨光 切諸佛衆 王寶以爲 中示 色 相

大音聲海淸淨力海是爲八次有大人相名圓滿光明雲上妙瑠璃摩

華景版 經一卷四十八人

充滿 光中顯現無量菩薩及諸菩薩所行之行一 名正覺雲以雜寶華而爲莊嚴其諸寶華悉放光明皆有如來坐於道場 滿法界如是皆從諸佛智慧大功德海之所化現是爲十一次有大人相 摩尼寶以爲莊嚴瑠璃寶光色相明徹普照一切諸世界海出妙音聲充 佛音宣暢法海是爲十次有大人相名普光照耀雲毗瑠璃因陀羅金剛 次有大人相名光明照耀雲以寳燄藏海心王摩尼而爲莊嚴放大光明 莊嚴寶光普照無量世界寶燄普覆一切國土十方法界通達無礙震動 境界是爲九次有大人相名普照一切菩薩行藏光明雲衆寶妙華以爲 衆生悉見如來現坐其前讚歎諸佛及諸菩薩法身功德令入如來淸淨 尼王種種寶華以爲莊嚴一 一切無邊世界令諸世界普得淸淨永斷一切妄想分別是爲十二 切衆寶舒大燄網充滿十方一切世界一 切如來智身法身諸色相海 切

(二<u>四</u>一二)

M

菩薩 佛 解 光 充滿 於 雲清 色像。 五。 莊 毗 脫 明 念 次有大人相名變化 從 行。 法 相名覺佛種性 瑠 雲。 嚴放大光明光中有大寶蓮華座具足莊 ·璃華眞 ·清淨妙寶以爲莊嚴放大光明莊嚴一 界是爲 淨 中示 及 佛 其音普偏諸法界海是爲十四次有大人相名 光 無量 願生。 明充 現如 十三次有 佛法諸 金蓮 現諸變化 滿 來無量莊嚴普徧莊 法界於 華。 雲無量寶 佛 摩尼王 刹 無有窮盡是爲 海普照雲妙寶蓮 大人相名莊嚴普照雲以金 海是爲 中普現一 燈。 光以為莊 妙法燄雲以爲 十七。 嚴 切妙好莊嚴之具是爲 嚴具足千輪 次有 十六次有大人 華 切 大人相 切佛 如須 嚴彌覆法界自然演 法界不思議世界海 莊嚴放 爾山以為 師子座示現 名自 内 現佛 剛 外清淨。 相。 華 切諸 名 在 三昧 毗 一八次有 莊嚴衆 方 瑠 從於 便普 璃寶 佛 一切諸 切 海 寶 是 如 說 照 四 而

昔善根所**生**其光偏照十方世界發明智日宣布法海是爲十九次有大 人相名現一 切如來相自在雲衆寶瓔珞瑠璃寶華以爲莊嚴舒大寶餤

勇猛 充滿法界於中普現等一切佛刹微塵數去來現在無量諸佛如師子王 如來寶相清淨莊嚴放大光明普照法界顯現一 無畏色相智慧皆悉具足是爲二十次有大人相名偏照 一切法界

及 藥 智慧妙藏是爲二十一次有大人相名毗盧遮那如來相雲上妙寶華 毗 瑠璃清淨妙月以爲莊嚴悉放無量百千萬億摩尼寶光充滿一 切

切無量無邊諸佛菩

人相名普照 虚 空 法 界於 中示現無量佛刹皆有如來結跏 一切佛光明雲衆寶妙燈以爲莊嚴放淨光明徧照十方一 趺坐是爲二十二次有大

雲種種寶燄以爲莊嚴放淨光明充滿法界念念常現不可說不可說 界悉現諸佛轉於法輪是爲二十三次有大人相名普現一 切 莊嚴

切世

五 (四四三)

大

心之所樂演說普賢菩薩行願令其迴向是爲二十九次有大人 次有 切 坐是爲二十七次有大人相名寶燈雲放於如來廣大光明普照十方一 切莊嚴之具復出妙音演不思議廣大法海是爲二十六次有大人相名 音聲示諸衆生一 雲如來淨眼以爲莊嚴光照十方一切世界於中普現去來今佛所有 切 切菩薩道場衆會無量法海於中普現種種神通復出妙音隨諸 法 照佛海雲其光普照一切世界盡於法界無所障礙悉有如來結跏 、諸佛與諸菩薩坐於道場是為二十四次有大人相名出一 **雲摩尼寶海** 大人相名法界無差別 界於中普現一 上妙栴檀以爲莊嚴舒大燄網充滿法界其中普演微妙 切業海是爲二十五次有大人相名普照諸佛變化輪 切諸佛及諸菩薩不可思議諸衆生海是爲二十八 雲放於如來大智光明普照十方諸佛國 切法界音 相名 趺

嚴 粞 卷四十入

t

(一四一五)

相名自在普見雲以衆妙寶而爲莊嚴摩尼寶光淸淨暎徹普見一切皆 土於中顯現一切佛身復出妙音宣暢法海是爲三十三如來眼有大人。 華以爲莊嚴放大光明具衆寶色獪如日月洞徹淸淨其光普照十方國 種 切世界諸佛菩薩道場衆會是爲二十二佛子如來頂上有如是三十二 次隆起閻浮檀金因陀羅網以爲莊嚴放淨光雲充滿法界念念常現一 切 切法界於中普現諸菩薩海莫不具足如來神力常遊十方盡虛空界, 切寶清 住 大人相以爲嚴好佛子如來眉間有大人相名徧法界光明雲摩尼寶 刹 及佛菩薩莊嚴身相令其見者得無所見是爲三十次有大人相名 網是爲三十一次有大人相名普照一切法界莊嚴雲最處於中漸 切世界海普照雲放寶光明充滿一切虛空法界於中普現淨 淨光燄雲放於無量諸佛菩薩摩尼妙寶淸淨光明普照十方 妙道

音說 相。 名示現音聲影像雲衆色妙寶以爲莊嚴宿世善根之所成就其舌廣長 爲莊嚴衆寶色光彌覆其上於中出現無量化佛坐寶蓮華往諸世界爲 悉演廣大微妙之音偏一切刹住無量劫是爲三十六如來舌復有大人 偏 無 切菩 覆一 方 以爲莊嚴自然恆出金色寶燄於中影現一切佛海復震妙音充滿 其光普照一切佛刹唯塵所成無有自性光中復現無量諸佛咸發妙 障礙是爲三十四如來鼻有大人相名一 法 法界雲其掌安平 界能令 切諸 切 薩一切衆 法是爲三十七如來舌端有大人相名 世界海如來若或熙怡微笑必放一 一切心得淸凉去來現在所有諸佛皆於光中炳然顯 生演不思議諸佛法 衆寶爲嚴放妙寶光色相圓滿猶如眉間 海是爲三十五如來 切神通智慧雲淸淨妙寶 切摩尼寶光其光普照 照法界光明 舌有大人相。 雲。 所放 如意

忘是爲 切 無 邊世 三十八如來舌端復有大人相名照耀法界雲摩尼寶 音 中具一 切音悉演妙法聽者 心悅經無量劫玩味 王以爲嚴

飾。 有無量諸佛及諸菩薩各 演衆 色相微妙光明充滿十方無量國土盡於法界靡不清淨於中悉 吐妙音種種開示。 切菩薩現前聽受是爲三

九如來

口上齶有大人相名示現不思議法界雲因陀羅寶毗瑠

璃

普於 大 以 爲 莊嚴放香 切諸世界海開演甚深不思議法是爲四十如來口右輔下牙有 燈燄淸淨光雲充滿十方一切法 界示現種種神通 方便。

人相名佛 切佛身周流十方開悟羣生是爲四十一 牙雲衆寶摩尼卍字相輪以爲莊嚴放大光明普照法界於 如 來口 1右輔上

中普現

大人相名 光 明充 滿法界示現 寶燄彌盧藏雲摩尼寶藏以爲莊嚴放 切諸佛神力復現 切十方世界淨妙道 金 剛 香燄清淨光 明

四一七)

0

轉。 大燄輪充滿法界於中普現一 燈法寶敎化一切諸菩薩衆是爲四十四如來齒有大人相名普現光明 佛 牙有大人相名照現如來雲淸淨光明閻浮檀金寶網寶華以爲莊嚴放 香以爲莊嚴放燈燄雲淸淨光明充滿一切諸世界海於中顯現一切諸 爲四十二如來口左輔下牙有大人相名寶燈普照雲一切妙寶舒華 寶王以爲莊嚴紺蒲成就柔輭細滑放毗盧遮那淸淨光明充滿十方 流 法界悉令清淨是爲四十六如來頸有大人相名普照一 名影現一切寶光雲放閻浮檀眞金色蓮華色一 坐蓮華藏師子之座諸菩薩衆所共圍繞是爲四十三如來口 一一齒間相海莊嚴若微笑時悉放光明具衆寶色摩尼寶燄右旋 布法界靡不充滿演佛言音說普賢行是爲四十五 切諸佛以神通力於虛空中流布法乳法 切寶色廣大光明照 如來脣有大人 切世界 左 雲摩 輔 宛

華 嚴 經 卷四十八

其相 普現一 放 薩種種莊嚴悉皆妙好是爲五十二如來胸臆有大人相形如卍字名吉 佛 力是爲五十如來左肩復有大人相名光明徧照雲其相右旋閻浮檀 如 色清淨 及以一 閣 切世界於中普現一 摩尼寶王以爲莊嚴放衆寶華香燄光明充徧法界於 來左肩有大人相名最勝光照法界雲猶如頂上及以眉間種種莊嚴 切寶雲放一 右旋微密莊嚴放佛燈燄雲淸淨光明充徧法界於中顯現一切菩 浮檀金及蓮華色衆寶光明成大燄網 切菩薩是爲四十八如來右肩復有大人相名最勝寶普照雲其 如閻浮金放摩尼光充滿法界於中普現一 切嚴淨國土是爲五十一如來左肩復有大人相名普照耀雲 切寶色眞金色蓮華色光明成寶燄網普照法界於 切諸佛是爲四十七如來右肩有大人相名佛 充滿法界於中示現一 切菩薩是爲四十九 中普現一 切諸 切 金 神

華鬘以爲莊嚴放滿虛空摩尼寶王香燈大燄淸淨光明充偏十方一 爲 道 淨復出妙音宣暢法海是爲五十二吉祥相右邊有大人相名示現光照 十四吉祥相右邊復有大人相名普現如來雲以諸菩薩摩尼寶冠而爲 雲摩尼 寶藏是爲五十七吉祥相右邊復有大人相名佛海 場普現神力廣宣法海是爲五十五吉祥相右邊復有大人相名開 魔放大光明普照十方一切世界悉令清淨於中示現去來今佛 因陀 王而爲莊嚴放淨光明照於法界於中普現猶如佛眼廣大光明摩 一十六吉祥相右邊復有大人相名可悅樂金色雲以一 雲摩尼寶華以爲莊嚴放一切寶色種種光燄輪充滿法界普令清 羅網以爲莊嚴放大光輪充滿法界於中普現無量諸佛是爲五 寶 華以爲莊嚴放寶香燄燈淸淨光明狀如蓮華充滿世界是 **雲毗瑠璃寶香燈** 切寶 心王藏 坐於 切 敷

華 嚴 經 卷四十入

(一四二)

光 明 國 邊復有大人相名莊嚴雲以去來今一 滿法界於中普現一切諸佛所有相海及以心海是爲六十二吉祥相左 有 祥 海。 名 明偏 切諸 土於 於 切諸佛國土於中普現十方一切諸佛菩薩及佛菩薩所行之行是爲 普勝雲日光明摩尼王寶輪鬘而爲莊嚴放大光燄充滿法界諸世界 相 雲無數菩薩坐寶蓮華以爲莊嚴放摩尼王種種間錯寶燄光明普淨 大人相名轉法輪妙音雲 中示現一 左邊復有大人相名示現徧法界光明雲摩尼寶海以爲莊嚴放大 中普現道場衆會是爲五十八吉祥相左邊有大人相名示現光 法界海於中示現無量諸佛及佛妙音演說諸法是爲五十九吉 切刹於中普現諸菩薩衆是爲六十吉祥相左邊復有大人相。 切世界一切如來一切衆生是爲六十一吉祥相左邊復 ___ 切法燈清淨香藥以爲莊嚴放大光明 切佛海而爲莊嚴放淨 光 明嚴

六十三如 中普 滿虛空 復有 明普照十方菩薩所住蓮華藏摩尼藏等一切世界於中悉現無量諸佛 普現諸佛道場是爲六十八如來左手有大人相名毗 無量諸 相名 燄 名 淨 海 普 現諸 法 大人相名影現照耀雲以毗 以爲莊嚴放衆寳燄香燄華燄淸淨光 現 燈燄鬘普嚴淨雲毗盧遮那寶以爲莊嚴放大光明成變化網 身 7坐菩提樹 佛 切世 菩薩衆咸戴寶冠 來右手有大人相名海照雲衆寶莊嚴恆放月燄淸 坐蓮 切摩尼雲蓮華燄燈而 「界發大音聲歎美一 華座是爲六十七如來右 震動一 演諸行海是爲六十六如來右 切十方國土是爲六十五如來右 瑠 爲莊嚴放海藏光充徧法界於 璃帝青摩尼寶華而爲莊嚴 切諸菩薩行是爲六十四如 手復有大人相名光明 り明充滿 瑠璃清淨燈 切 諸 手復有大人 手復有 世 淨光 界 放大光 來右 網。 中普 明 於

網 是爲六十九如來左手復有大人相名一切剎智慧燈音聲雲以因陀羅 寳地妙色以爲莊嚴放於如來金色光明念念常現一 金 |剛華而爲莊嚴放閻浮檀金淸淨光明普照十方| 切上妙莊嚴之具 切世界是爲七

青金剛寶而爲莊嚴放摩尼王衆寶光明充滿法界其中普現 聲滿十方刹是爲七十一 坐蓮華座是爲七十二如來右手指有大人相名現諸劫刹海旋雲水月 大光明普照十方一切國土於中示現一切法界一切世界海一切如來 相。 大光明如須彌燈普照十方一切世界是爲七十一如來左手復有大人 十如來左手復有大人相名安住寶蓮華光明雲衆寶妙華以爲莊嚴放 名偏照法界雲以妙寶鬘寶輪寶瓶因陀羅網及衆妙相以爲莊嚴放 一切寶華以爲莊嚴放大光明充滿法界其中恆出微妙音 三如來左手指有大人相名安住 切寶雲以帝 切諸佛

大

不思議 衆寶 普流 爲 光 佛 及諸菩薩是爲 切諸相一 明充 切 燄 身光燄熾然說法度人淨諸世界是爲七十五如來左手掌有大人 色普照 諸 輪普增長化現法界道場雲以日光摩尼王千輻輪而爲莊嚴放大 出佛音聲雲一 而爲莊嚴放寶光明其光右旋充滿法界於中普現一 寳燄 佛國 滿 如來右臀有大人相名寶燈鬘普照雲諸摩尼寶以爲莊 光明彌布十方一 切諸世界海於中示現一 土各各開悟 切虛空法界其中普現一 相 七十 中悉現諸佛自在神變是爲七十八如來左臀有大人 切妙寶以爲莊嚴放摩尼燈華餤光明其光熾盛 四如來右手掌有大人相名照耀雲以摩尼王千 無量衆生是爲七十六如來陰藏有 切法 界與虛空法界同為 切菩薩演說普賢所有行海普入 切諸佛遊行往來處處周偏 切諸佛一 相· 大人相包 而 能 嚴放 具

華 嚴 經 卷四十八

(一四三五)

普皆 能偏遊行 是爲八十二如來左邊伊尼延鹿王腨有大人相名莊嚴海雲色 相 邊伊尼延鹿王腨有大人相名一 廣 左 尼 胜 放 圓直善能遊步放閻浮金 大遊行放淨光明普照衆生悉使希求無上佛法是爲八十一如來 一腔有大人相名現一 燄 有 光明網偏照十方一切法界於中普現種種相雲是爲七十九如來右 名示現 震動復現一 妙法光明於一念中能普示現一 大 人相名普現雲以衆色摩尼而爲莊嚴其胜與腨上下相 切佛刹放 切法界海光明彌覆虛空雲猶如蓮華淸淨妙寶以爲嚴飾 切諸佛國土住於虛空寶燄莊嚴無量菩薩從中化現 切佛無量相海雲一切寶海隨順安住以 切寶淸淨光明充滿法界施作佛事是爲八十 色清淨光明偏照一 切虛空法界雲光明妙寶以爲莊嚴 切寶王遊步相海是爲八十如 切諸佛世界發大音 加貨 爲 稱。 莊 放 摩

間 雲色如· 放 滿 切 雲處處周徧舉足將步香氣周流具衆寶色充滿法界是爲八十五如來 三如來寶腨上毛有大人相名普現法界影像雲其毛右旋一一 法界示現 及其法 切諸佛 佛 有 光明充满十方一切法界示現一切諸佛神力其諸毛孔悉放光明 大光明充滿十方 足 大人相名光照 |刹於中顯現是爲八十四如來足下有大人相名 有 金 海所坐道場盡未來際劫無有間斷是爲八十七如來右足指 雲寶藏摩尼以爲莊嚴放寶光明於念念中 一剛閻浮檀金淸淨蓮華放寶光明普照十方諸世界海寶香燄 大人相名普照 切諸佛菩薩是爲八十六如來左足上有大人相名普現 切法界諸世界海於中普現一 切法界海雲須彌燈摩尼王千 切光明雲一切衆寶以爲莊嚴放大光明充 現一 輻燄輪種種莊嚴 切諸佛所有種 切菩薩海安住 切佛神通 毛端

寶 華香 方 莊 嚴相是爲八十八如來左足指間有大人相名現 切世界於中示 切寶輪以爲莊嚴恆放寶海淸淨光明充滿虛空普 現 切諸佛及諸菩薩圓滿音聲卍字等相。 切佛海 利 及

普覆 莊 尼 寶 無量 嚴。 寶 别。 末 八相名示 放 於 以爲 及 如 閻 毗 中示 切 切衆生是爲八十九如來右足跟有大人相名自在 浮檀 來右 諸佛道場是爲 瑠 莊嚴常放如來妙寶光明其光妙好充滿法界皆同一 璃而爲莊嚴放大光明充滿法 現妙音演說諸法海雲以變化 現 金 足趺有大人相名示現一 色清淨 切諸佛坐於道 九十二如來左足趺有大人相名現衆色相 光明普照十方一 場演說妙法是爲九十如來左足 切莊 切法 界於 海摩尼寳香燄海須 嚴光明雲衆寶所成極 界其光 中普現諸佛 前相 照耀 が神力是 猶 相 雲帝青 如 彌 跟 華 無 妙 有 摩 有

ō

摩尼 中示 甚 如 說 滿 足 於 有 海。 放摩 來 法 中 可 法 四 左足 愛 界 京 现 周 切 樂閻 燄 平等 相。 尼 無 有 現 月燄藏毗 輪 名普藏 燈香燄 盡法 沿端有大人相 切諸 大人相名光 以 浮 切 佛及諸 爲 檀清 相。 諸 門是爲九十五 雲因陀 莊 於 佛坐於道場摩尼寳王師子之座是爲 盧 光明其光 嚴放衆家 淨眞 中示 遮那 明偏 菩 名現 薩 金 羅 現 寶· 以爲 照法 寶 尼 無盡法海種種 徧 因陀羅尼羅 切諸佛 色清淨光明充 如來右足指端有大人相名示 羅 滿 切佛 莊嚴放大光明充滿十方 界雲摩尼寶華 金 剛寶以爲莊嚴放寶 切法界是為 が神變雲で 及諸菩薩自 寶而爲莊嚴念念遊行諸: 功德 滿 不 九十三如來右 思議佛光 神通變化是爲 以爲莊嚴放大光 在 切諸 上神力以大! 九十四。 世界海於 光 明月 明 現莊 切 充 燄· 妙音 法 足 九 如 滿 普香 中示 界於 嚴 明 來 虚 四 法 充 空。 演 左

如來有如是等十華藏世界海微塵數大人相一一身分衆實妙相以爲 現一切諸佛及諸菩薩演說一切諸佛法海是爲九十七佛子毗盧遮那

莊嚴。

如來隨好光明功德品第三十五

喜踊躍稱慶從彼命終生兜率天天中有鼓名甚可愛樂彼天生已此鼓 衆生遇斯光者衆苦休息得十種淸淨眼耳鼻舌身意亦復如是咸生歡 善知識毗盧遮那大威神力於彼命終來生此天佛子菩薩足下千輻輪 發音而告之言諸天子汝以心不放逸於如來所種諸善根往昔親近衆 於兜率天宮放大光明名光幢王照十佛刹微塵數世界彼世界中地獄 中出大光明名爲熾盛七百萬阿僧祇光明而爲眷屬佛子我爲菩薩時 爾時世尊告寶手菩薩言佛子如來應正等覺有隨好名圓滿王此隨好

但 佛 我 之音是時天鼓告諸天子言我所發聲諸善根力之所成就諸天子如 功德能 禮。 令 名 天鼓音而告之言善哉善哉諸天子毗盧遮那菩薩入離垢三昧汝當敬 由 所諸天子如我音聲 遮那菩薩威德力故放大光明而此光明非十方來諸天子我天鼓音 亦復如是非十方來諸天子譬如汝等昔在地獄地獄及身非十方來 成熟阿鼻地獄極苦衆生遇斯光者皆悉命終生兜率天旣生天已聞 爾時諸天子聞天鼓音如是勸誨咸生是念奇哉希有何因發此微 光 於 而 明普照王此有隨好名圓滿王常放四十種光明中有一 不著我不著我所一切諸佛亦復如是自說是佛不著於我不著 汝顚倒惡業愚癡纏縛生地獄身此無根本無有來處諸天子 照億那由他佛刹微塵數世界隨諸衆生種種業行種種欲樂皆 不從東方來不從南西北方四維上下來業報 光名清 成 我

不知報恩多遭橫死生於地獄諸天子汝等昔在地獄之中蒙光照身捨

是淸淨音聲示現如是種種自在諸天子譬如須彌山王有三十三天 亦復如是非十方來但以三昧善根力故般若波羅蜜威德力故· 出

生 其所樂而演說法令大歡喜然我於彼不生疲厭不生退怯不生憍慢不 天子譬如億那由他佛刹微塵數世界盡末為塵我爲如是塵數衆生隨 放 宮殿種種樂具而此樂具非十方來我天鼓音亦復如是非十方來諸 逸諸天子毗盧遮那菩薩住離垢三昧亦復如是於右手掌一隨好

諸善根諸天子譬如劫火燒須彌山悉令除盡無餘可得貪欲纏心亦復 如是終不能生念佛之意諸天子汝等應當知恩報恩諸天子其有衆 天子汝當往詣彼菩薩所親近供養勿復貪著五欲樂具著五 立欲樂障

中

放一

光明出現無量自在神力一切聲聞辟支佛尙不能知況諸衆

四四

於 歌 有。 薩 種 出 彼 汝 天子與十那由他眷屬欲下閻浮提時天鼓中出聲告言諸天子菩薩 人間 不往菩薩 身處在人間淨飯王家梵天欲天承事供養諸天子衆咸作是念我等 等若能於此悟解應知則入無依印三昧時諸天子聞是音已得未曾 欲申瞻覲而不得見時有天子作如是言毗盧遮那菩薩已從此沒生 即皆化作一萬華雲一萬香雲一萬音樂雲一萬幢 生此汝等今者宜疾迴向增長善根諸天子如我天鼓非男非女而 生無量無邊不思議事汝天子天女亦復如是非男非女而能受用種 |妙宮殿園林如我天鼓不生不滅色受想行識亦復如是不生不滅 雲作是化已即共往詣毗 淨飯王家乘栴檀樓閣處摩耶夫人胎時諸 所問 訊起居乃至一念於此天宮而生愛著則爲不可時 盧遮那菩薩所住宮殿合掌恭敬; 天子以天眼觀見菩 雲一 萬蓋雲一 於 萬 面

等舌以盡法界衆生數等善身業善語業善意業悔除所有諸障過惡時 諸天子聞是語已得未曾有心大歡喜而問之言菩薩摩訶薩云何悔除 障見障以盡法界衆生數等身以盡法界衆生數等頭以盡法界衆生數 阿 天子如我今者非眼所見而能出聲菩薩摩訶薩入離垢三昧亦復如! 耨多羅三藐三菩提心淨治其意住善威儀悔除一切業障煩惱障報 眼 訶 所見而能處處示現受生離分別除憍慢無染著諸天子汝等應發 ·薩非此命終而生彼間但以神通隨諸衆生心之所宜令其得見諸

業 報說行說戒說喜說安說諸三昧諸佛菩薩亦復如是說我說我所說衆 倒生無有住處菩薩如是決定明見無有疑惑諸天子如我天鼓說業說 不從東方來不從南西北方四維上下來而共積集止住於心但從

切過

惡爾時天鼓以菩薩

三昧善根力故發聲告言諸天子菩薩

知諸

一大

入鏡 復如是隨衆生心悉令得見諸天子如有頗梨鏡名爲能照淸淨鑒徹與 熟 果報無來去處諸天子譬如幻師幻惑人眼當知諸業亦復如是若如是 生 十世界其量正等無量無邊諸國土中一 諸天子若有去來則有斷常一切諸佛終不演說有斷常法除爲方便成 獄覺悟之聲一切諸業亦復如是非生非滅隨有修集則受其報諸天子 求悉不可得諸天子譬如我聲不生不滅造惡諸天不聞餘聲唯聞以地 如 生說貪恚癡種種諸業而實無我無有我所諸所作業六趣果報十方 餓 衆生諸天子譬如我聲於無量世界隨衆生心皆使得聞 我天鼓所出音聲於無量劫不可窮盡無有間斷若來若去皆不可得 中從鏡去不答言不也諸天子一切諸業亦復如是雖能 鬼所有影像皆於中現諸天子於汝意云何彼諸影像可得說言來 切山川一 切衆生乃至地獄畜 切諸佛亦 出生諸業 推

華 嚴 經 卷四十八

蒙香者其身安樂譬如比丘入第四禪 身上一一毛孔化作衆生數等衆妙華雲供養毗盧遮那如來持以散佛 隨好放衆生數等光明彼光明中有衆生數等諸佛結跏趺坐隨衆生心 塵數七寶蓮華一一 以衆生數等淸淨三業悔除一切諸重障故卽見百千億那由他佛刹微 提之意爾時諸天子聞說普賢廣大迴向得十地故獲諸力莊嚴三昧故 發 數世界中兜率陀諸天子得無生法忍無量不思議阿僧祇六欲諸天子 而爲說法而猶未現離垢三昧少分之力爾時彼諸天子以上衆華復於 知是眞實懺悔一切罪惡悉得淸淨說此法時百千億那由他佛刹微塵 切皆於佛身上住其諸香雲普兩無量佛刹微塵數世界若有衆生身 阿耨多羅三藐三菩提心六欲天中一切天女皆捨女身發於無上菩 華上皆有菩薩結跏趺坐放大光明彼諸菩薩 切業障皆得消滅若有聞者彼

千了知 雖 佛 世 衆 者二萬一千瞋行多者二萬一千癡行多者二萬一千等分行者二萬 1陸摩 身 未命終見梵天處所有宮殿而得受於梵世安樂得諸禪者 王位於百千億那由他佛刹微塵數世界中教化衆生佛子譬如明鏡 生 名必得往生彼佛國土菩薩安住淸淨金網轉輪王位亦復如是若 衆生於色聲香味觸其內具有五百煩惱其外亦有五百煩惱貪行 |見其蓋者種一清淨金網轉輪王一恆河沙善根佛子菩薩住 遇其光明必獲菩薩第十地位以先修行善根力故佛子如得·初禪· 月智如來常有無量諸世界中比丘比丘尼優婆塞優婆夷等化現 而來聽法廣爲演說本生之事未曾一念而有間斷若有衆生聞 如是悉是虛妄如是知已成就香幢雲自在光明淸淨善根若有 訶 薩住清淨金網轉輪王位放摩尼髻清淨光明若有衆生遇 悉亦如是。 此

華 嚴 經 卷四十入

二九

(一四三七)

提當 能 答曰不也如是佛土廣大無量希有奇特不可思議若有衆生聞此譬喻 子善女人聞此譬喻而生信者我授彼記決定當成阿耨多羅三藐三菩 塵。 塵悉置左手持以東行過爾許微塵數世界乃下一 清淨意具足無量甚深三昧成就如是清淨肉眼佛子假使有人以億那 光者皆得菩薩第十地位成就無量智慧光明得十種清淨眼乃至十三 由 他佛 生 南 恋 獲 ·信解當知更爲希有奇特佛言寳手如是如是如汝所說若有善男 土末爲微塵以此微塵依前譬喻一一下盡乃至集成 以集成 西 如來無上智慧寶手設復有人以千億佛刹微塵數如上所說廣 北方四維上下亦復如是如是十方所有世界若著微塵及不著 刹碎爲微塵一 佛國土寶手於汝意云何如是佛土廣大無量 塵 **刹復以爾許微塵數佛刹碎爲微塵如是微** 塵如是東行盡 佛 可思議 國 此微 種

薩業報淸淨肉眼於一念中悉能明見亦見百億廣大佛刹微塵數佛如 末爲塵如是次第展轉乃至經八十反如是一切廣大佛土所有微塵菩

王甚深三昧福德善根之所成就 頗梨鏡清淨光明照十佛刹微塵數世界寶手如是皆是清淨金網轉輪

大方廣佛華嚴經卷第四十八

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳秘密義幽玄功德無邊唱誦利人

波羅蜜門

麽●茫瞢蒙模毛埋彌民瞞○姏呣麽唱麽字時普願法界衆生入般若

娑◎桑僧摠甦騷腮西新珊心三涑娑唱娑字時普願法界衆生入般岩

波羅蜜門

伽)强殑窮渠喬○奇勤虔琴鉗求伽唱伽字時普願法界衆生入般若

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波同四 前生

南無華嚴海會佛菩薩 Ξ 稱

音釋

華 嚴 經 卷四十八

(一四三九)

校異 同

第二十 頁 流第 頁

通四 本行 印藏 流第 下本 通六 有無 本行 智依 作廠 字印 玅本 相一 相 第二十

一頁有第

本三

誤行

作北

及藏

斯遇

第二十四

几

斯

四向 行大 羅 故成 安且 緻 位地 故願 尼因 云就 彌 聲鈍 密音 慮 也前 以智 羅陀 也彼 4i 也智 藏 此幻 此羅 脞 巸 相 名法 云此 伊 雲 脘音 光音 尼 在潮 也陛 青云 也希 佛盒 延 胃 懺 也帝 怡 上出 悔 也 鹿 也普 王 牙云 聲音 悅移 請懺 隨 腨 敌高 腓軟 也和 前謂 好 人懺 嚴令 長伊 也以 腸遄 恢 忍摩 大衆 也上 煥音 紺 短尼 受此 相生 得延 浦 跟 明丙 我云 益愛 所鹿 成 後音 也炳 悔請 殊樂 鹿名 就 踵佷 唇 罪忍 勝又 也足 唇音 王毛 色紺 也謂 故資 最色 紅瀟 纏 也淳 四 纏直 口 摩 勝多 赤正 耶 故黑 腹云 縛連 頸 取腨 圓劍 也切 頸音 種 夫 光 也景 其 為形 三蒲 明 項 掌 由摩 喩牗 約乃 住謂 此耶 纖 橫西 因 十成 菩此 文域 中昂 陀 行十 薩云 而菓 面掌 上入 雅 佛名 平謂 齶聲 十信 唯幻 尼 頸其 而舌 也口 囘十 依也

普賢行品第三十六

唐于閩國三藏沙門實叉難陀譯

我 根 爾 如 我 來道故出與於世佛子我不見一法爲大過失如諸菩薩於他菩薩起 器所宜略說如來少分境界何以故諸佛世尊爲諸衆生無智作 時普賢菩薩摩訶薩復告諸菩薩大衆言佛子如向所演此但隨衆 所執著於身顚倒疑惑邪見分別與諸結縛 恆共相應隨生死流 惡計 遠

何等為百萬障所謂不見菩提障不聞正法障生不淨世界障生諸惡 處障多諸院 疾病障多被謗毀障 趣障壞 失正念障 趣

瞋

心

者。

何以故佛子若諸菩薩於餘菩薩起瞋

恚

心即成

就

百

「萬障門故

少智慧障眼障耳障鼻障舌障身障意障惡知識障惡伴黨障樂習

生頑鈍諸

闕

難

(一四四一)

處 住 障。 魔 障。 生 境 近 界障離! 邊 凡 庸 地 障。 障。 佛 生 不 ·信樂 正教 恶 人 家障。 障。 大 成德人 不見善友障善根留 生 惡 冷障。 神中 與離 障。 生惡 正見人同住障 |難障增不善法障 龍 惡 夜 叉惡乾闥 生 外 道家 婆恶 得下 障。 阿

退 專 法 脩 怯 佛 障。 羅· 樂著 菩 法 惡 障。 薩 迦 深心障 樓 不 小 喜 乘障。 羅· 見 惡 ·緊那羅 不樂大 聞 不生菩薩 佛自在 乘障。 惡 摩睺羅 大 神 **入願障不發** 性多 通 障。 驚 不 伽· 得菩薩 怖障心 惡 羅 切智心障於菩薩行 刹 諸 常 中 憂惱 根 障。 障。 不樂 障。 不 佛法障 行 愛 著 菩薩 庄 懈怠 習童 淨 死 障。 障。

不 護持 能 淨 菩 治 諸 薩諸行障樂 業障。 不能 誹 攝 謗 取 大福 切 智 障。 語 智 障遠離 力不 能 諸佛 明 利 菩提障 障。 斷 於 樂住 廣 大智慧 衆 魔

善 根障。 性多 見疑障。 心常愚闇障不能行 菩薩 平等施 故起不 捨

障。

專

修

佛境

界

障。

不決定

一發菩

薩

弘

誓障。

不

樂

與

菩

薢

同

住

障。

求

不能 行菩薩大精進故起懈怠垢障不能得諸三昧故起散亂障不修治 持 如來戒故起破戒障不能入堪忍門故· 起 愚癡惱害瞋恚障 般若 不能

破 廣 薩 波 壞障不能辨了衆生語言故成就 大 智 羅 、 眼故眼 |慧中不能觀察障於菩薩出離法中不能了知障不成就菩薩 蜜故起惡慧障於處非處中無善巧障於度衆 如 生盲障耳不聞無礙法故 舌根障輕賤衆生故成就身根 口 如 啞羊障不具相好故鼻根 生中無方便障 於菩 障。 種

心

障於菩薩 成就 亂故成就意根障不持三種律儀故成就身業障恆起四種過失故· 語 業障多生貪瞋 勇猛法中心生退怯障於菩薩出離道中心生懶惰障於菩薩 邪見故成就意業障賊心求法障斷 絕菩薩境

不能住持障於菩薩離生道 門中 心 生止 息障於菩薩念力中 不能親近障於菩薩無失壞道 心生劣弱障於 如來 不能修習障 教法

智慧

光明

四四三

M

與 已則能 隨順一 淨。 應 無 虚空法 如 永不誹謗 清淨是爲十佛子菩薩摩訶薩住此十法已則具足十種廣大智何等 護持諸佛法清淨了達虛空界清淨深入法界淸淨觀察無邊 諸 瞋心則成就如是等百萬障門何以故佛子我不見有一法爲大過惡 有疲厭住一切世界心無所著是爲十佛子菩薩摩訶薩安住此十法 勤修十種法何等爲十所謂心不棄捨一切衆生於諸菩薩 切菩薩同善 菩 乘 具足十種清淨何等爲十所謂通達甚深法清淨親近善知 界菩提之心觀察菩提入如來力精勤修習無礙辯才敎化衆 薩於餘菩薩起瞋心者是故諸菩薩摩訶薩欲疾滿足諸菩薩行 正位障遠離三世諸佛菩薩種性障佛子若菩薩於諸菩薩 切佛法知諸國土無有窮盡於菩薩行深生信樂不捨平等 |根清淨不著諸劫清淨觀察||世淸淨修行一切諸 生 二如來想。 心清淨。 識清 生

華 嚴 經 卷四十九

入一切根一 處入不可說處不可說根入一 念入不可說劫一 十智已則得入十種普入何等爲十所謂一切世界入一毛道一毛道入 如是觀察已則住十種勝妙心何等爲十所謂住一切世界語言非語! 現影像智於一切受生處中具一切智智是爲十佛子菩薩摩訶薩住此 生語言音聲辭辯善巧智於一切世界中普現其身智於一切衆會中普 切佛法深密理趣智知一切陀羅尼門智知一切文字辯才智知一切衆 爲 一切言音。 切世界一切衆生身入一身一身入一切衆生身不可說劫入一念 十所謂知一 切三世入一世一世入一切三世是爲十佛子菩薩摩訶 切想入一想一想入一切想一切言音入一言音一言音入 切衆生心行智知一切衆生業報智知 切佛法入一法一法入一切佛法不可說處入一處 根· 根入不可說根一切根入非根非 一切佛法智知

(一四四五)

以自 生廣 邊法 阿 妙 妙 滅 便入佛法善巧智無量方便入佛法善巧 勝 耨 心住 別佛法善巧智悟解無差別佛法善巧智深入莊嚴佛法善巧智一 心已則得十種佛法善巧智何等爲十所謂了達甚深佛法善巧智 妙 心。住、 多羅三藐三菩提皆得具足一切佛法悉與三世諸佛法等爾時 咸應發 大佛法善巧智宣說種種佛法善巧智證 心自力於 切 界勝妙心住一 疑惑勝妙心住一 切諸佛力無量勝妙心是爲十佛子菩薩摩訶薩住此十種 切衆 心恭敬受持何以故菩薩摩 一切佛法不退轉善巧智是爲十佛子菩薩摩 生想念無所依止勝妙心住究竟虛空界勝妙心住 切深密佛法勝妙心住甚深無差別法勝妙心住除 切世 平等無差別勝妙心住三 訶 智知無邊佛法無差別善巧 薩持此法者。 入平等佛法善巧智明了 少作 世諸佛 河薩聞 功 力疾得 平 等 方 此 出 勝 勝 無

六種 震 神力故法如是故十方各有十不可說 動雨出過諸天一切華雲香雲末香雲衣蓋幢旛摩尼寳等及以 百千億那由他佛刹微塵數世

雲雨不可說增長菩提雲雨不可說光明照耀雲雨不可說神力說法雲 切莊 讚 **歎如來善哉雲雨如來音聲充滿** 嚴具雲雨衆妓樂雲雨諸菩薩雲雨不可說如來色相雲雨不一 切法界雲雨不可說莊嚴世界

過 如 說此法十方一切諸世界中悉亦如是爾時佛神力故法如是故十方各 十不可說佛刹微塵數世界外有十佛刹微塵數菩薩摩訶薩來詣 此 世界四天下菩提樹下菩提場菩薩宮殿中見於如來成等正覺演 此

此 深法佛子我等一切同名普賢各從普勝世界普幢自在 充滿十方作如是言善哉善哉佛子乃能說此諸佛如來最大誓願授 悉以佛神力故於 切處演說此法如此衆會如是所說 如來所來詣 切平等

如來隨 根必獲果報欲明大威德菩薩爲一 摩訶薩以佛神力自善根力觀察十方洎于法界欲開示菩薩行欲宣 刹 如來菩提界欲說大願界欲說一切世界劫數欲明諸佛隨時出現欲說 無有增減我等皆承佛威神力來此道場爲汝作證如此道場我等十佛 微塵數菩薩而來作證十方一切諸世界中悉亦如是爾時普賢菩薩 根 熟衆生出現令其供養欲明如來出世功不唐捐欲明所種善 切衆生現形說法令其開悟而說頌

往昔諸菩薩 亦說諸劫數 汝等應歡喜 如是過去佛 最勝人師 世界并諸業 捨離於諸蓋 大願出於世 及 如彼所修行 **云何爲衆** 以無等尊 心 恭敬 聴 生 於彼 我當次第說 菩薩諸願行 滅除諸苦惱 丽 出 興

言。

於 隨所修正 諸佛次與世 如 如是誓願已 發如是誓願 思惟發是願 如 見於過去世 切論師 切諸衆生 賢劫中 賢劫中 佛刹 法 種 子 堅固 無量 專 隨願隨名號 修行無退怯 千佛出於世 貪恚癡熾然 我當作世燈 無量刹亦然 所 切人師 求無礙道 行相續滿 动亦然 一不退轉 子 所作皆不虚 我當悉救 隨所化衆 彼所有普眼 放大光明網 得佛平等法 隨彼所得記 未來十力尊 彼未來佛行 具修菩薩行 具足佛功 脱 德 生 十力一 諸行我今說 我當次第說 說名論師 正 隨其所壽命 我當分別 獲十無礙 普照十方界 **令滅惡道苦** 法住於世 切智境 切智 說 子

0

於一 如於一 智慧無邊際 未來世諸劫 菩薩如是行 具足普賢慧 行者能趣入 身業無障礙 入於如是智 隨諸衆生業 隨所淨佛 微塵中 微塵 刹 悉見諸世界 成滿普賢願 通達佛境界 究竟普賢道 修其最勝行 國土不可說 語業悉清淨 所行及信解 衆 如是最勝地 切塵亦然 生及法輪 衆生若聞者 意行亦如是 常作普賢業 世界悉入中 此諸菩薩法 出生淨智日 入於無等智 上中下不同 演說時非 念悉了知 切皆善入 時 我當說彼行 如是不思議 我當說少分 於彼無分別 普照於法界 廣度諸衆生 迷亂心發狂 所行不退轉 化彼令修習 次第淨羣生 三世靡不然

或有諸世界 或有諸國 深入諸世界 深入微細智 法 十方中所 知諸劫脩短 十方諸世界 界中所有 切三世中 塵中有 塵中有 有 土 廣大非廣大 種種地嚴飾 異類諸世 分别諸世界 種種諸異相 有成或有壞 無量種佛 十方三世法 無量種雜染 無量諸國 三世卽一 界 念 刹 斯由衆生感 諸趣亦復然 衆行同不同 種種皆無量 具足甚深 廣大無量相 趣類各差別 如是不可 趣刹皆無量 身無量刹 切劫成壊 說 智 悉能 悉能明了說 於一靡不知 斯由業淸淨 賢德悉深了 悉了彼成敗 悉能分別 悉能分别 刹無量身 切如其行 切悉能知 分别 知 知 知

衆 世 普賢諸佛子 廣博諸世界 無量諸佛 世 無量無 何況最勝智 知諸世界化 界及如 生數等劫 界有仰覆 切諸世界 切諸世界 邊 來 子 刹 善學: 悉入一 種種諸名號 說彼世界名 微細廣大刹 能以普賢 刹化衆生化 無量無有邊 或高或復下 T 二世諸佛法 知 入法界 卽 刹 智 中 刹 經於 從於法界生 神通 亦不能令 法化諸佛化 種種異莊 知種種是 皆是衆生 世界不為 了知諸刹 如是入諸刹 力自在 無量 劫 盡 嚴 數 想 普編於· 說之不可盡 唯除佛開 皆由業所起 充滿如 其數無邊際 知 亦復無雜 悉能分別 其數不可 切皆究竟 是種種 十方 來 地 示 知 亂 知

菩薩. 彼諸 現在 所有諸行 其中人師 過去諸世界 清 調 亦 亦知彼衆會 如是未來世 御 淨無礙念 知 世所攝 如是知 彼衆會 世界中 世間 尊 願 子 淨 現在 修佛種種行 壽命化衆 所有諸境 次第無量劫 廣大及微 所有威神力 住普賢行 無邊無礙慧 土應化 切諸佛 切 界 力 佛 地 生 細 於法得自在 深入此諸 智慧悉明了 以此諸法門 成於等正 修習所莊 盡無量億 如是勤修行 所有人中尊 分别說法界 無盡智慧藏 覺 劫 刹 嚴 得至於彼岸 常思惟是事 通達於法 出 爲衆轉法輪 於中成正覺 菩薩悉能 言論無所礙 示現諸自在 念悉能. 切悉能 生 切佛 界 知 知 知

(一四五三)

四五四)

善學一 無量 於諸 諸佛 無量 了 衆會不 世間種種 不可說諸 最 出 達諸 勝 生無礙 諸國 無 世 無礙 甚深智 數劫 世 間 可 切 劫 法 土 間 說 别 化 心 眼 解之即 皆 即是須臾頃 不 假名無有實 如 廣 刹 無 生分別 日出 由於 念悉超越 化 大普清淨 礙耳鼻身 爲現身 衆 想住 世 生化 念 見 間 善離 衆生及 知念亦 莫見脩與短 智慧偏 經於無量 悉使見如 入佛方便 世 無 切國 化 礙廣長舌 調 分別 世 無 土 伏 充滿 劫 念 者 界 中 來 智 化 究竟刹那 不 亦不見分別 如是見世間 普現無休 能令衆歡喜 如夢如光影 度脫無邊衆 於此悉明了 究竟化彼岸 悉知三世法 動於 本 處 法 息

心 住於 世 開 世 間住於 心 於此不妄起 非 一分别

衆 生 世 界 劫 諸 佛 及佛 法 切如 幻 化 法 界悉平等

普於 依於無二 十方 智 利 밥 示 现人師 現無量 子 身 不著無二 知 身從緣 法 起 究竟無所著 知無二非二

了知諸 世 間 如 從 如光影 如響亦如夢 如 幻 如

變化

如是隨順入 諸 佛 所行處 成就普賢智 普照深法界

切皆拾 離 而興大悲心 普淨諸世間

衆

生利染著

落

薩常正

迷倒 念 發心 論 fili 成救度 子 妙 法 清 所行皆清淨 淨 如虚 空 **普偏諸法界** 而 與大方 便

見世常

諸

佛

及当

碰

佛

如

來法身藏

晋人 法 世間 世 問 t 1 法 雖在於世間 若見其眞實 切無差別

於世無所著 (一四五五)

有量 譬如清源 菩 諸 以此寂定 礕 除 幻 知 如是離染著 未安者令安 如工 滅諸 額 性非有量 身無有盡 佛甚深法 及無 離 迷倒 一幻師 邪 淨 莧 量 心 水 皆 安者示道場 廣 心 修習諸善根 亦復非無量 開示於正 身世皆清 影像無來 示 無 淨 生亦無 大深 悉是妄想 現種種事 常 相續 寂 見 滅 去 滅 淨 巧以 了達 出生 甚 於彼大衆 法 非 湛 法 其來無所 如是徧法界 身徧 深 性 常 一然如虚 公神通力 無量 無 非 世 無 切 切 來 智 趣 中 從 常 間 佛 去 圶 度無量 當 非量 其 去亦無所 示 不著量無量 示 不著我我所 知 現諸世 甚深諸 ·現量. 切無有 知亦如是 心無所著 非 一無量 衆 無量 間 至 生 生 趣

如是分别知 如是三世中 諸佛能現身 衆生身無量 普知諸衆生 普於諸世界 如是未來世 世間種種身 法數衆生數 不住於實際 念之所知 無量諸行地 所有諸如來 有求於佛果 處處般涅槃 諸劫及諸刹 出現諸如來 念念成正覺 了知而不著 不入於涅槃 一爲現身 切悉了知 入於智慧處 佛身無有邊 普雨於法 無量菩提心 經於無量劫 十方無涯際 如是知身法 如是編世間 而修菩薩行 念中無量 切悉能知 兩 其輪不退轉 舍利各差别 智者悉觀見 名住普賢行 決定智悉知 稱揚不可盡 智海無不入 則得諸佛身 未曾有退轉 充洽諸世間 開悟諸羣生

眼耳鼻舌身 衆生皆妄起 以如是方便 染汗非染汗 菩薩觀世間 如是悉明見 了知非一二 無量無邊 微妙廣大智 切諸國 切最勝奪 土 心 意根亦如是 修諸最勝行 妄想業所起 善惡諸趣想 學心無學心 非染亦非淨 各各差別業 普入佛境界 深入如來境 想網之所現 切諸衆生 世間想別異 從佛法化生 皆由想積 入已不退轉 幻網方便故 妄想無邊故 心想各不同 亦復無雜亂 不可說諸心 修行不退轉 由是或生天 集 平等皆能入 說名普賢慧 或復墮地獄 得名為普賢 起種種世間 皆從自想 念念中悉知 平等悉了知 世間亦無量 得無上菩提 念悉能入 起

詮

眼境界 無量眼皆入 種種性差別 無量不可說

所見無差別 亦復無雜亂 各隨於自業 受用其果報

普賢力無量 悉知彼一切 切眼境界 大智悉能入

如是諸世間 悉能分別知 而修一切行 亦復無退轉

三世如是說

種種悉了知

三世互相見

一一皆明了

過去中未來

未來中現在

如是無量種

開悟諸世間

佛說衆生說

及以國土說

切智方便 邊際不可得

同 前 大方廣佛華嚴經卷第四十九

誦補闕眞言

普光再會大法重宣高超十聖與三賢等覺義幽玄心月孤圓究竟離言

(一四五九)

九

華嚴字母衆藝親宣善財童子得眞傳秘密義幽玄功德無邊唱誦利

他◎湯鼟通玲叨胎梯天灘舚貪偷他唱他字時普願法界衆生入般若

社 波羅蜜門

●常成慵蜍部○時辰禪諶蟾酬祉唱祉字時普願法界衆生入般若

波羅蜜門

鏁〗顙僧敝蘇掃諰洗卤傘槑糂穸鏁唱鏁字時普願法界衆生入般若

波羅蜜門

四十二字纱陀羅字字包含義理多阿棳梵韻滿娑婆功德大法界沐恩

波有四 同生 前九

南無華嚴海會佛菩薩 Ξ

稱

<u>_</u>

音釋

第十七 校異同

第十七頁第十四

行行 巌巌

本本如智

水慧

境處 流流

通通 本本

作作

如智 來慧

處行

懶惰也 消及也治也 雞雞 黨輩也

也盜

懶

頑

鈍挽

和音 聲 也狹 庸 沾合 庸音

也也 也容 凡

解音越懶

詩音

贮 能音 言雅


也不

賊

澤音

_

(一四大二)



(一四大三)

界次第安立

輪。 臟。 # 如熟乳生膏是名金輪厚三 萬 方虚空中有大風輪高 本 三千四百五十由旬 金輪高三十二萬由旬 百六十萬由 舍 〇洛 同廣 以衆 因叉 俱與 本二 舍水 生業力水不流散如食未消不由旬齡。水輪高八十萬由旬 經萬 旬。 地輪深六十八千由旬藏 水上有風吹轉此水于 水輪高八十萬由旬廣 上成 墮 及薩 金 熟

輪 住 萬者 也一 圍 萬 復 由旬是堅手天住婆 山内鹹海七金山香水海 上 倍 三因 萬本 **逸山四千由旬常放逸天住復上一倍** 復上一倍 至須彌 萬本 山根〇上升一 **遶山八** (千由旬持華鬘) 萬由旬遶山縱

山下別有三級諸神住處皆有七重牆垣皆夜叉住西 山 四千 由旬 日月星宿天住復上一倍遶 山 四千由旬是四王天住復上一倍 萬二千四王 此三天皆藥

須

遶

叉住四天王之所部與

復 是炎摩天住○復上一倍試 地 三天住〇卽從此 上升四萬由旬山頂縱廣四萬由旬其中善見城縱廣萬由旬是三十 如雲是化樂天住〇復上一 山上升四萬 萬三 一倍有地如雲是他化天住次第乃至色究 + 由旬或并有處如雲七寶所成其猶大地 有地如雲是兜率天住○復上一倍有

因本經云須彌山上忉利天以上一倍有夜摩天又更一倍有兜率天展竟天皆有地如雲他化。灰第倍前。縱廣六十四萬由旬也。○婆沙論竟天皆有地如雲上倍者。竪高也。廣如忉利。縱廣四萬。炎摩八萬。乃至 轉至梵身天下有摩羅波旬宮殿梵身天上有光音天倍光音有遍淨天

次第善見天善現天至阿迦尼吒天竟也 倍遍淨有廣果天倍廣果有不蟲天其下別有無想天倍不蟲有不煩天 上更有名空處識處無所有處

非非想處。

M

遼或 高云 禪彌 大外 界 外小 **有輪** 輪山 圍外 山遶。 外高 遶至 高初 至禪 三中 禪千 叉界 一外。 須有 彌中 四輪 天圍 下山

無量 出 田現品云譬如一 遠。共成四等。 事· 方乃得成所謂與布大雲降霆大雨 三千大千世 **毕非以一** 緣非以一 四種 事而得成就以無量 風輪相續爲依其四

處所故。 根所 何。 起令於其中一切衆生各隨所宜而 名能持能持大水故二名能消能消大水故三名建立建立一 四名 莊嚴莊嚴分布咸善巧故如是皆由衆生共業及諸菩薩 :得受用佛子如是 (等無量) 切諸

因

乃成 肰 彼世 三千大千世 界而得成就又云譬如三千大千世界初始成時先成 界法性如是無有生者無有作者無有知者 無有成 色界諸

宮殿次成欲界諸天宮殿次成於人及餘衆生 名善淨光明能成色界諸天宮殿有風輪起名 所住處爾時 淨 光莊嚴能成欲界 其 中有

諸

風

輪

輪 諸 起名勝高能成須 天宮殿有風輪起名堅密無能壞能成 公彌山王有日 風輪起名不動能成十大山王何等爲 大小諸輪圍山 及 金 剛山。 有 風

名爲莊嚴能成地天宮殿龍宮殿乾闥婆宮殿有風輪起名無盡藏能成 所謂佉陀羅 山 層;可目眞隣陀山香山雪山有風輪起名爲安住能成大地有風輪 Ш۰ 仙人山伏 魔 山大伏魔山持雙 山尼民陀羅 Ш۰ 目眞 隣 起·

摩尼寶有風輪起名堅固根能成一 三千大千世界 切大海 有風輪起 切諸 名普光明藏能成三千大千世界諸 如意樹佛子大雲所雨一 味之

如 水。 無有 依虚空起 堅固。 分别。 以衆 四風輪能持水輪何等爲四一名安住一 《生善根》 輪能持水輪。 不 同 故• 水輪能持大地令不散壞是故說地輪 風輪 不同。 風輪差別故世界差別又云 一名常住 三名究竟

水 水輪依風輪風輪依虛空虛空無所依雖無所依能令三千大千世 四

名

此

四

風

依

大

得 虚 饒

族

衆

生·

益。

陸

地衆生得地饒

验宫殿衆

生得宮殿饒益虛空衆

界

而

譬如

大

千世界旣成就

饒

盆

衆

生所謂

水

上 是工 天體 假薩 衆藏 二譬 先衆 成譬 人畫 宮相 安問 續世 足如 成生 此如 節 則師 覺無 立明 像界 四世 色善 三世 文 見能 林來 住品 畫品 足界 界根 千界 佛畫 菩處 處財 師普 皆旣 天菩 大初 了锗 薩業 無首 之賢 蒙成 宮薩 千安 佛世 偈性 方菩 所菩 盘立 殿力 界立

亦 所薩 作薩 諦寶 如頌 丁首 是 是菩 一

身薩 切

者頌 刹

心

畫

師

所

成。

於

中

無

所

著

罄

如

胎

濲

中

諸

根

悉

艛

實五 如 性蘊 是。 悉 從.

生

無

法

而

不

造。

若

人

知

心

行

普

造

豁

眞間

世心 夜成 此

間如 摩就 身菩 如華

一 次成 營非 切 及此 如一 衆 欲三 劫因 生 天千 初綠 獲 次各 雲而 其 入安 澍可 利 處住 雨成

地 乾譬 而無 水 麗如 起量

所 婆世 四方 住 宮界 種便 及 最初 大諸 左 後成 風因 居 成時 輪線

唐于闐國三藏沙門實叉難陀譯

如來出現品第三十七之一

爾 阿僧祇光明以爲眷屬其光普照十方盡虛空法界一切世界右繞十下 時世尊從眉間白毫相中放大光明名如來出現無量百千億那由他

諸惡道苦暎蔽一切諸魔宮殿顯示一切諸佛如來坐菩提座成等正覺 及以一切道場衆會作是事已而來右繞菩薩衆會入如來性起妙德菩 顯現如來無量自在覺悟無數諸菩薩衆震動一切十方世界除滅一 切

薩頂時此道場一切大衆身心踊躍生大歡喜作如是念甚奇希有今者 如來放大光明必當演說甚深大法爾時如來性起妙德菩薩於蓮華座

超右肩右跽合掌一心向佛而說頌言

華 廣 上 経 岩五十

是故我个請法王 智慧無邊無染著 決定法中能善學 於諸境界智無礙 咸令滅惡除衆垢 虚空法界性 悉能震動無有餘 震動十方諸 放於離垢千光 是故我今恭敬禮 正 一覺功德 大智出 世界 平 等 明 與一 如是賢勝咸來 今此衆會皆清 苦行勤勞無數劫 已能 無量菩薩皆來集 已現無量神通 未曾恐怖 普達境界到彼岸 破魔軍衆咸令 已升無相境界岸 切佛同其性 如是而安住 衆 集 淨 力 盡 生 善能度脫諸世間 導師放此大光明 成就最上菩提道 善逝威神力如是 利益世間尊導師 令我發起問法 等於三世諸如來 而復還來入我身 十方所有諸世 而現妙相莊嚴身 切含生無數量 心 界

智慧精進皆無量 今以光明照大衆 令

誰 於 大僊深境界

而能眞實具開演

誰是如來法長子 我問於無上法

世 間算導願顯示

悟 屬普照十方盡虛空等法界一 爾 無量諸菩薩衆震動一切十方世界除滅 時 如 來即於 口中放 大光明名無礙無畏百千億阿僧祇光明以爲眷 切世界右繞十而顯現如來種種自在 切諸惡道苦暎蔽 切諸

是事已而來右繞菩薩衆會入普賢菩薩摩訶薩口其光入已普賢菩薩 魔宮殿顯示一切諸佛如來坐菩提座成等正覺及以一 切道場衆會作

身及師子座過於本時及諸菩薩身座百倍唯除如來師子之座爾時如

菩薩皆生歡喜不可思議世莫能知是何瑞相普賢菩薩摩訶薩言佛子 性起妙德菩薩問普賢菩薩摩訶薩言佛子佛所示現廣大神變令諸

來

四

問 法 如 神 薩 於 到 佛 正念諸佛未曾忘失大悲觀察 我惟忖今現此相當說其法說是語時一切大地悉皆震動出生 得 於 衆會皆久修淨 光 往 力 子汝已曾於 如 明時性 、彼岸 諸 昧 昔見諸如來應正等覺示現如是廣大神變卽說如· 所 來應正等覺出現之法願爲我說佛子此諸無量百千億 佛神力所加能受一切如來妙法具如是等無量功德皆以來 加。 門皆得自在入一 有如是等無量功德善哉佛子願說如來應正等覺出現之 知 衆 起妙德菩薩問 無量 生 一根隨其所樂爲說眞實 業念慧成就到於究竟大莊嚴岸具一 百千億那 切 .普賢菩薩言佛子菩薩摩訶 佛秘密之處知諸佛法斷衆疑惑爲諸 由他佛所 切衆生決定了知諸 解脫之法隨順佛智演 承事供養成就菩薩 大 薩應 菩 切佛威儀 來 出現法 薩 最 神 云何 那 說 無 上 通 由 如 境 他 知 佛

於彼福藏生深信

有何等利願宣說

若有得聞如來名

大功德海之境界

瞻仰如來仁及我

若有見佛大法王

親近增長諸善根

云何善逝般涅槃

云何如來轉法輪

衆生見已何所獲

親近所生善根如是等事願皆爲說時如來性起妙德菩薩欲重明此義 法身相言音心意境界所行之行成道轉法輪乃至示現入般涅槃見聞

向普賢菩薩而說頌曰

善哉無礙大智慧

佛子聞已皆欣慶

云何身語心境界

善覺無邊平等境

菩薩云何隨順入

及所行處願皆說

諸佛如來出與世

願說無量佛所行

云何諸佛成正覺

願說彼諸功德藏 大衆聞已心歡喜

若現在世若涅槃

此諸菩薩皆合掌

淨衆生者願爲說 (一四七三)

大

可 爾 思 時 普貿 議。 此 願 疑盡 如 億 願 所謂 諸 以因緣 來 那 以妙音 (菩薩摩 菩薩 智淨 出 由他無量 現廣 如 匠成恭敬 來應正等 及因 如虚 及 訶 大 譬 **產告如來性起妙德等諸菩薩大衆言** 喻 法 劫 空 喻 覺 以無量 於 演 如今所集菩薩 示 如 微 佛菩 說 徧 妙義 妙法相 法 提 切 而得 生渴 亦 國 應 如 土 出 仰 衆 彼 中 義 現何 以故非 願以淨 於 諸 衆 方千 彼 佛所現莊嚴 生 聞 萬諸 佛 已發大 以 心具開演 切 子此 悉難 緣· 佛 處不 非以 身 心 見

所 謂 事・ 過 如 去 來 出現而得成就 無量攝受一切 衆 以十無量百千 、生菩提、 心 ·所成故過· 阿僧祇事 去 無量清 而得成 淨殊 就。 何 勝 等為 志

所

成故過去無量救護

切衆生大慈

大悲所成故。

過

去無

量

相

續

行

所成故過去無量修諸福智心無厭足所成故過去無量供養諸佛教 生所成故過去無量智慧方便淸淨道所成故過去無量淸淨功德 藏

非以一 是 所 無量阿僧祇法門圓滿成於如來佛子譬如三千大千世 成故過去無量莊嚴道智所成故過去無量通達法義所成故佛子如 事・ 而得成就以無量緣無量事方乃得成所謂興布大雲降霆大 界非以一 緣

是皆由衆 大水故三名建立建立一切諸處所故四名莊嚴莊嚴分布咸善巧故 雨· 四種 風 、輪相續爲依其四者何一名能持能持大水故二 生共業及諸菩薩善根所起令於其中一 切衆生各隨所宜而 |名能消能 如

受用佛子如是等無量因緣乃成三千大千世界法性如是無有 生者·

無 有 :作者無有知者無有成者然彼世界而得成就如來出現亦: 緣非以一 事而得成就以無量因緣無量事相乃得成就 所謂 復如是。

第 能受所不能持唯除諸大菩薩心相續力佛子是爲如來應正等覺出現 善根清淨成就如來無漏善根力故如來如是成等正覺法性如是無生 復如是與大法雲雨大法雨名成就如來出現一切二乘心志狹劣所不 方處所不能受所不能持唯除大千界將欲成時佛子如來應正等覺亦 無作而得成就佛子是爲如來應正等覺出現第 生止觀大智風輪能消竭一 於過去佛所聽聞受持大法雲雨因此能起如來四種大智風輪何等爲 切善根故四者出生離垢差別莊嚴大智風輪令過去所化一 知復次佛子譬如三千大千世界將欲成時大雲降雨名曰洪霆一 一者念持不忘陀羅尼大智風輪能持一切如來大法雲雨故二者出 一相菩薩摩訶薩應如是知復次佛子譬如衆生以業力故大雲降雨 切煩惱故三者善巧迴向大智風輪能成就 一相菩薩摩訶薩應如 切衆生 切

成能成一切摩尼諸寳有大雲雨名爲分別分別三千大千世界佛子如 法雲雨大法雨 一切衆生聲聞獨覺所不能知若欲思量心必狂亂唯除 所修善根力故乃至一滴無不明了佛子如來應正等覺亦復如是與大 來無所從去無所至如來應正等覺亦復如是以諸菩薩善根力故與大 雨名為能起能起大水有大雲雨名為能止能止大水有大雲雨名為能 知復次佛子譬如大雲降雨之時有大雲雨名爲能滅能滅火災有大雲 心無不明了佛子是爲如來應正等覺出現第四相菩薩摩訶薩應如是 切衆生無能知數若欲等計徒令發狂唯大千世界主摩醯首羅以過去 三相菩薩摩訶薩應如是知復次佛子譬如大雲降霆大雨大千世界一 切世間主菩薩摩訶薩以過去所修覺慧力故乃至一文一句入衆生 雲雨大法雨亦無所從來無所至去佛子是爲如來應正等覺出現第

(一四七七)

慧佛子譬如大雲雨一味水隨諸衆生善根異故所起宮殿種種不同如 餘 來應正等覺出現第六相菩薩摩訶薩應如是知復次佛子譬如三千大 來 爲分别分別一切衆生心樂佛子是爲如來應正等覺出現第五相菩薩 來 北 世界初始成時先成色界諸天宮殿次成欲界諸天宮殿次成於人及 出 訶 煩惱有大法雨名爲能起能起一切衆生善根有大法雨名爲能止能 出 生諸所住處佛子如來出現亦復如是先起菩薩諸行智慧次起緣 切衆生見惑有大法雨名爲能成能成一切智慧法寶有大法雨 現亦復如是雨於大悲一 薆 現亦復如是與大法雲雨大法雨有大法雨名爲能滅能滅一 智慧次起聲聞善根諸行智慧次起其餘衆生有爲善根諸行 應如是知復次佛子譬如大雲雨一味水隨其所雨無量差別如 味法水隨宜說法無量差別佛子是爲 切衆 如

(一四七九)

輪起名爲安住能成大地有風輪起名爲莊嚴能成地天宮殿龍宮殿乾 魔 能成大小諸輪圍山及金剛山有風輪起名勝高能成須彌山王有風 **闥婆宮殿有風輪起名無盡藏能成三千大千世界** 起名不動能成十大山王何等爲十所謂佉陀羅山仙人山伏魔山大伏 殿有風輪起名淨光莊嚴能成欲界諸天宮殿有風輪起名堅密無能壞 所佛出與於世佛子爾時其中有風輪起名善淨光明能成色界諸天宮 方一切世界時摩醯首羅淨居天等見是華已卽決定知於此劫中有爾 滿三千大千世界生大蓮華名如來出現功德寶莊嚴徧覆水上光照十 七相菩薩摩訶薩應如是知復次佛子譬如世界初欲成時有大水生徧 大悲 山持雙山尼民陀羅山目眞鄰陀山摩訶目眞隣陀山香山雪山有 味法雨隨衆生器而有差別佛子是爲如來應正等覺出現第 切大海有風輪起 風

奥諸 輪不同風輪差别故世界差别佛子如來出現亦復如是具足一輪不同風輪差别故世界差别佛子如來出現亦復如是具足一 能成如來不傾動力復有無上大智光明名迥出無能壞能成如來無畏 名普照能成如來普入法界不思議智復有無上大智光明名持佛種性· 功德放於無上大智光明名不斷如來種不思議智普照十方一切世界 切諸如意樹佛子大雲所雨一味之水無有分別以衆生善根不同故風 名普光明藏能成三千大千世界諸摩尼寶有風輪起名堅固根能成 復有無上大智光明名出生變化能成如來令見聞親近所生善根不失 無壞智復有無上大智光明名一切神通能成如來諸不共法一切智智 無上大智光明名清淨離垢能成如來無漏無盡智復有無上大智光明 壞智復有無上大智光明名普隨順能成如來無盡福德智慧之身爲 菩薩一切如來灌頂之記當成正覺出興於世佛子如來出現復有 切善根

華 康 經 卷五十

二四入二

言此 是爲如來應正等覺出現第八相菩薩摩訶薩應如是知復次佛子如依 衆生具佛功德而佛如來無有分別無成無壞無有作者亦無作法佛子 佛所曾種善根能得如來少分智慧無有是處但以諸佛威德力故令諸 佛子汝等應知如來於一解脫味出生無量不可思議種種功德衆生念 如來出現之法佛子一切如來同一體性大智輪中出生種種智慧光明 分别以諸衆生欲樂不同根性各別而起種種大智風輪令諸菩薩成就 如來法界虛空界等殊勝壽命無有窮盡佛子如來大悲一味之水無有 隨所開悟令三寶種永不斷絕復有無上大智光明名種種莊嚴能成如 來相好嚴身令一切衆生皆生歡喜復有無上大智光明名不可壞能成 切衆生而作饒益復有無上大智光明名不可究竟能成如來甚深妙智 是如來神力所造佛子此非如來神力所造佛子乃至一 菩薩不於

M

佛 方便通達無漏界大智風輪是爲四佛子諸佛世尊大慈救護一切衆生 持 譬如三千大千世界旣成就已饒益無量種種衆生所謂水族衆生得水 方便善巧依如來出現如來出現依無礙慧光明無礙慧光明無有所依 大悲度脫 法令諸衆生皆生愛樂大智風輪守護 得安住佛子如來出現亦復如是依無礙慧光明起佛四種大智風輪能 水 堅固此四風輪能持水輪水輪能持大地令不散壞是故說地輪依水輪 虚 空 子是爲 輪 切衆生善根何等爲四所謂普攝衆生皆令歡喜大智風輪 依 起 四風輪能持水輪何等爲四一名安住二名常住三名究竟四名 風輪風輪依虛空虛空無所依雖無所依能令三千大千世界而 如來應正等覺出現第九相菩薩摩 一切衆生大慈大悲普徧饒益然大慈大悲依大方便善巧大 切衆生善根大智風輪具一 訶 薩應如是知復次佛子 建立正 切

華 嚴 軽 卷五十

出 故。 明者得因果不壞益住無所有光明者得一切法不壞益是故說言如來 生皆得饒益本願 無 行· 訶 住浮戒者得淨 如 知離 薩 益。 現饒益 來出現亦復如是種種饒益無量衆生所謂見佛生歡喜者得歡喜益 則 則知廣大知周徧十方故則知無來去知離生住滅故則知無行無所 應 知 知 陸地衆生得地饒益宮殿衆生得宮殿饒益虛空衆生得虛空饒益 如 如是知佛子菩薩摩 無盡知偏一 心意識故則知無身知 來智無有對故 切無量衆生佛子是爲如來應正等覺出現第十相菩薩摩 戒益住諸禪定及無量者得聖出世大神通益住法門光 迴向自在滿足故爾時普賢菩薩摩訶薩欲重明此義 切刹 則知無二 無有盡放則知無退知盡後際無斷絕故則 訶薩知如來出現則知無量知成就無量行 如虚空故則知 知平等觀察爲無爲故則 平等知 切衆生皆無 知 切衆 我 知

四人三

而說頌言

真如離妄恆寂靜 體性平等不增減 設經衆生數等劫 或有算計知其數 功德第一 不可見取爲一切 如人持尺量虛空 如來境界亦如是 人中師子一 十力大雄最無上 超世間 法門 譬如實際而非 或有能於刹那 復有隨行計其數 如來一毛功德量 衆生億劫莫能知 無生無滅普周 十力境界亦復然 不能知佛一念性 十力功德無邊量 譬如虛空無等等 徧 頃 普在三世亦非普 諸佛境界亦復然 虚空邊際不可得 千萬億劫無能說 境界廣大不可量 **徧於一切非一** 譬如法界偏一 悉知三世衆生心 十方國土碎爲塵 心意思量所不及 切 切

ーセ

(一四人五)

為悟衆 非 當淨其意如虛空 **法性不在於言論** 導師境界亦如是 轉妙法輪般涅槃 是故佛子應善聽 以本願力現色身 **猶如虛空本淸淨** 如來出現亦如是 切文辭莫能辯 因緣而可成 生今略說 遠離妄想及諸取 諸佛性淨亦如是 導師所現於身業 我以少譬明佛境 令見如來大神 了知諸法性寂滅 **福於三世皆無礙** 無量方便諸因緣 無說離說恆寂滅 無量功德乃得成 切善根我今說 法性無作無變易 成此三千大千界 本性非性離有無 譬如世界初安立 令心所向皆無礙 岩有欲知佛境界 如鳥飛空無有跡 刹塵心念尙可知 語業心業諸境界 十力功德不可量 十力境界性亦然

唯除三千自在王 如有大雨名洪澍 十力法雨亦如是 無所從來無所去 清淨虛空大風 衆生善根菩薩力 起智風輪淸淨意 十力生因莫能測 切衆生莫能測 切大心成聽受 切劣意無能持 力 唯除於世自在人 具功德力悉明了 譬如空雲澍大雨 作者受者悉亦無 唯除淸淨廣大心 昔所迴向諸衆· 譬如劫初雲澍 如來出現亦如是 成此三千各安住 無去無來無造作 無有處所能容受 生 雨 善逝法雨亦如是 明見如觀掌中 本行爲因菩薩 自然如是普充洽 譬如空中澍大雨 普雨法雨充法界 唯除世界將成時 普導令成無上果 十力法雲亦如是 而起四種大風輪 切無能數其滴 賫

一九

二四人七

所有智輪體皆淨 宫殿山川悉成立 諸天初見蓮華瑞 先起無邊菩薩行 次及欲天次人處 隨其所雨各不同 自然如是無邊相 如來法雨非一 譬如空雲澍大雨 二千所有皆分别 切智實皆使成 異 各能開示諸佛法 如來宿善大光明 次化樂寂諸綠覺 乾闥婆宫最後成 譬如世界初成時 豈彼雨性有分別 平等寂靜離分別 衆生心樂悉分別 十力法雨亦如是 能滅能起亦能斷 知佛當出生歡喜 譬如樹林依地有 巧別菩薩與其記 次聲聞衆後衆 如來出現亦如是 先成色界天宫殿 然隨所化種種殊 水緣風力起世間 然隨物異法如是 譬如空中雨一 滅惑起善斷諸見 切珍寶悉能成 生 味

於無量處見如來身何以故諸菩薩摩訶薩不應於一法一 佛 非色處非至非不至何以故虛空無身故如來身亦如是偏 子諸菩薩摩訶薩應云何見如來應正等覺身佛子諸菩薩摩訶薩應。 衆生見於如來應徧一切處見於如來佛子譬如虛空徧至一 如來出現法無邊 無譬喻中說其譬 地水所住及空居 地依於水得不壞 無礙慧身無所依 切衆生獲其利 切佛法依慈悲 若有見聞及親近 譬如世界既成立 世間迷惑莫能知 慈悲復依方便立 水輪依風風依空 一足四足皆蒙益 爲欲開悟諸含識 悉使滅除諸惑惱 法王出現亦如是 方便依智智依慧 而其虚空無所依 切衆生獲其利 事一身一 切處偏 切色 國

→ 嚴 經 卷五十

(一四人九)

見復 所謂 以故。 深信捨離濁心令得見聞不壞因果令得天眼見歿生處令心無礙不壞 濕令燥生長草木成熟穀稼廓徹虛空開敷蓮華行者見道居者辦業 著· 戲論。 佛 根業皆得成就而如來身無有分別亦無戲論何以故從本已來一 切 衆生編 二切戲 故 子譬如虛空寬廣非色而能顯現一 次佛子譬如日出於閻浮提無量衆生皆得饒益所謂破闇作明變 如來身亦復如是以智光明普照明故令一切衆生世出世間諸善 滅惡生善破愚爲智大慈救護大悲度脫令其增長根力覺分令 日輪普放無量光故佛子如來智日亦復如是以無量事普益衆 示 現其身佛子是爲如來身第一 論皆永斷故佛子是爲如來身第二相諸菩薩摩訶薩應 一切法偏一 切國土非至非不至何以故如來身無身故爲 切諸色而彼虚空無有分別亦無 相諸菩薩摩訶薩應如是見復次 切執 如是 何

身放無量 地有高 放 善根令智修明開敷覺華令其發心成就本行何以故如來廣大智慧 是普照 皆普及爲作未來利益因緣令成熟故而彼如來大智日光不作是念我 照決定善根衆生隨其心器示廣大智然後

普照一切衆生乃至邪定亦 所 Щ° 見復次佛子譬如 分別佛子譬如日月隨時出現大山幽谷普照無私如來智慧亦復 先照菩薩大行乃至後照邪定衆生但放光明平等普照無礙無障無 無礙智慧光明先照菩薩摩訶薩等諸大山王次照緣覺次照聲聞· 次照高原然後普照一切大地日不作念我先照此後照於彼但以山 下故照有先後如來應正等覺亦復如是成就無邊法界智輪常 光普照耀故佛子是爲如來身第三相諸菩薩摩訶薩應如是 切無有分別隨諸衆生根欲不同智慧光明種種有異佛子是 日出於閻浮提先照一 切須彌山等諸大山王次照黑 H

華 筬 柽 卷五十

有光明名無住智自在普照有光明名永斷一切戲論自在智有光明名 明 德有光明名普照一切有光明名清淨自在照有光明名出大妙音有光 隨所應出妙音聲有光明名出淸淨自在音莊嚴國土成熟衆生佛子如 有身苦及諸煩惱未來苦因皆消滅故佛子如來有光明名積集一 雖不見佛智慧日輪亦爲智日之所饒益何以故以佛威力令彼衆生所 無信無解毀戒毀見邪命自活生盲之類無信眼故不見諸佛智慧日輪 晝夜時節受用種種衣服飲食令身調適離衆患故如來智日亦復如是 生無眼根故未曾得見雖未曾見然爲日光之所饒益何以故因此得 爲 名普解一 如來身第四相諸菩薩摩訶薩應如是見復次佛子譬如日出生盲衆 一一毛孔放如是等千種光明五百光明普照下方五百光明普照 切語言法令他歡喜有光明名示現永斷一 切疑自在境界 切功

來威神· 伏 智住二 種 薩 生盲者作 妙音 自 一天上人間佛子彼諸衆生不覺不知以何因緣以何神力而 種種 堪修念智地獄 十頭十眼十耳十鼻十舌十身十手十足十地十智皆悉清淨彼諸 先所成 半月樓閣雲歌詠讚歎雲種種莊嚴雲皆以尊重 然 一乘者 之力彼諸衆生聞是語已以佛神力皆知宿命生大歡喜 而 刹 而 出 說諸處諸地見彼光明轉更淸淨 告之言汝等非是梵天亦非梵化亦非帝釋護世所 如是念我是梵天我是梵化是時如來住普自在三昧出六十 中種種佛所諸菩薩衆其菩薩等見此光明一 滅 優曇華 切垢其餘 餓鬼畜生諸 雲香 雲音樂雲衣雲蓋 一分生盲衆生身既快樂心亦清! 趣所有衆生皆得快樂解脫衆苦命終皆 雲幢雲旛 切善根皆悉成 雲末 心供養如 時 皆 香 作皆是如 熟。 雲寶 來 淨。 得 來何 趣一 心歡喜 柔 生 如 雲師 此。 輭 切

華 嚴 經 卷五十

佛身。 諸菩薩 增 澄 故。 如 爲 智日如是利益生盲衆生令得善根具足成熟佛子是爲如來身第五相 身第六相諸菩薩摩訶薩應如是見復次佛子譬如三千大千世界大梵 戲論佛子如來身月亦復如是有四奇特未曾有法何等爲四所謂暎蔽 减。 四。 切聲聞獨覺學無學衆隨其所宜示現壽命脩短不同而如來身無有 來唯現我前隨其心樂而爲說法隨其地位令得解脫隨所應化令見 此諸衆生得淨眼故如來與彼授阿耨多羅 而 水中影無不現四者一切見者皆對目前而此月輪無有分別無有 者暎蔽 如 切 摩訶薩應如是見復次佛子譬如月輪有四奇特未曾有法何等 來身無有分別無有戲論 世 界淨 切星宿光明二者隨逐於時示現虧盈二者於閻浮提 心衆生菩提器中影無不現一 所作利益皆得究竟佛子是爲 切衆 |藐三菩提記佛子如 生有瞻對者皆謂 如來

能除滅 身明咒 治 由 身佛子是爲如來身第七相諸菩薩摩訶薩應如是見復次佛子譬如醫 此 天王以少方便於大千世界普現其身一切衆生皆見梵王現在己前 我命終後一切衆生無所依怙我令宜應爲現方便是時醫王合藥塗 、大明呪力爲方便故衆生見者病無不愈彼大醫王知命將終作是念 一善知衆藥及諸呪論閻浮提中諸所有藥用無不盡復以宿世諸善根 他 悉得除差佛子如來應正等覺無上醫王亦復如是於無量百千億那 亦不分身無種種身而隨一切衆生心樂示現其身亦不作念現若干 梵王亦不分身無種種身佛子諸佛如來亦復如是無有分別無有戲 劫鍊治法藥已得成就修學一切方便善巧大明呪力皆到· 力持令其終後身不分散不萎不枯威儀視聽與本無別凡所 切衆生諸煩惱病及住壽命經無量劫其身淸淨無有思慮 彼岸善 而

華 嚴 经汇 卷五十

能普為 尼寶王非少福衆生所能得見如來身如意寶王亦復如是名爲能令一 得清淨隨彼光明所照之處雨摩尼寶名爲安樂令諸衆生離苦調適佛 如是見復次佛子譬如大海有大如意摩尼寶王名一切世間莊嚴藏具 生離貧窮苦乃至具足佛菩提樂佛子如來法身無所分別亦無戲論而 寶智慧光者同佛身色若有見者法眼清淨隨彼光明所照之處令諸衆 名 來身第八相諸菩薩摩訶薩應如是見復次佛子譬如大海有大摩尼寶 有 足成就百萬功德隨所住處令諸衆生災患消除所願滿足然此如意 動用。 集 如來身亦復如是爲大寶聚一切功德大智慧藏若有衆生觸 切光明毗盧遮那藏若有衆生觸其光者悉同其色若有見者眼 切佛事未嘗休息衆生見者諸煩惱病悉得消滅佛子是爲如 切衆生作大佛事佛子是爲如來身第九相諸菩薩摩訶 隡 佛 身 應

入

普入法界故住眞實際故無生無滅故等住三世故永離 種善 切 盡後際誓願故嚴淨一切世界故莊嚴一一 相。 福 衆 衆 諸菩薩摩 |根乃至成熟爲成熟故乃令得見如來身耳佛子是爲如來身第 生所能得見唯除如來自在神力所應調伏若有衆生因見佛身便 切衆生一時專心欲見如來悉令得見所願皆滿佛子佛身非是少 生皆悉歡喜若有見身聞名讚德悉令永離生死苦患假使 訶薩應如是見以其心無量偏十方故所行無礙如虛空故 佛身故爾時普賢菩薩摩 切分别故如 切 世

蓬欲重明此義而說頌言

譬如虛空徧十方 無邊際 若 諸佛眞身亦如是 色非色有非有

如是普在

不可得見不可取

爲 化衆生而現形

譬如虚空不可取 切法界無不 徧

三世衆生身國

無信衆生不見佛 後照聲聞及衆生 而日未始有分別 譬如日光出現時 因此乃至得菩提 日光亦爲作饒益 生長人天衆善行 山樹池蓮地衆物 我今於彼種種作 諸佛身業亦如是 普使衆生造衆業 譬如淨月在虛空 **令知時節受飲食** 善逝光明亦如是 永除癡闍得智明 譬如日出閻浮提 而佛本來無動念 先照山王次餘 種種品類皆蒙盆 普使羣生修善法 而佛亦爲與義利 不念我今何所作 山 能蔽衆星示 聞名及以觸光明 譬如生盲不見日 先照菩薩次緣覺 後照高原及大地 **永離衆患身安隱** 恆受尊榮一 諸佛日出亦如是 光明破闇悉無餘 如來未曾有分別 **云何我作為誰作** 切樂 盈 缺

衆生見者煩惱滅 最勝醫王亦如是 其身無數不可稱 譬如梵王住自宮 譬如如意摩尼寶 觸其光者悉同色 衆生觸者同其色 若有見者病皆愈 實不分身向於彼 能蔽餘乘示脩短 切水中皆現影 普現三千諸梵處 隨有所求皆滿足 若有得見五眼開 若有見者眼清淨 譬如海中有寶王 具足方便一切智 命雖已盡藥塗身 亦不分身不分别 諸佛現身亦如是 普現天人浮心水 諸有觀瞻悉對前 普出無量諸光明 以昔妙行現佛身 令其作務悉如初 破諸塵闇住佛地 最勝寶王亦如是 少福衆生不能 如有醫王善方術 如來淨月亦復然 切十方無不偏 切人天咸得見 切皆謂對其前 見

善逝寶王亦如是

非是寶王有分別

悉滿所求諸欲樂

非是善逝心棄捨

大方廣佛華嚴經卷第五十

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳秘密義幽玄功德無邊唱誦利:

堂滕筒途桃擡提田壇〇 嚴 挳 卷五十)談投柂唱柂字時普願法界衆生入般若

波羅蜜門

奢◎傷升春書燒篩尸伸羶琛苫收奢唱奢字時普願法界衆生入般 波羅蜜門

佉◎康硱□ 波羅 蜜 門 生四字枯 有二 前四 欺緊看欽龕嫗佉唱佉字時普願法界衆生入般若

査

故多希音 穀音 跽 釋 眞 隣 立有 療 也谷 膝音 陀 其此 病音 五 著忌 山 名木 也料 廓 地兩 此目 尼 治 空音 也足 治 左音 也足 錬 也擴 兩 民 云眞 鍊連 虛大 付 同字 處此 陀 也云 羅 治去 也也 思村 謂解 山 也擊 適 也上 慮 此股 故此 從音 聲 山即 然翻 思呂 也釋 中是 即為 也去 樂調 近音 是龍 旋持 聲 也適 也林 解名 繞邊 醫 鄰 脱也 護以 陀療音澍 處隣 持彼 羅 也衣 雨音 也陀 餘山 山 醫 也注 內是 此亦 怙 時 六七 方日 估音 濕 山重 苦軻 也戶 沾音 故金 梗梨 特 也失 名山 木羅 萎 水 持中 也此 草威 燥 邊最 由即 木委 乾掃 也外 彼木 枯二 燥去 邊 山名 也音 也聲 中謂薩 榖

○五〇こ

第十八頁 五頁統第 通七 本行 流第 作藏 通七 壽本 本行 年壽 作廠 命 亦本 然亦 無 第二十頁第 字十 流一 通行

本亦 有下 復藏 字本

無

第二十

如來出現品第三十七之二

唐于闐國三藏沙門實叉難陀譯

音聲化不失時所應聞者無不聞故應知如來音聲無生滅如呼響故應 說法明了故應知如來音聲隨其信解皆令歡喜心得淸涼故應知如來 應知如來音聲無邪曲法界所生故應知如來音聲無斷絕普入法界故 佛子菩薩摩訶薩應云何知如來應正等覺音聲佛子菩薩摩訶薩應知 知如來音聲無主修習一切業所起故應知如來音聲甚深難可度量故 如來音聲偏至普偏無量諸音聲故應知如來音聲隨其心樂皆令歡喜

量非無量非主非無主非示非無示何以故佛子譬如世界將欲壞時無

知如來音聲無變易至於究竟故佛子菩薩摩訶薩應知如來音聲非

應

如 此諸音聲無主無作但從衆生諸善業力之所出生佛子如來音聲亦復 梵天身生光音天三日汝等當知三禪安樂無有過失超光音天衆生聞 等當知二禪安樂無覺無觀超於梵天衆生聞已自然而得成就I 餓 音聲其四者何一日汝等當知一切諸行皆悉是苦所謂地獄苦畜生苦 徧 已自然而得成就三禪捨光晉身生徧淨天四日汝等當知四禪寂靜超 惡超過欲界衆生聞已自然而得成就初禪捨欲界身生於梵天二日 中離諸難處衆生聞已捨離顚倒修諸善行離諸難處生人天中二日汝 鬼苦無福德苦著我我所苦作諸惡行苦欲生人天當種善根生人天 是無主無作無有分別非入非出但從如來功德法力出於四種廣大 淨天衆生聞已自然而得成就四禪捨徧淨身生廣果天是爲四佛子 一無作法爾而出四種音聲其四者何一日汝等當知初禪安樂離諸 欲

爲安樂遠離熾然消諸熱惱衆生聞已勤修善法於聲聞乘得隨順音聲 忍三日汝等當 知 切諸行衆苦熾然如熱鐵丸諸行無常是磨滅法涅槃寂靜無 知聲聞乘者隨他語解智慧狹劣更有上乘名獨覺乘悟

知過二 不由師汝等應學樂勝道者聞此音已捨聲聞道修獨覺乘四日汝等當 根。 捨菩提心處無量生死而不疲厭過於二乘名爲大乘第一 上乘無上乘利益一切衆生乘若有衆生信解廣大諸根猛利宿種善 |乘位更有勝道名爲大乘菩薩所行順六波羅蜜不斷菩薩行不 乘勝乘最勝

來音聲不從身出不從心出而能利益無量衆生佛子是爲如來音聲第 無有形狀不可覩見亦無分別而能隨逐一 相諸 爲諸 菩 如來神力所加有勝樂欲希求佛果聞此音已發菩提心佛子如 薩 摩 ,訶薩應如是知復次佛子譬如呼響因於山谷及音聲起

Ξ 五〇五 切語言如來音聲亦復如是

四

不淨聲。 逸 夫令其戀著汝莫放逸若放逸者墮諸惡趣後悔無及放逸諸天聞此音 知。 無言無示不可宣說佛子是爲如來音聲第二相諸菩薩摩訶薩應如是 來無功用 無有形狀不可覩見非有方所非無方所但隨衆生欲解緣出其性究竟 一歡喜勤修善法各於自乘而求出離所謂或修聲聞乘或修獨覺乘或 .復次佛子譬如諸天有大法鼓名爲覺悟若諸天子行放逸時於虛空 生大憂怖捨自宮中所有欲樂詣天王所求法行道佛子彼天鼓音 出 作無起無滅而能利益無量衆生當知如來亦復如是爲欲覺悟放 聲出言汝等當知一切欲樂皆悉無常虛妄顚倒須臾變壞但誑 寂滅聲涅槃聲無有量自然智聲不可壞菩薩行聲至一 出於無量妙法音聲所謂無著聲不放逸聲無常聲苦聲無我聲 智地聲以此音聲徧法界中 而開悟之無數衆 生 聞是音已皆 切處 如 愚

菩薩無上大乘而如來音不住方所無有言說佛子是爲如來音聲第

大

衆 婆達 子。是 次 來 池 而 同 《生皆生》 過 百 佛 能 應 七日已降微 待 切 饒 多龍 爲 味謂解脫味隨諸衆生心器異故無量差別而無**念**慮亦無。 味隨器異故 正等覺亦 盈滿。 諸 益 如 歡 衆 如摩那斯龍王 王與大密雲徧閻浮提普霆甘 來音聲第六相諸菩薩摩 切衆 為增長善法滿足諸 此大 生 一作務究竟 復如是興大悲雲徧 生是為. 細 雨 水有 雨普潤 水不從龍王身 差別水無念處亦無 一將欲降一 何以故彼大龍 如來音聲第 大地佛子如來應正 雨· 乘佛子如來音聲不從外來不 心中 未 十方界普兩無上甘露 訶 便即降先起 七 藝 王有慈悲心。 相諸菩薩摩 出 兩百穀苗稼皆得生 應 而能種種 分别。 如 是 一等覺亦復如 知復次佛子 如來言音亦復如是 大 **连饒益衆生** 不 雲彌覆虛空 訶 薩應 欲 惱 法 是將 亂 雨· 長。 如 譬 佛 諸 是 從內 分别。 如 江 衆 凝 知 河 阿 停 復 唯 生 出・ 如 那 佛 切

言音皆令歡喜佛子是爲如來音聲第九相諸菩薩摩訶薩應如是知復 差别音說或百或千或以百千或以八萬四千音聲說八萬四千行乃至 無所分別但以諸佛於甚深法界圓滿清淨能隨衆生根之所宜出種種 或以無量百千億那由他音聲各別說法令其聞者皆生歡喜如來音聲 百 千或百千種莊嚴兩佛子水無分別但以龍王不思議力令其莊嚴乃至 海 降甘露法雨演說甚深微妙善法漸次令其滿足如來一切智智無上法 雨· 千無量差別如來應正等覺亦復如是爲諸衆生說法之時或以十種 佛子是爲如來音聲第八相諸菩薩摩訶薩應如是知復次佛子譬如 中有大龍王名大莊嚴於大海中降雨之時或降十種莊嚴雨或百或 未 便即降先興法雲成熟衆生爲欲令其心無驚怖待其熟已然後普

次佛子譬如娑竭羅龍王欲現龍王大自在力饒益衆生咸令歡喜從四

赤眞 牟薩羅色雲出碼碯色電光碼碯色雲出牟薩羅色電光勝藏寶色雲出 種種莊嚴具色雲出淸淨水色電光乃至種種色雲出一 電光無垢衣色雲出無量香色電光淸淨水色雲出種種莊嚴具色電光 光瑠璃色雲出金色電光銀色雲出玻瓈色電光玻瓈色雲出銀色電光 網 明色或無垢衣光明色或清淨水光明色或種種莊嚴具光明色如是雲 羅光明色或碼碯光明色或勝藏光明色或赤真珠光明色或無量香光 浮檀金光明色或毗瑠璃光明色或白銀光明色或玻瓈光明色或牟薩 天下乃至他化自在天處與大雲網周而彌覆其雲色相無量差別或閻 周 珠 **市彌布旣彌布已出種種色電光所謂閻浮檀金色雲出瑠璃色電** 色電光復於彼雲中出種種雷聲隨衆生心皆令歡喜所謂或如 色電光赤眞珠色雲出勝藏寶色電光無量香色雲出無垢衣色 色電 光一色雲·

出

種種種

或如緊那羅女歌詠音或如大地震動聲或如海水波潮聲或如獸王哮 天女歌詠音或如諸天妓樂音或如龍女歌詠音或如乾闥婆女歌詠音

吼聲或如好鳥鳴囀聲及餘無量種種音聲旣震雷已復起涼風令諸衆 天雨簫笛等種種樂音名為美妙於化樂天雨大摩尼寶名放大光明於 生 心生悅樂然後乃降種種諸雨利益安樂無量衆生從他化天至於地 切處所雨不同所謂於大海中雨淸冷水名無斷絕於他化自在

十三天雨衆妙香名爲悅意於四天王天雨天寶衣名爲覆蓋於龍王宮 兜率天雨大莊嚴具名為垂髻於夜摩天雨大妙華名種種莊嚴具於三

雨赤真珠名涌出光明於阿脩羅宮雨諸兵仗名降伏怨敵於北鬱單越 兩種種華名日開敷餘三天下悉亦如是然各隨其處所雨不同雖彼龍 |其心平等無有彼此但以衆生善根異故雨有差別佛子如來應正等

0

爲 爲衆生現光明電光名順入諸趣或爲衆生現光明電光名滿一切願皆 現光明電光名光明照曜或爲衆生現光明電光名入無盡陀羅尼門或 光明電光名入佛祕密法或爲衆生現光明電光名影現光明或爲衆生 光明電光名無所不至或爲衆生現光明電光名無邊光明或爲衆生現 方一切世界隨諸衆生所樂各別示現種種光明電光所謂或爲衆生現 身雲或爲衆生現智慧身雲或爲衆生現諸力不可壞身雲或爲衆生現 無畏身雲或爲衆生現法界身雲佛子如來以如是等無量身雲普覆十 力持身雲或爲衆生現色身雲或爲衆生現相好身雲或爲衆生現福德 欲爲現不同所謂或爲衆生現生身雲或爲衆生現化身雲或爲衆生現 覺無上法王亦復如是欲以正法敎化衆生先布身雲彌覆法界隨其樂 生現光明電光名正念不亂或爲衆生現光明電光名究竟不壞或

之與 法界無差別爲最後身菩薩兩大法兩名菩薩遊戲如來祕密教爲一生 議廣大法雨令一切衆生身心淸淨所謂爲坐菩提揚菩薩雨大法雨名 名能令一切衆生生不思議歡喜適悅此相現已一切菩薩及諸衆生身 脫力三昧雷聲佛子如來身雲中出如是等無量差別三昧雷聲已將降 **雷聲日燈三昧雷聲普令衆生歡喜三昧雷聲無盡藏三昧雷聲不壞解** 所樂出生無量三昧雷聲所謂善覺智三昧雷聲熾然離垢海三昧雷聲 令歡喜佛子如來應正等覺現如是等無量光明電光已復隨衆生心之 所繫菩薩雨大法雨名清淨普光明爲灌頂菩薩雨大法雨名如 法雨先現瑞相開悟衆生所謂從無障礙大慈悲心現於如來大智風輪 切法自在三昧雷聲金剛輪三诛雷聲須彌山幢三昧雷聲海印三昧 心皆得淸涼然後從如來大法身雲大慈悲雲大不思議雲雨不思 來莊嚴

量。 聞 獨 心 如 決 無疲厭爲初發心菩薩雨大法雨名出生如來大慈悲行救護衆生爲求 行為住向行菩薩雨大法兩名入現前變化甚深門而行菩薩行無 具所莊**嚴爲**得忍菩薩兩大法兩名功德寶智慧華開敷不斷菩薩大悲 平等為 生 乘 何等為 定衆生雨大法雨名能令成就種種法門生大歡喜佛子諸佛如來隨 覺乘衆生兩大法兩名深知緣起法遠離二邊得不壞解脫果爲求聲 衆 心 界無量令一 生雨 雨 相諸菩薩摩訶薩應如是知復次佛子應知如來音聲有十種 十所謂. 法無恡但以衆生根欲不同所雨 如是等廣大法雨充滿一切無邊世界佛子如來應正等覺其 大法雨名以大智慧劍斷 如虛空界無量至一 切心喜故如諸業無量說其果報故如煩惱無量 切處故如法界無量無所不偏故。 切煩惱寃爲積集善根決定不 法雨示有差别是爲如來音 休息

誡彼放逸諸天子

令除滅故如衆生言音無量隨解令聞故如衆生欲解無量普觀救度故 如三世無量無有邊際故如智慧無量分別一切故如佛境界無量入佛如三世無量無有邊際故如智慧無量分別一切故如佛境界無量入佛

法界故佛子如來應正等覺音聲成就如是等阿僧祇無量諸菩薩摩訶

薩應如是知爾時普賢菩薩摩訶薩欲重明此義而說頌言 三千世界將壞時 衆生福力聲告言 四禪寂靜無諸苦

令其聞已悉離欲 爲說諸行苦無常 令其永度生死海 十力世尊亦如是 譬如深山大谷中 出妙音聲徧法界

不念我今能演說 隨有音聲皆響應 十力言音亦復然 隨其根熟為示現 雖能隨逐他言語 如天有鼓名能覺 **令其調伏生歡喜** 而響畢竟無分別

令其聞已得離著 十力法鼓亦如是 常於空中震法音

四

譬如無熱大龍王 以無信故未能受 能令梵衆皆歡喜 法性一味無分別 因地在器各不同 隨其性欲有差別 而不從身及心出 十力梵王亦復然 自在天王有寶女 出於種種妙音聲 一一音中復百千 演一 降雨普洽閻浮地 隨諸衆生行不同 譬如衆水同一性 善逝音聲亦如是 覺悟一切諸羣生 是故令其種種 音唯及梵不出外 各令聞已斷煩惱 口中善奏諸音樂 佛妙音亦如是 言音充法 異 界 能令草樹皆生長 普雨法界悉充洽 故使聽聞種種異 唯霑衆會不遠出 **令其悉證菩提果** 八功德味無差別 譬如梵王吐一音 切智音亦如是 聲能出百千音 聲而出一切音 一皆言己獨聞

一五

(一五一七)

佛子諸菩薩摩訶薩應云何知如來應正等覺心佛子如來心意識俱不 可得但應以智無量故知如來心譬如虛空爲一切物所依而虛空無所 或百或千百千種 說十二十諸法門 與雲七日未先兩 能令生善滅諸惡 最勝龍王娑竭羅 **令其聞者不驚怖** 十力演義亦如是 爲諸修行兩各異 而彼龍心無二念 諸佛法王亦如是 與雲普覆四天下 待諸衆生作務竟 或百或千至無量 大莊嚴龍於海中 先化衆生使成熟 而於一切無分別 水雖一味莊嚴別 不從內外而得有 於一切處雨各別 然後爲說甚深法 然後始降成利益 大悲身雲徧十方 不生心念有殊別 究竟辯才亦如是 譬如摩那斯龍王 **霆於十種莊嚴兩**

子譬如 慧清淨 子是為. 億 水 菩 切 出 依。 各各不同佛子是爲如來心第三相諸菩薩摩訶薩應如是知復次佛 亦復 世 諸 藝 如 摩 間 切聲聞獨覺菩薩解 小 來智慧亦復 大海 明了。 如是流入一切衆生心中若諸衆生觀察境界修習法門 洲中有穿鑿者無不得水而彼大海不作分別我出於水佛智海 訶 出世間種種智慧而如來智無增滅佛子是爲如來心第二相諸 如來心第一相諸菩薩摩訶薩應如是知復次佛子譬如法界常 寶亦不可得何等爲四一名積集寶二名無盡藏三名遠離 薩應如是知復次佛子譬如大海其水潛流四天下地 有四寶 而 如來智平等無二 如是為 珠具無量德能 脫· 而法界無增減如來智慧亦復 切世間出世間智所依而如來 一無有分別但隨衆生心行異 生海內一 切珍寶若大海 如是恆 、智無所依 中無 故。 及八十 所得 則得 此 出 智 佛

華 嚴 經 卷五十一

是知復次佛子譬如大海有四熾然光明大寶布在其底性極猛熱常能 飲縮百川所注無量大水是故大海無有增減何等爲四一名日藏! 虁 以故置於如來深密藏故此四智寶平均正直端潔妙好普能利益諸菩 此四寶有一衆生得入大乘終無是處此四智寶薄福衆生所不能見何 壞法性大智慧寶知時非時未曾誤失大智慧寶若諸如來大智海中無 著巧方便大智慧寶善分別有爲無爲法大智慧寶分別說無量法而不 大智慧海亦復如是於中有四大智寶珠具足無量福智功德由此能生 娑竭龍王以此寶珠端嚴方正置於宮中深密處故佛子如來應正等覺 然四名具足莊嚴佛子此四寶珠一切凡夫諸龍神等悉不得見何以故。 切衆生聲聞獨覺學無學位及諸菩薩智慧之寶何等爲四所謂無染 眾令其悉得智慧光明佛子是爲如來心第四相諸菩薩摩訶薩應如

潤大寶光明照觸其乳悉變爲酪火燄光大寶光明照觸其酪悉變爲酥 功用大智慧寶佛子諸菩薩修習一切助道法時起無量散善波浪 寶光觸諸菩薩乃至令得如來大智何等爲四所謂滅 盡無餘大寶光明照觸其酥變成醍醐如火熾然悉盡無餘佛子如來應 有頂其中所有悉被漂沒佛子此日藏大寶光明照觸海水悉變爲乳離 離潤三名火燄光四名盡無餘佛子若大海中無此四寶從四天下乃至 智慧寶除一切法愛大智慧寶慧光普照大智慧寶與如來平等無邊無 正等覺大智慧海亦復如是有四種大智慧寶具足無量威德光明此智 慧寶光明觸彼菩薩令捨離三昧味著起廣大神通又以慧光普照大智 彼菩薩令捨一切散善波浪持心一境住於三昧又以除一 世間天人阿脩羅所不能壞如來以滅一切散善波浪大智慧實光明觸 一切散善波浪大 切法愛大智 切

樹名無盡根彼藥樹根從十六萬八千由旬下盡金剛地 爲如來心第六相諸菩薩摩訶薩應如是知復次佛子如雪山頂有藥王 智住何以故如來智慧徧一切故雖復普容無量智慧而無分別佛子是 國 訶薩 偏 乃至有一菩薩得如來地無有是處佛子是爲如來心第五相諸菩薩摩 如 等無邊無功用大智慧寳光明觸彼菩薩令捨所起大明功用行乃至得 獨覺智若菩薩智若有爲行智若無爲行智一切皆依如來智起 故雖彼虛空普容三界而無分別佛子如來智慧亦復如是若聲聞智 土欲色無色衆生之處莫不皆依虛空而起虛空而住何以故虛空普 來平等地息一 應如是知復次佛子如從水際上至非想非非想天其中所有大千 光明觸彼菩薩令捨所起廣大神通住大明功用行又以與如來 切功用令無有餘佛子若無如來此四智寶大光照觸 水輪際生彼藥 如來

五二二

ō

薩行故菩薩行卽如來性如來性卽菩薩行是故得名爲無盡根佛子如 善巧方便以爲其莖偏法界智諸波羅蜜以爲其枝禪定解脫諸大三昧 來智慧大藥王樹其根生時令一 佛 以爲其葉總持辯才菩提分法以爲其華究竟無變諸佛解脫以爲其果 惡道苦廣大悲願而爲其根於一切如來眞實智慧種性中生堅固不動 佛子彼藥王樹於一切處皆令生長唯於二處不能爲作生長利益所謂 枝葉 如是以過去所發成就一切智慧善法普覆一切諸衆生界除滅一 地獄深坑及水輪中然亦於彼初無厭捨佛子如來智慧大藥王樹亦復 王樹若生根時令閻浮提一 子如來智慧大藥王樹何故得名爲無盡根以究竟無休息故不斷菩 華果悉皆如是此藥王樹根能生莖莖能生根根無有盡名無盡根 切樹根生若生莖時令閻浮提 切菩薩生不捨衆生大慈悲根其莖生 切樹莖生 切諸

華 筬 極 卷五十一

不燒不答言不也佛子彼所投草容可不燒如來智慧分別三世一切衆 子譬如三千大千世界劫火起時焚燒一 見貪愛之水然亦於彼曾無厭捨佛子如來智慧無有增減以根善安住 作生長利益所謂一乘墮於無為廣大深坑及壞善根非器衆生溺大邪 諸波羅蜜枝其葉生時令一切菩薩生長淨戒頭陀功德少欲知足葉其 生忍乃至 華 皆悉熾然無有遺餘佛子假使有人手執乾草投彼火中於意云何得 一無休息故佛子是爲如來心第七相諸菩薩摩訶薩應如是知復次佛 令一 切國土一切劫數 時令一 切菩薩增長堅固精進深心莖其枝生時令一 切佛灌頂忍果佛子如來智慧大藥王樹唯於二處不能 切菩薩具諸善根相好莊嚴華其果生時令一 切諸法無不知者若言不知無有是處何以故 切草木叢林乃至鐵圍 切菩薩增長 切菩薩得 大鐵 圍 無 切

智故令諸芸 應正 諸菩薩摩訶薩應如是知復次佛子如來智慧無處不 有大智風名爲巧持巧持其根未熟菩薩不令能滅大智風輪斷 鐵圍 煩惱習氣佛子若無如來巧持智風無量菩薩皆墮聲聞辟支佛地由此 復次佛子譬如風災壞世界時有大風起名日散壞能壞三千大千世界 不令得至餘方世界佛子若令無此能障大風十方世界無不壞盡如 智慧平等悉明達故佛子是爲如來心第八相諸菩薩摩訶薩應如是知 而 l然智無礙智則得現前佛子譬如有大經卷量等三千大千世界書寫 等覺亦復如是有大智風名爲能滅能滅 不具有如來智慧但以妄想顚倒執著而不證得若離妄想 山等皆成碎末復有大風名爲能障周而三千大千世界障散壞 菩薩超二 |乘地安住如來究竟之位佛子是爲如來心第 切諸大菩薩 至何以故無 原惱習氣 其 切智 九 切 風·

華 嚴 经 卷五十一

盆 諸衆生無少利益卽作是念我當以精進力破彼微塵出此經卷令得饒 若欲 得利益爾時如來以無障礙淸淨智眼普觀法界一切衆生而作是言奇 益。 亦如是時有一人智慧明達具足成就清淨天眼見此經卷在微塵內於 世 書寫大地中事量等大地書寫中千世界中事量等中千世界書寫小千 三千大千世界中事一切皆盡所謂書寫大鐵圍山中事量等大鐵圍山 利益 如於一 經卷雖復量等大千世界而全住在一微塵中如一 界中事量等小千世界如是若四天下若大海若須彌山若地天宮殿 切衆生作是念已卽起方便破彼微塵出此經卷令諸衆生普得饒 界空居天宫殿若色界宫殿若無色界宫殿一一 麈一切微麈應知悉然佛子如來智慧亦復如是無量無礙普 切衆生具足在於衆生身中但諸凡愚妄想執著不知不覺不 微塵一切微塵皆 書寫其量悉等此

M

道令其永離妄想執著自於身中得見如來廣大智慧與佛無異卽敎彼 奇哉此諸衆生云何具有如來智慧愚癡迷惑不知不見我當敎以聖

薩應以如是等無量無礙不可思議廣大相知如來應正等覺心爾時普 衆生佛子是爲 生修習聖道令離妄想離妄想已證得如來無量智慧利益安樂 如來心第 十相諸菩薩摩訶薩應如是知佛子菩薩摩訶 切

賢菩薩摩訶薩欲重明此義而說頌言

佛 衆 聲聞與獨覺 欲 智 生種種樂 知諸佛心 亦如是 當觀佛智慧 出 及諸佛解 及諸方便 生 切智 脫 智 皆依於法界 皆依佛智慧 佛智無依處 無增亦無減 無 法界無增減 佛智無依 如空無所依 生亦無盡 止

如

水潛流地

求之無不得

無念亦無盡

功力徧十方

佛 雪山有藥王 聲聞與獨覺 如人把乾草 下方至有頂 如 如海有四寶 如龍有四珠 佛四智亦然 佛智亦如是 一世劫與刹 智亦如是 來智亦爾 能飲 置之於劫燒 名為無盡根 菩薩衆智慧 及其中衆 如來種中 出 欲色無色界 息浪除法 出 普 生 生 在衆生心 切水 切 切 生 生 愛 寶 智 彼草容不燒 既得菩提已 能 置之深密處 金 皆依於佛智 廣大無有邊 令海不流溢 餘人莫能見 若有勤修行 剛循洞 生一 切依虚空 切樹 然 此 復生菩薩行 凡人莫能見 此佛無不知 佛智無分別 虚空不分別 能生佛菩薩 根莖葉華 疾得智光明 亦復無增減 唯除大菩薩 無不燒理

大方廣佛華嚴經卷第五十一 諸佛大慈悲 佛智亦如是 有一聰慧人 如有大經卷 有風名散壞 大智風亦爾 令其除妄想 能壞於大千 淨眼悉明見 滅諸菩薩惑 **福在衆生心** 量等三千界 妄想之所纏 破塵出經卷 若無別風 如是乃出現 在於一塵內 別有善巧風 此 普饒益衆生 饒益諸菩薩 不覺亦不知 令住如來地 壞及無量界 切塵悉然

普光再會大法重宣高超十聖與三賢等覺義幽玄心月孤圓究竟離言

詮

華嚴字母衆藝親宣善財童子得眞傳祕密義幽玄功德無邊唱誦利人

天

叉◎創琤衝初抄釵鴟嗔僤 搊叉唱叉字時普願法界衆生入般若

波羅蜜門

多数 一合 00 若 當思 登思 東蘇

都蘇

刀思

憧思

低西

顛西

單思

〇西

耽思

兜思

多娑

唱

终字時普願法界衆生入

心波羅蜜門

壤 穣仍茸如饒)而仁然任髯柔壤唱壤字時普願法界衆生入般

波羅蜜門四 九十 有二 同字 前四

音 釋

牟 也音 也音 鐵 止束 對狄 金音 也退 也仇 也帖 此或 醍 黑 鬱 霆音 云曰 提音 州音 名蔚 醐 單 餬音 也注 也胡 單音 霖 醍 越丹 三昧雷聲 凝 並 也音 木音 水迎 恡 幹行 怪音 結監 三疏 也草 也容 也也 坑 戍 昧有 坑音 霑 哮 諸三 惡義 墜阬 也音 嚇虛 不一 也虚 濡沾 怒交 也濕 也切 也 潜 二秋 溺 呷 若之 水寧 伏音 師駒 春雷 也入 流前 鳴上 之蟄 沒聲 也水 也聲 鐅 雷蟲 也溺 投 也音 棄音 塹昨 也轉 開若 也頭 也穿

(二五)无

萌入 或

縮

敵

Ŧ

滿妄

如想

金經

を就無衆 第 経 修在 雨猶 修在 所猶 第 十生 頁 智鍍 先三 連如 先三 本行 今喜 與第 道像 相昧 經經 譯雷 作藏

作巌 依三 南八 大本 晉昧 藏行 六聲 獨本 十十 為獨 卷字 第 及北 十 流藏 一 通唐頁 本宋 行第 補元 日二 入本 燈行 俱第二十三頁 無雷擊下流通 南第 通本 藏六 本明 誤行 有盛 作成 普第 大就 令四

遠在 三發 離模 昧生 妄皆 是功 想是 說德 佛塵 之三 智中 先雷 現有 兆是 前佛 破 如身 塵 破義 出 塵如 經 出來 卷 大教 喻疏 經化 佛云 卷衆 智塵 也生 無喩 涯衆 性生 德身 圓及

唐于闐國三藏沙門實叉難陀譯

如來出現品第三十七之三

無邊際境界虛空無分量境界無境界境界是如來境界佛子如一切世 佛子菩薩摩訶薩應云何知如來應正等覺境界佛子菩薩摩訶薩以無 障無礙智慧知 一切法境界一切衆生境界眞如無差別境界法界無障礙境界實際 切世間境界是如來境界知一切三世境界一切剎境

間境界無量如來境界亦無量如一切三世境界無量如來境界亦無量 至如無境界境界無量如來境界亦無量如無境界境界一切處無有

界如心境界無量無邊無縛無脫如來境界亦無量無邊無縛無脫何以。 如來境界亦如是一切處無有佛子菩薩摩訶薩應知心境界是如來境

○五三つ

明龍王 弗婆 水 甚 四 子。 切 起。 有 故。 啊。 復倍前大莊嚴龍 此閻 多佛子復有十光明龍王雨大海中水倍過前百光明龍王雨大海 諸佛 智海無量無邊不可思議不可言說然我今者略說譬喻汝應 如是無量顯現於十方中悉無來處佛子如大海水皆從龍王心 天下如是二萬五千河相續 其雨不從內出不從外出如來境界亦復如是隨於如是思惟分别· 以如是如是思惟分別如是如是無量顯現故佛子如大龍王隨 提 |連澍不斷龍王大勝龍王大奮迅龍王如是等八十億諸大龍王 有七千五百河流入大海北鬱單越有一萬河流入大海佛子 浮提有二千五百 如來一切智海亦復如是皆從如來往昔大願之所生起佛子 王摩那斯龍王雷 河流入大海。 不絕。 流入大海於意云何此水多不答言 震龍王難陀跋難陀龍王 西拘耶尼有五千河流 入大海 無量 諦 力所 聽。 心 東 降

復倍前佛子十光明龍王宮殿中水流入大海復倍過前百光明龍王 殿 各雨大海皆悉展轉倍過於前娑竭羅龍王太子名閻浮幢雨大海中。 中水流入大海復倍過前大莊嚴龍王摩那斯龍王雷震龍王難陀 水

竭羅龍王太子閻浮幢宮殿中水流入大海復倍過前佛子娑竭羅龍 難 八十億諸大龍王宮殿各別其中有水流入大海皆悉展轉倍過於前娑 陀龍王無量光明龍王連澍不斷龍王大勝龍王大奮迅龍王如是等

衆寶無量衆生無量所依大地亦復無量佛子於汝意云何彼大海爲無 量不答言實爲無量不可爲喻佛子此大海無量於如來智海無量百分 出 雨大海水復倍前其娑竭羅龍王宮殿中水涌出入海復倍於前其所 水 紺 瑠璃色涌出有時是故大海潮不失時佛子如是大海其水無量

不及一千分不及一乃至優波尼沙陀分不及其一但隨衆生心爲作譬

N

修 喻而佛境界非譬所及佛子菩薩摩訶薩應知如來智海無量從初發 一切菩薩行不斷故應知寶聚無量一切菩提分法三寶種不斷故應 切學無學聲聞獨覺所受用故應知住地無量從初

智慧利益一切衆生故於如來應正等覺境界應如是知爾時普賢菩薩 歡喜地乃至究竟無障礙地諸菩薩所居故佛子菩薩摩訶薩爲入無量 知 所住衆生無量一

摩訶薩欲重明此義而說頌言

佛境如是應觀察 如 心境界無有量 諸 如龍不離於本 佛境界亦復 處 然 以心威力澍 如 心境界從意生 大雨

去 處 隨龍 心 故悉充治 十力牟尼亦如是

雨

水雖無來

無所從來無所去 海 珍奇無有量 衆 若 有淨 生大地亦復然 心則 現身 水性 量等法界入毛孔 味等無別

如

假

無

大

諸 諸 佛 譬如日 復如是住無礙行以淨佛眼觀察法界諸宮殿中一切衆生若曾種善根 水 而撮取之置佛法中令斷 已成熟者如來奮勇猛 佛 悉 如 令 放作諸佛事無有休息不生如是戲論分別我從彼來 月獨 薩 來亦復如是性本寂滅無有分別示現遊行 兩 摩 開。 訶薩應以如是等無量方便無量性相 無等侶周行虛 知龍男女命將盡者而搏取之如來應正等覺金翅鳥王亦 十力以止觀兩翅鼓揚生死大愛水海使其兩 切妄想戲論安住如來無分別無礙行佛 三空利益衆生不作是念我從何來而 知見如來應正等覺 一切法界爲 而向彼· 至何 欲饒益

所行之行 行 爾時普賢菩薩 欲 重明此義 而 説頌言

出過三世不可量 不 生滅 法界非界非非界 無 有 方所無能 見

譬如眞

如

非是有量非無

饒益者行

如

大海諸

|佛菩提亦復如是普現一

金翅在空觀 前後虚空等無別 世尊周行於法界 令出有海除衆惑 大功德者行亦然 大海 譬如 **教化衆生無動念** 闢 衆劫演說如來行 非量無量無身故 水搏取龍男女 日月遊虚空 照臨一 十力能拔善根 如鳥飛行億千歲 已說未說不可量 切不分別 人

應知 佛 心念所行根性欲樂煩惱染習舉要言之於一念中悉知三世 行無止無量無際遠離二邊住於中道出過 子諸菩薩摩訶薩應云何知如來應正等覺成正覺佛子菩薩摩訶薩 如來成正覺於一切義無所觀察於法平等無所疑惑無一 切文字言說。 知 一無相無 切諸法。 切衆 生

佛子譬如大海普能印現四天下中一切衆生色身形像是故共說以爲 切衆生心念根性樂欲而無所現是故 t 二五三七

等身得 無量 得 身。 身得虛空界量等身得無礙界量等身得 說 乃至 得寂 切言 名諸佛菩提佛 智大悲相續救度衆生佛子 性。 切衆 盡 無 無數清淨三輪佛 普見一 法 性。 滅涅槃界量等身佛子如所得身言語 語所不能說但隨所應方便開 界性。 無生 切佛量等身得一 生量等身得 切衆 無虚 性。 無滅性無我性無非 子諸佛菩提一 空 生入涅槃皆同 性。 子如來成正 亦復 切法量等身得一 切語言量等身得真如量等身得法 無有 切文字所不能宣一切音聲所不能 覺時於其身中普見一 成 性· 我 IE 示佛子如來應正等覺成正 性。 所謂 **覺性。** 無衆 切願量等身得 切利量等身得一切三 無性。 知 及 生 心亦復如是得如是等 性。 切 無 無非衆 何等性。 法 皆 無 切衆生成 性故 生性。 所 切行量等 謂 界量等 覺時· 世 得 無 無 量 相 及。

切

譬如虚

切世界若成若壞常

何 何 以故菩提無相無非相無一 以故處空無生故諸佛菩提亦復如是若成正覺不成正覺亦無增減 無種種故佛子假使有人能化作恆河沙

等 心。 一 德菩薩言如我解於仁所說義化與不化等無有別云何問言凡有幾何 無有休息佛子於汝意云何彼人化心化作如來凡有幾何如來性起 一心復化作恆河沙等佛皆無色無形無相如是盡恆河沙等劫。

菩薩 與不成正覺等無有異何以故菩提無相故若無有相則無增無減佛 普賢菩薩言善哉善哉佛子如汝所說設 摩 訶 薩應如是知成等正覺同於菩提 切衆生於一念中悉成正覺 相 無相。 如來成正覺時以

有如是等無量成正覺門是故應知如來所現身無有量以無量故說 於 相 身中 方便入善覺智三昧入已於一成正覺廣大身現一切衆生數等身 如一成正覺廣大身一切成正覺廣大身悉亦如是佛子如

住

0

子菩薩摩诃 等正覺廣大周徧無處不有不離不斷無有休息入不思議方便法門 身成等正覺佛子菩薩摩訶薩應知自心念念常有佛成正覺何以故諸 佛 覺無處不至故隨其所能隨其勢力於道場菩提樹下師子座上以種種 法 切衆生數等諸佛身何以故如來成正覺身究竟無生滅故如一毛孔徧 來身爲無量界等衆生界佛子菩薩摩訶薩應知如來身一 界一 如來不離此心成正覺故如自心一切衆生心亦復如是悉有如來成 切毛孔悉亦如是當知無有少許處空無佛身何以故如來成 訶薩應如是知如來成正覺爾時普賢菩薩摩訶薩欲重明此 毛孔中有 佛

義而說頌言

我與非我不分別正覺了知一切法

如海印現衆生身無二離二悉平等

以此說其爲大海

自性清淨

如虚

(一五四二)

佛子菩薩摩訶薩應云何知如來應正等覺轉法輪佛子菩薩摩訶薩應 轉法論知 種轉斷所應斷而轉法輪知一 如是知如來以心自在力無起無轉而轉法輪 切法虚空際故無有言說而轉法輪知 放衆生等無量 所有心念及根欲 成與不成無增 菩 如人化心化作 而於虛空不增減 提普印諸 切法涅槃性故以一切文字一 心行 光 佛 减 如是數等身皆現 開悟羣品如蓮敷 佛有三昧名善覺 化與不化性無異 是故說名爲正覺 切法離邊見故離欲際非際而轉法輪入 切諸佛出世間 切言語而轉法輪如來音聲 切法不可說故究竟寂滅而 知 切法恆無起故以三 是故正覺名無量 如三 菩提 菩提樹下入此定 譬如世界有成敗 切衆生成菩提 一世劫刹衆生 相恆無相

所 住。 佛 如 故。 音而 知 來音聲亦復如是普入一 如 示 切 無處不至故知聲 佛 子如 如 無 書字普入一切事一切語 文 應 有 來 字語言盡未來劫說 轉法輪畢竟無主故無遺無盡 · 菩薩摩 來隨 所轉 切衆生種種語言皆悉不 休息無有窮盡佛子如來法輪悉入一切語言文字而無所住 IE. |等覺有||三昧名究竟無礙無畏入此||二昧已於成正 法輪應知 切 訶 衆 薆 如響 生心行欲樂無量差別出若干音聲而 於如來轉法輪應如是知復次佛子菩薩摩 而 如來法輪所出生處何等爲 切處一切衆生一切法 不可盡佛轉法輪亦復 轉法輪了於諸法眞實性故於 切算數一 離如來法輪何以故言音實 而轉法 切世 輪內外無著故佛子譬如一 間 二切業 如是一 出 如來法輪 世間 處而 切文字安立 一音 轉法輪佛子。 切 無所住。 所出 和·即 報 中 訶 中 出 生 薩 法 而 如 無 切

輪令一切衆生皆生歡喜能如是知轉法輪者當知此人則爲隨順 口各出一切衆生數等言音 一 音中衆音具足各各差別而轉法 切

佛法不如是知則非隨順佛子諸菩薩摩訶薩應如是知佛轉法輪普入

無量衆生界故爾時普賢菩薩摩訶薩欲重明此義而說頌言 如來法輪無所轉 二世無起亦無得 譬如文字無盡時

入諸言音無所入 十力法輪亦如是 能令衆生悉歡喜 如字普入而無至 佛有三昧名究竟 正覺法輪亦復然

切衆生無有 邊

入此定已乃說法

文字不從內外 無量言音各差別 出

隨其欲樂普使聞

一音中復更演

而爲衆生轉法輪

如是自在甚奇特

普出其音令悟解

於世自在無分別

亦不失壞無積聚

M

如 實 佛 令衆生生欣樂故出現於世欲令衆生生戀慕故示現涅槃而 來常住其前於一 如 如 知 是何以故识 子菩薩 是。 薤 亦 際 來 如 一不二想何以故菩薩 來 如 涅 涅 說 如 | 槃亦如是如法性涅槃如來涅槃亦如是如離欲際涅槃如來| 諸 是。 大涅槃者當須了知根本自性 一槃如來涅槃亦如是如法界涅槃如來涅槃亦如是如虛· 摩 如無相際涅槃如來涅槃亦如是如我性際涅槃 切法性際涅槃如來涅槃亦如是如真如際涅槃如來涅槃 如來究竟涅槃亦不爲彼示現其事何以故爲欲令見一 涅槃無生無出故若法無生無 訶薩應云 念中見過 何知如來應正等覺般涅槃佛子菩薩摩 摩 去未來一 訶 薩 永離 切諸 |如眞如涅槃如來涅槃亦如是如 切 佛色 諸 出 則無有滅佛子如來不 想著故佛子諸佛 相 圓滿皆如 如來涅槃亦 現在亦不 質 空涅槃• 如來 訶 如 薩 來 切 如 欲

師善明幻

術以幻術力於三千大千世界一

切國

土城邑

云何豈 次佛子譬如幻 如 有滅度佛子譬如火大於一切世間能爲火事或時一 有 淨 器 有出世亦無涅槃何以故如來常住淸淨法界隨衆生心示現涅槃佛 來悉皆滅度佛子菩薩 切世界施作佛事或於一世界能事已舉示入涅槃豈一切世界諸 衆 心器中佛無不現心器常淨常見佛身若心濁器破則不得見佛子若 器 如 壞非日有咎佛子如來智日亦復如是普現法界無前無後一切衆生 生應以涅槃而得度者如來則爲示現涅槃而實如來無生無歿無 破便不現影佛子於汝意云何彼影不現爲日咎不答言不也 日出普照世間於一切淨水器中影無不現普徧衆處而無來往 切世 間火皆滅耶答言不也佛子如來應正等覺亦復如是於 摩 訶 薩應如是知如來應正等覺大般涅槃復 處其火息滅於意 但由 或 佛

大

然彼佛身盡未來際究竟安住隨宜化度一切衆生未曾失時佛子如來 各出阿僧祇蓮華一一蓮華各有不可說妙寶華蘂一一華蘂有師子座 知 涅槃豈以一處示入涅槃便謂一切悉皆滅度佛子菩薩摩訶薩應如是 法界普現其身持令常住盡未來際或於一處隨衆生心所作事訖示現 也佛子如來應正等覺亦復如是善知無量智慧方便種種幻術於一切 於汝意云何彼大幻師豈於一處隱身不現便一切處皆隱滅耶答言不 聚落示現幻身以幻力持經劫而住然於餘處幻事已訖隱身不現佛· 一一座上皆有如來結跏趺坐其佛身數正與一切衆生數等皆具上 三昧入此三昧已於一一身各放無量百千億那由他大光明一一光明 德莊嚴從本願力之所生起若有衆生善根熟者見佛身已則皆受化 如來應正等覺大般涅槃復次佛子如來應正等覺示涅槃時入不動

光出蓮華華有佛

佛身無數等法界

佛有三昧名不動

摩訶薩應如是知如來應正等覺大般涅槃佛子如來住於無量無礙 身者無有方處非實非虛但以諸佛本誓願力衆生堪度則便出現菩薩 究

持故無有休息不捨 竟法界虛空界眞如法性無生無滅及以實際爲諸衆生隨時示現本願 切衆生一切刹一切法爾時普賢菩薩摩訶薩· 欲

重明此義而說頌言

衆生無信見涅槃 如日舒光照法界 器壞水漏影隨 如火世間作火事 滅 於一 最勝智日亦如是 城邑或時息

化事訖處示終 如來化訖亦復然

能事畢處則便謝

人中最勝偏法界

化衆生訖入此定

幻師現身一切刹

於餘國土常見佛 念身放無量光

有福衆生所能 (一五四七) 見

t

佛 子菩薩摩訶 如 如是無數 無滅性佛涅槃 訶 薩應云 身 何知於如來應正等覺見聞親近 言辭譬喻悉皆 壽命莊嚴皆具足 斷 如無生性 切義成無與等 所種善根佛 佛 出 興

菩薩 無 有 功用 爲 故。 行故隨 離 摩 智地故佛子譬如丈夫食少金剛終竟不消 於 訶 薩應知於如 順 切障難故決定 無爲智故生諸佛智故盡未來際故 來所見聞親近所種善根皆悉不虛 至於究竟故無有虛 誑故。 成 要穿其身出在 切種 切願滿: 出生 勝行故。 故不 無 於外。 盡 到 覺

有爲 穿 何 以 一切有爲諸行煩惱身過到於無爲究竟智處何以故此少善根 故。 金剛 不 與肉身雜 穢 而同 止故於 如來 所種 少善根亦復 如是。 與

必皆燒盡何以故火能燒故於如來所種少善根亦復如是必能燒盡 諸 行 煩惱 而 洪住故佛 子。 假使乾草積同須 深雅投火於· 中 如芥

華 嚴 經 米五十二

菩薩摩訶薩應如是知於如來所見聞親近所種善根悉離 於佛業障纏覆不生信樂亦種善根無空過者乃至究竟入於涅槃佛子 饒益 亦具善根滅除一 生憶念者則得念佛三昧淸淨若有衆生供養如來所經土地及塔廟者 解語言法若有得觸如來光者身得淸淨究竟獲得無上法身若於如來 若 鼻得清淨若有嘗者舌得清淨若有觸者身得清淨若有衆生取彼地土 有藥王樹名日善見若有見者眼得清淨若有聞者耳得清淨若有齅者 亦能爲作除病利益佛子如來應正等覺無上藥王亦復如是能作一 切煩惱究竟得於無餘涅槃何以故此少善根性究竟故佛子譬如雪山 有得齅如來戒香鼻得淸淨若有得嘗如來法味舌得淸淨具廣長舌 眾生若有得見如來色身眼得淸淨若有得聞如來名號耳得淸淨 切諸煩惱患得賢聖樂佛子我今告汝設有衆生見聞 切諸不善 切

ō

唯 不 壞。 印 究竟佛子此法門名爲 故。 法。 名開 爲 思議究竟法佛子此法 名 心智路 具足善法佛 乘不思議乘菩薩說 向 大智門名示現如來種性名成就一切菩薩名一 隨 絕不思議故諸佛菩薩但隨衆生心令其歡喜爲說譬喻 順如來境界名能淨一 子如來以一 如來秘密之處名 門如來不爲 此法門不入一 切譬喩說種種事無有譬喩能 切諸衆生界名演說如來根 除衆生 切餘衆生手唯除諸菩薩摩 切 說唯爲 世間所不能 趣向 切 大乘菩薩 說此法 世間所不 知。 名入 本實 非是 如 何 訶 性 以

衆德 薩。 佛 唯除第一夫人所生太子具足成就聖王相 者王命終後 子。 譬 切餘衆生手唯除如來法王眞子生如來家種如來相諸善根 如轉輪聖王所 此諸寶等於七日中悉皆散滅佛子 有七寶因此寶故顯 者若轉輪王無此太子 示 輪 王此 此經 寶不入餘衆 珍寶亦復如 具 生

此 者佛子若無此等佛之眞子如是法門不久散滅何以故一 經何況受持讀誦書寫分別解說唯諸菩薩乃能如是是故菩薩摩 切二 一乘不 聞

劫行六波羅蜜修習種種菩提分法若未聞此如來不思議大威德法門 薩 一疾得阿耨多羅三藐三菩提故佛子設有菩薩於無量百千億那由他 聞 此法門應大歡喜以尊重心恭敬頂受何以故菩薩摩訶薩信樂此

當. 若得聞此如來無量不可思議無障無礙智慧法門聞已信解隨順悟入 或 知 時聞已不信不解不順不入不得名爲眞實菩薩以不能生如來家故 此 人生如來家隨順一 切如來境界具足一 切諸菩薩法安住 切

於佛白 此法已則能以平等智知無量法則能以正直心離諸分別則能 種智境界遠離一切諸世間法出生一切如來所行通達一 在 心無疑惑住無師法深入如來無礙境界佛子菩薩摩 切菩薩法性。 以勝 訶 藝

則能以智慧力具一切功德則能以自然智離一切世間垢則能以菩提 樂現見諸佛則能以作意力入平等虛空界則能以自在念行無邊法界· 切十方網則能以大觀察知三世諸佛同 一體性則能以善根

向智普入如是法不入而入不於一法而有攀緣恆以一 子菩薩摩訶薩成就如是功德少作功力得無師自然智爾時普賢菩薩 **法觀一切法佛**

欲重明此義而說頌言

要滅煩惱離衆苦 見聞供養諸如來 譬人吞服少金 所得功德不可量 剛 終竟不消要當 於有爲中終不盡 出

滅惑必至金剛智

見聞齅觸消衆疾 供養諸佛少功德 必斷煩惱至涅槃 岩有見聞於十力 如乾草積等須 彌

雪山有藥名善見

投芥子火悉燒盡

供養十力諸功德

得勝功德到佛智

喜周偏 由 雲旛 如來同名普賢皆現其前而作是言善哉佛子乃能承佛威力隨順法性 可 偏 震 爾 他 雲充滿無邊法界如此四天下如來神力如是示現令諸菩薩皆大歡 動。 八相動所謂動編動等偏動起偏起等偏起踊偏踊等偏踊震偏震等 時 菩薩各差別身雲兩成正覺雲嚴淨不思議世界雲兩如來言語音 吼编 佛 雲香雲鬘雲塗香雲莊嚴具雲大光明摩尼寶雲諸菩薩讚歎雲不 所 佛 :刹微塵數世界外各有八十不可說百千億那由他 十方一切世界悉亦如是是時十方各過八十不可說百千 謂 神力故法如是故十方各有十不 吼等偏吼擊徧擊等徧擊雨出過諸天一切華雲一切蓋雲幢 東踊 西沒。 西踊東沒南踊北沒北踊 可說百千億那由他世界六種 南沒邊踊中沒中踊 佛刹 微 ·億那 塵數 邊沒

四

緣不失時 皆得成佛同號佛殊勝境界我等爲令未來諸菩薩聞此法故皆共護持 故。 如 多羅三藐三菩提心我等亦與授記於當來世經不可說佛刹微塵數劫 等皆與授記一生當得阿耨多羅三藐三菩提佛刹微塵數衆生發阿耨 佛子今此會中十萬佛刹微塵數菩薩摩訶薩得一切菩薩 刹 演 毗盧遮那本願力故法如是故善根力故如來起智不越念故如來應 法 此四天下所度衆生十方百千億那由他無數無量乃至不可說不可 微塵數同名諸佛皆說此法如我所說十方世界一切諸佛亦如是說 說如來出現不思議法佛子我等十方八十不可說百千億那 界虚空等 故隨時覺悟諸菩薩故往昔所作無失壞故令得普賢廣大行 切智自在故十方各過十不可說百千億那由他佛刹微塵數 一切世界中所度衆生皆亦如是爾時十方諸佛威神力 神通三昧我 由 他 佛

根皆悉不

切菩

虀

大衆欲重明

十方一 世 界外各有十不可說百千億那 切法界示現菩薩廣大莊嚴放大光明網震動 由他 佛刹微塵數菩薩來詣於此 切十方世界壞 充滿

來 散 以佛 無 量差别功德法普雨 切諸魔宮殿消滅一 神 力各作是言善哉佛子乃能說此如來不可壞法佛子我等 切諸惡道苦顯現一 切種種雨示現無量差別 切如來威德歌詠讚歎 身領受無量諸佛 如

空偏法界。 等皆 切皆名普賢各從普光明世 是法如是文句如是義理如是宣 以佛神力故得如來法故來詣此處爲汝作證 一切世 界諸四天下亦復如是爾時普賢菩薩承佛神力觀 界普幢自在如來所而來於此 一說如是決定皆同於此不增不減 如我來此十方等 被 切處 亦

空諸佛出世必具 如來出現廣大威德 切最勝之法善能觀察諸衆生 如來正法不可沮 心隨應 壞無量善

法未曾失時生諸菩薩無量法光 切諸佛自在莊嚴一 切如來一身無

異從本大行之所生起而說頌言

切如來諸所作 世間譬喻無能及 爲令衆生得悟解

非喻爲喻而顯示 如是微密甚深法

彼曾供養無量佛 精進智慧調伏者 為佛加持所攝受 乃得聞此祕奥義

此能救度諸羣品

若聞此法生欣慶

百千萬劫難可聞

人天讚歎常供養

此能出生清淨道

汝等當持莫放逸

此爲超世第一

財

大方廣佛華嚴經卷第五十二

末瓦山矴鉢囉帝烏怛摩怛摩怛塔葛塔喃末瓦吽癹莎訶 南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

詮

華嚴字母衆藝親宣善財童子得眞傳秘密義幽玄功德無邊唱誦利人

天

亢 登 楞 恆 冬 壟 胡 膉 胡 勞 刀 毫 孩 儓 來 低 奚 礥 單 寒 啉 藍 攞

耀

0 含 侯 曷

曷

耽 兜 多 唱多 攞 字時普願法界衆生入般

婆○旁棚髼葡炮排皮貧柈○莲髻婆唱婆字時普願法界衆生入般若

波羅蜜門

若波羅蜜門

車◎昌稱衝樞怊差峀瞋闡觀韂犨車唱車字時普願法界衆生入般若

波羅蜜門

四十二字纱陀羅字字包含義理多阿展梵韻滿娑婆功德大法界沐恩

波有四 同生 前九

音釋

奮 也取 咎 過音 動糞 也回 也舒 齅 迅

取休 疾音 氣去 也信 也聲 翅

音深 鼻 耫 也熾 積音

也恣

堆 高音 飛祥 也布 翅

鳥

翔

也博 手 闢 也音

搏 聲音

開鼻 也啓 撮

切倉 手括

第十九頁第

校異同

通十 本行 作藏 虚本

過空 過

離世間品第三十八之一

唐于闐國三藏沙門實叉難陀譯

說百千億那由他佛刹微塵數菩薩摩訶薩俱皆一生當得阿耨多羅三 岸具足如來平等解脫證無中邊佛平等地盡於法界等虛空界與不可 法了一切行盡一切疑無能測身一切菩薩等所求智到佛無二究竟彼 法 座妙悟皆滿二行永絕達無相法住於佛住得佛平等到無障處不可轉。 爾 所行無礙立不思議。曹見三世身恆充徧一切國土智恆明達一切諸 時世尊在摩竭提國阿蘭若法菩提場中普光明殿坐蓮華藏師子之

觀察一

藐三菩提各從他方種種國土而共來集悉具菩薩方便智慧所謂善能

切衆生以方便力令其調伏住菩薩法善能觀察一切世界以方

値遇轉正 生心 如是無量功德 所 薩普化菩薩普慧菩薩普見菩薩普光菩薩普觀菩薩普照菩薩普幢菩 所作業智慧方便而無所作爲 所有智慧於念念中悉能示現成等正覺令 有爲無爲一切諸法悉善觀察知無有二於一念中悉能獲得三世諸佛 世佛法自得解了復爲他說於世出世無量諸法皆善安住知其眞實於 妙行無有間斷善能攝受一切衆生善入無量諸方便法知諸衆生空無 便 有而不壞業果善知衆生心使諸根境界方便種種差別悉能受持三 力普皆往詣善能觀察涅槃境界思惟籌量永離一切戲論分別而 之所緣悉知一切衆生境界雖入如來一 一法輪調伏衆生皆不唐捐三世諸佛淸淨行願悉已具足成就 切如來於無邊劫說不可盡其名日普賢菩 一一衆生住無量劫而於阿僧祇 切智地而不捨菩薩行諸 切衆生發心成道於一 |薩普眼 劫難

生心行何等爲入世界何等爲入劫何等爲說三世何等爲知三世何等

爲行何等爲善知識何等爲勤精進何等爲心得安隱何等爲成就衆生 普賢菩薩言佛子願爲演說何等爲菩薩摩訶薩依何等爲奇特想何等 動。 入廣大三昧名佛華莊嚴入此三昧時十方所有一切世界六種十八相 悉清淨能滅一切菩薩業障入於無礙清淨法界爾時普賢菩薩摩訶 號國土成等正覺轉於法輪無佛世界現身成佛能令一切雜染衆生皆 能受持諸佛法眼不斷一切諸佛種性善知一切諸佛與世授記次第名 賢行願深心大願皆已圓滿一切諸佛出與世處悉能往詣請轉法輪善 何等為戒何等為自知受記何等為入菩薩何等為入如來何等為入衆 薩。 出大音聲靡不皆聞然後從其三昧而起爾時普慧菩薩知衆已集問 一普覺菩薩如是等十不可說百千億那由他佛刹微塵數皆悉成就普

M

爲說法何等爲淸淨何等爲印何等爲智光照何等爲無等住何等爲無 何等為 樂何等爲莊嚴何等爲發不動心何等爲不捨深大心何等爲觀察何等。 爲巧密 何 出 等爲持何等爲辯才何等爲自在何等爲無著性何等爲平等心何等爲 等爲於善知識起尊重心何等爲淸淨何等爲諸波羅蜜何等爲 爲發無 普賢心何等爲普賢行法以何等故而起大悲何等爲發菩提心因緣何 何等爲證知何等爲力何等爲平等何等爲佛法實義句何等爲說法何 生智慧 等爲依止何等爲發無畏心何等爲發無疑惑心何等爲不思議何等 神通何等爲明何等爲解脫何等爲園林何等爲宮殿何等爲所 語。 腰脈心何等爲差別智何等爲陀羅尼何等爲演說佛何等爲 何等爲巧分別智何等爲入三昧何等爲偏入何等爲解脫 何等爲變化何等爲力持何等爲得大欣慰何等爲深入佛法 智隨

等為 等為勤修何等爲決定解何等爲決定解入世界何等爲決定解入衆 等爲發 等為語何等為淨修語業何等為得守護何等為成辦大事何等為心何 為神力無礙用何等為力無礙用何等為遊戲何等為境界何等爲力何 無 無 大心何等爲伏藏何等爲律儀何等爲自在何等爲無礙用何等爲衆 不壞信何等爲授記何等爲善根迴向何等爲得智慧何等爲發無邊廣 何 礙用何等為境界無礙用何等為智無礙用何等為神通無礙用何等 礙 等爲發如金剛大乘誓願心何等爲大發起何等爲究竟大事何等爲 劣心何等爲如山增上心何等爲入無上菩提如海智何等爲如寶住 .無畏何等爲不共法何等爲業何等爲身何等爲身業. 用何等爲利無礙用何等爲法無礙用何等爲身無礙用何等爲 心何等爲周徧心何等爲諸根何等爲深心何等爲增上深 何等爲身 何 何 生

(一五大三)

何等爲義 意何等爲行何等爲住何等爲坐何等爲臥何等爲所住處何等爲所行 仗何等爲首何等爲眼何等爲耳何等爲鼻何等爲舌何等爲身何等爲 等爲足何等爲手何等爲腹何等爲藏何等爲心何等爲被甲何等爲器 號。 道。 爲淸淨慧何等爲淸淨慈何等爲淸淨悲何等爲淸淨喜何等爲淸淨拾 施。 處何等爲觀察何等爲普觀察何等爲奮迅何等爲師子吼何等爲淸淨。 足何等爲求法何等爲明了法何等爲修行法何等爲魔何等爲魔業何 界何等爲習氣何等爲取何等爲修何等爲成就佛法何等爲退失佛 何等爲道何等爲無量道何等爲助道何等爲修道何等爲莊嚴道 何等為離生道何等為決定法何等爲出生佛法道何等爲大丈夫名 何等為清淨戒何等為清淨忍何等為清淨精進何等為清淨定何等 何等爲法何等爲福德助道具何等爲智慧助道 具何等為 何

羅蜜 恆不 等諸菩薩言佛子菩薩摩 提故以諸行爲依普皆成就故以一 **魔何等為成如來力云何轉法輪何故因轉法輪得白淨法何故如來應** 現微笑何故示行七步何故現童子地何故現處內宮何故 爲 等爲捨離魔業何等爲見佛何等爲佛業何等爲慢業何等爲智業何等 正等覺示 示苦行云何往詣道場云何坐道場何等爲坐道場時奇特相何故示降 魔 何 爲依具足修行故以一切法爲依究竟出離故以大願爲依增長菩 忘失故以善知識爲依和合如一故以善根爲依修習增長故以波 故於兜率天宮歿何故現處胎何等爲現微細趣何故現初 所攝持何等爲佛所攝持何等爲法所攝持何等爲住兜率天所作 般涅槃善哉佛子如是等法願爲演說爾時普賢菩薩告普慧 訶薩有十種依何等爲十所謂以菩提 切菩薩爲依同 智慧故以供養諸 現出家何故 生何 心爲 故

(一五大五)

切佛 普令 昧 得 於 子想。 菩 佛 切 薩 無 特 爲 成熟 安住此法 切 刹 依信 切行 上善 佛 於 想。 神通行變化自在故是爲 生慈 何等為 心 故。 不亂 生自行 切衆 巧 心清 悉莊嚴故。 想佛 父想。 切求 十所謂 故。 則得為 生 淨 子菩薩 想於一 於 故。以一 生菩提器想於一 切智慧 法行。 切 於 如來無上大智所依處佛子菩薩摩訶薩有 切善友行恭敬供養 咸 摩 切 如 切 悉修學故。 行。 法 切善根· 訶 來生無一 如來為 無不 薩有十種行。 生佛法 一者諸菩薩安住此 了知故一 切願 生自善根 依。 想於一 一想是爲十若諸 如慈父教誨不斷故是爲 切善根 生 何等爲十所謂 一自願想於一 切修習行 想於一 故。 切語言法生語言 行悉使增長故 切如 法。 切善根· 菩薩安住 則得 來行。 無 切法 不 能修故。 切衆 尊 如 生 生 來 重 此法。 一出離 道 菩 切三 生行。 想於 承 若 提 則 想。 種 種

令成 善 大 知識令生善根善知識令行諸波羅蜜善知識令解說 . 智慧行佛子菩薩摩 熟 切衆 生善知識令得決定辯才善知識令不著 訶薩有十種善知識 何等爲十所謂令住菩提 切 切 〉法善知識 世 間 善知

教化 智所入善知識是爲十佛一 識令於一 切衆生勤精進深 切劫修行無 厭倦善知識令安住普賢行善知識令入一 子菩薩摩訶薩有十種 切法勤精進嚴淨 勤精進 界勤精進修行 何等爲十所 切佛

入一

切世

精 切菩薩所學勤精進滅除一 進。 摧破 切 衆魔勤精進願爲 切衆生惡勤精進止息一 切衆 生作清 淨 眼勤精進供 切三惡道苦勤 養 切

則 得 佛 具 勤精進令一 足 如來無上精進波羅蜜佛子菩薩 切如來皆悉歡喜勤精進是爲十若諸菩薩安住此 摩 訶 弹 有十種 心得安隱 何

一十所謂自住菩提心亦當令他住菩提心心得安隱自究竟離忿 九 (一五大七)

0

成 菩 就 虀 願。 眞 道。 勤 亦 心得安隱是爲十若諸菩薩安住此法則得如來無上大智安隱佛子 當 薩 衆生以說法成就衆生以同行成就衆生以無染著成就衆生以開 摩 心得 修善根亦令他勤修善根心得安隱自住 實 心得安隱自生在佛家亦當令他生於佛家心得安隱自深入無自性 謗 衆生以種種神通變現成就衆生以種種微密善巧方便成就衆生 行 法亦令他入無自性眞實法心得安隱自不誹謗 令他 訶 成就衆生 隡 安隱自深入一切如來無盡智藏亦令他入一 離忿諍 有 切佛法心得安隱自滿一切智菩提願亦令他滿一切智菩提 十種成就衆生何等爲 以熾然示現一切世界成就衆生以示 心得安隱自離凡愚法亦令他離凡愚法心得安隱自 十所謂以布施成就衆 波羅蜜道亦令他住波羅 切如 一切佛法亦令他 現佛法 來 生以色身成 不無盡智藏。 大威德 菩

佛法 自知 記永不厭捨諸菩薩行自知受記住一 記是爲十佛子菩薩摩訶薩有十種入入諸菩薩何等爲十所謂: 知受記於一切善知識起如來想自知受記恆勤守護菩提本願自知 菩薩安住此法則得如來無上廣大戒波羅蜜佛子菩薩摩訶薩有十種 佛法 是爲 不著一切如來身戒思惟一切法離取著戒諸根律儀戒是爲十若諸 不捨菩提心戒遠離二乘地戒觀察利益一切衆生戒令一切衆生住 受記置一 戒修一 自知受記於一 法菩薩以此自知受記何等爲十所謂以殊勝意發菩提心自知受 一十菩薩以此成就衆生界佛子菩薩摩訶薩有十種戒何等爲十所 切菩薩所學戒於一 切衆生於佛菩提自知受記於一切善知識和合無二 切佛教 向深信自知受記修 切法無所得戒以一 切劫行菩薩行自知受記修一 切善根迴向菩提 切善根皆令成就 自 切

邊種 入一切衆生善行 菩薩 行入一切衆 爲十所謂入一切衆生過去行入一切衆生未來行入一切衆生現在行 薤 無邊方便法入無邊差別音聲入無邊調伏衆生入無邊神力自在 自 入行入聚入諸波羅蜜 世界何等爲十所謂入染世界入淨世界入小世界入大世界入微塵 有十種入入諸如來何等爲十所謂入無邊成正覺入無邊轉法 在入示現受生是爲十菩薩以此普入三世一切菩薩佛子菩薩摩 行是爲十菩薩以此普入一切諸衆生行佛子菩薩 以此普入三 種差別身入無邊三昧入無邊力無所畏入無邊示現涅槃是爲十 生解行入一切衆生煩惱習氣行入一切衆生敎化調 一世一切如來佛子菩薩摩訶薩有十種入衆生行何等 入一切衆生不善行入一切衆生心行入一 入成就入差別願入種種解入莊嚴佛土入神 摩訶薩有十 切衆 伏時 根

安 立。 種說 薩 即 去世現在世說未來世現在世說平等現在世說三世即一 現在世未來世說過去世未來世說現在世未來世說無盡現在世說過 入一切劫卽一念是爲十菩薩以此普入一切劫佛子菩薩摩訶薩有十 十所謂入過去劫入未來劫入現在劫入可數劫入不可數劫入可數劫 十菩薩以此普入十方一切世界佛子菩薩摩訶薩有十種入劫何等爲 不可數劫入不可數劫卽可數劫入一切劫卽非劫入非劫卽一切劫 以此普說三世佛子菩薩摩訶薩有十種知三世何等爲十所謂知 三世何等爲十所謂過去世說過去世過去世說未來世過去世說 知其寂滅知一 知諸語言知諸談議知諸軌則知諸稱謂知諸制令知其假名知其 界入微細世界入覆世界入仰世界入有佛世界入無佛世界是爲 切空是爲十菩薩以此普知一切三世諸法佛子菩 念是爲十菩

(一五七二)

M

持 世 法。 世 疲 薩 差別 界差 則得 厭心。 摩 所 法 知 切善知 謂 無 切 無 訶 疲厭心 於 切語言 智佛 法 别 知 如 疲 薩 來無疲 智。 衆 厭 發 不 忘 知法 生差 心。 十種 識 菩 失 世 道差別智是 觀察思惟一 教化調伏 無 疲厭心: 界差 別 故修行陀羅 薩 界經不可說 無疲 厭無上大 摩 智知諸根差別智 别 訶 厭 求一 薩 智。 心。 智佛 切佛 切衆 爲 有 知 何等爲十所謂 十種陀 切法 不可 尼。 +0 諸 子。 佛差別 若諸菩薩 如實巧 法 生 菩薩 說 無 無 無 渡厭心 羅 疲厭心聽聞 疲 知業報差別 劫行菩薩行 觀 摩 尼。 智。 厭心是爲十若諸菩薩 知諸 供養 何 安住此法則 訶 等 置 切 薩 爲 法 有 法 切諸佛 差別 智知受生差 十 無 切 E ·種差別 所謂 衆 法 疲厭心遊行 思惟陀羅 無疲厭 得 智。 生 知 於 聞 如 無 持 佛菩 來 智。 疲 心真 世差 安住 何 陀 無 別 厭 等為 羅 智。 提 心。 知 切 此 親

切 切佛所聽聞正法心不亂故圓音陀羅尼解了不思議音聲語言故 諸法性故法光明陀羅尼照不思議諸佛法故三昧陀羅尼普於現

陀羅尼安住如來力無畏故是爲十者諸菩薩欲得此法當勤修學佛子 諸佛法故出生無礙耳陀羅尼不可說佛所說之法悉能聞故一 三世陀羅尼演說三世不可思議諸佛法故種種辯才陀羅尼演說無邊 切佛法

槃佛法界佛心佛三昧佛本性佛隨樂佛是爲十佛子菩薩摩訶薩發十 薩 摩訶薩說十種佛何等爲十所謂成正覺佛願佛業報佛住持佛涅

衆生受苦故發一切施心悉捨所有故發念一切智爲首心樂求一切佛 種 普賀 心何等爲十所謂發大慈心救護 切衆生故發大悲心代一切

故發如海心。 法故發功德莊嚴心學一切菩薩行故發如金剛心 切白淨法悉流入故發如大山王心一 切惡言皆忍受故 切處受生不忘失

大

願善觀 眠 生 爲 發安隱 菩 法。 訶 所有故是爲十若 性 十岩諸 衆 而 願積集一 悉 薩 薤 起 敬未來一 生 行普賢行法願莊嚴 有 心施 大悲觀察衆生行不善法而起大悲觀察衆 調 而 察 十種普賢行法何等爲 順 起大悲何等爲十所謂 菩 切法 切善 薩 而 勤修此 切佛普賢行法願安置一 起大悲觀察衆 切衆 普賢行法願於一 根普賢行法願入一 諸菩薩安住此心疾得成就普賢善巧智佛子菩薩 生 选疾得滿**5** 無怖畏故發般若波羅蜜究竟心 切世 生貧無善根 十所謂願住未來一 觀察衆生無依無怙而 足普賢行願佛子 界普賢行法願生 切佛國· 切波羅蜜普賢行 切衆生於普賢 而起大悲觀察衆 土成無上菩提普賢行法 ,菩薩摩 生欲縛所縛而 切 切 劫普賢行 法願滿 起大悲觀察 佛 巧 菩薩行普賢行 訶 刹 觀 普賢行法 生 薩 長夜 以十 足一 法。 切 起 願 法 切 供 無

時應起·

十種

向心同善根

生無善法欲而起大悲觀察衆生失諸佛法而起大悲是爲十菩薩 心觀察衆生佛子菩薩摩訶薩有十種發菩提 一觀察衆生沒生死海而起大悲觀察衆生長嬰疾苦而起大悲觀察衆 恆以

爲與 隨 爲與 此 教 如 來教令佛歡喜故發菩提心爲見一 化調伏 切衆生佛智故發菩提心爲恭敬供養 切衆生具足安樂故發菩提 切衆生故發菩提心爲除滅一 心心為斷一 切佛色身相好故發菩提心 切衆 切衆生苦聚故發菩提 切諸佛故發菩提 心因緣何等為 生愚癡故發菩 一十所謂 心。 提 爲 心。

一十佛子若菩薩發無上菩提心爲悟入一切智智故親近供養善知 切佛廣 心何等為 大智慧故發菩提心爲顯現諸佛力無所畏故發菩提 心是

心同願心如來心同圓滿行心是爲 十所謂起給侍心歡喜 心無違心隨順 十佛子若菩薩 心心無異的

法故智 悉捨 此 離 菩薩自在力故眷屬淸淨成就過去同行衆生諸善根故果報淸淨除滅 清淨善說無邊諸佛法故智慧淸淨捨離一 壞故色身淸淨隨其所宜爲示現故音聲淸淨了達一切諸語言故辯才 訶 故是爲 切諸 法則得具足如來無上大智波羅蜜佛子菩薩摩訶薩有十種智隨覺 薩 切 切所作 起如是心則得十種清淨何等爲十所謂深心淸淨到於究竟無 波羅蜜入佛力故願波羅蜜滿足普賢諸大願故神通波羅蜜示 切諸 自 業 十佛 在 障故大願淸淨與諸菩薩性無二故諸行淸淨以普賢 用 所有故戒波羅蜜淨佛戒故忍波羅蜜住佛忍故精 不 放法波羅蜜普入一 退轉故禪波羅蜜念一 子菩薩摩訶薩有十種波羅蜜何等爲十所謂施 切諸佛法故是爲十若諸菩薩 境故般若波羅蜜 切愚癡暗故受生清 如實觀察 進波 波羅 淨具足 乘 安住 而 切

平等知一 法則得 智隨覺三世諸佛皆同一行而得出離智隨覺是爲十若諸菩薩安住 覺一切世界入現在世智隨覺一切如來無量行願皆於一 **空界究竟智隨覺一切世界入過去世智隨覺一切世界入未來世智隨** 法 十者諸菩薩安住此法則得 知 |覺佛子菩薩摩訶薩有十種證知何等爲十所謂知一切法| 無量相。 莓 切菩薩願行自在住持變化知一 切法自在光明所願皆滿於一念頃悉能解了一切佛法成等 切衆生煩惱習氣行知一切衆生心使行知一切衆生善不善 知 一切法在一念知 卷五十三 切法善巧方便佛子菩薩摩訶薩有十 切衆生心行無礙知一 切如來具足十力成等正覺是 九 智而得圓滿 切衆生諸根 一相如

此

覺一切諸法一入種種種種入一智隨覺一切法界廣大智隨覺一切虛

何等爲十所謂

切世界無量差別智隨覺一

切衆生界不可思議智

切

正

_ 0

衆生平等一 十種佛法質義句何等爲十所謂一切法但有名一切法猶如幻一切法 十岩諸菩薩安住此法則得一切諸佛無上平等法佛子菩薩摩訶薩有 菩薩平等一 具 法深信不謗力令一切智心不退善巧力是爲十若諸菩薩安住此法則 切善知識恆不捨離尊重心力令一切善根順至無上智王力於一 力入一切法皆是佛法力於一切法無染著力於一切法甚明解力於一 種力何等爲十所謂入一切法自性力入一切法如化力入一切法 如 切法無相一切法第 來無上諸力佛子菩薩摩訶薩有十種平等何等爲十所謂於一 切法但緣起一 切願平等一切波羅蜜平等一切行平等一切佛平等是爲 切法平等一切刹平等一切深心平等一切善根平等一 切法業淸淨一切法但文字所作一切法實際 一切法法界是爲十若諸菩薩安住此法則 切佛 如 切 切

如 薩安住此法則得如來無上大智住持力佛子菩薩摩訶薩有十種辯才 平等三昧門持一切法照明門持一切諸佛神通遊戲力是爲十若諸菩 切福德善根持一 學一切佛平等一 來力法說三世相應法說令菩薩不退法說讚歎佛功德法說一切菩薩 說甚深法說廣大法說種種法說一切智法說隨順波羅蜜法說出生如 無所著辯才於一切法了達空辯才於一 何等爲 生陀羅尼門持一 來無上巧說法佛子菩薩摩訶薩有十種持何等爲十所謂持所集 切智智無上眞實義佛子菩薩摩訶薩說十種法何等爲十所謂 十所謂於一 切如來境界相應法是爲十岩諸菩薩安住此法則得 切如來所說法持一切譬喻持一 切除疑惑法持成就一切菩薩法持一 切法無分別辯才於一切法無所作辯才於一切法 切法無疑暗辯才於一切法佛 切法理趣門持一 切如來所說 切

是爲 願 有 **薩安住此法則能速轉** 破 自 敎 則 法眞實說辯才隨一切衆生心令歡喜辯才是爲十若諸菩薩安住此法 加 C無 著於 無著。 十種 得 化 被辯才於 十若諸菩薩安住 切衆魔自在隨所樂欲令發菩提心自在隨所應化現成 無所依 調 如 於 無著。 伏 來 無 切衆 切所作無著於一 切行無著於一 何等為 戒自在一切善根迴向菩提自在精進不退轉自在智慧 上巧妙辯才佛子菩薩摩訶薩有十種自在何等爲 切法自 生自在普照一 一所謂於 此法則得如來無上大智自在佛子菩薩 . 覺悟辯才於一 切衆想得無上清淨智慧佛子菩薩摩訶薩有 切菩薩無著於一 切善根無著於一切受生處無著於 切世 切法自在修一 界無著於一 切法文句差別善巧辯才於 切佛無著是爲十若諸菩 切善根行自在廣大 切衆 [《]生無著於 IE 党自在。 一十所謂 摩 訶 切 切 切 智

心。 於一 慧知十方網分齊出生智慧知覆仰等一 是爲十若諸菩薩安住此法則於諸法無不了達佛子菩薩摩訶薩有十 來神力能入一切法界出生智慧知三世一切衆生佛種不斷出生智慧 妄想悉無所著出生智慧知一切法究竟皆以一道出離出生智慧知 性種種性廣大住出生智慧知一切種種身出生智慧知一 安住其中則得如來無上大平等心佛子菩薩摩訶薩有十種出生智慧 何等爲十所謂知一切衆生解出生智慧知一切佛刹種種差別出 十種平等心何等爲十所謂積集一切功德平等心發 切淨穢國土平等心於一切衆生解平等心於一切行無所分別平等 切衆生身平等心於一切衆生業報平等心於一切法平等心於 切佛力無畏平等心於一切如來智慧平等心是爲十若諸菩薩 切世界出生智慧知一切法 切差別願 切世間顚倒 生智 平等

種變 養變化一切音聲變化一切行願變化一切敎化調伏衆生變化一 化。 何等爲十所謂 切衆生變化 切身變化一切刹變化 切成 切 供

持智力持是爲十若諸菩薩安住此法則於一 得具足一切無上變化法佛子菩薩摩訶薩有十種力持何等爲十所謂 佛 正覺變化一切說法變化一 力持法力持衆生力持業力持行力持願力持境界力持時力持善力 切加持變化是爲十岩諸菩薩安住此法 切法得無上自在力持 則

大方廣佛華嚴經卷第五十三

普光三會萬行圓修普賢瓶瀉三 一千酬苦海泛慈舟一句全收法義 齊

周 同字 前母 徵

若波羅蜜門 香 萌斯 豪縣 模蘇 毛思 埋思 迷西 民西 蠻思 〇西 麥思 謀思 歴娑 唱废娑 字時普願法界衆生入般

四

五八二

若波羅蜜門

縒 喪僧鬆蘇繰顋 西辛珊芯糝鎪縒唱縒字時普願法界衆生入般若

波羅蜜門生九有同前

音釋

軌 現樂 也牽 行事 車音 二世 跡癸 事尊 膀音 也法 故無 也匪 也 彼 制度音 誹 稱謂 謗 誹邦 也智 識凡 言去 法 其諸 也聲 嬰 也音 所事 宜物 纏英 皆知 也縈 絕 速 日共 諸親 疾音 稱名 謂目 雜光 也肅 無依 慰 染釋 二云 安音 無 乘凡 慰畏 怙 之夫 也問 依音 人之 內戶 現人 奮 無外 行現 也脅 動糞 自無 涅行 德善 槃生 也舒 可友 棄死 縛

估可 利起 伏音

校異同

第三頁第 惟十 流八 流一 通行 通行 本藏 本南 廣本 作北 大廣 入滅 性大 三知 世三 第十 俱十 稱行 謂流 惟通 藏本 本及 作華

稱嚴

讚音

第

五五

(一五人三)

唐于闐國三藏沙門實叉難陀譯

離世間品第三十八之二

佛菩薩而得共俱如是思惟心大欣慰復作是念我於往昔未發無上大 惟心大欣慰復作是念我當於不可說不可說劫行菩薩行常與一切諸 菩提心有諸怖畏所謂不活畏惡名畏死畏墮惡道畏大衆威德畏自 我悉以深心恭敬聽受如說修行於菩薩地必得已生現生當生如是思 思惟心大欣慰復作是念我於諸佛所興供養時彼諸如來必示誨我法 欣慰復作是念彼諸如來出與於世我當悉以無上供具恭敬供養如是 來世所有諸佛出與於世我當皆得隨逐承事令生歡喜如是思惟心大 佛 子菩薩摩訶薩有十種大欣慰何等爲十所謂諸菩薩發如是心盡未

淨 明 是念諸佛如來如優曇華難可值遇於無量劫莫能 莊嚴之皆令具足種種奇妙平等淸淨復以種種大神通力住持震動光 能壞如是思惟心大欣慰復作是念我當令一切衆生成無上菩提成菩 具而爲供養。 發 衆魔 開 思 照耀普使周偏如是思惟心大欣慰復作是念我當斷一 已我當於彼佛所修菩薩行盡其形壽以大信心與所應供佛諸供養 心悉皆遠離不驚不恐不畏不懼不怯不怖一 切衆生欲樂啓 惟 業使一 切衆 心大欣慰又作是念十方所有一 生善趣門破一 及涅槃後各起無量塔供養舍利及受持守護所有遺法如 切衆生至安隱處如是思惟心大欣慰菩薩摩 切衆生心意滅一 切衆生黑闇與一切衆 切衆生煩惱閉 切世界我當悉以無上莊 切衆魔及諸外道所 生光明令一 見我當於未來世 切衆生疑惑。 切衆生惡 訶 薩復 切衆 嚴

次第知 十種深 意 無有斷絕 衆生種種業報入一 若諸菩薩安住此法則得無上成正 法 如 欲 現在 業 爲 是 界擊大法鼓雨大法雨作大法施於無量劫常演正法大悲所持身語 見如來則便得見諸佛如來常不捨我恆住我所令我得見爲我說 《無有疲厭》 思惟心大欣慰復作是念我於未來當得成佛以佛神力於 現在十方虛空法界等 世世界數世界行世界說世界清淨入一切世界種種性入一 切衆 入佛法何等爲十所謂 既聞法已心意淸淨遠離諂曲質直無偽於念念中常見諸佛 生各别示現成等正覺清淨無畏大師子吼以本大 如是思惟心大欣慰佛子是爲菩薩摩 切菩薩種種行 入過去世一切世界入未來世一 切諸佛國土衆會說法調 ·覺智慧大欣慰佛子菩薩摩! 知過去一 切佛次第二 訶 薩十種· 知未來一 知世 切世 大欣 訶 願 切佛 間 薩 切世 周 切 慰。 偏

(一五人七)

M

惜身 礙業 伏 根· 止 藝 回 菩薩 無量 依止 行菩 無所入故如其法說無所取著是爲十若諸菩薩安住此法則得入於 聞 依 耨 命發無畏 多羅 發 切衆生行菩薩行 法獨 此行菩薩行何等爲 深 菩提 無 一行佛子菩薩摩訶 薩 畏 一行依止嚴淨 入一切波羅蜜行菩薩行依止滿足一 ·覺法菩薩法如來法雖知諸 三藐三菩提大智慧甚深性佛 心於佛 心行 心摧破 菩薩行。 滅後護持 依止 依 切外道邪論發無畏心令 薩有十種發無畏心何等爲十所謂 切佛土行菩薩行依 一一所謂依止供養 親近 止 正法 切佛菩提行 發 切善友行菩薩行依止積 無 法 一段心降伏 子菩薩 皆無 菩薩 切諸佛行菩薩行依 此 分別而說種種法 不 摩訶 切菩薩願行 行是 捨 切魔 切衆 薩有十種依 切衆生 爲 生 十菩菩 發 菩薩行 無 滅 集一 薩 行 悉入 落 切善 切 依 iko 止 依 此 薩 調 菩 法

光明 定無 無 未 攝 不可說 此 有 來諸 切佛 法則得如來無上大智無所畏心佛子菩薩摩訶薩發十種無疑心於 心。 迦樓羅緊那羅摩睺羅伽發無畏心離二乘地入甚深法發無畏心於 是處是爲第一 疑若生疑心無有是處是爲第一發無疑心菩薩摩訶薩又作是念 切衆生以戒忍精進禪定智慧慈悲喜捨攝 一發無疑心菩薩 周 佛 法心無疑惑何等爲十所謂菩薩摩訶薩發如是心我當以 不可說劫行菩薩行心無疲厭發無畏心是爲十若諸菩薩安住 編莊嚴 出興於世我當一切承事供養發此 切衆會皆悉歡喜發無畏心調伏一 一發無疑心菩薩摩訶薩又作是念我當以種種奇妙 切世界發此心時決定無疑若 摩訶薩又作是念我當盡未來劫修菩薩行 心時決定無疑若生疑 切天龍夜叉乾闥婆阿 生疑 切衆生發此 心無有是處是 心 時 布 心 施

(一五入九)

大

念我當普爲 是無有疑惑住眞實性乃至成於阿耨多羅三藐三菩提發此心時決定 薩又作是念我當於一切法得無障礙門知一 訶 法發此心時決定無疑若生疑心無有是處是爲第六發無疑心菩薩摩 決定無疑若生疑心無有是處是爲第五發無疑心菩薩摩訶薩又作是 之發此心時決定無疑若生疑心無有是處是爲第四發無疑心菩薩摩 諸算數究竟法界虛空界一切衆生我當悉以無上敎化調伏法而成熟 訶薩又作是念我當修菩薩行滿大誓願具一 無量無邊無等不可數不可稱不可思不可量不可說不可說不可說過 此 心時決定無疑若生疑心無有是處是爲第七發無疑心菩薩摩訶 又作是念我當知一切法皆是佛法隨衆生心爲其演說悉令開悟 一切世間行菩薩行爲一 切法清淨光明照明一切所有佛 切障礙不可得故其心如 切智安住其中發此心時

華 嚴 經 卷五十四

善根不可思議 嚴·而 佛 故。 是 當 無 離 法 生疑心無有是處是爲第十發無疑心若諸菩薩安住此法則於 究竟無爲故離一切言說故住不可說境界際故發此心時決定無疑 處是爲第九發無疑心菩薩摩訶薩又作是念我當於一切法成最正 疑若生疑心無有是處是爲第八發無疑心菩薩摩訶薩又作是念我 知 心無所疑佛子菩薩摩訶薩有十種不可思議何等爲十所謂 無所莊嚴於此自了不由他悟發此心時決定無疑若生疑 切法莫不皆是出世間法遠離一切妄想顚倒以一 切妄想顚倒故得一念相應智故若一若異不可得故離一 切誓願不可思議知一切法如幻不可思議發菩提 莊嚴而自莊 心無有 切數 切 切

切願未成滿故不可思議修菩薩道而示現降神入 、胎誕生出家苦行

修菩薩行善根不失無所分別不可思議雖深入一切法亦不取滅度以

分别分别P 等法 安住其 說是 亦不 故· 不 往 法 知 而 拾悲願 佛法 是爲第 中分別 不證實際亦不盡有漏善根雖知一 詣道場降伏衆魔成最 生 非說不可思議知心與菩提等知菩提與心等心及菩提與衆 界 中則得 心 心教 卽 顚倒· 世 是 救護衆生不可思議雖能示 佛法一切諸法悉入法界無所入故知 十不可思議佛子是爲菩薩 間 無 化衆生不可思議知 法 想顚倒見顚倒不可 分别非有是有有是非有無作是作作是無作非說是說 切諸佛無上不可思議法佛子菩薩摩訶薩有十種巧 世 間 法即佛法 正覺轉正法輪 而 不於佛 思議於念念中入滅盡定盡 切 摩 切法無漏而知漏盡亦知漏 現如來十力神變自在而亦不捨 法 訶 無相是相相是無相 入般涅槃神變自 薩 法 十種不可思議若諸菩薩 中分别世間 切法皆無一 法不於 在 無有休息 無 一無變易 分别是 切漏 世 滅·雖 生等 間 息

生所起染淨巧密語於一切法究竟無障礙門巧密語於一 密 切菩薩神通變現成等正覺巧密語於一切衆生業報巧密語於一切衆 語何等爲十所謂於一 切佛經中巧密語於一 切受生處巧密語 切虚空界

圓 巧密語見一 至微細處悉有如來示現初生乃至成佛入般涅槃充滿法界悉分別見 滿令滿足故巧密語雖知一 切衆生平等涅槃無變易故而不捨大願以一 切法不由他悟而不捨離諸善知識於如 切智願未得

方處悉有世界或成或壞間無空處巧密語於一切法界一

切十方乃

所作同 一 來所轉 加尊敬與善知識和合無二於諸善根修習種植迴向安住 體性同一 出離同一成就巧密語是爲十若諸菩薩安住其中 同

則得 如來無上善巧微密語佛子菩薩摩訶薩有十種巧分別智何等爲 一切刹巧分别智入一 切衆生處巧分別智入一 切衆生心行

薩 昧於一切佛身入三昧覺悟一切衆生平等入三昧一念中入一切菩薩 味。中。 聲聞行巧分別智入一切獨覺行巧分別智入一切菩薩行巧分別智入 偏 入三昧見一切佛入三昧住一 巧分别智入一切衆生根巧分別智入一切衆生業報巧分別智入一 三昧智入 則得 摩 何等爲十所謂於一切世界入三昧於一切衆生身入三昧於一切法 入火災偏入水災偏入佛偏入莊嚴偏入如來無邊功德身偏入, 是爲十若諸菩薩安住其中則得一切諸佛無上善巧三昧法佛子菩 切世間法巧分別智入一切佛法巧分別智是爲十若諸菩薩安住其 河薩 一切諸佛無上善巧分別諸法智佛子菩薩摩訶薩有十種入三 有十種徧入何等爲十所謂衆生徧入國土徧入世間種種 三昧一念中以無礙智成就一 切劫入三昧從三昧起現不思議身入三 切諸菩薩行願無有休息入二 切

智通。 謂憶念宿命方便智通天耳無礙方便智通知他衆生不思議心行方便 切世 其 界解脫門一念中示現一切佛遊戲神通解脫門是爲十若諸菩薩安住 以一 嚴身充滿一切世界解脫門於自身中見一切世界解脫門一念中往 謂 得如來無上大智徧入法佛子菩薩摩訶薩有十種解脫門何等爲十所 種種說法徧入一切如來種種供養徧入是爲十若諸菩薩安住其中則 中則得如來無上解脫 界解脫門於一世界示現一切如來出世解脫門一 天眼觀察無有障礙方便智通隨衆生心現不思議大神通力方便 切世界入一 身周偏一 身普現無量世界方便智通 切世界解脫門於一 佛刹解脫門普加持一切衆生界解脫門以一切佛莊 門佛子菩薩摩 切世界示現無量種種色相解脫門 一念編入不可說不可說世界方便 訶薩有十種神通何等爲十所 身充滿 切法

受境界善巧智明知一切法非相非無相一性無性無所分別而能了知 所染著善巧智明能以方便示現受生或不受生善巧智明捨離 智明菩薩摩訶薩知一切衆生生本無有生了達受生不可得故而知因 種種諸法於無量劫分別演說住於法界成阿耨多羅三藐三菩提善巧 巧智明能以無量微妙音聲普聞十方一切世界善巧智明普壞一 智明知一切衆生種種所緣唯是一相悉不可得一切諸法皆如金剛善 知一切衆生業報善巧智明知一切衆生境界寂滅淸淨無諸戲論善巧 切衆生種種示現令其修學佛子菩薩摩訶薩有十種明何等爲十所謂 方便智通是爲十岩諸菩薩安住其中則得如來無上大善巧神通爲 方便智通隨不思議衆生心於不可說世界現成阿耨多羅三藐三菩提 智通出生無量莊嚴具莊嚴不思議世界方便智通示現不可說變化身 切心 切想

苦滅知 發阿 世 衆 違 修行依於如來種諸善根恭敬供養無有休息能 於法無著不起著心於刹無著不起著心於衆生無著不起著心不見有 隨其所應種種教化未曾忘失菩薩所行何以故菩薩但爲利益衆生故· 知 顚 知 界其 倒· 住 切世間所作是名緣起善巧智明菩薩摩訶薩於佛無著不起著心 而行教化調伏說法然亦不捨菩薩諸行大悲大願見佛聞法隨 耨多羅三藐 知 知雜染知清淨知生死知涅槃知可得知不可得知執著知無執著· 知事知境界知行知生知滅知言說知迷惑知離迷惑 動·知 心廣大等法界故知種種說法知衆生 切行皆如影像行菩薩行永斷 去 知還知起知不起知失壞知出離· 三菩提心無餘所爲是故菩薩常化衆生身無疲倦不 切受生根本但爲救護 數· 知衆 以神力震動十方無量 知成熟知諸根· **企差别** 知顚倒· 知苦生知 知調 知 切 順

(一五九七)

所 園 此 刹 分 妄顚倒入一 脫。 巧智明佛子菩薩摩訶薩有十種解脫何等爲十所謂 度 衆 止住故。 疲 林。 法。 别 諸 生 倦 何等 則 地 切 取 行 切衆生善巧智明是爲十若諸菩薩安住其 故住 能 解脫蘊 解 衆 菩薩 脱於 爲 施 生 切種 切魔宮殿是菩薩園林降伏彼衆故思惟所聞法是菩薩 作 行 切劫 所謂 無 切法離著解脫 處界解脫超二乘解 而 念中 上 智門智慧廣大不 無所行隨順 佛事。 是菩薩 生 ·悉能 死是菩薩園 教 化成 園 了知 無邊住解脫發 林。 攝諸 熟 切諸佛種性發如大山王心知 林。 切三 脫。 可傾動當成正 大行故 切衆生 無生法 無厭捨故教化衆 世 解脫是爲十若諸菩薩安住 佛 清淨 起 忍 必解脫於一 子。 中則得 **造於生** ·菩薩摩 世界是菩 切菩薩行· 煩惱解脫 生是菩薩 如 切世 訶 來 死海平等 入如來: 薩 薩 無 園 有 間 上大善 邪 園 林。 見解 切 園 切 虚

身周偏 成 界是菩薩宮殿令一 生 是菩薩宮殿恆不忘失故十善業道福德智慧是菩薩宮殿教化欲界衆 離憂惱大安樂行佛子菩薩摩訶薩有十種宮殿何等爲十所謂菩提 法故。 伏衆生無休息故一念於一切處爲一 父境界故十力四無所畏十八不共乃至一切佛法是菩薩園林不念餘 林。 說往昔同行衆生故現居輪王護世釋梵是菩薩宮殿爲調伏自 故。 切 如 煩惱不染故生無色界是菩薩宮殿令諸衆生離難處故生雜染世 四 示現 理觀察故六波羅蜜四攝事二十七菩提分法是菩薩園林紹繼 、梵住禪定是菩薩宮殿教化色界衆生故生淨居天是菩薩宮 盡虛空一 一切菩薩威力自在神通是菩薩園林以大神力轉正法 切世界故是爲十若諸菩薩安住此法則得如來無上 切衆生斷煩惱故現處內宮妻子眷屬是菩薩宮殿 切衆生示成正覺是菩薩園林法 輪調 心

覺 樂 樂 頂。 於 衆 薩 法 生 脫 力莊 故是爲 諸 故。 E 生 樂無 一念心不散亂故樂智慧分別諸法故樂往詣 佛。 昧 訶 一切 故。 · 智慧故一 嚴作 一昧門於一三昧 住 切 充 薩有十種莊嚴何等爲十所謂 滿 十若諸菩薩 衆 礙 世 切菩薩! 辯才於一文一句 間 十方無邊 生以無量門示 切 神力自在佛子菩薩摩 法 切佛所受無上自在 王 行 医安住此法 。 自在 際故樂菩薩自 門入一切三 遊 戲神通皆得自在是菩薩宮殿善遊戲諸禪 事 現於身成 經不 故是爲十若 則得 可 昧門故樂陀羅尼持法不忘轉受 說劫。 正 力莊嚴不可壞故無畏莊嚴無能 在。 訶薩有十種所樂何等爲 切智 覺故樂轉法輪摧滅 一爲諸衆生以無量門而 切 清語菩薩 諸 分别 佛 王灌頂記是菩薩宮殿 演說無窮盡故樂成 如 安住其 來 切佛所聽法 無上 法樂佛 中則 現身 十所 切 無 得 異 厭 法 道 灌

華 晟 拯 卷五十四

ー七

(1大0)

切衆 伏 忘 可說 動 菩薩安住此法則得如來一 力 信淸淨信極淸淨信離垢信明徹信恭敬供養 持莊嚴於 失故願莊嚴一 故義莊嚴說不 動 刹 心何等爲十所謂於一切所有 莊嚴以 不可說劫行菩薩行不生疲厭亦無退轉不動心成就 心憶念供養 生數等身令一 揀怨親不動心求一 切 切劫行無數行不斷絕故變化莊嚴於一衆生身示現 可說義無窮盡故法莊嚴 刹作一刹故普音莊嚴周徧 切菩薩所發弘誓無退轉故行莊嚴修普賢行而出 切諸佛 切衆生悉得知見求一切智 切佛法無有休息不動心一切衆生數等不 切無上法莊嚴佛子菩薩摩訶薩發十種 不動心於一 悉皆能捨不動心思惟觀察一切佛法 切衆生誓 八萬 無退轉故是爲十若諸 切諸佛世界雨法雨故 切佛信不退轉信不可 四千法聚觀察演說 無惱害不動 有根信無濁 心普攝 無

慧 諸 斷 不捨 聞 便護持深大 梵行護持淨 上 佛深 信無能壞信大歡喜踊躍信不動心成就出生 何等爲十所謂善巧分別說一 切智不可 切諸 薩 成 察了知 切菩薩行法信受不謗不動心是爲十若諸菩薩安住此法則得 安住其中則能不捨一切佛法佛子菩薩摩訶薩有十種智慧 滿 大心不捨專求 佛 八心不捨滿 切佛菩提深大心不捨敎化調伏一 戒深大心不捨親近 動心佛子菩薩 種 性 切諸菩薩行自在變化智慧觀察了知 深大心不捨親近一 切大 切菩薩行願· 摩 乘 訶薩有十種不捨深大心何等爲 切法 功德法深大心不捨於 一切菩薩深大心不捨求一 集一 智慧觀察了知三世一 切善知識深大心不捨供養一 切諸佛法深大心是爲十若 切衆 切智方便道不 生深大心不捨 切諸法義門 切佛所修行 切善根 切佛法方 一十所謂 動 切 Lo

慧觀察了知一切諸佛威力智慧觀察了知一

切陀羅尼門智慧觀察於

_ 0

發菩提 第二 薩摩 有 成佛得阿耨多羅三藐三菩提一切衆生流轉五趣受無量苦亦當令其 解 切智堅固不退究竟阿耨多羅三藐三菩提是爲第一印菩薩摩訶薩 佛法不生懈 根清淨是爲十若諸菩薩安住其中則得 智無有邊際不以齊限測如來智菩薩曾於無量佛所聞如來智無有 以此 衆 T 前。 越入是爲第二印菩薩摩訶薩又作是念我發深心求一 生愚癡狂亂或以麤弊惡語而相毀辱或以刀杖瓦 訶薩有十種印何等爲十所謂菩薩摩 菩薩摩訶薩聞 境界捨菩薩心但忍辱柔和專修佛法住最勝道入離生位是爲 心深信歡喜勤修精進堅固不退是爲第四印 总行菩薩行無有疲懈不驚不畏不恐不怖不捨大願求 說與一 切智相應甚深佛法能以自智深信忍可。 一切如來無上清淨法佛子菩 訶薩 知苦苦壞苦行苦專求 苦薩摩 石而加損害終 切智我當 訶 薩 知

壊欲求 一 第六印菩薩摩訶薩行菩薩行不顧身命無能沮壞發心趣向一切智故 求佛法心令其安住一切善根令其攝取一切智心令其不退無上菩提 薩摩訶薩與三世諸佛同一善根不斷 是爲第八印菩薩摩訶薩令 知 欲廣欲大欲種種欲無能勝欲無上欲堅固欲衆魔外道幷其眷屬無能 智慧是爲第五印菩薩摩訶薩於阿耨多羅二藐三菩提得最勝欲甚深 邊際故能不以齊限測度一切世間文字所說皆有齊限悉不能知如來 **三識是爲第七印菩薩摩訶薩若見善男子善女人趣大乘者令其增長** 切智性常現前故得一切佛智光明故終不捨離佛菩提終不捨離善 心而爲說法令於阿耨多羅三藐三菩提永不退轉是爲第九印菩 切智不退轉欲菩薩住如是等欲於無上菩提畢竟不退是爲 一切衆生得平等心勸令勤修 切諸佛種性究竟得至 切智道以 切智

(一大〇五)

善根而 取 切 智是爲第-住 諸 令 艢 照。 三藐三菩提具足如來一切法無上智印佛子菩薩摩訶薩有十種智光 一發菩提 何等為 此 佛神通威力智光照滿足一 安住如來地智光照演說 照見一切衆生死此生彼智光照解一 以一 法。 則得 聲聞獨覺悉無與等何等爲十所謂菩薩摩訶薩雖觀實際而不 不於中有少執著是爲第一 心集諸善根 切願未成滿故是爲第一 十所謂知定當成阿 十印佛子是爲菩薩摩訶薩十種印菩薩以此速成阿耨多羅 切諸佛無 智光照 上智光照佛子菩薩摩 不可 示現一 切諸波羅蜜智光照是爲十岩諸菩薩安 耨 多羅 思議廣大法門智光照善巧了知 一無等住菩薩摩訶薩修菩薩行 無等住菩薩摩 切諸佛智光照教化一 三藐三菩提智光照見一 切修多羅法門智光照依善知 訶薩有十種無等住 訶薩種等 法界一 切 切佛 生悉 切 切

知

作

本為

衆

生是故我應久處生

菩薩

摩

訶薩雖修行圓滿而不證菩提何以故菩薩作如是念我之所

切

地如如

爲

衆

生為

切衆生悉亦如是而不生疲厭是爲第九無等

,可 如 中起疲厭之心是爲第四無等住菩薩摩訶薩於一切法無所取著以 薩雖離世間所有妄想然能作意於不可說劫行菩薩行滿足大願終 化以一切法悉寂滅故而於佛法不生疑惑是爲第三無等住菩 薩

等住菩薩 第八無等住菩薩 等住菩薩摩 無 等住菩薩摩訶薩知三界唯心三世唯心而了知其心無量無邊是爲 切 法性寂滅故而不證涅槃何以故 摩訶薩 訶薩 摩訶薩為 知一 知一 切法悉無所作而不捨作道求諸佛法是爲第 切劫皆卽非劫而眞實說一切劫數是爲第六無 衆生於不可說劫行菩薩行欲令安住 切智道未成滿故是爲第五

死方便利益皆令安住無上佛道是爲第

十無等住佛子是爲菩薩摩訶薩十種無等住若諸菩薩安住其中則得

無上大智一切佛法無等住

大方廣佛華嚴經卷第五十四

末瓦山矴鉢囉帝烏怛摩怛摩怛塔葛塔喃末瓦吽癹莎 南無三滿哆沒馱喃阿鉢囉帝喝多折折捺彌唵雞彌雞彌怛塔葛塔喃 訶

普光三會萬行圓修普賢瓶瀉二千酬苦海泛慈舟一句全收法義 齊

周

華嚴字母衆藝親宣善財童子得眞傳秘密義幽玄功德無邊唱誦利

伽 强 擎 望 劬 翹 ○ 其 芹 乾 禽 鍼 裘 伽 唱 伽 字 時 普 願 法 界 衆 生 入 般 若

波羅蜜門

也止

吒 ○張徵中豬朝梩知珍儃砧詀輈吒唱吒字時普願法界衆生入般若

波羅蜜門

拏 **袽嬈墀尼級然銋諵羺拏唱拏字時普願法界衆生入般若**

波羅蜜門

四十二字妙陀羅字字包含義理多阿棳梵韻滿娑婆功德大法界沐恩

波

四生九有同登華藏玄門八難三塗共入毘盧性海

南無華嚴海會佛菩薩 三 稱

音釋

懼

怖音

也具 恐

怯 也牽 弱入 也聲 儮 紹 機韶 也去 搫 揀 擇音 也簡 揀 產也音 大粗 也不 精 弊惡音

弊惡也沮强

校異同

第八頁第一 無行 往行 字下 第十四頁第五 本行 作藏 界本 處處 界

唐于闐國三藏沙門實叉難陀譯

離世間品第三十八之三

善言開喩皆令歡喜是爲第三無下劣心又作是念我當成滿偏法界一 佛子菩薩摩訶薩發十種無下劣心何等爲十佛子菩薩摩訶薩作如是 第六無下劣心又作是念我當以無上教化無上調伏教化調伏一切衆 第五無下劣心又作是念無上菩提廣大難成我當修行悉令圓滿是爲 切波羅蜜行是爲第四無下劣心又作是念我當積集一切福德藏是爲 破一切外道及其邪法是爲第二無下劣心又作是念我當於一切衆生 念我當降伏一切天魔及其眷屬是爲第一無下劣心又作是念我當悉

生是爲第七無下劣心又作是念一切世界種種不同我當以無量身成

乞手足耳鼻血肉骨髓妻子象馬乃至王位如是一切悉皆能捨不生一 寂 國 第九無下劣心又作是念三世所有一切諸佛一切佛法一切衆生 念憂悔之心但爲利益一 等正覺是爲第八無下劣心又作是念我修菩薩行時若有衆生來從我 無非 悉修 切分别以無異智知一 切執著以無住處智知一 切世間以無世智知一切世以無衆生智知一 滅涅槃界如是一切種種諸法我當以一念相應慧悉知悉覺悉見悉 土一切世界一 悉斷然於其中無分別離分別無種種差別無功德無境界非有 非二以不二智知一切二以無相智知一 切三世 一 切異以無差別智知一 切衆生不求果報以大悲爲首大慈究竟是爲 切虛空界一切法界一切語言施設界一 切住處以無雜染智知 切衆生以無執著智知 切差別以無世間智知 切相以無分別智知 切雜染以無盡智 切 切

薩常作意動修一切智法是爲第一如山增上心恆觀一 於阿耨多羅三藐三菩提有十種如山增上心何等爲十佛子菩薩摩訶 劣心若諸菩薩安住此心則得一切最上無下劣佛法佛子菩薩摩訶薩 所有悉皆能捨是爲第四如山增上心若有衆生罵辱毀謗打棒屠割苦 所得是爲第二 現大神通變化是爲第十無下劣心佛子是爲菩薩摩訶薩發十種無下 音以一自性智入於無自性以一境界智現種種境界知一切法不可說 知 而現大自在言說證一切智地爲敎化調伏一切衆生故於一 切白淨法故知見如來無量智慧是爲第三如山增上心爲求一切佛 故等心敬奉諸善知識無異希求無盜法心唯生尊重未曾有意一 切盡以究竟法界智於一切世界示現身以離言音智示不可說 一如山增上心願於無量劫行菩薩行修 一切白淨法以住 切法本性空無 切世間 切

(一大一三)

M

染著所謂了 永 魔 隨 功 功 心。 捨 不 其形體乃至斷命如是等事悉皆能受終不因此生動亂心生瞋害心亦 德力增上 離衆魔境界住佛境故是爲第六如 境 菩薩 法 成 退捨大悲弘誓更令增長無有休息何以故菩薩於 《就故證得 界何以故菩薩摩訶薩於過 希 福德 趣 求法思惟法佛子菩薩摩 向隨法究竟以法爲依以法爲救以法爲歸以法 摩 不著味不著欲不著財富不著眷屬但深樂法隨法去隨法住 增上功德智慧增上功德雖復成就如是功德終不於 訶薩成就增上大功德所謂天增上功德人增上功德色增 一功德眷屬增上功德欲增上功德王位增上 切諸如來法忍辱柔和已自在故是爲第 去 訶薩雖復具受種種法樂而常遠離 世發如是心我當令一 山增上 上心菩薩摩訶菩 功德自在 爲舍守護法愛 切 切衆生 薩 五 法如實出 爲 如 求 此 山 皆 阿 而 增 增 生

有

法滿菩薩行無有

法教化調伏一

切衆生無有

法供養恭敬

淨自

多羅 發阿耨多羅三藐三菩提心行菩薩行亦不驚亦不怖亦不畏雖能一念 三藐三菩提已於無量阿僧祇劫行菩薩道精勤匪懈猶謂我今始

離 能 是爲第 卽 惡念不於他所生諸煩惱是爲第八如山增上心菩薩摩訶薩復作 成 知恩不能報恩是故爲其發大誓願欲令皆得心意自在所行無礙 阿 七如山增上心菩薩摩訶薩知一切衆生性不和善難調難度不 耨多羅三藐三菩提然爲衆生故於無量劫行菩薩行無有休息

勉 念非他令我發菩提心亦不待人助我修行我自發心集諸佛法誓期自 盡 未來劫行菩薩道成阿耨多羅二藐三菩提是故我今修菩薩行當

等是爲第 心亦淨他心當知自境界亦知他境界我當悉與三世諸佛境界平 九 如山增上心菩薩摩訶薩作 如是觀無有 法修菩薩行無

(一大一五)

大

世 上菩提之道是爲第十如山增上心佛子是爲菩薩摩訶薩於阿耨多羅 法 以故菩薩求一切法皆無所得如是出生阿耨多羅三藐三菩提是故於 說今說當說說者及法俱不可得而亦不捨阿耨多羅三藐三菩提願何 起分别是爲第二如海智知一切虛空界無量無礙普入十方一切差別 何等爲十所謂入一切無量衆生界是爲第一如海智入一切世界而不 山王增上心佛子菩薩摩訶薩有十種入阿耨多羅三藐三菩提如海智 三藐三菩提十種如山增上心若諸菩薩安住其中則得如來無上大智 足其心於此不驚不怖不作是念若一切法皆悉寂滅我有何義求於無 切諸佛無有一法於阿耨多羅三藐三菩提已成今成當成無有一法 雖無所得而勤修習增上善業淸淨對治智慧圓滿念念增長一切具 界網是爲第三如海智菩薩摩訶薩善入法界所謂無礙入不斷入不

t

(一大一七)

於世及彼諸佛道場衆會聲聞菩薩說法調伏一切衆生壽命延促法住 或百千億佛出世或無數或無量或無邊或無等或不可數或不可稱或 於念念中入過去世不可說劫於一劫中或百億佛出世或千億佛出世 皆悉了知深信隨喜願樂修習無有厭足是爲第五如海智菩薩摩訶薩 善根三世諸佛說法調伏一切衆生已說今說當說所有善根於彼一 生有於阿耨多羅三藐三菩提種諸善根亦悉了知若有衆生善根熟已 久近如是一切悉皆明見如一劫一切諸劫皆亦如是其無佛劫所有衆 不可思或不可量或不可說或不可說不可說超過算數諸佛世尊出與 常入無量入不生入不滅入一切入悉了知故是爲第四如海智菩薩 已集現集當集三世諸佛於阿耨多羅三藐三菩提已成今成當成所有 訶薩於過去未來現在諸佛菩薩法師聲聞獨覺及一切凡夫所集善根 切

集法藏 受持諷誦憶念思惟增長慧解如是觀察普徧十方而於佛法無有錯謬 成當成往詣道場菩提樹下坐吉祥草降伏魔軍成阿耨多羅三藐三菩 念念中普見十方無邊品類不可說世界皆有諸佛於無上菩提已成今 何世界世界名何度幾衆生壽命幾時如是觀察盡未來際皆悉了知不 無邊知何劫有佛何劫無佛何劫有幾如來出世一一如來名號何等住 於未來世當得見佛亦悉了知如是觀察過去世不可說不可說幼心無 可窮盡而無厭足是爲第七如海智菩薩摩訶薩入現在世觀察思惟於 厭足是爲第六如海智菩薩摩訶薩入未來世觀察分別一 從此起已入於城邑升天宮殿說微妙法轉大法輪示現神通調伏衆 乃至付囑阿耨多羅三藐三菩提法捨於壽命入般涅槃入涅槃已結 令久住世莊嚴佛塔種種供養亦見彼世界所有衆生值佛聞 切諸劫無量

菩薩爾時不著自身不著諸佛不著世界不著衆會不著說法不著劫數 何以故菩薩摩訶薩了知諸佛皆悉如夢而能往詣 切佛所恭敬供養

現自身歿此生彼以出過三界一切供具而爲供養幷及供養菩薩聲聞 薩於不可說不可說劫一一劫中供養恭敬不可說不可說無量諸佛示 然見佛聞法觀察世界入諸劫數無有厭足是爲第八如海智菩薩摩 切大衆一一 如來般涅槃後皆以無上供具供養舍利及廣行惠施滿

足 法開示演說是爲第九如海智菩薩摩訶薩於一切佛所一 可說不可說劫爲阿耨多羅三藐三菩提故供養諸佛饒益衆生護持正 、衆生佛子菩薩摩訶薩以不可思議心不求報心究竟心饒益心於不 切菩薩所。

菩薩清淨法菩薩成熟法菩薩調伏法菩薩平等法菩薩出離法菩薩總 切法師所。 一向專求菩薩所說法菩薩所學法菩薩所教法菩薩修行法

(一大一九)

於不可說不可說劫無有厭足是爲第十如海智佛子是爲菩薩摩訶薩 如 此 不令忘失分別思惟覺慧增長如是所作充滿十方是爲第二如寶住於 寶 佛無上大智慧海佛子菩薩摩訶薩於阿耨多羅三藐三菩提有十種 十種入阿耨多羅三藐三菩提如海智若諸菩薩安住此法則得一切諸 持法得此法已受持讀誦分別解說無有厭足令無量衆生於佛法中 刹 ·住何等爲十佛子菩薩摩訶薩悉能往詣無數世界諸如來所瞻觀 切智相應心入眞實相於阿耨多羅三藐三菩提得不退轉菩薩如是 承事供養是爲第一如寶住於不思議諸如來所聽聞正法受持憶念 而能各各分別演說以一切法種種義究竟皆是一義故是爲第四 殁餘處現生而於佛法無所迷惑是爲第三如寶住知從 知厭離煩惱知止息煩惱知防護煩惱知除斷煩惱修菩薩行 法 出 如

薩摩 不捨調 有漏法此是無漏法乃至此是有爲法此是無爲法是爲第七如寶住菩 是不善法此是世間法此是出世間法此是過失法此是無過失法此是 諸佛法此是菩薩法此是獨覺法此是聲聞法此是凡夫法此是善法此 是爲第六如寶住知一切法皆同一 身不疲倦是爲第五如寶住知一切衆生心所分别皆無處所而亦說有 切衆生分別知 可算數性無可稱量性無色無相若一若多皆不可得而決定了知此是 種種方處雖無分別無所造作爲欲調伏一切衆生而有修行而有所作 證實際究竟到於實際彼岸方便善巧善學所學令往昔願行皆得成滿 訶薩求佛不可得求菩薩不可得求法不可得求衆生不可得而亦 伏衆生令於諸法成正覺願何以故菩薩摩訶薩善巧觀察知 切衆生境界方便化導令得涅槃爲欲滿足化衆生願 性所謂無性無種種性無無量性

二大二

得諸佛無上大智慧寶佛子菩薩摩訶薩發十種如金剛大乘誓願心何 諸佛。 薩 依於 耨多羅三藐三菩提滿等法界一切願故是爲第十如實住佛子是爲菩 智不思議故如來授記言無二故自身行願殊勝力故隨應受化令成 乃至不可說不可說劫常如是聞聞已修行不驚不怖不迷不惑知如來 化今受化當受化亦自了知無所修行無有少法若生若滅而可得者而 槃爲度衆生所有方便一切皆是心想建立非是顚倒亦非虛誑何以故。 菩薩了知一 熾 摩 然修行菩薩行故是爲第八如寶住菩薩摩訶薩知善巧說法示現涅 ,訶薩於阿耨多羅三藐三菩提十種如寶住若諸菩薩安住此法則 切法令所願不空是爲第九如寶住菩薩摩訶薩於不思議無量 佛所聞不可說不可說授記法名號各異劫數不同從於一 切諸法三世平等如如不動實際無住不見有一衆生已受 劫· 阿

訶薩又作是念於一毛端處有無量無邊衆生何況一切法界我當皆以 以盡三世智普皆覺了無有遺餘是爲第一如金剛大乘誓願心菩薩摩 等爲十佛子菩薩摩訶薩作如是念一切諸法無有邊際不可窮盡我當

菩薩摩訶薩又作是念一切衆生無量無邊無有齊限不可窮盡我當以 莊嚴如是一切世界所有莊嚴皆悉眞實是爲第三如金剛大乘誓願心 念十方世界無量無邊無有齊限不可窮盡我當以諸佛國土最上莊嚴 無上涅槃而滅度之是爲第二如金剛大乘誓願心菩薩摩訶薩又作是

菩薩摩訶薩又作是念一切諸佛無量無邊無有齊限不可窮盡我當以 切善根迴向於彼無上智光照耀於彼是爲第四如金剛大乘誓願心

菩提是爲第五如金剛大乘誓願心佛子菩薩摩訶薩見一切佛聞所說 所種善根迴向供養悉令周偏無所闕少然後我當成阿耨多羅三藐三

H

可以一 世 當盡彼劫於一世界行菩薩道敎化衆生如一世界盡法界虛空界 佛子菩薩摩訶薩又作是念未來世劫無量無邊無有齊限不可窮盡我 修菩薩行攝受衆生恆無廢捨何以故菩薩摩訶薩已善觀察一切諸法 頭。 藝 無有二相心不動亂能捨自身忍其苦故是爲第七如金剛大乘誓願心 無性非色非無色非相非無相非生非滅實無所有亦不壞有何以故不 法生大歡喜不著自身不著佛身解如來身非實非虛非有非無非性非 生而修行故是爲第八如金剛大乘誓願心佛子菩薩摩訶薩又作是 界悉亦如是而心不驚不怖不畏何以故爲菩薩道法應如是爲一切 如是一切皆能忍受終不因此生恚害心於不可說不可說無央數劫。 |或被衆生訶罵毀呰撾打楚撻或截手足或割耳鼻或挑其目或級其 切性相而取著故是爲第六如金剛大乘誓願心佛子菩薩摩訶 切

華景、經卷五十五

念阿 現在不可得一切世間不可得有爲無爲不可得菩薩如是寂靜住甚 切法不可得衆生不可得心不可得行不可得過去不可得未來不可得 大乘誓願心佛子菩薩摩訶薩知佛不可得菩提不可得菩薩不可得 不捨諸波羅蜜 實際住而亦不捨一切大願不捨薩婆若心不捨菩薩行不捨敎化衆 住 寂 提 界何以故菩薩摩訶薩發大願故雖復了達一 何以故爲滿本願盡一切世界行菩薩行化衆生故是爲第九如 滅住無諍住無言住無二住無等住自性住如理住解脫住涅槃住 必得自在欲成阿耨多羅三藐三菩提隨意卽成若欲除斷一切取 **耨多羅三藐三菩提以心爲本心若淸淨則能圓滿** 向道我亦能得而我不斷爲欲究竟佛菩提故亦不卽證無 不捨調伏衆生不捨承事諸佛不捨演說諸法不捨莊 切法相大慈悲心轉更 切善根於 金 F 佛 剛

五

不斷一 發於 訶 滿· 有凡夫愚迷不知不覺我當令彼悉得開悟於諸法性分明照了何以故 增長無量功德皆具修行於諸衆生心不捨離何以故一切諸法皆無所 無上大神通智佛子菩薩摩訶薩有十種大發起何等爲十佛子菩 切善根心發安住善巧迴向心發出生甚深智慧心發含受一切衆生心 何 薩發 云何 而捨大悲又我先發廣大誓願心發決定利益一切衆生心發積集 切諸佛安住寂滅而以大悲心於諸世間說法敎化曾無休息我今云 作如是念我當供養恭敬一切諸佛是爲第一大發起又作是念我 切諸佛種性今一切衆生未得解脫未成正覺未具佛法大願未 千種 而欲捨離大悲是爲第十如金剛大乘誓願心佛子是爲菩薩摩 切衆生平等心作眞實語不虛誑語願與一切衆生無上大法願 如金剛大乘誓願心若諸菩薩安住此法則得如來金剛 薩

訶薩

華 嚴 經 卷五十五

之後我當爲一 如來悉亦如是是爲第七大發起菩薩摩訶薩又作是念彼諸如來滅度 佛無上菩提乃至不生一念疲懈是爲第六大發起又作是念彼諸如來 爲第四大發起又作是念我當以諸佛國土無上莊嚴而以莊嚴一切世 無量無邊我當於一如來所經不思議劫恭敬供養如於一如來於一切 界是爲第五大發起又作是念我當發大悲心爲一衆生於一切世界 發起又作是念我當敎化調伏一切衆生令得阿耨多羅三藐三菩提是 來般涅槃後莊嚴佛塔以一切華一切鬘一切香一切塗香一切末香一 當長養一切菩薩所有善根是爲第二大發起又作是念我當於一切如 切衣一切蓋一切幢一切旛而供養之受持守護彼佛正法是爲第三大 一各盡未來際劫行菩薩行如爲一衆生爲一切衆生悉亦如是皆令得 一如來所有舍利各起寶塔其量高廣與不可說諸世界

佛 等造佛形像亦復如是於不可思議劫以一切寶幢旛蓋香華衣服 休息是爲第十大發起佛子是爲菩薩摩訶薩十種大發起若諸菩薩安 成就不生不滅故具足一切佛法故以大願力調伏衆生作大佛事無有 劫演說正法示現不可思議自在神通身語及意不生疲倦不離正法以 以此善根成無上菩提得入一切諸如來地與一切如來體性平等是爲 爲護持正法開示演說故是爲第八大發起菩薩摩訶薩又作是念我當 供養不生一念厭倦之心為成就佛法故爲供養諸佛故爲敎化衆生故 故住眞 業所作故與三世佛同一體故周徧法界虛空界故通達諸法無相故 力所持故爲一切衆生勤行大願故大慈爲首故大悲究竟故達無相 九大發起菩薩摩訶薩復作是念我當成正覺已於一切世界不可說 (實語故證一切法皆寂滅故知一切衆生悉不可得而亦不違 而

麗 經 卷五十五

謂 密方便教化調伏一切衆生不壞信是爲十若諸菩薩安住此法則得諸 不壞信於一切菩薩行不壞信於恭敬供養一切諸佛不壞信於菩薩巧 藐三菩提大智慧究竟事佛子菩薩摩訶薩有十種不壞信何等爲十所 事奉事一切善知識究竟大事往詣一切世界諸如來所究竟大事聞持 救護究竟大事專求一切佛法究竟大事積集一切善根究竟大事思惟 竟大事何等爲十所謂恭敬供養一切如來究竟大事隨所念衆生悉能 住此法則不斷菩薩行具足如來無上大智佛子菩薩摩訶薩有十種究 切諸佛正法究竟大事是爲十若諸菩薩安住此法則得阿耨多羅三 於一 不壞信於一切善知識不壞信於一切衆生不壞信於一切菩薩大願 切佛法究竟大事滿足一切誓願究竟大事成就一切菩薩行究竟大 切佛不壞信於一切佛法不壞信於一切聖僧不壞信於一切菩

種善 前 是成就莫別成就以我善根同善知識所住如是成就莫別成就以我善 善根如是成就莫別成就以我善根同善知識平等如是成就莫別成就 根 伏 以我善根同善 别 內有甚深解得授記能隨順起菩薩諸善根得授記修廣大行得授記現 佛 同善知識願如是成就莫別成就以我善根同善知識心如是成就莫 諸菩薩安住此法則於一 衆生得授記究竟一切劫數得授記一切菩薩行自在得授記是爲十 得授記不現前得授 無上大智慧不壞信佛子菩薩摩訶薩有十種得授記何等爲十所謂 根 以我善根同善知識行 迴向菩薩由此能以一切善根悉皆迴向何等爲十所謂以我善 知識念如是成就莫別成就以我善根同善知識清淨 記因自心證菩提得授記成就忍得授記教化 切諸佛所而得授記佛子菩薩摩訶薩有十 如是成就莫别成就以我善根同善知識

所種 是爲十若諸菩薩安住此法則得一切諸佛無上現證智佛子菩薩摩 入一切法界聞持一 思議住得智慧於一念中悉能往詣不可說佛刹得智慧覺一 義得智慧深解一切如來於一 摩 就莫別成就是爲十若諸菩薩安住此法則得無上善根迴向佛子菩薩 邊廣大心觀 薩有十種發無量無邊廣大心何等爲十所謂於 得智慧入如來無邊智得智慧於一切問答中能斷疑得智慧入於智者 根同善知識成滿如是成就莫别成就以我善根同善知識不壞如是成 河薩 少善根必能滿足一 有十種得智慧何等爲十所謂於施自在得智慧深解一 切衆生界發無量無邊廣大心觀 切佛所說法深入一 切白淨法獲如來無量智得智慧成就菩薩不 切佛法中言音善巧得智慧深解於諸佛 切如來種種莊嚴言 切刹 切諸佛所發無量 切世 切佛菩提。 I 音 得 智 慧 切佛法 切法

切諸 神通是觀察示現藏知一切法是善巧出生平等藏知一切法是常見一 生歡喜淨信藏是爲十若諸菩薩安住此法則得 法是起功德行藏知一切法是正思惟藏知一切法是陀羅尼照明藏知 無邊廣大智慧海佛子菩薩摩訶薩有十種伏藏何等爲十所謂知 音發無量無邊廣大心是爲十若諸菩薩安住此心則得一切佛法無量 無邊廣大心徧入一切諸佛大會發無量無邊廣大心觀察一切如來妙 廣大心觀不思議諸業果報發無量無邊廣大心嚴淨一 界發無量無邊廣大心觀察一切法皆如虛空發無量無邊廣大心觀察 切法是辯才開演藏知一 切菩薩廣大行發無量無邊廣大心正念三世一切諸佛發無量無邊 佛藏。 知一切不思議劫是善了皆如幻住藏知一切諸佛菩薩是發 切法是不可說善覺眞實藏知一 切諸佛無上智慧法 切佛刹發無量 切佛自在 切

華 嚴 經 卷五十五

律儀修一 菩薩摩 於一切世界見佛充滿故願自在隨欲隨時於諸刹中成正覺故神力自 世 心 獨覺不生憶念心律儀遠離一切退菩薩道律儀不起一 蜜皆令滿足律儀是爲十若諸菩薩安住此法則得無上大智律儀佛 所起尊重恭敬律儀於一 藏悉能調伏一 自在智慧能入阿僧祇諸三昧故資具自在能以無量莊嚴莊 界故業自在隨時受報故受生自在於一切世界示現受生故解自在 切佛法不生誹謗律儀於一切佛所信樂心不可壞律儀於 訶薩有十種自在何等爲十所謂命自在於不可說劫住壽命故 切善根皆令究竟律儀於一 切大神變故法自在示現無邊諸法門故智自在於念念中示 切衆生佛子菩薩摩訶薩有十種律儀何等爲十所謂 切善知識所終不捨愛樂心律儀於一 切魔悉能降伏律儀於一 切損害衆 切波 切聲聞 嚴 切菩薩 生 切 心 於

現如來十力無畏成正覺故是爲十若諸菩薩安住此法則得圓滿 切

諸佛諸波羅蜜智慧神力菩提自在

大方廣佛華嚴經卷第五十五

齊

周

華嚴字母衆藝親宣善財童子得眞傳秘密義幽玄功德無邊唱誦利。

否@ 滂思 溯思 绛蘇 秿甦 胞思 嵐思 披西 砏西 潘思 〇西 〇思 拌思 頗娑 唱颇致 字時普願法界衆生入

波羅

吞00 岡思 抛思 公縣 孤蘇 高思 該思 雞西 斤西 干思 今西 甘思 勾思 迦娑 唱迦娑 字時普願法界衆生入般

波羅 蜜門

四四

大三四

校異同

頁

北第

藏十

誤一

作行

我成

等等

第一

三 東第

字七

流行

通種

湟族 也隳

槃一

道切

故賢

名者

如為 得魔

娑也 容 桑亦 僧亦 蜙亦 甦亦 臊亦 腮亦 西亦 辛亦 珊亦 心亦 三亦 鞍亦 娑也 唱 娑也 字 時普願法界衆生入

若波羅蜜門

四十二字妙陀羅字字包含義理多阿棳梵韻滿娑婆功德大法界沐

恩

波有四 同生 前九

音釋

쇪 也說 撾 中音 擊音 大象 也查 者獸 打 棒 聲音 杖音 天云 也頂 也蚌 匪

搫

至

付

孎

種 楚 魔魔 者羅 捶初 非非 即此 楚上 也上 切疏 法云 欲云 也聲 蘊卽 界能

惱魔

魔具

撻 促 斯法 主奪 笞音 也聰 十而 深命 也闥 迫入 義觀 著經 也聲

截 故惑 世有 断音 間四 也絕

為不 樂種 挑 託音 藏見 用謂 撥跳 也竹

十故 有五 取平 義名 所陰 也聲

諷 級 50風

文伏 而天 首音 誦上 自於 生魔 也吉 也聲 呰 取 口音

見魔廢 情煩 費音 毀子

明一 邪死

本種 有下 無藏 字本 少 第 頁 藏第 本八

示行

(一大三五)

五五

無行

隨能 字下

惟

第二十三頁七 作現 示流 大通 一三頁七行流通 薩本 流七 三菩 通行 字薩 本南 誤北 作藏 合俱 一切第二十頁第 藏二

世間品第三十八之四 唐于闐國三藏沙門實叉難陀譯

離

力 佛 無礙用力無礙用佛子云何爲菩薩摩訶薩衆生等無礙用佛子菩薩 法無礙用身無礙用願無礙用境界無礙用智無礙用神通無礙用 子菩薩摩訶薩有十種無礙用何等爲十所謂衆生無礙用國土無礙 神

摩訶薩有十種衆生無礙用何者爲十所謂知一 知 切衆生界無礙用置一切衆生於一毛孔中而不迫隘無礙用爲 切衆生但想所持無礙用爲一切衆生說法未曾失時無礙用普化 切衆生無衆生無礙用

世諸天身無礙用爲一切衆生示現聲聞辟支佛寂靜威儀無礙用爲一 切衆生示現他方一切世界令其悉見無礙用爲一切衆生示現釋梵護

(一大三七)

衆 種 十所謂 成等 網 以 盡 切 無量 知 法 動 無 、礙用。 無 心 刹 無 生示 正 差別· 切 解 **礙用何等爲十所謂** 礙 莊 | 覺無礙用是爲十佛子菩薩摩訶薩有十種國 切刹不令衆生 角一切小 嚴具莊 法離 無 一身結 切刹 現菩 、礙用從 以此普示 文字。 作一 薩 嚴 跏 行 般若 無礙用爲 刹 刹 而令衆生皆得悟 趺 恐怖 切刹 中刹大刹廣刹深 坐充 無礙 波羅 切衆 知 用。 無礙用以一 滿 無礙用以一 蜜出生 生無礙用是爲十佛子菩薩 切 切衆 切 切刹入一毛孔無礙用 法 刹 入一法· 無礙 生示現諸佛色身相好 《刹仰刹覆》 無礙 切法· 如 切 來一 用。 刹莊嚴具莊嚴 爲他 一法入一 衆會偏 知 身 解說 刹· 中 切法入 側 現 土 切法而· 悉令 刹 一無礙用何等爲 知 摩 切 E 切 利偏諸· 開 訶 佛 刹 刹 切 亦不 悟 薩 切智 刹 無 刹 無 有 無 無 礙 礙 示 違 方

身示現法身於法身示現 刹入己身無礙用以一身充偏一切三世法示現衆生無礙用於一身示 身無礙用。 切衆生身現一 現無邊身入三昧無礙用於一身示現衆生數等身成正 量 **礙用何等爲十所謂以一** 劫說不窮盡無礙用以一切法悉入佛法令諸衆生皆得悟解無礙用。 演說無量法相無礙用知一 一劫爲衆生說不可窮盡無礙用是爲十佛子菩薩摩訶薩有十種身無 切法無有邊際無礙用知一切法無障礙際猶如幻網無量差別於無 切法善轉普門字輪無礙用以一切法入一法門而不相違於不可說 切佛身入一佛身無礙用一佛身入一切佛身無礙用一 衆生身於一 切衆生身入己身無礙用以己身入一切衆生 衆生身現一 切衆生身無礙用是爲十佛子菩薩摩訶 切法離言說能爲他說無邊法門無礙用 切衆生身無礙用於一 一覺無礙用於一 切衆 切

大三九)

M

孔 以自在願現 佛成菩提願力示現自成正覺無礙用隨所化衆生自成阿耨多羅三藐 有十種願無礙用何等爲十所謂以一 三菩提無礙用於一切無邊際劫大願不斷無礙用遠離識身不著智身 拾衆 震實 現成 而 生如是示現無礙用說一 不捨大願無礙用於一切劫行菩薩行而大願不斷無礙用於一 死 菩薩摩訶薩有十種境界無礙用何等爲十所謂 法 生 正覺以願力故 境界無礙用入一 境 雷音兩甘露味兩以大願力充治一切諸衆· 界無礙用在佛境界而不捨魔境界無礙用 切身無礙用捨棄自身成滿他願無礙用普敎化 充偏 切智境界而不斷菩薩種性境界無礙用住 句法偏一 切諸佛國土於不可說不可說 切菩薩願作自願無礙用 切法界與大正法雲耀解脫電 生界無礙用是為 在 在法界境界而 涅槃境界而 世界為 以一 切衆 切 毛

現衆 諸 盡辯 界而 用。 儀 衆 無 寂 根 以無礙智知三世一切劫及其中衆生無礙用於念念中現成正覺示 生 無礙用是爲十佛子菩薩摩訶薩有十種智無礙用何等爲十所謂 礙用住如來一 靜境界而不捨散亂境界無礙用住無去無來無戲論無相狀無體性 了無礙用。 生無有斷絕無礙用於 欲樂隨眠習氣煩惱病隨應授藥無礙用一 無 無礙用住禪定解脫神通明智寂靜境界而於一切世界示現受生 不 說如虛空境界而不捨一切衆生戲論境界無礙用住諸力解脫境 捨 一 一碗用於一念中以無礙智知一 切諸方所境界無礙用入無衆生際境界而不捨敎化一 切總持無有忘失無礙用能決定知決定說一 切行莊嚴成正覺境界而現一 衆生想知 切衆生心之所行無礙用知一 切衆生業無礙用於 念能入如來十力無礙 切聲聞辟支佛寂靜威 切衆 衆生 切 切

大四二

諸菩薩得此無礙用則能普入一切佛法佛子菩薩摩訶薩有十種神力 願 伽· 見無礙用 嚴無礙用普入一切三世無礙用放大法光明現一切諸佛菩提衆生行 佛 無礙用何等爲十所謂以不可說世界置一 無礙用一念中現盡前際一切劫所有業果種種差別令諸衆生悉得知 何等爲十所謂於一身示現一 釋梵護世聲聞獨覺菩薩所有如來十力菩薩善根無礙用是爲十若 切衆 衆會中所說法無礙用於一 無礙用善守護一切天龍夜叉乾闥婆阿脩羅迦樓羅緊那羅 切衆生語無礙用是爲十佛子菩薩摩訶薩有十種神通無礙用。 生心無礙用以一音現一切世界差別言音令諸衆生各得解了 微塵出現廣大佛刹無量莊嚴無礙用令一切世界具足莊 衆生心念中成就不可說無上菩提開悟 切世界身無礙用於一佛衆會聽受一 塵中無礙用於一 塵中現等 摩 睺羅 切

無 法 不令衆生心有恐怖無礙用於一 怖 於衆生無所觸嬈無礙用以不可說世界內自身中示現一 一碳用以一毛繫不可數金剛圍山持以遊行一切世界不令衆生生恐 心無礙用以不可說劫作一 切佛刹無礙用以一切大海水置一毛孔周旋往返十方世界而 劫一劫作不可說劫於中示現成壞差別 切世界現水火風災種種變壞而不惱 切神通所作

衆生無礙用。 想 缺無礙用以一 無礙用說一 切刹同於虛空令諸衆生悉得悟解無礙用是爲十佛子 手持不思議世界擲不可說世界之外不令衆生有驚怖 切世界三災壞時悉能護持一切衆生資生之具不令損

身入無身故劫力無礙用修行不斷故佛力無礙用覺悟睡眠故行力無 不捨離故刹力無礙用示現不可說莊嚴而莊嚴故法力無礙用令一 菩薩摩訶薩有十種力無礙用何等爲十所謂衆生力無礙用敎化調伏 切

修菩薩行身而亦不滅成菩提身是菩薩遊戲於涅槃界示現生死身而 行身示現成正覺身而亦不斷菩薩行身是菩薩遊戲於成正覺身示現 於聲聞獨覺身示現如來身而不增長聲聞獨覺身是菩薩遊戲於菩薩 身是菩薩遊戲於佛身示現聲聞獨覺身而不損減如來身是菩薩遊戲 門善巧示現故佛子菩薩摩訶薩有十種遊戲何等爲十所謂以衆 有得此十無礙用者於阿耨多羅三藐三菩提欲成不成隨意無遠雖成 正 用不捨一 用自覺一 礙用攝取一 剎身而亦不壞衆生身是菩薩遊戲以剎身作衆生身而亦不壞於剎 切衆生故是爲十佛子如是名爲菩薩摩訶薩十種無礙用若 切諸法故一切智力無礙用以一切智成正覺故大悲力無礙 切菩薩行故如來力無礙用度脫一 切衆生故無師 力無 生身 礙

遊戲入於三昧而示現行住坐臥一切業亦不捨三昧正受是菩薩遊戲 不著生死是菩薩遊戲於生死界示現涅槃亦不究竟入於涅槃是菩薩

身亦不分身亦不起定而聞法受持相續不斷如是念念於一一三昧身 在一佛所聞法受持其身不動而以三昧力於不可說諸佛會中各各現

各出生不可說不可說三昧身如是次第一切諸劫猶可窮盡而菩薩三

昧身不可窮盡是菩薩遊戲是爲十若諸菩薩安住此法則得如來無上 門令衆生得入是菩薩境界示現一切世界無量妙莊嚴令衆生得入是 大智遊戲佛子菩薩摩訶薩有十種境界何等爲十所謂示現無邊法界

菩薩境界化往一切衆生界悉方便開悟是菩薩境界於如來身出菩薩

是菩薩境界於生死界現涅槃界於涅槃界現生死界是菩薩境界於一 身於菩薩身出如來身是菩薩境界於虛空界現世界於世界現虛空界

中° 作一切 欲 切 故。 故。 何等爲 行力盡未來際不斷故乘力能 方便力諸 菩薩安住此法則得 是爲 一語言 藝 生發 切差别身是菩薩境界以一身充滿一切法界是菩薩境界於一 毛 切衆 有十種無畏何等爲十佛子菩薩摩訶薩悉能聞持 孔 十岩 心成佛無斷絕故轉法輪力說 中各各示現一切清 中。出 十所謂深心力不雜 有所作究竟故 生發菩提心 諸菩薩安住 生 切佛法語言是菩薩境界以無邊身現作 如 來 各現無量身成等正 此法則得諸佛 智力了知 無上大智慧境界佛子菩薩 淨 出生 世 切世情故增上深 早。 切如 切乘而 切心行故願力。 句法悉稱 無 一覺是菩薩境界是爲十若 來 不捨大乘故。 出興世故菩提 切智十力佛子菩 心力不捨一 切衆 摩 切所 訶薩有· 神變 切言說作 生諸 求令 切佛 力 力於 根 十 滿 念 性 法 種

不見微少難可答相以不見故心得無畏究竟到彼大無畏岸隨其所問 如是念設有衆生無量無邊從十方來以百千大法而問於我我於彼問

設 難可答相以不見故心得無畏究竟到彼大無畏岸隨其所問悉能酬對 如 悉能詶對斷其疑惑無有怯弱是爲菩薩第一無畏佛子菩薩摩訶薩得 有衆 來灌頂無礙辯才到於一切文字言音開示祕密究竟彼岸作如是念 生無量無邊從十方來以無量法而問於我我於彼問不見微少

離 斷其疑惑無有恐懼是爲菩薩第一無畏佛子菩薩摩訶薩知一切法空 我離我所無作無作者無知者無命者無養育者無補伽羅離蘊界處

竟到彼大無畏岸堅固勇猛不可沮壞是爲菩薩第二無畏佛子菩薩摩 永 何以故菩薩遠離我我所故不見諸法有少性相以不見故心得無畏究 出諸見心如虛空作如是念不見衆生有微少相能損惱我身語意業

歡喜心行菩薩行是爲菩薩第六無畏佛子菩薩摩訶薩已得成就第 故心得無畏能令衆生住於佛法是爲菩薩第五無畏佛子菩薩摩訶薩 說法是爲菩薩第四無畏佛子菩薩摩訶薩身語意業皆悉淸淨鮮白柔 念根心無忘失佛所悅可作如是念如來所說成菩提道文字句法我不 來障我行菩薩道少分之相以不見故心得無畏究竟到彼大無畏岸發 如來護念不捨菩薩摩訶薩作如是念我不見有衆魔外道有見衆生能 金剛力士天龍夜叉乾闥婆阿脩羅帝釋梵王四天王等常隨侍衞一 和遠離衆惡作如是念我不自見身語意業而有少分可訶責相以不見 訶 見有少分威儀令諸衆生生訶責焒以不見故心得無畏於大衆中安隱 **|薩佛力所護佛力所持住佛威儀所行眞實無有變易作如是念我不** 切

於中見有少分忘失之相以不見故心得無畏受持一切如來正法行菩

▼ 晟 姪 考五十六

道者以不見故心得無畏究竟到彼大無畏岸以大願力於一切世界示 無上大無畏岸普能示現一切乘道究竟滿足平等大乘是爲菩薩第九 是念我不自見當於二乘而取出離少分之相以不見故心得無畏到彼 現受生是爲菩薩第八無畏佛子菩薩摩訶薩恆不忘失薩婆若心乘於 自在到於彼岸修菩薩行誓不斷絕不見世間有一境界而能感亂菩薩 解脫及諸三昧總持辯才菩薩道法何以故菩薩摩訶薩於一切法已得 快樂而作是念我雖與此眷屬聚會不見少相而可貪著廢我修行禪定 成就衆生故於煩惱濁世示現受生種族尊貴眷屬圓滿所欲從心歡娛 力皆得究竟常勤教化一切衆生恆以願心繁佛菩提而爲悲愍衆生故 大乘行菩薩行以一切智大心勢力示現一切聲聞獨覺寂靜威儀作如 **薩行是爲菩薩第七無畏佛子菩薩摩訶薩智慧方便悉已通達菩薩諸**

M

共法佛子菩薩摩訶薩普能攝受一 淨戒無所毀犯具足忍辱心不動搖有大精進未曾退轉善入諸禪永無 子菩薩摩訶薩不由他教自然修行六波羅蜜常樂大施不生慳恪恆持 無畏而亦不捨菩薩無畏佛子菩薩摩訶薩有十種不共法何等爲十佛 佛子是爲菩薩摩訶薩十種無畏若諸菩薩安住此法則得諸佛無上大 拾菩薩願隨所應化一切衆生現佛境界而化度之是爲菩薩第十無畏 自在而成熟相以不見故心得無畏究竟到彼大無畏岸不斷菩薩行不 衆生行菩薩道作如是念我不自見有一衆生應可成熟而不能現諸佛 於諸佛菩提滿足一切諸菩薩行於諸佛所受一切智灌頂之記而常化 無畏佛子菩薩摩訶薩成就一切諸白淨法具足善根圓滿神通究竟住 亂巧修智慧悉除惡見是爲第一不由他敎隨順波羅蜜道修六度不 切衆生所謂以財及法而行惠施正

華 嚴 經 卷五十六

端正 不著己 文詞呪術字印算數乃至遊戲歌舞之法悉皆示現無不精 究竟彼岸心恆顧復一 教爲諸衆生發起善根求佛智慧不共法佛子菩薩摩訶薩到善巧方便 如 昧 **薩善巧迴向所謂不求果報迴向順佛菩提迴向不著一切世間禪定三** 等利益是爲第二不由他教順四攝道勤攝衆生不共法佛子菩薩摩訶 念現前 遊 不於中而現其身或於外道衆中出家而恆遠離一 迴向爲利益 |婦人智慧才能世中第 園)樂唯勤化度善能入出禪定解脫於諸三昧悉得自在往來生死 觀未曾暫起疲厭之心或住魔宮或爲釋天梵王世主一 和顏愛語其心歡喜示如實義令得悟解諸佛菩提無有憎嫌平 一切衆生迴向爲不斷如來智慧迴向是爲第三不由他 切衆生不厭世俗凡愚境界不樂二 一於諸世間出世間法能問能說問答斷 切邪見一切世間 一乘出離之道 巧或時示作 切生處

(一大五一)

大

積 捨菩薩智身菩薩摩訶薩成就如是無量智慧聲聞獨覺尙不能知何況 而 諸 生 知 雖現聲聞辟支佛威儀而不失大乘心雖念念中示成正覺而不斷菩薩 行是爲第四不 皆得究竟一 切童蒙衆生是爲第五不 集 衆 權實雙行道智慧自在到於究竟所謂住於涅槃而示現生死知無衆 現有婇女歌詠嬉戲雖以衆相好莊嚴其身而示受醜陋貧賤之形常 而 《生身常· 衆善無諸過惡 ·勤行教化究竟寂滅而現起煩惱住一堅密智慧法身而普現無量 切世間出世間事亦悉通達到於彼岸一 入深禪定而示受欲樂常遠離三界而不捨衆生常樂法樂 由他教方便善巧究竟彼岸不共法佛子菩薩摩 而 現生地獄畜生餓鬼雖已到於佛智彼岸而亦不 由他教權實雙行不共法佛子菩薩 切衆生恆來瞻 摩 訶 訶 薩 仰。

身

口意業隨智慧行皆悉清淨所謂具足大慈永離殺心乃至具足正解

華 嚴 卷五十大

菩薩摩 莊嚴志樂堅固雖處凡夫聲聞獨覺險難之處終不退失一 常 薩 心而能令彼諸惡衆生遠離妄見煩惱穢濁得求一 不由他教一切衆生皆悉樂見不共法佛子菩薩摩訶薩於薩婆若大誓 精勤滅除衆苦是爲第七不由他教常起大悲不共法佛子菩薩摩訶 鬼苦爲利益故不生勞倦唯專度脫一 訶 無有邪見是爲第六不由他敎身口意業隨智慧行不共法佛子菩薩摩 摩 寶佛子如有寶珠名淨莊嚴置泥潦中光色不改能令濁水悉皆澄淨 爲衆生之所樂見梵王帝釋四天王等一切衆生見無厭足何以故菩 薩具足大悲不捨衆生代一切衆生而受諸苦所謂地獄苦畜生苦餓 訶薩久遠世來行業淸淨無有過失是故衆生見者無厭是爲第八 訶薩亦復如是雖在凡愚雜濁等處終不失壞求一切智淸淨寳 切衆生未曾耽染五欲境界常爲 切智清淨 切智 心寶是爲 心明淨

業諸佛滅後守護住持諸佛法故一切變化業於一切世界說法敎化 故。 薩 等爲十所謂 薩 善知識不捨尊重佛不共法佛子是爲菩薩摩訶薩十種不共法若諸菩 善友不捨親近於諸如來常樂尊重是爲第十不由他敎得最上 就自覺境界智無師自悟究竟自在到於彼岸離垢法繪以冠其首而 第九不由他教在衆難處不失一切智心寶不共法佛子菩薩摩訶薩 業同 切神力業不離一 住 光中有蓮華座各有菩薩結跏趺坐而顯現故一切三寶種不 其中則得如來無上廣大不共法佛子菩薩摩訶薩有十種業 種善根故一切衆生業悉能教化故一切未來業盡未來際攝取 切加持業於一念中隨諸衆生心之所欲皆爲示現令 切世界業悉能嚴淨故一切諸佛業悉能供養故一 世界偏至一切世界故一 切光明業放無邊色 一法不離 切願 切菩 何 成

佛刹成壞示於衆生身業以一

身容受一

切衆生界身業於自身

一一普現

身業能

以一手磨一

切世界金

剛圍山碎如微塵身業於自身中現

切

遊行一

切世界身業往詣

一切諸佛衆會身業能以一手普覆

切世界

摩 悉成滿故是爲十若諸菩薩安住此法則得如來無上廣大業佛子菩 訶薩有十種身何等爲十所謂不來身於一切世間不受生故不去身 世間求不得故不實身一切世間如實得故不虛身以如實理示

於

切

相故普至身與三 衆 無上無盡之身佛子菩薩摩訶薩有十種身業何等爲十所謂一身充滿 世間故不盡身盡未來際無斷絕故堅固身一切衆魔不能壞故不動身· 切世界身業於一 魔 《外道不能動故具相身示現淸淨百福相故無相身法相究竟悉無 一世佛同一身故是爲十若諸菩薩安住此法則得如來 切衆生前悉能示現身業於一 切趣悉能受生身業

大五五

ō

故廣 身於 等為 薩 切 故是爲十岩諸菩薩安住此法則得如來無上大智慧身佛子菩薩 有 切衆生故智慧身與一 無盡故正直語發言易了故種種語隨時示現故開悟 如來無上佛業悉能覺悟 切清淨佛刹一 切衆生受無量苦無疲厭故大慈身救護 生悉清涼故不誑語所有言說皆如實故眞實語乃至夢中無妄語 十種語何等爲十所謂柔輕語使一 十所謂諸波羅蜜身悉正修行故四攝身不捨一 切處現前故神力身示 切釋梵四天王等皆尊敬故甚深語顯示 切衆 生於 切佛身同一 一切衆生佛子菩薩摩訶薩復有十種身何 中成道身業是爲十若諸菩薩安住此法 現 切神變故菩提身隨樂隨時成 性故法身永離諸趣 切衆生皆安隱故甘露 切衆生故福德身饒益 法性故堅固 切衆生故大悲身 受生故。 切衆生語隨 語 語說 令 摩 方便 正 則 訶

其欲 子菩薩摩訶薩有十種淨修語業何等爲十所謂樂聽聞如來音聲淨修 樂令解了故是爲十若諸菩薩安住此法則得如來無上微妙語佛

聲讚佛如實功德淨修語業以深淨心施衆生法淨修語業音樂歌頌讚 實遠離語四過失淨修語業歡喜踊躍讚歎如來淨修語業如來塔所高 語業樂聞說菩薩功德淨修語業不說一 切衆生不樂聞語淨修語業眞

淨修語 歎 切菩薩及諸法師而受妙法淨修語業是爲十若菩薩摩訶薩以此十事 如來淨修語業於諸佛所聽聞正法不惜身命淨修語業捨身承事 業則得十種守護何等爲十所謂天王爲首一切天衆而爲守護

龍王爲首一切龍衆而爲守護夜叉王爲首乾闥婆王爲首阿脩羅王爲 自己徒衆而爲守護如來法王爲首一切法師皆悉守護是爲十佛子菩 首迦樓羅王爲首緊那羅王爲首摩睺羅伽王爲首梵王爲首一一皆與

(一六五七)

令 歡喜 一 凊 障 剛 鄞 使 切 薩 生於 海 增長。 煩 切 有十種心何等爲十所謂如大地心能持能長一 心 世法不能染故如優曇鉢 決定深 惱 如 訶 虚 皆令除斷一 出 一切法界悉令周偏。 薩得此守護已則能成辦十種大事何等爲十所謂 切諸佛無量無邊大智法 子菩薩摩訶薩有十種發心何等爲十所謂發我當度脫 空 世間最上善根處故如摩尼寶王心樂欲淸淨無雜染故 切世界悉能往詣 心. 入一 不 切法故如《 可量故。 切習氣皆令捨離 是爲十岩諸菩薩安住其中則得 金 華心一 剛 切涅槃普令明見是爲十佛子菩薩 切諸根皆能 圍 山 水 切劫中難值遇故如淨日心破 心諸魔外道 悉流入故如須彌 切欲樂皆令明潔 了知。 不能 切衆生諸善根 切勝解悉令清淨 動故。 山王心置 如 切深 切衆 來 如 無 蓮 摩 生皆 上 如 故。 心 金 切 如 訶

徧

切智慧心隨順了知法界故周徧

切無邊

心知諸幻網差別故

周

切無礙心不住自

心他心故周

偏

切

無生心不得諸法自性故周徧

世 心發我當於一切世間一一毛端處現一 心發我當斷除一切疑惑心發我當除滅一切衆生苦惱心發我當除滅。 界擊無上法鼓令諸衆生隨其根欲悉得悟解心是爲十若諸菩薩安 切惡道諸難心發我當敬順一切如來心發我當善學 心發我當令一 切衆生除斷煩惱心發我當令一 切佛成正覺心發我當於 切衆生消滅習氣 一切菩薩所學 一切

何等為 家成道轉法輪般涅槃悉明了故周徧 邊 故周徧 一十所謂周徧一切虛空心發意廣大故周徧一切法界心深入 一切三世心一念悉知故周徧一 切衆生心悉知根欲習氣故周 切佛出現心於入胎誕生 無

住

「其中則得如來無上大發起能事心佛子菩薩摩訶薩有十種周徧

4<u>()</u> 0

1 1111 ~

N

竟 故。 著 魔 薩 種 照 息 無 見 徧 力故是爲 根究竟 外道 乘道 摩 佛 切受生處 切自 訶 切佛境界故無差別 切 安住根不斷 深 所 佛 法 薩 動 心。 有十種深 信不壞故希 周徧莊嚴佛子菩薩摩訶薩有十種 在 **了達** 切衆生 深 十若諸菩薩安住 心。 深 心淨 小心具足 念普現成佛故是爲十若諸菩薩安住其 心何等為 修 切 事 切菩 望根・ 佛菩提深 故。 如金 薩行故微細根入般若波羅蜜 切 根· 切微 所聞佛法皆 如 剛根證. 來 其中則得如來 切 心隨順 所謂 圓滿 細 如 智深心修 來 智深 不 同 知 染 悟解故不退根· 心受持 身故。 切 切 ___ 、諸法性: 根。 智智道 切 無上大智圓滿 何等為 世間 切諸佛法深心是爲 無礙際根深 故金剛 切所聞 深 法 微妙理故 心不為 十所謂歡喜根 深 (中則得) 1,0 切 根佛 法 光 作 不 入 雜 如 事 燄 深 皆 切 來 無量 心。 根· 普 切 休

增上深 成熟一 所作皆不退轉至究竟故禪定勤修解脫三昧出現神通離 他 切三昧神通變化莊嚴故安住增上深心攝受本願故無休息增上深心 心普入種種法門故上首增上深心一 增上深心解 種 想忍 切不求報故持戒勤修頭陀苦行少欲知足無所欺故忍辱勤修離自 深心深入一 諸菩薩安住其中則得一 增上深心何等爲十所謂不退轉增上深心積集一切善根故離疑惑 心佛子菩薩摩訶薩有十種勤修何等爲十所謂布施勤修悉捨 切衆生故是爲十岩諸菩薩安住此法則得一切諸佛無上清淨 切惡畢竟不生恚害心故精進勤修身語意業未曾散亂一 切佛法故爲主增上深心一切佛法自在故廣大增上深 切如來 密語故正持增上深心大願大行所流故最勝! 切智無上淸淨深心佛子菩薩摩訶薩有 切所作成辦故自在增上深心 切欲煩惱 切

大

薤 隨 定解出生種種莊嚴故廣大決定解其心未曾狹劣故寂滅決定解能 鄞 是爲一岩諸菩薩安住此法則得如來無上大智慧勤修佛子菩薩 如 衆 鬭 摩 時 解隨意能現神通故紹隆決定解一 堅固決定解摧破 深法性故普徧決定解發心無所不及故堪任決定解能受佛力加 有十種決定解何等為十所謂最上決定解種植尊重善根故莊嚴 來 生 諍諸眷屬**故智慧勤修修習積聚**一 成 訶 十力勤修了達無礙示衆生故不退法輪勤修轉至一切衆生心故 |無自性故大悲勤修知諸法空普代一切衆生受苦無疲厭故覺悟 《佛故是爲十若諸菩薩安住此法則得如來無上決定解佛子菩 薩有十種決定解知諸世界何等爲十所謂知 切魔業故明斷決定解了知 切佛所得記故自在決定解隨意 切功德無厭倦故大慈勤修知 切業報故現前決 切世界入 摩

華 嚴 經 卷五十大

諸佛法 摩訶 其所欲爲現聲聞獨覺寂靜威儀知一 是 知 生 佛 切 知一 界悉入如來藏知 爲 道場皆悉周偏知一 切世界皆如虚空知一切世界具佛莊嚴知 知 世界入一毛孔知一 薩 一十岩諸菩薩安住此法則得如來無上佛刹廣大決定解佛子菩薩 切衆生界爲現如 器知一切衆生界隨其所欲爲現釋梵護世身知一 切衆生界悉入一衆生身知一 有十種決定解知衆生界何等爲 世界入一 切世界知 衆生身普入一 切世界一音普徧令諸衆生各別了知心生歡喜 來相好寂靜威儀開悟衆生是爲十若諸菩薩安 切世界入一衆生身知一 切世界· 切衆生 切衆生界悉入菩薩身知一切衆 切衆生界知 一所謂知 如來身一 界爲現菩薩功德莊嚴身。 切世界一 切世界菩薩充滿 蓮華座皆悉周偏 切衆 切衆 佛菩提 生 生 切衆生界隨 界本 界悉堪為 性 樹· 知 知 無

住此法則得如來無上大威力決定解

大方廣佛華嚴經卷第五十六

南無三滿哆沒駅喃阿鉢囉帝喝多折折捺彌唵雞彌雞彌怛塔葛塔喃

末瓦山矴鉢囉帝烏怛摩怛摩怛塔葛塔喃末瓦吽癹莎訶

普光三會萬行圓修普賢瓶瀉二千酬苦海泛慈舟一句全收法義一

周

華嚴字母衆藝親宣善財童子得眞傳祕密義幽玄功德無邊唱誦利人

天

容 © 减室 增室 宗束 租束 遭室 災室 資室 津室 錢瑟 浸室 簪瑟 陬室 左室 唱 左室 字時普願法界衆生入般

若波羅蜜門

侘◎募僜蹱攄超搋絺獬脠琛覘抽侘唱侘字時普願法界衆生入般者

波羅蜜門

陀

)唐滕彤圖韜

新 配 田 脚 〇

)曇骰陀唱陀字時普願法界衆生入般若

波羅蜜門 生四 九十 有二 同字 前四

音釋

薩 競音 恪音 迫 遊場地間地華逼音 如疏 恚 鄙音 迫 世云 也音 也吝 隘 嫌狹挨 縱依 恨胃 情正 也怒 嫌音 也去 遊染 狹 也賢 聲 嬈

校異同

第

四頁

流八

通行

本藏

法本

雨味

第十二頁第

通十

本行

作藏

菩本

言通 雨第

是念 念流

> 戲淨 狹音 僧 而相 也浹 戲亂音

> 無作 窄 戲喜 也饒 損而 隨然去內 眠 也聲 入音 動皆 是不 隨瑜 娛 也納

> 遊壞眠伽娛音 擲 戲本 能云 也虞 投音 義相 為煩 歡 也直 悉 種惱

> 潦 詶 种 子鑫 潦音 答音 聲稱 生重 也老 之紬 去 起隨 泥 也以

> 一附 繪 言 切依 稽情 沮 沮 貫音 煩身 帛曾 也音 惱說 也二 遏咀

> > 菩

故名 音 也止 鬭

慳

苔额 提 第十三頁第

> 本十 如行

二九

(一大大五)

輾轉流通者回向偈曰

以

此

功

德

恭印:一二〇〇本

流水號: 11018 號 ·· CH342-13

大 方 廣 佛 華嚴經 (八十華嚴) 中冊

行 人:林國營

版 者:財團法人佛陀教育基金會

網地 址:100台北市杭州南路一段五十五號十一

址:http://www.budaedu.org

E-mail ·· budaedu@budaedu.org

劃撥戶名:財團法人佛陀教育基金會 郵局電 話:(〇二)二三九五——一九八傳 真:(〇二)二三九一—三四一五

郵局劃撥帳號:○七六九四九七九

銀行名稱:台灣銀行城中分行(請於電匯或轉帳後告知本會用途)

銀行帳號:〇四五〇〇四五九七五〇三

本會經書免費結緣之請取方式如下:

(一)親臨|本會三樓講堂。 (二)利用傳真:(02)23965959

(三) 撥打電話:(02)23951198 分機:11、12

請取,並請詳寫經書名稱、冊數及收件人姓名、地址、電話、郵遞區號,以減少本會之 為提高服務效率,請您嚴謹考量,慎選所需經書;儘量少用電話,多利用文字方式 址:http://www.budaedu.org/books/。(五)寫信指定:本會法寶流通股

◎本會經書, 處理時間;若大量申請,請註明用途,且避免姓名、地址等文字上書寫之錯誤。 歡迎翻印(請勿增刪),贈送流通,功德無量 0

◎本會交通

先亡

獲

超

昇

現眷

咸

安樂

讀

誦

受

持

Y

輾

轉

流

通

者

人

各

習

禮

讓

悉

皆

盡

滅

除

及

與

饑

饉

等

所

有

刀

兵

劫

增

長

諸

褔

慧

圓

成

勝

善

根

消

除

宿

現

業

※捷運:善導寺站5號出口,至杭州南路右轉,過兩個紅綠燈。

Ж 《公車站牌:審計部站→212、299、232、205、276、605、257、262 台北商業技術學院→253、297、237 仁爱路二段→222、297

開南商工→208、295、297、15、22、671

法

界

諸

含

識

同

證

無

上

道

人

民

悉

康

寍

風

雨

常

調

順

行 政 院 新 聞局出版 事業登記 證 局 版 臺 業 字 第 \equiv 八 六 九 號